

MARSHAL FENG YU-HSIANG

MG  
E2969  
2

SERIES No. 7

MILITARY TELEGRAMS



馮煥章先生叢書之七

祥軍事要電彙編

上海軍學社印



3 1799 8904 5

二十二年十月廿五日  
 主 章 勳 馬



革命精神不與  
 變遷鳴呼下山去

精神雖貧奮為首  
 去陞泉發武將手

革命與社會亦日  
 兩神志水三千走

不致目泊不謂朴  
 一盤麵菜兩碗粥

革命精神不與  
 變遷鳴呼下山去

精神雖貧奮為首  
 去陞泉發武將手


革命與社會亦日  
 兩神志水三千走

不致目泊不謂朴  
 一盤麵菜兩碗粥

首兩詩志述主章勳馬

When Marshal Feng was a Second Lieutenant at the age of twenty

主 章 燧 升 之 初 是 開 升 式



Marshal Feng Yu-Hsiang was a Colonel

馮玉祥受贈常備軍南滿洲軍官時在旅長王世武處



民國八年十二月二十六日

Marshal Feng wounded at Changteh, Hunan, when he was serving as a Brigadier Commander

鄂爾圖勒汗其圖蘇其汗圖爾開夏令會



General Feng Summoning his officers to the Summer Conference at Tushu Kiyet  
圖爾開夏令會聚餐

A dinner party of the Tushu Kiyet Summer Conference




南蕪圖爾開夏令會風景之一



圖爾開夏令會風景之二



Motor-cars and tents of General Feng's army



首領革命前部軍用機器及汽車並其營帳

General Feng examining his officers on fencing



馮將軍對南漢軍知縣吳剛官其相陣

Inspecting the machine guns




首領革命出發前對總辦林君

Gen. Feng teaching his officers to learn tree-climbing



馮將軍對南漢軍知縣吳剛官其相陣

青島園珠池園吳




Голый Яемле)  
Оберия Сатемонъ of the Срусу Срунг Тас (Еисонтариг)



南漢縣忠師塔與典廳

Светла] Кетг  
those who died in recent years by  
A monument erected in memory of all



南漢縣建立之全軍烈士祠之烈士紀念碑

馮國璋將軍與官兵在廣東南寧



Speaking to his troops after inspection

馮國璋將軍與官兵在廣東南寧



Speaking to the artillery Corps of the 11th Division

十二月五日


馮國璋將軍與官兵在廣東南寧



General Feng addressing his troops at Nanyuan, Peking


十二月十一日

馮國璋將軍與官兵在廣東南寧



Speaking to his officers after an examination on wrestling

官員體耐全軍參觀之非好  
 官南英大附處香馬策八號



十二年三月一日

Examining the officers on Callisthenics

香谷目兵陳館



十二年正月三日

Inspecting Soldiers Charging with bayonets

那爾閱與并南英閱兵西人攝製軍景



十二年七月十五日

Western photographers taking motion pictures of General Feng while inspecting his troops at Nanyuan.

軍 閻 錫 山 之 中 國 室 圖 冊



Marshal Feng Yu-Hsiang in Studying Room

劉鳳詒與胡景福談革命與論之鄧求主



高世  
學主  
劉鳳詒  
胡景福  
談革命  
與論之  
鄧求主

學無不少  
效學于  
時氏

鄧鳳詒  
胡景福  
談革命



鄧鳳詒  
胡景福  
談革命

非對者理也

馮強官長與南英谷合謀與關劍馮



十二  
年  
三  
月  
四  
日  
攝  
影

General Feng studying with his officers at Nanyuan

馮強官長與南英谷合謀與關劍馮



十二  
年  
四  
月  
五  
日  
攝  
影

General Feng supervising his soldiers repairing the tombs in cemetery at Nanyuan on Arbor Day 1933.

鄂蘇同命愛勤士卒亦盡骨肉同胞轉之罪紳爵為兵士無彭謝坐當編共圖殺  
 十月半習輪旗口和聯為兵士獲囑洪甲習紙專



Marshal Feng trimming the tails of soldiers at Tsakow, Honan


張清雷地檢閱機關槍前發出革命都首



Inspecting the mines before the 1924 Coup d'etat at Peking

(十三平十月)

駐五軍改裝旅中五率預南京迎軍要人贈匾額巨令至翁世開會嘉庚




圖兵軍守圍桂縣營鄂城



圖兵軍士兵單人觀下



田密梁火藥並兵曹親城內市魯軍之圖兵軍鄂城



令巨總馬方局不與理合



十式年六月二十五日

一也食與行甘 竟前不夜營綠長  
 正無本款一平另 世間苦樂成景異 自奉豈宜太艱義 以人半語酬平良  
 一國軍未一思難 一骨無餅一新預 在墨殊兼苦兩查 夜夜革命家對全

馬 鄂縣巨令自錄稿二首 叩




鄂縣巨令坐理校行軍耕土寫書



坐理校寫書

畫之贊和村災西山風圖介同縣那



鼠之告津縣具陪某餽介同縣那



鄂蘇軍令之發營坐話



鄂蘇軍令之發營坐話





圖兵軍亦渡西港島三列主義際士師之大門



十月廿五日

圖縣同令官開桂益刺丁官兵新武對亦港渡樹才坐也野午




十月廿六日



圖縣同令官對官兵益開桂圖兵軍義此添武

圖列軍前職政農商崗文三列注葬德士師全景




德縣區合縣急濼濼圖列軍義航游與(十式年夏)



阿列軍政辦王車苗忽人及器蓋亂聯



阿列軍之兵士與軍中器忽人乘耕耕



武渡池非王家姓(一武、六、二四)

鄂縣區令縣軍醫官刺景德

忽百我雷那(十式軍南小孟林)




十式軍夏

以革命為第一

非門非一非不無心無意其實非真  
真真真會苦極苦不自來殊殊殊  
非且非心窮一非極非極非極非  
實非非非非非非非非非非非非  
非非非非非非非非非非非非非  
人非非非非非非非非非非非非


鄂縣區令縣軍革命軍人早刺景德

鄂聯軍司令部向列樂福之二



十月  
廿

鄂聯軍司令部向官列樂福



十月  
廿

鄂聯軍司令部向小孟林與隊人富里天



十月  
廿

鄂聯軍司令部向羅王田軍雷世城軍事



十月  
廿

鄂蘇軍令成回馬將軍劉



「劉將軍自投蘇軍，蘇軍門戶」

鄂蘇軍令成回馬將軍劉

問：劉將軍不辭不歸了，回去過甘惠？

問：劉將軍的職別是甘惠人？

問：劉將軍的職別是甘惠人？

問：劉將軍的職別是甘惠人？

問：劉將軍的職別是甘惠人？

問：劉將軍的職別是甘惠人？

答：「劉將軍自投。」

答：「蘇軍自投。」

答：「蘇軍自投。」

答：「蘇軍自投。」

答：「蘇軍自投。」

- (一)
- (二)
- (三)
- (四)
- (五)
- (六)

問：劉將軍不辭不歸了，回去過甘惠？

問：劉將軍的職別是甘惠人？

問：劉將軍的職別是甘惠人？

問：劉將軍的職別是甘惠人？

問：劉將軍的職別是甘惠人？

問：劉將軍的職別是甘惠人？

答：「蘇軍自投。」

答：「蘇軍自投。」

答：「蘇軍自投。」

答：「蘇軍自投。」

答：「蘇軍自投。」

▲非外和圖列軍時會問答▼

How Marshal Feng train his troops





日四廿月年武十

- (八) 一號七號當非全軍團總計命非
  - (七) 二十號七號廿四山嶺關
  - (六) 廿號無非非非非
  - (五) 廿號非非非非非
  - (四) 廿號非非非非非
  - (三) 廿號三百米非非非
  - (二) 廿號非非非
  - (一) 廿號非非非
- 圖非非非非非非非非非

圖非非非非非非非非非

一號七號當非全軍團總計命非！



# 馮玉祥軍事要電彙編目錄

卷一	軍務
卷二	軍略
卷三	戰術
卷四	訓練
卷五	誠勉
卷六	政治工作
卷七	軍政
卷八	軍需
卷九	軍械
卷十	軍醫
卷十一	軍運

卷十二 軍法

卷十三 獎卹

卷十四 勦撫

卷十五 徵募

卷十六 用人

卷十七 愛民

卷十八 雜俎

# 馮煥章先生叢書之八

## 馮玉祥軍事要電彙編

襄陽孟憲章纂輯

### 卷一 軍務

討張勳告捷通電 民國六年七月八日

六年七月一日，張勳擁護儀復辟，時馮氏已被免十六混成旅長職，隱居京西天台山，聞訊大痛，乃與京寓，得五千元，充作軍餉，遂馳抵廊坊，率領舊部督師討平之。

張逆叛國，天怒人怨，胆敢陸續開拔辦軍，會合於京奉路萬莊以北一帶，以備南下。敵旅奉段東路司令命令，與第八師之十五旅，於六號早施以痛擊，一潰而散；現正實行追擊，不殲滅小醜不止。望與義師，共討國賊，馨香祝禱，無任盼企！

請于鄧催陝軍速解長安之圍電 十五年十一月十八日

鎮嵩軍劉鎮華，圍困西安十月，城內糧盡援絕，備極慘楚，馮氏五原督師後，首派大軍三路援陝，於十一月二十七口攻下。

咸陽于同志右任，乾州鄧總指揮寶珊吾兄大鑒：右任先生來電，敬悉河北各部，缺乏子彈，定當設

法補充。目下我軍正在西安城下激戰，乃據孫總司令良臣來電，三原一帶之國民二軍，爲數萬餘，竟均袖手旁觀，漠不在意，此事關係甚重。當此萬分緊急，立分成敗關頭，所有陝中各部，即每人只有二三粒子彈，亦應幫同攻敵，雖投石吶喊，亦可助威，決不能以徐待子彈補充爲辭，坐令援陝各軍之失敗。況由此運送子彈，途中必需一月有奇，偷長此作壁上觀，則在此長期之中，戰局變化，何堪設想，如在陝二軍，仍袖手坐視，各顧各人，則爲袍澤之生命計，余亦未嘗不可將孫部撤回，以免徒作無益之虛擲。除此間積極運送子彈外，務請我公對於在陝各同志，效申包胥之哭師，剴切勸告，總以能督促其一鼓出擊，速解西安之圍，而早達出關會師之目的，是所切禱。弟現將綏包事務，畧爲拚擋，即率大隊西行，進駐平涼，指揮一切，並以附聞。

令方振武速攻長安電 十五年十一月十八日

兄部鞋襪，已電劉總司令極力籌備。現時西安軍事緊要，務請兄部火速前進，至少必須挑選二千人以上之兵力，由兄親率前往，無論雨雪，均盼兼程前進，以應戎機，免致牽動大局。至於貴部所需一切物品，均當設法補充，請勿爲念！

令馬鴻逵劉汝明速攻長安電 十五年十一月二十一日

馬師長少雲弟，劉師長汝明弟鑒：我軍自前月二十五日援陝以來，勢如破竹，直逼西安。官兵餐風宿露，千里驅馳，彈雨槍林，備受勞苦，遙望秦中，曷勝馳系！惟念：（一）甘肅爲我軍之根據地，甘陝毗連，表裏相依，唇亡齒寒，關係綦重，故解西安之圍，即所以解甘肅之圍，亦即所以鞏固我軍根據之地。（二）嵩匪受吳指揮，圍困西安，數月於茲，秦民何辜，遭此荼毒！本已飢已溺之懷，慰陝人雲霓之望，爰與挫伐，義不容辭。（三）邪正分途，勢難並立，我不驅彼，彼必攻甘；我不殺敵，敵必殺我。是爲救國救民計，爲自衛以衛關中父老計，均應同讎敵愾，滅此朝食。我軍與國民革命軍，共信中山主義，改造時局，既已獻身黨國，遑計目前安逸？望我官兵，共明此義，雖身處艱困之中，應益奮英武之氣，亟與陝中二三兩軍，戮力同心，迅掃敵氛，庶可早與黨軍聯絡聲援，告成大業也。

### 通告各將領各方情形電 十六年二月二十五日

馮氏於十六年一月抵西安，乃一方賑濟飢民，撫卹傷亡，一方準備大舉出關北伐。以下各電，即述在此準備期間情形。

茲將各方情況，分條詳示如下：（一）山西方面：余在潼關時，閻百川即派其河東道尹崔文獻來接洽；回長安後，閻又派其警務處長南桂馨，偕本軍代表李慶施同來此間，表示誠意合作。現已擬定聯

合辦事處，及確實進行方法，囑該代表回晉，即日進行。前山西有奉軍假道之傳說，完全不確。(一)河南方面：劉鎮華已受我方委任爲駐豫軍總司令，並言確實合作到底。已派任處長右民，前往擔任該部政治工作矣。靳雲鶚遣代表前來，已過潼關，本日可到長安接見。奉軍以武力侵入河南，黃河以北之吳佩孚所部，有爲奉軍所繳械者。聞吳有往五台山爲僧之說，各處發吳佩孚鄭州電報，均已退回。齊燮元等通電，擁靳雲鶚爲保境總司令。(三)漢中方面：前吳新田代表王霽在此間，已接受第十六路總司令委狀，於五日回漢中，此時想可到達，即當正式就職。(四)已派孫連仲爲第十四路總司令，進出商南一帶，打通陝鄂交通。特電知照。

促劉鎮華就職電 十六年三月四日

各電敬悉。浙滬攻下以後，南京安慶，垂手即得。連接介石同志電，即日親率大兵四十五萬，由贛入皖。其在津浦路方面，由何總指揮應欽擔任；其在京漢路武勝關方面，由唐總指揮生智所部二十餘萬擔任，均卽長驅北上。囑兄迅率各同志，務於二三月之交，會師中原等語。此間已令劉總司令郁芬，宋副司令哲元，率步騎兵八萬，由寧夏進展；兄自率大兵十五萬東下，業均準備妥善。百川弟連派崔道尹廷獻，南處長桂馨代表來此，尤出兵七萬，完全與我方一致對奉。且爲聯絡便利，卽共派軍政要人九員，在

趙村設立國晉聯合辦事處，以便協商軍機。在軍事上之動作，由百川啓予，擔任石家莊大同兩方截敵後路之任務。恐敵已經知悉，發動之期，迫在眉睫。敵在河北取守勢者，蓋實爲此。現汴鄭形勢，既甚緊急，我軍計劃，更須提前進行。請弟尅日宣布就職，所需械彈等項，悉由兄積極運送補充。此間已一面分催介石白川迅速前進，一面即親率本部東下，以收共舉滅敵之效。時機難得，萬請勿遲！大梁會師，指顧間事。錫三兄已於冬日馳返，詳陳一切。兄與我弟握手痛飲黃龍之時，當詳罄契闊也。特電飛復，佇盼捷音！

告李忻敵我及各方情形電 十六年三月六日

歸化總部李參議顯堂同志鑒：宥電報告四條備悉。啓予弟爲有覺悟有決心之同志，所擬各種，無任欽服！現時機迫切，應準備發動，以期貫徹。茲將此間各種情況及消息，分舉如左：（一）查一般同志，均有澈底覺悟，二月上旬，曾在省開革命軍事會議，旅長以上均出席，討論軍事政治財政統一各事項，一致通過。現經規畫防區，分頭編練。黨務進行，尤爲發達。（二）吳芑蓀已於二月宥日就我軍第十六路總司令職，該部改編爲兩師三旅，此刻正抽調一部，經與安白河出南陽方面。（三）第十四路孫總司令連仲，率部兩師三旅，已達荆紫關。襄陽張師長聯陞，迭電來此，願與陝邊聯成一氣。現漢口之路已通，款械均已起運。駐浙川一帶之劉世傑、袁寶德各部，均受我軍改編，聽候調遣。（四）劉雪亞已加入

本黨，迭派代表王鴻恩、郭景岱來此接洽，任爲本軍東路總司令，並激任右民諸人前往作政治工作，靈寶一帶交孫良誠部接防。王振何夢庚各部已開赴河北懷慶一帶，進攻奉軍。現陝豫電線交通均已恢復。（五）百川迭遣崔道尹廷獻、南處長桂馨來此，雙方派員設立軍政聯合辦事處於趙村。國民政府亦催百川與此間早日共同解決北方時局。予派李子善、薛篤烈常駐太原，並請徐次辰前往。次辰所部現編爲第十五路，即協同晉軍，由保德經太原出石家莊方面，截斷敵軍。現敵已察覺，正收縮戰線。（六）北伐軍於上月巧日克復杭州，敬日佔領上海，本月微日，又下安慶南京。孫傳芳已至天津，南京旦夕可下。陳雪軒已就第三十七軍軍長，合力進攻。蔣介石同志，決定親率大軍四十五萬，長驅北伐。津浦路方面，由何總指揮應欽担任。京漢方面，由唐總指揮生智率八軍之衆，援應豫軍。蔣唐代表，現時均在此間。（七）靳薦青在漯河就保衛總司令職，通電倒吳討奉。田維勤、魏益三、王維城、王爲蔚，編爲四方面軍，分四路發展，先清豫境，橫斷津浦徐宿之線。其在隴海路之奉軍，不過一師，王爲寧、高汝桐、閻日仁、賈萬興等部，已開始迫攻。田亦率紀文林、馬吉第、陳得霖、蕭廣傳等部，由新鄭直趨蘭封前線，業均接觸。靳田等均有代表來此，請同時出兵。（八）山東方面，孫宗先諸人，已與我軍約定攻敵。餘經馬鳳林、王義元等，編安七萬餘人。河南方面，已由韓多峯等，編安五萬餘人。工人方面，京漢隴路兩路，曾組織交通別

動隊一百餘班，合計五千餘人。其他工人團體，均可及時發動。農人方面，紅槍會已聯好六七萬人，前在河北與奉軍衝突，均爲主義之所驅使。（九）奉軍中西兩路，近日向後撤退，東路亦不敢發展，仍欲襲前歲放棄蘇皖之故技。（十）四川將領，如劉湘，劉文輝，賴心輝，鄧錫侯，田頌堯諸人，均已接受革命軍長職，聯絡甚切。（十一）此間業將第一，第三，第四，第五，第六各路，第四，第五，第十，及騎兵各師，合原陝中各部，共計二十餘萬人，調集西安潼關一帶，不日親率東下。其在北路方面，已令宋總司令哲元，率第七路及第一第八第二十二第十一騎兵第五各師，以及甘軍四旅，準備以八萬餘衆，協同啓予出兵察熱。當此時機緊迫，務請啓予早日發動，此間即令該路總其指揮，以期一致。

告李鳴鐘六事 電十六年三月二十一日

南昌國民革命軍總司令部轉李代表鳴鐘同志鑒：（一）此間計定分四路出兵：一路出白河老河口，一路出武勝關荆紫關，俱令與北伐軍切實聯絡。一路出寧夏綏包，協助商啓予前進，直搗察熱。一路出潼關，兄自統率。不知我北伐軍定於何日出武勝關前進？並定幾多兵力？如以大部與此間同時夾攻鄭州，當收事半功倍之效。希催請介石同志，迅速發動。（二）劉雪亞在陝州，已接收我東路總司令委任，其所部正向河北懷慶一帶集中，一致攻敵。吳芑蓀受第十六路總司令職後，已令開出一師以上

兵力，直趨豫西，爲會師之一助。靳薦青由豫中各部，舉爲保衛軍總司令，迭有代表來此，其主張爲倒吳討奉；其目的在截斷徐州宿州津浦路綫。近雖小挫，正可汪其全力，直撲皖魯之交。兄意我北伐軍，須迅速向浦口一帶遠道繞攻，以收奇效。（三）閻白川迭派代表分赴此間及介石同志處接洽，應下一種工夫，鼓勵前進，使中可與介石同志計議及之。（四）此間自南口轉進後，物質上損失極鉅，各種械彈，尤待補充。庫倫一路，近日雖已探通，因繞道過遠之故，卽令能以採購，所費實屬不貲。現甘省羅掘俱窮，陝省反須救濟，靈寶至平涼一路，沿駐大兵十餘萬，不特發餉借款，毫無希望，甚至籌辦糧秣，亦費張羅；補充軍實，更談不到。刻陝鄂往來，業已打通，關於餉械兩項，務請備述困難詳情，懇請介石諸同志，特別幫助，迅予以大宗接濟，趕速進來，以救眉急，免妨大計。（五）介石同志前囑代購軍馬二千匹，已迭電郝芬弟分遣專員，在甘涼購賞；雖今歲新馬缺乏特甚，不易購集，亦當努力購齊，不致有誤需用。（六）弟與菊村弟，擬辦軍事學校，訓練軍事人才，可速進行。其他有明白主義，諳練軍事人才，亦盼多多物色，請速北來。對於新書及黨的組織等等，尤望吾弟多請有新思想人員，相與討論。蓋以革命工作，實行固爲要事；而理論見解，尤須注重，方可得正確之結果也。

告劉驥出兵遲緩原因電 十六年四月七日

現當大局緊張之際，吾弟須每日均有報告，以通聲氣。現麻振武尙在渭北同州，負嵎頑抗，止調韓復榘部，由乾州前往圍攻。原駐同州之方振武，已令其開赴靈寶。陝西舊二三軍各部，雖已改編，調令作戰，頗感困難。第八路李雲龍部，刻在藍屋鄠縣，已令飭向南陽開拔，應援樊鍾秀部；顧察其意，一時恐尙未能成行。第十一路田玉潔部，在同州，三原，涇陽一帶；第四路楊虎臣部，在三原，韓城，郃陽一帶；第十二路衛定一部，在鳳翔，寶雞，興平，扶風，武功一帶；第十七路鄧寶珊部，則在高陵，淳化一帶。受此次打擊以後，能覺悟前失者，固不乏人，但仍半持從前舊思想者，仍屬多數。欲資爲用，頗屬不易，調赴前線，既百方推諉趨避，留置後方，又慮其干命亂政，定計遲緩，職此之由。

#### 告劉驥前敵及後方情形電

十六年五月十八日

馮氏於十六年五月五日，在西安就第二集團軍總司令職，翌日，即出關大舉北伐。以下四電，即敘述出關後以次佔領涇州各地情形。

寧夏無線電台拍漢口坤厚里一號劉代表菊村弟鑒：（一）洛陽方面：現洛陽有張治公部，數約萬人，用奉軍旗幟，在西宮附近，構築工事，以謀抗拒我軍。鞏縣近到奉軍一團，吳佩孚率其殘部，於文日向南馳逃去。我軍騎兵大集團，在洛陽新安一帶活動；第二，第三，第四各路，今日可完全通過澗池，明日卽向洛陽攻擊前進；想張治公所部，當不值一擊也。劉鎮華殘部，多向汝州潰退。前在盧氏敗退之萬選

才，及在洛寧之姜明玉，均願受命改編，已提出以先向洛陽解決張部爲條件，概允照辦。故我軍梁冠英師，田盧氏向洛寧；安樹德師，由觀音堂向洛陽推進。姜萬各部，掩護我軍右側。第五路石友三部，今日通過觀音堂；第六路韓復榘部，今日可達陝州。（二）南陽方面：據孫運伸電報告，于學忠本部集中鄧縣，并無東進牽制北伐軍之企圖。劉世傑袁寶德部，經我軍便衣隊協同民團攻擊三次，消滅殆盡。劉袁率殘部數十人，向鎮平方面逃去。馬文德有七百餘人，槍四百餘支，由鎮平開到內鄉。已令職路李福順團，協同魏鳳樓旅，向內鄉前進等語。刻孫已進駐浙川，卽向南陽攻擊前進。南路軍岳西峯所屬之姜鴻模，何毓斌兩師，亦出發向該方前進，餘亦正在開拔中。（三）後防情形：第十三路張維璽所部共六旅，分駐西安渭南潼關一帶。近以第十師及第八師編爲第二路，以劉汝明爲總司令，圍攻同州麻匪振武。他如在甘肅境內者，有寧夏之第七路及暫編第一師，平涼涇川一帶之第二十二師，騎兵第一第五兩師，天水之第十一師，蘭州之三個獨立旅。此前敵及後防之大畧情形也。

告唐生智豫西軍情電 十六年五月二十六日

本日接吾兄電，承示進兵情形，敬悉。此間主力軍，東攻洛陽，沿途攻取靈寶，陝州，澗池，新安，盧氏，宜陽，七城，現已進圍洛陽。奉軍自鄭州方面抽兵西援，數約三萬，此時正在攻擊。頃接前方電話，本晨已

將其第一線擊破，預計日內，當可將該敵解決。此次奉軍，以大隊西援，實犯用兵之忌，經此一擊之後，兩方並進，鄭州奉軍，當可不攻自退。孫總司令連仲，進攻于學忠部，發展極速，南陽鄧縣，均在圍攻。請晉兄轉催樊何各部，猛進夾擊，使之首尾不能相顧，至爲企盼。

通告佔領洛陽電 十六年五月二十六日

頃接前方電話：我軍已於本日下午二時，完全佔領洛陽，洛陽以東鐵路，早被我騎兵集團所毀壞，敵軍歸路斷絕，完全被俘，內奉軍約兩萬餘人，火車六列，詳情續報等語。查奉軍此次來援洛陽，總數約三萬餘人，內步兵二十七旅，三十六旅，第六旅，騎兵第四旅，皆爲張學良直轄之精銳部隊，有留在鄭州作總預備隊者，此次皆爲俘虜，精銳喪盡，在日內決其必將棄河南北走矣。除飭前方部隊，從速向鄭州進展外，特聞。

告劉驥軍事佈置情形電 十六年六月七日

日前余到潼關，閻白川派崔道尹廷獻代表來與我軍接洽，嗣後又派其親信之南處長桂馨，銜結而來，業與我軍商定，一致對敵。即由雙方及黨部，各派三人，設立國晉聯合辦事處於趙村。在攻奉時，晉任石家莊大同兩方截敵後路任務。余並令徐永昌協同動作，現徐已駐太原，專辦此事。劉雲亞迭派王

鴻恩郭景岱來此，表示合作，業委爲第二十三路總司令，共同革命，現浙滬又下，劉志當可益堅。靳薦青處，前有王海門前往聯絡，靳就職保衛軍總司令後，即派譚炳權代表來此，余已允以全力相助。吳芭孫於上月宥日，通電就本軍第十六路總司令職。各方聯絡，大概如此。至本軍計劃，已定分四路發動：一由宋總司令哲元，率步騎兵由寧夏經包頭，攻察哈爾。一由張總司令維璽，經漢中出湖北，與北伐軍連結。一由孫總司令連仲，出武關，入豫西。一由余親率大兵，出潼關，入洛陽，而以孫良誠爲前敵總指揮官。業均預備妥善矣。

告蔣中正北方大局及李鳴鐘爲駐寧代表電 十六年七月六日

支電敬悉。我兄努力革命，爲黨國光，不僅弟敬佩萬分，卽全軍將士，亦無不欽服勛望。敵部上月三十日，佔領鄭州，東日佔領開封。武漢各軍，繼續開到，刻已掃清黃河以南之敵。百川同志處，屢次互派代表，商洽種切，晉省已於江日懸揭青天白日旗幟，宣佈就革命軍職，卽日出兵十萬，截擊石家莊大同兩處。深盼我兄提師北進，早定幽燕，其他問題，自當努力設法疏解。此間駐寧事務，已派李鳴鐘同志爲全權代表，希我兄念同志關係，隨時盡量指導幫助，共策進行。至於地方內部，及無線電交通，自當切實注意也。特電奉覆。

## 告劉宋軍事情形電 十六年七月十一日

(克復鄭汴後，適值漢寧交惡，馮氏除在政治方面，分途與漢寧要人，舉行鄭州徐州兩會議，調和黨見外，在軍事方面，則一面分向河北豫西魯西一帶進展，一面肅清河南之靳雲鶚，李振亞，陝西之麻振武，甘肅之韓有祿黃得貴等部，以除腹心之患，下述十一電即說明此期內軍事情形)

蘭州劉總指揮郁芬弟，寧夏宋總指揮哲元弟鑒：關於最近軍事情形，概述如下：(一) 河北方面：孫良誠所部，於江晚渡河，沿河之敵，稍有抵抗，即全線潰退。我軍刻已佔領新鄉衛輝，擬以一部進佔彰德，主力仍駐紮新鄉鄭州之間。鄭大章所率騎兵軍，早在曹州集中，已令其由東明渡河，向彰德前進，抄襲敵後。梁壽愷軍，亦已集中曹州，預備向大名進展。(二) 歸德方面：津浦路上之國民革命軍，曾經佔領豫費之線，近因寧漢間暗潮正盛，將徐州附近軍隊，畧有移動，以致前線稍挫。故敵軍潘鴻鈞部，在金鄉，嘉祥，鉅野各處，將王金韜師，馬祥斌軍，壓迫南退。已令高桂滋軍在歸德集中，向單縣佈防，令靳雲鶚所部，速向曹州出動，以便襲取濟南；令劉鎮華所部，集中蘭封考城，以作後勁。但此等軍隊，未能指揮如意，亦意計中事也。(三) 南陽方面：于學忠部，完全解決。吳佩孚僅以身免，逃往四川。張聯陞聞得勝各編一軍，歸孫連仲統轄。現孫連仲在鄧縣，方振武在南陽，樊鍾秀在隨棗。已令孫連仲所部，並督率張閻各軍，移駐信陽駐馬店一帶；方振武所部，移駐許昌；岳維峻所部，進駐襄宛；南可以保障武漢，北足以鞏

固汴鄭。(四)剿匪方面：已令鹿廳長鍾麟兼河南剿匪總司令，楊虎臣軍常好仁師，李元漢師均已開駐開封，王鈺葵師開至寧陽，均歸其節制指揮；蓋平時固可剿匪，有事亦足對外。又令任應歧軍移駐周家口淮陽一帶；是在豫境原有軍隊，均令其移駐新地。此即打破其地盤思想，漸引入良善軍隊之域也。

(五)寧夏不過虛張聲勢，不可出兵。但應趁此時機，一面訓練隊伍，一面分兵南開若干，剿辦黃匪，(得貴)絕其根株，免滋後患。其他同州之麻逆，則劉汝明張維璽兩部正在圍攻，必須剷除淨盡，方足振我軍威，懾彼醜類。陝甘爲我軍根本之地，黃麻一日不除，後防一日不安，尙望切實注意爲要。

覆蔣中正碍難駐徐督戰電 十六年七月二十四日

號亥電備悉。承示以貴部第十軍，第三十七軍等部，歸弟節制，囑弟駐徐督戰一節，効忠黨國，理應遵命；祇以敵軍現正南北應戰，北至磁州，南至信陽襄樊，戰線綿延，達二千里，而甘省之黃得貴，陝省同州之麻老九，亦正負嵎，尙未授首，兼顧徐州軍事，實有形格勢禁之處。且津浦北上諸軍，皆久歷戰陣，臨敵易將，尤爲兵家所忌，仍盼吾兄全力負責。此間已萬分設法，督催薦青所部，由曹州進攻濟寧；又慮其兵力單薄，並令鄭大章劉鎮華兩部助戰，擊其側面。惟總須徐州正面有勁旅前進，兩方夾擊，方能收效耳。

告蔣中正軍事佈置電 十六年七月二十六日

有西電誦悉。吾兄親臨蚌埠，指揮進攻，當如疾風振箠，不難掃滅殘敵。弟於本日晨已下進攻命令，概述如下：（一）劉總指揮鎮華，速率所部向郟城濟寧進攻；（二）楊軍長虎臣所部，進攻單縣濟寧；（三）鹿總司令率所部王鈺葵，王鴻恩，常好仁，李元藻四師，進屯考城，爲總預備隊；（四）鄭軍長大章率部向濟寧一帶活動；（五）予即親來前方督師，等語。弟明日先到鄭州，特復。

致蔣中正報告攻魯佈署電，十六年七月三十日

感電誦悉。吾兄親臨督師，徐州不難如期收復。承囑派兵夾擊徐州一節，弟本思以重兵壓迫濟寧，則徐州之敵自退；惟思徐州戰事，且晚即可決勝，必須雙方並進，方能不失機宜。故弟本日下午令，以楊虎臣軍由隴海鐵路以北地區，向徐州以北微山湖以南地區進攻；馬祥斌軍及王金韜師，自隴海鐵路及其以南地區，向徐州進攻。並命鹿總司令即日率兩師兵力，進駐歸德，策應進攻。劉鎮華部主力，自曹縣單縣，金鄉攻濟寧；另以一部繞經定陶鉅野側攻，限於下月三日，至定陶單縣之線。鄭大章軍，亦令即日向濟寧威脅。知念特聞。關於九江馬當間軍事如何，請賜示，以慰懸念！

致汪譚等報告軍情電，十六年八月一日

估嶺汪主席精衛同志，譚主席組菴同志，並轉各委員同志勛鑒：此間軍事情形，報告如下：（一）

黃河以北彰德一帶之紅槍會，黃沙會，天門會等類，近因奉軍勾結利誘，以及其他反動份子之鼓動煽惑，竟至抗拒我北伐軍前進。且嘯聚各種不良份子，阻擊我軍。刻正設法百般開導，以免燎原。（二）敵軍孫殿英部駐大名，前經我梁壽凱軍圍攻，祇以子彈缺乏，衆寡懸殊，暫時不得不轉進。刻敵軍派遣第三四方面軍，由德州集中大名，將分兩路攻我開封新鄉，此間業已調集大部堵擊。（三）我東路軍，在歸德蘭封之線，正准備反攻。敵軍在徐州碭山一帶，亦已積極增兵。褚逆玉璞，現在徐州指揮。近日情況無變化。（四）劉鎮華所率舊部鎮嵩軍，自稱八萬，雖經改編，紀律仍差。現沿駐曹州附近，及蘭封考城一帶，迭令劉約束整頓，但該部素性難馴，又復無款可發，殊深焦灼。（五）靳雲鵬所部，奉令編歸第二集團軍節制，據自稱全部共十二萬人，日以索服裝，要給養爲事，節經撥給二十四萬，又就全省籌撥三十萬，最近並由各縣自行提取款項，詳數未報。前令開拔担任進攻濟寧，所有沿途兵站運輸等事，俱已籌備完善，乃日日有所藉口，至今仍未開動。猶復勾結會匪，及不良匪軍，聲傳我軍劫奪其衣服，非打倒馮玉祥不可，對該部將士講演，亦復如是。而孫傳芳，張宗昌，日均有代表常川駐其指揮部內。迭經勸導，雖允境令開拔，實仍盤踞不動。似此情形，誠恐有碍軍事，伏請鈞會特別注意。（六）現在款項竭蹶，毫無辦法，軍食一項，尤費張羅，飢軍應敵，殊屬可慮，加以各部官兵，均係單衣露餐，秋夜漸涼，病人日多，無

衣無襦，將何以了！現來要款項者，要子彈者，要衣服者，門限爲穿，無法應付，困難實達萬分，至祈迅予設法。以上情形，統祈督核，密示方畧，俾有遵循，無任盼禱！

請寧漢政府注意防範靳雲鶚電 十六年八月四日

靳總指揮雲鶚所部，自我革命軍會師中原以後，始改青天白日旗幟，當奉令歸玉祥節制。比以我軍由山東北伐，遂令該總指揮率部由濟寧進攻。當徐州緊急時，迭催開拔，並屢派專員前往，乃該總指揮，藉口缺乏子彈軍費，趨趨不前，遂儘先撥給子彈十萬餘發，服裝萬餘套，麵五千袋，款項五十四萬元，其由各縣自行提取者，尙不在內，及領到後，又復稱病託詞，不動如故，乃復令兵站人員將該部運輸車輛，沿途給養，一一妥爲籌備，仍是始終不肯開動。近日甚且勾結豫中會匪，日與匪首張猛虎等，煽惑民衆，並爲張猛虎等演劇祝壽。對該部官兵講演，謂號稱革命軍隊，俱不能解除民衆痛苦，反增加民衆負擔，非一致打倒馮玉祥等不可；我保衛軍無餉可發，皆由國民軍劫扣，非剷除國民軍不可。至此間開赴漢口客車，抵許昌卽被扣留；而漢口北來客車，亦至鄆城被扣。其所部軍隊，除已令集結，將分攻開封鄆州洛陽外，又令化裝同紅槍會打劫我軍，並造謠謂開封業已失守，國民軍向西敗退，馮玉祥失蹤等語。至孫傳芳、張宗昌，均派有代表常川駐其總指揮部內；該總部代表赴孫張兩處者，亦絡繹不絕。約定孫

佔據蘇皖，斬據河南，張領直隸山東，迫使奉軍退出關外，由張孫斬解決中國時局。該部側旁密室，日在刊刻安國軍關防印信。以上皆由乃兄靳雲鵬策畫協定。似此違反革命，背叛黨國，形跡昭著，危險萬分。玉祥爲擁護革命計，除令各部嚴密防範，不致稍有疏虞外，特電馳報，務乞特別注意，迅速密定方畧，指示進行，無任切禱。

告劉驥各方軍情電十六年八月十日

估領劉總參謀長菊村弟鑒：現在政府地點，尙未固定，北伐大計，未決定以前，我方處境，最爲艱苦，當敵三面，而河南內部，尤爲複雜，此種情形，想諸同志當加曲諒也。諜報褚玉璞現在徐州，張宗昌派兵四五萬，由大名濟寧夾攻河南，累有進犯之勢，而號稱爲同志軍隊者，且有密謀內應之信。現我軍在河北者，北至磁州，東至滑潞，在大河以南者，仍在礪山馬牧集之間，原在濟寧附近者，以其孤軍突出，已撤至考城一帶，並已調孫連仲全軍北來，該軍約近六萬，即預備攻徐魯之用，請俟政府決定大計，即行進攻。陝西同州，已爲張維靈劉汝明兩軍，於上月宥口克復，並將麻逆擊斃。宋總指揮哲元，率大軍剿黃韓兩匪於寧縣，已將該匪驅散，軍隊已追至陝境之耀州，後防有廓清之日矣，並及。

請劉李轉告晉閻北伐軍事布置電十六年八月十日

太原劉部長定五同志，李參議子善同志鑒：據聞閻總司令於六日就國民革命軍職，發兵討敵，至爲忻快！但密事欲密，攻疾欲疾，兵既出動，便當以雷霆之勢，乘敵之不及備，則事半功倍。蔣介石同志與此間不斷連絡。余於昨日到鄭州，所有同志，各方面皆已融洽一致，北伐討敵，完成國民革命。介石同志早有電來，擔任津浦，向濟南天津進展；京漢方面，由余親督大軍北進，望將此情轉陳閻總司令爲要。又聯合作戰，休戚相關，當如左右手之相救，消息靈通，最爲緊要。目下通信太遲，恐誤時機，應設法改善，由潼關飛線直達，或與洛陽無線電通報，并望轉請進行，爲盼。

#### 告劉石宋等各方情形及應注意事項電

十六年九月八日

茲將應行告知，及分別辦理事項，分條列下：（一）長江情形：寧漢兩方面，黨務政治意見，現已泯除，合而爲一。譚延闓孫科兩同志，並已赴滬，挽請吳稚暉胡漢民兩同志到寧；汪精衛唐生智等諸同志，即乘決川艦由滬赴寧。關於軍事方面：孫傳芳部，於上月有日，以其全力六萬人渡江攻南京，激戰五日，該部已全軍覆沒。現浦口揚州各路，均已爲我軍肅清，我軍先鋒已過滁州。同時柏文蔚軍，亦於上月感日在合肥大勝，正向蚌埠追擊。唐生智部之何鍵軍，已由安慶行過桐城，同柏文蔚軍進攻長江各地，軍事極其順利。（二）討靳辦法：靳雲鶚與孫傳芳張宗昌聯絡，密謀於八月十五日後，與張宗昌裏應外合，

攻擊我軍，並四處聯絡紅槍會，散發反對我方之傳單。故我方乘其謀未及期，先與痛擊，而解決之，以除心腹之患。於魚日下令免斬職，以該部軍長馬吉第秦德純繼爲總副指揮，令其率部卽向柘城鹿邑開拔。一面以孫良誠之第三軍三師，石友三之第六軍三師，共三萬人，擔任鐵路正面，攻擊長葛許昌臨潁鄆城潔河，並肅清密縣禹縣之敵；以孫連仲軍三師，並閻得勝軍，共兩萬五千餘人，沿駐馬店向遂平西平漯河攻擊；以韓復榘軍兩師，攻登封臨汝禹縣一帶之敵；另以鄧大章騎兵軍，由開封南下，經尉氏扶溝，抄擊許昌鄆城之間。於昨日攻克長葛，擊散馬吉第部之一師，俘獲甚多。本日各路攻擊戰況如何，應俟續告。(三)北路東路情形：黃河以北河南屬地，旣以梁壽愷軍擔任防備；京漢鐵路，自彰德以北，正定以南，均爲晉閻部隊駐紮；此路奉軍卽使要來，時期亦必甚長，故在短時內，可以無慮。大名方面，據報敵兵有增加四師之訊，似有來犯之樣，但近日尙未見動靜。濟甯曹州方面敵兵，於金鄉濟甯荷澤定陶單縣城武，各縣駐紮者，合計約有五軍，計數有三萬餘人，但份子複雜，統馭不一。我軍備此路者，爲劉鎮華部，在曹州考城一帶布防。徐州方面，據報褚玉璞徐源泉均駐該處，其前線在碭山一帶，約二萬餘人。我軍與之對峙者，爲楊虎臣軍，王鈺葵師，王金韜師，常好仁師，李元藻師，龐炳勳軍，合計約兩萬五千餘人，前線在碭山馬牧集中間之劉堤圈一帶。東北兩路敵人，均有進展之勢；但孫傳芳軍在南京覆沒，該

敵南面，頗受顧慮，必將變計。無論來攻與否，我方已有準備，決計先將靳部除去，內患既消，敵來雖衆，亦無憂矣。（四）張鳳翽聞受某方委爲第六方面軍，麻振武，及段懋功，耿莊，王老五，等皆委爲軍長，應注意嚴防。（五）現同州既下，麻逆消滅，患已去其大半。對段須用耿擊之，我軍在耿後督之。（六）宋總指揮所部，應速將黃得貴，韓有祿，剿平，萬不可使之成爲流寇也。（七）馬鴻賓部，將來可駐長安附近，由石主席開誠布公，彼此聯絡好感，以期認真訓練，成爲大用。（八）宋總指揮可先在邠州駐，以便對陝甘有緩急時，可以策應。（九）出力官長，不但保獎，尤須特別記出，以備大用。（十）申明紀律，愛惜人民，尤須努力誥誡，以期實現紀律之師也。以上十條，望即分別注意，轉傳遵照辦理，爲要。

聲明解決靳部頗未迪電

十六年九月十二日

靳雲鶚居心叵測，危反革命，初則違抗軍令，貽誤戎機，藉端要挾，曲予優容，屢次勸告，迄不稍悛。繼則勾結奉魯軍閥，爲敵內應，濫收土匪，擾禍地方民衆，捏造謠言，煽惑袍澤同志，阻截革命軍北上，破壞漢鄭間交通。其他強劫槍械，扣留車輛，勒索財賦，發佈反革命傳單等事，不可勝舉。其自絕於黨國，情跡顯著，節經呈報中央執行委員會，國民政府，軍事委員會，並黨國負責同志。當南京與敵交戰之際，靳雲鶚乘機竊發，冀消滅我革命勢力，以遂其密謀野心。玉祥忝膺重任，爲完成黨國使命，爲先除北伐障

礙計，不得不督率所部，迅速兜剿。各部武裝同志，深明大義，一致進討，郟城，漯河，臨潁，許昌，西平，遂平，密縣等處，次第救平。靳雲鵬倉皇奔竄，僅以身免。此次事變，仰賴黨國德威，不五日而完全戡定，不致貽黨國心腹之患，爲我北伐軍後顧之憂，此誠革命前途之大幸。抑玉祥無狀，不能弭禍於無形，止戈痛惜，彌復疚慙。謹電奉聞，伏維明察。馮玉祥叩支。

與李烈鈞論不敢獨當攻徐原因電 十六年九月二十五日

漾電承詢對於徐州有無他項牽制，我兄垂愛之切，體念之周，感激萬分！目下豫中靳患雖除，然尙有顧慮之點，足爲牽制。劉鎮華部號稱八萬，散駐考城，曹縣，蘭封，通許，杞縣，尉氏，洧川，扶溝，唯縣一帶十餘縣，既無訓練，不能作戰，又缺衣彈，日來催逼，命之作戰，則奉令不前；任在後方，又慮其搗亂。劉本人雖可靠，而屬下各將領，素鮮交往，恐未盡可靠。欲加以整頓，則無款無彈，難安其心，即不易入手。此顧慮者一。李鎮亞部，盤踞禹州，奉軍旗下方，實爲後方大患。現命韓復榘率兵二萬前往圍攻，少須六七日，多或十餘日，方可解決，而李之零碎殘部，尙出沒於臨汝一帶山中，此顧慮者二。田維勤殘部，盤據汝南上蔡一帶，負固不服。攻之則當此子彈匱乏，大敵在前之時，不敢多耗物質；不攻則必有兵監視，此顧慮者三。河南內部，軍隊複雜，又加有人百端勾引，此輩素善騎牆，豈能盡保不爲所動，此顧慮者四。有此四項

原因，若攻徐州，最大限度，祇能出兵三萬，此所以躊躇不敢獨當攻徐之責也。辱承垂詢，敢抒所懷，希指  
教爲盼！

### 請政府會師北伐電 十六年十月一日

當寧漢日趨分裂之會，閻錫山乃與二集團軍協商北伐作戰大綱，議定管綏軍擔任京漢京綏兩路，二集團軍則分三路向德州濟寧徐州進攻，以下六電，卽述三路佈置情形，並催寧軍早日出動北上，夾攻徐州。

冬電奉悉。玉祥督師中州，日與頑敵搏戰，形勢孤危，又因靳部叛變，患生肘腋，不得不分兵兜剿，以致北伐軍事，不能進展，愧憤交乘。邇者閻總司令毅然誓師，聲討張逆，直北震驚，風雲變色，黨國前途，實深利賴。玉祥久與閻總司令確商聯絡，自當協同猛進，猥蒙獎策有加，益深感奮，業已分兵三路：一經隴海路直攻徐州，一由曹州進攻濟寧，一由河北進攻德州，以上三路，俱已出動，以收分頭夾擊之效。惟敵方大部兵力，悉在津浦一路，擬請轉飭長江各部，一致併力，迅速北上，則第一步可會師齊魯，第二步可協搗幽燕，第三步可直取遼東，掃穴犁庭，以靖國難。第兵貴神速，而以各自爲戰爲大忌，彈餉太缺，必貽以其卒與敵之大患，伏祈鈞府統籌至計，督令進行。至於玉祥所部，効力黨國，剷除軍閥，悉具決心，誓當戮力前驅，完成使命，區區管見，謹電奉陳。

### 請軍委會會師北伐電 十六年十月一日

連月以來，玉祥與閻總司令錫山同志，協商北伐計劃，並由方同志聲濤，於月前馳往太原，籌劃一切，遂商定兩軍協同作戰大綱：京漢京綏兩路軍事，均歸閻總司令所部担任；玉祥所部担任向徐州濟寧德州進攻。正部署間，本日接閻總司令艷電，已於本日誓師討逆，忻快萬分，現以鹿總司令所部東路軍五萬人攻徐州；劉總指揮鎮華所部五萬人向濟甯；以梁軍長壽愷，秦軍長德純所部由大名向德州；以孫指揮良誠，孫指揮連仲所部兩方面軍，合計七萬人，駐鄭汴爲總預備隊；五日以內，即可進攻。此次與閻總司令協力進攻，寔爲國民革命最後決勝關鍵，奉魯肆虐年久，根基已深，必期拔除淨盡，方不至死灰復燃，故必竭我革命勢力全部力量，與以重大壓迫，庶可一氣成功，擣其巢穴。敬祈鈞會於津浦線上增加大兵，於何李白三總指揮中，最少派一員赴前方督師，以增實力而壯聲威。職軍兵數雖衆，物質缺乏，敵人器械糧彈，皆極豐富，惟以革命精神，提起官兵勇氣，與賊相抗，一戰再戰，猶可勉爲支持，若久如此，雖孫吳復生，亦有難善其後者。敬祈鈞會對於職軍款糧械彈，從豐籌備，待恢復徐州以後，得以受中央物質之供給，不至起有他慮，而影響及於兵事之進展。以上兩項，鈞會有無改正之處，統候訓示，俾便遵循，不勝待命之至。

請軍委會速攻徐州電 十六年十月四日

東電江電均奉悉。閻總司令錫山同志，在未發動前兩星期，已經確實商定兩軍作戰協定大綱，原訂三星期後發動；後閻總司令因奉軍情勢緊張，遂提前發動。職軍因兩軍協同之故，亦提前分三路進兵，攻擊徐州、濟寧、德州，兵力部署情形，業經電陳在案。茲已限定於本月八日集中完竣，九日開始進攻。第一路鹿鍾麟所部前線，本在碭山馬牧集之間，離徐不過百二十里，一進攻即須大戰也。敬盼津浦線上大軍，從速進兵，以收夾擊之效，實深企禱！

### 與李烈鈞論政府應派重兵攻徐州電

十六年十月十三日

文電誦悉。百川屢摧敵鋒，此乃破敵千載良機，弟雖愚魯，何敢後時！第一路已在碭山附近，與敵鏖戰三日矣。敵之在徐州南者，本在蚌埠附近，今則盡撤以向我，是否掩護其退却？抑仍有久佔徐州之意？尙未判明。總之，碭山敵人，日有增益，兵數甚衆；津浦線上友軍，深盼乘虛速進。如敵意猶思固守徐州，以斷兩方連絡者，非雙方夾擊，難收奇效也。第二路向濟寧者，亦於昨日在曹縣東北，與敵激戰。第三路渡河北者，第一步在攻擊大名，保護百川後方之安全；第二步即在進規德州；現均已與敵接觸矣。北伐大事，中樞諸同志，務必籌一枝重兵，統以有名望之宿將，進攻徐州，以繫全國之視聽，振各路之士氣，於黨國前途，關係至大，不僅在克敵已也。祈盡籌爲禱！

請軍委會速飭軍隊北上電十六年十月十四日

職軍三路出兵情形，業經彙電陳報在案。竊按此次分路北伐，以河北向大名德州一路，最爲重要。閻總司令錫山同志所部，軍事極爲順利，京漢路上，已進展至保定。但自石莊至彰德五百里間，並無相當布置；而津浦線上滄德一帶之敵，相距不過三百餘里，在在可肆抄襲；前線愈進展，則後方之危險愈大。閻同志疊電，以保護後方之安全相囑，故求與友軍確實聯絡，並保使友軍確實無後顧之慮起見，不得不以強大兵力，由大名直衝德州，以求達到此目的。且審察津浦路上敵人布防情勢，其重點仍在徐州；褚玉璞、王棟、徐源泉、許珏各部，皆在該處；益以孫傳芳之殘部，及張敬堯等零星部隊，合計約有十餘萬人。其後方濟南德州等處，則較爲虛弱；於河北用重兵衝德州，適合於批亢擣虛之義。故玉祥決計對於此路，用全力進攻，並擬親至河北指揮進展。蓋此路關係最大，友軍後路，若生危險，則北伐全局，受其影響也。惟徐州一處，地當要衝，敵以重兵久佔該處，以斷我軍之連絡，我軍若不迅速將徐州奪回，則時日一延，職軍子彈將無從接濟，危險萬分。現敵以全力屯徐州，非由津浦隴海兩路，合力攻擊，不易奏功。現第一路與敵在碭山激戰，至今已四日，敵兵增加日衆，津浦線上之敵，盡撤向隴海作戰。敬請飭津浦線上我軍，從速前進，以圖夾擊，勿任盼切之至，敬祈鑒核，迅速賜示，爲禱。

告商震軍事進展實況電 十六年十月十五日

吳瑞芝同志到鄆，出示手函，讀悉一切。百川同志誓師討敵，大義凜然，吾黨同志，莫不欽服。此間三路出兵：第一路由鹿鍾麟統率，進攻徐州；第二路由劉鎮華統率，進攻濟寧；第三路由孫連仲統率，由河北經大名進攻德州，並以保護石家莊以南後路之安全。三路之中，對於河北一路，尤其注重。現三路皆已與敵接觸矣。兄自去年回國，始終抱與百川同志合作之決心。雖吾弟格於形勢，未能即有表示，然兄亦默喻其旨。今百川與吾弟一鳴驚人，固出自兄之素企，然亦實足振天下之耳目，而使全國民衆，異口讚仰者也。軍事多勞，祈時賜情況，以慰懸盼。

向軍委會報告戰況電 十六年十月十八日

以下五電，歷述三路中不穩部分之叛變，東路之深退誘敵，以及軍軍因西征故，而緩於北伐。

職軍東路軍隊，與敵激戰於碭山附近，敵兵增加極多，自蔡至刪，鏖戰已有六日；而劉總指揮鎮華所部有兩軍與敵勾引，突然叛變，擾亂歸德後路，遂不得不將陣線變更。現第一路軍隊除楊軍長虎城在歸德守城外，餘均向隴海路以南畧引。職軍主力軍隊，原為顧慮該部起見，悉數屯紮開封蘭封一帶，以事控制。今該部果然叛變，現已一面令第一路南引，一面令劉率不變之兵，仍向定陶濟澤進攻，讓出

正面，以便主力軍進出，此東路情形也。北路軍訊，得閻總司令銜電，京漢線上，已變更正面，總司令部駐獲鹿，大約一時未能進展。大名方面之敵人，忽悉數西移，圍攻彰德，梁軍長壽愷在該城守禦。河北紅槍會受敵運動，蠢蠢發動，頗受牽制。孫總指揮連仲主力軍隊，正在新鄉集中，一二日後，即當進解彰德之圍，攻取磁州，以謀與閻總司令確實聯絡。詳觀敵勢，津浦線上重點，仍在徐州。敬祈轉催津浦線北上諸軍，從速進攻，並規定進攻日期，西南兩面，同時夾擊，方能奏功，否則恐重蹈各箇擊破之害，敬祈速進爲盼。再此次東路作戰，子彈不繼，未能進展，其他各路皆同，情況危險萬狀，並祈速賜撥發七九六五子彈四百萬發，以救危局；子彈撥到，當即由長江設法起運也。不勝盼切待命之至。

告劉郁芬等大局情形及後方應處置各事電 十六年十月二十一日

茲將前方情形，及後方應處置各事，條述如下：（一）第一路軍，與敵在碭山附近鏖戰六日，旋因劉鎮華部之姜明玉軍變叛，襲擊柳河後路，故楊龐各軍，均向柘城太康引退，刻正在整頓中。（二）第二路劉鎮華率其未變叛各軍，於巧日進攻荷澤定陶，據來電稱二日內可下，刻尚在攻擊中。（三）第一方面軍孫良誠所部，已位置妥協於蘭封杞縣之線，先將鐵路以南之劉部清理，俟敵深入而痛擊之，此處當有一快仗也。（四）第三方面軍韓復榘所部，已令進駐開封鄭州一帶，以便策應各方，刻正在運

輪中。(五)河北方面，因敵人欲遮斷我與晉軍聯絡，以大名孫魁元部來襲彰德，梁壽愷軍一部被圍；孫總指揮連仲，率高韓張三師進駐新鄉，先解彰德之圍，再相機北上，令秦德純軍進攻大名。敵兵力不過三千，但利用紅槍會，當亦不難撲滅。(六)晉軍變更戰畧：京漢路方面，在曲陽行唐一帶，居高臨下，京綏路方面，仍在懷來一帶激戰；中路出涿州及門頭溝，已過張坊鎮，長溝峽，王平口，北京震動。(七)南京渡江部隊，爲第一第二第十七各軍，共十五萬人，歸何應欽統率，二十一日即可開始攻擊。惟寧軍暗晚在蕪湖附近，已與唐生智部發生衝突，此事醞釀已久，終難消除。現定由李宗仁率大軍西上，與海軍水陸夾擊；朱培德近佔黃梅，截斷何健劉興兩軍歸路；魯滌平，方振武，各由沙市襄陽進擊漢口；黃紹雄由韶關入衡州，四面楚歌，唐軍已陷於絕地，但我方與唐尙無破綻也。(八)宋總指揮哲元，應速將田玉潔部解決，集結兵力，以備大戰。(九)張軍長維璽，應以主力集中潼關，其隊頭須達閩嶺，以作出關準備。(十)由寧夏運來子彈，須迅速運至潼關，要快要穩妥，至盼。

早國府報告豫中戰况電 十六年十月二十二日

馬電承示周田兩同志苛電述閩總司令所部作戰情形，敬悉。玉祥亟思悉力北上，與閩總司令夾擊破敵。惟此時東路敵勢披猖，徐州之敵，將徐南徐東各部，均撤以西犯，其數較我軍多至三倍；劉部又

變一部，現將逼近開封，且晚即有大戰。北路之敵，孫殿英圍攻彰德，梁軍長壽愷收編之一部，又在湯陰叛變，響應敵軍。現孫總指揮連仲進屯河北，以一部圍攻湯陰，一部援救彰德。而此間全力專對歸德方面；如開封不保，則大局益壞。惟盼南京北進之兵，早日速進，將徐州之敵解決，則此間主力，可以北進援應矣。母任企盼！

告徐永昌河南戰局情形電 十六年十月二十二日

效電敬悉。逆敵久稽顯戮，實吾黨同志不同乃心德，一致動作，爲之故造機會，真被我兄一語道破。此次兄與百川奮其神武，崛起殺敵，最短期間，斃敵無數，渠魁胆碎，薄海歡騰。現因避重擊，將京漢主力畧向南引，而專以重兵猛撲京西，以求必勝，此誠卓見，佩慰之至。此間第一路軍，與三倍之敵，在碭山歸德間鏖戰，敵勢辟易；乃以第二路軍劉雲亞部，有兩部分附敵，而彼此衆寡，又太不侔，遂分向太康李珣集等處，集中兵力。敵軍逐漸近犯，已抵柳河附近。我方一面由孫總指揮良誠統主力軍八萬，集中蘭封羅王，誘敵深入，迎頭痛擊；一面由鹿總司令鍾麟，指揮柘城太康一帶重兵，出敵不意，突予反攻。兩面夾擊，不難一鼓破之。劉雲亞則率其忠實部隊，乘虛攻定陶荷澤，自號日起，限兩日佔領；仍由我主力軍，厚集蘭封考城間，取推進姿勢，以固其心。張宗昌現在濟甯，褚玉璞，徐源泉，張敬堯，均抵歸德，彼獠竭全

力抗我，弟亦竭全力殲之，大決戰即在目前。第三路軍梁軍長壽愷部，已將彰德之敵擊退。秦軍長德純所部，正由道口疾趨大名，沿途廓清會匪，亦大費事。孫總指揮連仲，現駐新鄉，俟大隊集中完結，進佔磁州，完成石鄭聯絡，隨即兼程北進，與百川會師。如隴海路之敵，能早日解決，則更是一着得手，全盤皆活矣。甯方攻徐部隊，雖亦出動，然自晦日起，已實行對上游用兵，主力皆開赴此方面。是北方局面，仍須吾輩苦撐苦打，風雨同舟，艱危共濟，此其時矣。我兄賢明，當有良策，盼時見教。

請軍委會迅速派兵攻徐電 十六年十月二十八日

竊維兵者國之大事，既不可玩，亦不可懈。矧值革命工作正在進行，殘餘軍閥尙稽顯戮之時，凡我武裝同志，必須聯合一氣，急起直追，北伐成功，在茲一舉。若猶忽視因循，終必貽誤大計。此次閻總司令于誓師北伐之始，迭承政府電示，卽令我革命軍各部尅期渡江，會師徐海。當此強敵在前，鈞府早已決定繼續北伐；各部袍澤，誼切同仇，當已劍及屣及，不意此間與敵接觸之後，血戰十餘日，以寡敵衆，犧牲之鉅，不可勝言；而政府預定北上之各部隊，迄未前進一步，是何原因，未敢妄事揣測。玉祥爲主義而戰，既率所部立於革命戰線之上，義無反顧，勿論如何艱難，必須奮鬥到底。惟是張孫諸部，勾結反動分子，羽翼尙多，莖刈殲除，端資羣力；脫不一致勇猛進攻，掃穴擒渠，而以各自爲戰，步伐不齊之故，致使釜底

游魂得延殘喘，則曠日持久，兵連禍結，未來之變難以逆料，革命前途，實堪設想，玉祥枕戈待旦，午夜焦急，心所謂危，難安緘默。究竟決定進兵與否？或前進何時可以集齊？務懇飛速電示，以便另定安計，免誤戎機。迫切陳詞，不勝待命之至！

令熊斌轉催南京進兵電 十六年十月二十八日

以下九電，述十六年十月下旬，豫東第一次大戰勝利情況。

感電述與敬之總指揮接談情形，備悉。何公厚意，極爲感激，惟盼何公即日督師進攻，共殲巨孽。此間與敵接戰，已二十日，敵兵已逼至甚近，勢不得不與決戰。我主力軍已於昨日上午二時開始進攻，現正在蘭封之線大戰，切盼何公督率重兵，以擣其虛，萬不可再緩。救兵如救火，須知此刻我軍與閻總司令兩處，皆在咬緊牙關，與敵爭死活之時也。閻總司令現派崔進使文徵到此，催余率兵北上援應，其情景可想。南京方面，此時若猶緩步從容，不急前進，則此間無法進援，閻公孤軍奮鬥，何以支持？請將此情報告政府，及南京諸同志，從速進兵，是爲至禱，千禱萬禱，並盼速復。

請李烈鈞轉請政府速攻徐州電 十六年十月二十九日

儉電敬悉。西征軍事順利，固屬可喜，但百川與弟，此時皆在生死關頭，與敵爭存亡於呼吸之間，津

浦北上諸軍，未見進展，焦急之情，何可言狀！張宗昌所部，雖無軍紀，亦是久經戰鬥之悍賊，在南方因地利人心種種關係而失敗，其在北方戰鬥，力固不弱。弟部於節制上雖畧優，但言子彈，則我萬分缺乏，而敵則來源無窮。言軍械，則敵所用者皆新式利器，而我則皆多方湊集而來。言餉源，則敵不郵賣國，餉項充足；我則跬步必拘尺寸，何處有款？言人數，則敵金錢充足，各處土匪，皆樂爲用；我則款彈兩缺，卽久共患難之友軍，亦且因此而生疑沮。凡此種種，皆屬敵之長處，我之缺點，而深爲憂慮者也。現與敵血戰已二十日矣，卽以子彈一層而言，亦將無法支持；日盼大兵北上，以收夾擊之效；乃津浦我軍進行遲滯如此，殊失全軍官兵仰望之心。倘晉豫有失，卽得武漢，又將何以站腳乎？總之：此時弟與百川皆在與敵拚命爭生死之際，此情此景，請政府諸同志，與以深切體諒，急速發兵攻徐；尤望我兄將此苦情，披述於諸同志之前，而乞其容納也。情迫言切，卽盼賜復。

覆李烈鈞說明東路戰况電 十六年十月三十日

奉卅日電，敬悉介石同志，在日工作近況，至慰！連日大戰，皆肉搏相鬥，每一日夜，相衝擊者必十餘次，敵勢悍甚，鎗甲車砲迫擊砲，尤爲敵之特長。而土匪之樂爲敵用者，復乘時四起，子彈缺乏，尤爲可慮。今日敵之氣餒，似已稍衰，但增加猶未已；津浦線再不急進，繼續來者恐尙衆多也。

向南京政府告捷電 十六年十月三十一日

鑒電敬悉。此間東路本日戰況，頗得優勢，右翼鹿總司令鍾麟，韓總指揮復渠，石軍長友三，各率所部全力，又鄭軍長大章，率所部騎兵軍，自杞縣太康，向敵之左翼包擊，官兵奮勇猛衝，敵勢不支，紛紛潰退，正在猛進中。正面之敵，尚在負隅，與我孫總指揮良誠，馬軍長鴻逵所部對峙，大約日內即可將其解決。此次敵軍來犯，傾其全力，衆約十餘萬，賊軍竭全力與之周旋，相持二十日，大戰五日夜，官兵死傷者約有六分之一，該頑敵始見動搖。經此一擊之後，擬乘戰勝之勢，進攻徐州濟甯，敬請飛飭津浦諸軍，火速北進，雙方夾擊，勿使敵人再有整頓時機也，無任盼禱。

告閩錫山東路戰况電 十六年十月三十一日

王鴻一及崔運使均到鄭，一切詳情，已請轉達。此間戰況：張宗昌竭直魯兩省之力，加以孫傳芳之一部，並聯合豫中雜亂軍隊，紅會土匪，衆約十餘萬，長驅來犯，其勢甚猛。故選戰地於蘭封附近，倚河爲陣，主力軍隊於感日上午二時，開始進擊，敵人恃其兵器利器，頑強抵抗，至今已五日，每一日夜，輒衝擊十餘次，官兵皆肉搏苦戰。今晨我軍右翼大獲勝利，連破其數道陣線，奪獲敵械，殺死敵兵，着實不少，勝算似已有把握。總之：此番戰爭，爲國民革命生死存亡關頭，有賊無我，有我無賊，抱定決心，誓與拚命。此

間全力均集東路，預計該路之敵三五日內，必可掃盪清淨，即當分遣兵力三萬以上，進至石莊，助弟擊敵。我弟此時惟在堅忍持久，不必急急與敵決勝也。惟敵軍經此大戰，積儲子彈，銷耗罄盡，此層不得不請我弟設法代籌補充，庶不至延誤北上師期也。弟處戰況，祈按日電示，以慰懸系。

上國府及各友軍報告豫東戰勝通電

十六年十一月一日

此間自上月感日進攻，與敵在蘭封、考城、杞縣、睢縣之線血戰五日，至三十一日將敵左翼擊潰，正面相繼進擊，敵全線大潰。現各軍正跟踪追擊，先頭部隊已過歸德，敵人潰不成軍，擬即乘勢直取徐州。按此次張宗昌竭其兩省精銳，悉力來犯，糾合徐源泉軍、方永昌軍、程國瑞軍、王棟軍、張敬堯軍、吳彥周軍、潘鴻鈞軍、劉志陸軍、姜明玉軍，及褚玉璞本部，又騎兵集團，並勾結豫中土匪，合計有十餘萬人，自徐州濟甯分道來犯，鹿總司令鍾麟所部東路軍先與之在碭山相持，覺其來勢過猛，遂命向南暫引，讓開正面，誘敵深入，一面集結主力軍於開封杞縣一帶。敵後乘勝猛進，前隊遇於蘭封，爲誘敵計，棄蘭封不守，撤至離開封四十里之地。遂於上月宥日，將部隊布置妥當，以孫良誠軍、馬鴻逵軍當正面，鹿鍾麟軍、石友三軍居杞縣太康爲右翼，劉鐘華軍居考城爲左翼，鄭大章騎兵軍居右翼，側繞敵後，韓復榘居開封爲總預備隊。自感日起，激戰至三十日，敵勢銳甚，每一日夜輒衝突十餘次，幸官兵奮勇苦鬪，敵未得

遲。經連日戰鬥，察知敵之左翼，戰鬥力量稍弱，遂以韓復榘軍加入杞縣方面，於三十一日上午二時，猛力攻敵左翼，突破敵之陣線，敵軍潰走，韓石鹿各軍，直前追擊，即佔領隴海鐵路各要點，柳河李寨等處。三十一日午後八時，敵軍正面亦潰。我軍遂全線舉行追擊，滿地皆敵人潰兵，慌不擇路，紛紛亂竄。張宗昌精銳，悉在此役喪盡，山東一鼓可下矣。知承垂注，特電奉聞。

告李烈鈞豫東破敵情形電 十六年十一月二日

世未電敬悉。此間破敵情形，已於東電奉陳矣。此次張宗昌盡銳而來，衆有十餘萬，其勢極猛；弟以全力與之周旋，相持二十餘日，戰六日夜，僅乃破之。兵事至危，勢力頹頹，當勝負未決之時，心殊惴惴也。此次破敵，盡殲其精銳，敵有鋼甲車五列，被獲四列，餘可知矣。山東一鼓可下，亟盼敬之同志，督師猛攻，雙方並進，則成功更易矣。特覆。

告閻錫山各路進擊情形電 十六年十一月五日

兩電敬悉。承由運城賜撥各項子彈，至爲感謝！我軍進佔古北三河，北京震動，多方以誤之，亟肄以疲之，實爲今日破敵最良辦法。此間在蘭封附近大捷之後，即飭各軍分途追擊，以收戰勝完全效果。劉總指揮鎮華所部，向濟甯追擊；鹿總司令所部及鄭大章軍，已向碭山進攻。孫總指揮良誠，率第三軍及

馬鴻逵軍，進屯歸德馬牧集；孫總指揮連仲所部各師旅，即由東路前線撤回，轉赴河北。先是孫殿英部乘我東方吃緊，以七八千人擾河北各縣，並陷衛輝縣城，阻斷京漢交通；現東路肅清，已調集重兵，將其圍住，日內當可解決；解決以後，擬即進佔大名，掩護京漢路之安全，即以重兵由京漢路北上，與吾弟合力破敵也。弟處戰況如何，請時賜告，為禱！又何總指揮應欽，已於支日到滁州，麻日攻蚌埠，徐州之敵，日為必退，並聞。

告閩錫山東路獲勝實況電 十六年十一月五日

東西電誦悉。此次張褚諸部，舉其全力來拚於東日，被我軍將其全線擊潰，創敵極鉅，其殘敵紛紛向濟甯、徐州兩方逃竄。我軍乘勝追擊，現主力軍正面已抵碭山，騎兵軍鄭大章部繞過碭山以東抄敵後路，已迫徐州；左翼已過曹縣，進迫濟甯；兩路進展均甚順利，魯境不難指日肅清。隴海路火車，已通至馬牧集。此役獲敵鋼甲車四列，係北京、山東、河南、泰安等號，及火車數列。又在衛輝擊落敵之飛機一架。此次俘敵旅長以上軍官多人，其餘官兵在一萬人以上，白俄兵百餘人。獲步槍約二萬枝，大砲四十餘門，迫擊砲機關槍各百餘架，其他軍用品無算，現正在清查中。褚玉璞隻身逃免，知注特聞。

告晉閩各方軍情並請出兵擾敵後路電 十六年十一月十一日

青西電誦悉。中左兩路並爲一路，舒卷似較便利。現甯方西征軍，自將蕪春薪水之唐軍擊潰後，進展甚速。海軍且已上達田家鎮，從事截擊。襄陽方振武部，刻正與第二軍魯軍長所部聯合，卽時進迫武漢。如此情形，長江戰事，不久可告結束。北伐大計，益可早日發展。津浦線上，何總指揮所部，已於齊日佔領紅心鋪黃線鋪之線，正攻明光。此間東路，已令鹿劉兩部，分向徐州濟甯進迫，並令騎兵軍馳向宿州蚌埠之線，抄襲孫軍後路，助我友軍進攻。關於河北情形，前於東路大戰時，孫殿英乘虛佔據衛輝，彰德，淇縣，湯陰各城，現皆被我軍圍攻中。石莊方面，奉軍派來鋼甲車一列，兵三混成團，已至湯陰，現增派韓總指揮復輝部至河北，解決此敵。若奉軍以大部南下，在彰德淇縣間，必有大戰。其自彰德至石莊五百里鐵路，皆與晉境銜接，請我弟多派便衣兵截斷破壞其數十處，則可使其片甲不歸，於河北得一大勝仗，則北進無復障礙矣。蒙允撥助子彈兩百萬，請將七九六五兩種，平均分配各給百萬，是爲至禱。

早軍事委員會條陳北伐軍事四端 元電 十六年十一月十三日

察軍西征勝利後，馮氏乃逃竄寧漢南方軍事當局，陳述本軍各路及晉方困難危急情形，力促北伐。

國急，南京國民政府軍事委員會鈞鑒。自鈞府明令繼續北伐，分兵西征以來，各方武裝同志，均能爲黨國用命，克挫頑敵。與西征軍事，卽將結束。北伐事業，猶在半途。玉祥不揣愚陋，對於軍事一得之

見，謹爲鈞府一詳陳。軍閥與帝國主義者相勾結，喪權賣國，剝削人民，其經濟上物質上之補充，源源不絕，故其器械均甚精良，其彈藥均甚充足，其餉糧均甚富裕，加以反動份子，俱以軍閥之殘壘，爲其大集合場，彼輩亦深知生死關頭，在此最後之決戰，遂竭其全力，作背城借一之舉，此反動勢力之所以尙屬不可輕侮者。閻總司令所部發動以後，初甚順利，但乘寡之數，既不相同，又不似敵軍部隊之久經戰鬥，而革命軍之聯絡，復未能切實一致，以致爲敵所乘，大同石家莊遂相繼失守，現止扼守雁門娘子兩關，恃險爲固，急待救援，形勢孤危有如此者。玉祥所部連年轉戰，南口損失，既未補充，戰線過長，尤難應付。甘省韓黃蠢動，今始肅清。陝省各軍，更爲複雜。陝南陝北，姑且不論，即關中一區，亦多駐原稱國民二軍之部隊，除由岳總指揮維峻率領二萬餘衆，問道開駐豫南外，其餘各部，將悍兵驕，獲利爭先，赴義退後，甚至勾結敵人，擾亂後方。如麻振武，段懋功，暨黃得貴，韓有祿各部，俱受奉張之委任接濟。似此反側份子，既不能驅之出關，則不能不分兵監視，以免斷絕連絡。計洛陽，潼關，長安，平涼，蘭州，寧夏，天水之線，長二三千裡，前方所需，常仰望於資瘠之後方爲之接濟，更不能不妥爲保護，俾免疏虞。後方分兵太多，前方力量自減。豫中自消滅靳部以後，較除大患，然趙倜，吳佩孚，久踞中州，餘孽尙多潛伏。至張繼武毛思忠門何等部，或出自毅軍，或爲于學忠寇英傑殘部，皆極難馴，時存反側，則其背變，自在意中。即劉總

指揮鎮華所部，其兵士輒不聽其將令，故一旦遇敵，五軍變去二軍。其原因一則不明主義，軍心不牢；一則餉械太缺，難以支撐。當此寒冬十月，全軍猶尚衣單，血戰兼旬，食不果腹，種種困難，不可勝言。此次張宗昌傾直魯兩省之衆，來犯豫省，在豫東前線戰鬥者，有褚玉璞、徐源泉、程國瑞、潘鴻鈞、張敬堯、袁家驥、方永昌、劉志陸、許琨、王棟十軍長；在河北則有孫殿英等部，勾結會匪，俱以最精之兵，奮無窮之火力，來壓我軍；又以無數之金錢，買其賣命。幸賴黨國之威福，與職部官兵之深明大義，白刃激戰，血戰六晝夜，死傷五千餘，始克大挫敵人。惟念來日方長，懲前毖後，似應注意下列四事：（一）此次繼續北伐，爲革命勢力與反革命勢力作最後之決戰，彼奉魯軍閥，實爲一切反革命勢力中之最強有力者，似此大戰，非出重兵不可。目今唐生智既已下野，西征之兵，應抽調七萬以上，兵力北伐，以便合力猛進，早解閻總司令之困，以固革命勢力聯合戰線。（二）山東久爲張宗昌所盤踞蹂躪，民衆既不聊生，且爲京津之屏蔽，更足近犯晉豫蘇皖各省；山東之寇，若非積極澈底解決，則北伐軍事，無由進行，黨國根本，即難穩固。應請迅調大部兵力，先行解決山東問題，然後南北革命勢力，方能聯絡一氣，長驅燕遼，掃穴犁庭，庶幾有望。（三）敵人餉彈之充足，已如上陳；而我軍則適得其反。有兵無槍，有槍無彈，則兵多亦復何用？有兵無餉，凍餒交加，則兵氣又何由振？此間餉彈，俱極困難，胥仰政府予以接濟。玉祥前以籲請籌漢合

一之故，深爲漢方所嫉視，自六月二十日至今，凡鈞府之所決定接濟職部之餉彈，在武漢者，既盡爲所扣留；在他地者，又屬無法起運。豫省爲四戰之區，對北則有張作霖，對東則有張宗昌，加以其他內部反側份子，狼狽爲奸，處此形勢險惡之中，無可如何，艱苦撐持，斷難爲繼。應請鈞府寬籌餉彈，以便厚增革命勢力，而早撲滅敵人，庶不至一篑功虧，牽動全局。（四）方今戰術日益進步，兵器日益精良，以衆與寡遇，則寡者敗；以兵器不良者，與兵器良者遇，則兵器不良者敗；以不善用兵者，與善於用兵者遇，則不善用兵者敗；此固必然之事。若夫勢均力敵之部隊相遇，則勝算自屬於明白主義，能犧牲持久者。而官兵之所以明白主義，能犧牲持久者，則端在宣傳工作如何。職部屢次與敵鏖戰，敵以排砲射擊，而我軍卒以犧牲持久之精神，獲得最後之勝利，此皆由於官兵明白主義，而宣傳工作，實有以成之。惟自黨務糾紛以後，對於北方普通宣傳工作，較爲停緩。玉祥以爲此後大戰，不特須寬籌餉彈，並須迅速再練明白主義，具有最新最好之軍械的軍隊，以爲根幹；其人數至少須在二十萬以上。而宣傳工作，尤須加緊進行，則精神自更渾厲，革命方可成功。以上諸端，悉係目前急務，必如此，然後可以剷除賣國軍閥；否則緣木求魚，其後患將有不堪設想者。玉祥効命黨國，憂瘁徬徨，管窺之見，蓄之已久，至於今日，始得罄陳鈞府主持至計，務祈俯察，迅予施行，黨國幸甚！總理有言：軍事爲政治之原動力。而玉祥則以爲北伐爲

國民革命之第一關，今日之事，莫急於此。此間東北兩路血戰，每次輸運斷臂穿胸之傷兵，計鄭汴兩處醫院所集合者，已達五千餘人，陣亡者尙且不論；無醫無藥，宛轉呼號，目視耳聞，玉祥蓋益深傷感矣。祈早設法，不勝行跂待命之至！

請何應欽派兵協攻徐州電 十六年十一月十七日

明光何總指揮敬之同志勛鑒：寒亥電敬悉。敵軍自在蘭封一帶，擊破敵軍後，即乘勝追擊，前鋒直抵碭山。敵軍增加許琨部及祝祥本部，並收集潰退之兵，布陣抵抗。其餘若張繼武部，及高桂滋所收之門何兩部，在敵軍初來時，已叛應敵軍。又有于學忠舊屬之二毛等部，尙在鹿邑太康柘城一帶，逼處右翼，顧慮甚多。又河北方面，在東路勝負未決時，孫殿英竊佔衛輝，彰德，湯陰，淇縣等城，現正調兵解決；故將主力仍引至甯陵一帶，以一部在歸德守城。濟甯方面，因劉鎮華部人數雖有三萬，然素質及能力均差，獨任則不足圖功，助兵則指揮不便，舍之不用，而另撥軍隊，則又無大兵可以分派，且劉內部複雜，頗多顧慮。故弟意俟吾兄攻取蚌埠後，雙方約定日期，即向徐州攻擊。在第一步，決以主力夾擊徐州；濟甯一路，僅與監視，俟克徐州後，再撥大部兵力，向濟甯一路，與津浦正面兩路並進，未審可否，敬祈指示。又騎兵軍由碭山向宿州前進，途間遇敵所收土匪隊極多，甚礙盤旋，乃仍引至歸德附近，隨時向前活

動並聞。

請李宗仁率兵北上電十六年十一月十八日

篠電敬悉。雄師西征，奠定內難，師不涖月，武漢廓清，悉聽之下，母任快慰！此間於上月廿日，在蘭封附近破敵以後，即乘勝直追至碭山附近。但以敵人後方兵力增加尚厚，而河南雜色不可靠之軍隊，又復環繞前後左右，加以劉鎮華部，未能耐戰，遂不能不將陣線收斂，仍在歸德蘭封附近，待津浦路我軍進展，雙方夾擊。至河北軍事，孫殿英前乘我東路緊急之際，竊佔淇縣，衛輝，彰德，湯陰等沿京漢路各城，復由德州派來敵軍三混成旅，約萬六七千人。現已將其野戰軍擊破於淇縣以北，各城皆在攻圍中。然弟所焦慮者，百川同志，以山西一省，當奉吉黑熱察京兆三省三特別區之敵軍，已有兩月，情況危迫，奉軍已入平荆關，太原已有岌岌不保之勢，設有不測，全局牽動，故弟亟欲赴援以挽大局。但欲援晉，北路必先肅清河北，東路即須克復徐州。現張宗昌竭直魯兩省之力，益以豫皖之兵匪，與弟部爭衡，弟部爲其牽制，急切難以北上，中心憂慮，焦灼如焚。亟盼有大兵北上，共此急難，深望我兄爲之將伯也。承示派樊參謀蒞止，極深歡迎，敬復。

請國府迅派得力軍隊北上電十六年十一月二十二日

嘯電敬悉。玉祥待罪中州，未能早殲大敵，完成革命，夙夜自省，負疚實深！更承獎飾，益增汗顏。但敵勢猶張，戰地遼闊，非兵力十分充足，反動勢力，一時不易根本盪平。兵貴拙速，未耨巧久；若兵力不足，縱能成功，必多轉折。時間延長，民衆痛苦，將不堪言。敬祈多派得力軍隊北上，以期一舉奠定，藉慰全國民衆之望，不勝企盼之至！

請何應欽迅速進兵山東電 十六年十一月二十四日

蚌埠何總指揮敬之同志勳鑒：此間近日敵情，張宗昌基本部隊，似有轉移之儀。其在我中央及右翼前方者，爲徐源泉部，及張繼武、寇英傑、二毛、張敬堯、袁家驥等部。測其用意有三：（一）預備行總退却；（二）縮短戰線，在徐州附近頑抗；（三）移主力防津浦我軍進攻。管見所及，並陳察照。此間左翼前方，有潘鴻鈞、劉志陸、楊清臣等部，散布各村堡。於昨日起，以孫良誠軍、馬鴻逵軍，會同劉鎮華部，解決左翼各敵；以韓復榘軍、石友三軍、鹿鍾麟東路軍、鄭大章騎兵軍，從右翼攻剿前進。敵雖沿途據岩頑抗，我軍進展依然甚利。請津浦我軍，猛力進攻，雙方夾擊，敵將宵遁。徐州在此數日內，當可收復也。徐州攻下後，應即乘勢猛進，則克魯不難。軍事最忌停頓，極盼統率大兵，即由津浦直搗濟南。此間以一部由濟寧向濟南，以大部兵力，即由京漢北上援晉。如何之處，敬希統籌指示爲禱。

請國府轉飭津浦線軍隊積極北攻電 十六年十一月二十六日

此間前因劉鎮華部進展遲滯，故將主力仍集結在歸德以西。自二十三日下總攻擊令後，進展極爲順利。敵之主力軍徐源泉部，約三萬人，爲韓復榘軍，石友三軍，擊破於李壩集、野鷄崗一帶。敵之張敬堯、張繼武、袁家驥及二毛等部，爲鹿鍾麟軍，擊破於睢縣、榆廂堡、蓼堤嶺一帶。敵之姜明玉部，爲馬鴻逵擊走至曹縣。以東敵之潘鴻鈞、劉志陸等部，約兩萬餘人，爲孫良誠軍，會同劉鎮華軍，圍在考城附近。正解決中。鄭大章驂兵軍，已向歸德以東挺進。綜觀全局戰況，敵軍徐源泉一部，爲張宗昌之基本，及劉潘兩部，稍能耐戰外，餘皆烏合之衆。推測敵軍之主力，必在徐州以南，與津浦我軍對峙。現今各軍乘勝猛進，擣其腰脊，但敵見隴海緊迫，又必將向南者，繼以西移。請飭津浦我軍，此時務必積極進攻，使敵軍首尾不能相救，在此數日內，必可將徐州收復也。

告閩錫山豫東戰勝情形電 十六年十一月二十八日

(以下三電，敘述十六年十一月下旬，豫東第二次大戰勝利情況。)

此間自本月東日，在蘭封附近破敵大勝以後，即追敵至碭山以東，旋以津浦我軍尙未進展，而左翼雲亞所部兵頓可慮，當時河北孫殿英大肆擾亂，遂將前線仍引至蘭封以東。韓復榘軍與孫連仲軍

合擊孫殿英彰德增輝之敵軍，於十六日擊破於淇縣以北。而津浦我軍，於十六日攻克蚌埠，十八日克固鎮。私惟大舉北進，必先肅清徐州之敵，以除顧慮。遂於二十二日以前，部署完竣，二十三日開始總攻，分三路進擊。進攻以後，連戰大捷。左路將潘逆鴻鈞、劉逆志陸，並其餘各部，悉與解決於考城附近，計俘虜萬餘人。潘逆及其旅長四五員，悉爲我軍擒獲。潘日傷重身死。中路與敵徐源泉、王棟、方永昌等部激戰，擊敗於李堦集，野鷄崗之線。褚玉璞親率其衛隊精卒，糾合敗退之兵，共四萬餘人，復在柳河抗戰。褚逆亦面臨陣，頑強黑鬪，激戰一日夜，將其擊潰，四散竄逃。左路沿途解決張敬堯、張繼武、二毛等部，乘勝直追。據前方昨日報告，中路左路，於上午九時，佔領馬牧集，即向徐州猛進。騎兵軍已過馬牧集，左路已向濟寧猛進。判斷敵人經此再挫，已無抵抗能力。徐州於三日內可下。東路既清，當即調大兵北上，以與吾弟犄角破敵。知關存念，特電奉聞。

勸方振武北上 獲圖電 十六年十一月三十日

安陸花團探投方總指揮樞平見勸鑒：今日魯代裴臺梅兩同志來見，得悉太原情形危險。太原危，則我軍危；以形勢言，不可不援。百川以孤軍支大敵，爲主義犧牲，奮鬥如此，以道義言，不容不援。直魯各軍，全力來侵，不計衆寡，與之力拚，爲革命軍事全局計，亦爲進援百川計也。幸已大戰兩次，破滅該敵，即

令所部直攻徐州，現已越過錫山，即日可下徐州。但目下所可慮者，南中軍隊，畏寒懷土，延不以全力北來，則戰地遼闊，仍苦無救兵，以救晉難，所指望者，惟晉兄一部耳。久共患難，歷濟艱苦，彼此關係，無異手足。吾知兄必若彭雪琴之竹枝芒履，以赴江西之急也。但聞兄以餉彈兩問題，未經根本解決，尙無出師確期，愚意竊以爲不可。南中多故，餉彈欲有根本辦法，非一時所可能。山西情形緊迫，刻不容緩，救焚拯溺，當不待被髮纓冠。一面移動，一面籌辦法，亦不至誤。望晉兄接電後，即日北上，津浦京漢，惟兄所擇，總以速動爲上，切盼切禱。惟盼我兄不學時髦軍人，有出兵之名，而不見出兵之實也。

通告後方將領前方戰況電十六年十二月七日

我軍前方各路戰況如下：（一）河北方面：由孫總指揮連仲，統率第十四軍、梁審愷軍、秦德純軍，現在淇縣濬縣之線，與敵相持，時有戰鬥，均極順利。衛輝敵人，正被我圍攻中。（二）濟甯方面：我軍孫總指揮良誠率部，於上月宥感儉三日，將敵劉志陸、潘鴻鈞等部四萬人殲滅，並將潘逆鴻鈞擊斃，即乘勝北進，現已佔領新澤定陶城武各縣，向濟甯前進。（三）徐州方面：我軍韓復榘軍、石友三軍，自在柳河大破敵軍後，即乘勝直追，於江日即至徐州城下，截斷津浦鐵路。其時敵軍大部，均在南宿州，倉皇北走，希圖奪路北竄，爲我軍截住，遂生大戰。該敵即在徐州城廂一帶，頑強抵抗。現我韓石兩軍，及鹿鍾麟軍，即

大章軍、劉汝明軍，均在徐州圍攻敵人。津浦線何總指揮應欽所部，亦在北進。現在敵已動搖，日內即可全部解決也。

報告東路大戰經過電 十六年十二月十七日

此電歷述十六年下季豫東五次戰役及再度攻下徐州情況。

南京國民政府軍事委員會鈞鑒：李總指揮德隣同志、徐州何總指揮敬之同志、漢口程總指揮頌雲同志、白總指揮健生同志助鑒：竊按此次東路與張宗昌激戰，自開戰以來，前後近三月，大戰凡五次。十月十日至十五日，在碭山以西楊集夏邑之線，爲第一次。此爲前鋒作戰，我軍兵力約三萬，敵軍兵力約五萬。十月二十七日至十一月一日，蘭封杞縣之線，爲第二次。我軍兵力約十萬，敵軍兵力約十四萬。此爲主力衝突，結果我軍大勝，消滅敵人兵力十分之四。十一月二十二日至二十七日，在野鷄崗、柳河、杞縣以東新舊考城之線，爲第三次。乃主力第二次決戰，結果將敵之右翼劉志陸軍、潘鴻鈞軍及其餘各部，約四萬餘人，完全殲滅。中左兩路敵軍，均爲我擊破，克復歸德、碭山，乘勝直薄徐州。於十二月三日進攻徐州城垣，自江日戰至七日，爲第四次。是役因連絡戰線太長，後方顧慮，牽制過多，前線兵力太單，敵軍除直魯軍全部外，益以孫傳芳之全部，雖衆寡懸殊，但我軍因歸德斷絕，俱殊死鬥。前線將領，以何

總指揮應欽督師，旦夕將至，眼見垂成之功，不肯拋棄，忍死苦戰，以待夾擊，故我軍犧牲極大。後見未可，遽克遂引次黃口之線，待何總指揮大兵自南到達，再行夾擊。十二月十四日，至十六日，爲第五次。是役與何總指揮同日進攻，右翼進攻蕭縣，主力在黃口附近，擊破當面之敵三萬餘人，直攻徐州以北之毛村，取包圍之勢；而沛縣豐縣單縣各方面，同時發生戰事，我軍屢獲戰勝，乘銳直前；同時何總指揮所部在徐州之東南兩方，大獲勝仗。敵見東西兩面圍逼已緊，於十六日午前，悉數潰退。何總指揮前鋒由徐州以北之毛村車站，當日進入城垣；此間主力同時抵毛村，騎兵軍即向韓莊追擊，徐州遂告克復。綜計前後五次大戰，俘敵官兵一萬五千餘名，並收敵傷兵一千五百餘名，陣斃敵軍長潘鴻鈞一員，擒獲師旅長十餘員。褚玉璞亦受重傷，並有因傷致斃之說。而我軍官兵犧牲亦鉅，以第四次，第五次爲尤甚。傷兵已運後方醫治者，有八千餘名，現仍有尙未運回者。陣亡旅長陳鴻賓一員；負傷者有師長孫桐萱，旅長李曾志，張印湘，徐福勝，王毓璋，白占元，李漢章，黃維綱，傅殿卿，浦永祥，張其仁，栗順章，劉宗成，李萬洲等；帶傷上級軍官十六員，鋼甲車司令劉自珍一員；傷亡團營長五十餘員；戰事激烈異常。韓總指揮復鎳，石軍長友三，身居散兵線，尙在敵彈如雨之中，往來督戰；師長孫桐萱，旅長李曾志，徐福勝，張印湘等，受傷後不退；官兵受傷，但能操作，均仍裹傷奮鬪，卒能經長時期之激戰，克殲巨敵。今當徐州已下，東路

戰事告一段落之際，理合將三月以來戰事經過，及官兵苦戰情形，摘要電陳，敬祈鑒察。馮玉祥叩。

通電論應速北伐電

十六年十二月二十一日

南京國民政府軍事委員會鈞鑒：上海蔣介石同志、李總指揮德鄰同志、徐州何總指揮敬之同志、南昌朱總指揮益之同志、漢口程總指揮頌雲同志、白總指揮健生同志、孝感方總指揮叔平同志、陳雪軒同志、各總指揮、各軍長、各同志勳鑒：竊按此次克復徐州戰役，張宗昌孫傳芳所部精銳，於隴海津浦兩路，迭次敗挫，損失殆盡，近逼據兗州濟寧之線，士氣沮喪，隊伍混雜，已無抵抗能力。奉張一股，雖稱頑強，攻逐三月不下，兵卒死者，兩萬五百餘。攻晉之兵，復扼於雁門平荊，卒未能越雷池一步，兵挫力屈，其氣已衰。兵法乘勞，此進取之時也；似應及時決定北伐大計，爲一鼓平敵之舉，以完成革命軍事之全功。茲就鄙見所及，謹陳如左：按軍閥與帝國主義相勾結，補充容易，雖經大敗，恢復亦速；我軍若不因席戰勝之威，乘破竹之勢，一舉平敵，而使得有補充之時間，則以後即難爲力；此我軍之應速進者一也。攻守異勢，攻常有餘，守常不足，兵法論之甚詳。蓋攻則士氣旺盛，不爲地區所限；守則處處備敵，將力分而勢寡。夫以今日取攻勢，津浦出兵七萬，濟甯五萬，京漢大名一帶十萬，則解決北方軍事，最多二十二萬而已足。如取守勢，則沿河而東，以至於海，防地千里，雖以三十萬守之，猶虞薄弱，處處防敵，勞費加倍；何

况敵若力足，必來攻我，戰事終不能免乎！此我軍之應速進者一也。夫革命軍隊，爲完成革命軍事之用；今軍數已逾百萬，餉需皆出民間，革命軍事一日不完，軍隊即有增無減，人民之困於供應者，終必有竭蹶難勝之日，時間延長，慮生他變；此我軍之應速進者三也。凡屬革命軍隊，似均應參加革命全線，若留之後方，屯而不用，非特前線減少革命力量，並慮後方發生別故，更長內鬩。譬如一家昆季，在外各有職業，自能永遠和睦；倘皆在家閑居，則妯娌間言，鷄犬細故，皆足爲勃谿之資。此乃出於自然，不必待有播弄，然後致此；此我軍之應速進者四也。閩總司令錫山同志，誓師討敵，以一省之地，當三省三特別區之衆，苦戰三月，師逼近郊，傅師長作義同志，困守涿州，糧彈將絕，勢在垂危，凡我同志，義當奮救；此我軍之應速進者五也。故爲乘勝破敵計，爲兵力多寡計，爲早安民生計，爲各軍和睦計，爲急救友軍計，皆應速進，不宜稍遲。心所謂危，迫切陳告，倘荷贊同，切盼諸同志一致揮軍北伐，共平強敵，以除永患，而定國基。臨電不勝待命之至！馮玉祥叩馬。

請軍委會注意張門何毛等部電 十六年十二月二十三日

關於張繼武門錫光何柯堯三部情形，業經電陳在案。茲據報告：張繼武部張錦標邵子元兩師，共五千餘人，已受石德純改編；寇英傑及袁毛各殘部，亦歸石收編，現爲國軍暫編第六軍等情。按此等軍

隊，反復無常，萬不可恃，萬不可收。若拒之討之，雖不能盡殲，其爲患亦不至甚鉅。若收之編之，則實足爲腹心之患，一旦有事，敗壞全局。馮故軍長祥斌事，可爲殷鑒。往車已覆，來軫方適，貽患前途，何堪設想。敬祈特與注意，是爲至禱。

告劉郁芬等東路戰况電 十六年十二月二十五日

張宗昌第二次傾全力擾我隴海線右路，張敬堯所部，合各路匪衆，約十二萬人以上，分犯考城附近。德夏邑等處，我軍爲誘敵深入計，全部引至野鷄崗、柳河、考城一帶。敵人在前月養日，到達我軍防線附近。遂于漾日下總攻擊，令中路韓石各軍，沿鐵道攻擊；右路東路各軍，向睢縣甯縣進攻；左路劉孫各軍，向考城進攻，騎兵軍由歸德以南，向碭山挺進進攻。旋在柳河考城野鷄崗附近大戰四晝夜，將敵主力完全擊破，斃敵二萬餘人，俘虜一萬五千餘人，槍一萬餘枝，機槍數十架，陸砲迫擊砲白餘尊，汽車二十餘輛，接濟車二百餘輛，計斃敵軍長潘馮鈞一名，旅長數名，韋玉璞身受重傷，敵人分向徐州、蕭縣、濟甯潰退。我軍跟踪追擊，沿途解決零星匪衆不少，虜獲軍實甚多，爲時不久，先後克復碭山、夏邑、蕭縣、曹州、定陶、荷澤、城武等縣。我軍積極進攻，敵人節節潰退。此役劉志陸、張敬堯、寇英傑、袁家驥、毛思義、褚玉璞所部，多半消滅；褚逆僅剩衛隊二團向徐州潰退。本月支日我騎兵軍衝過毛村車站以北，其餘各軍將

敵殘部圍困於徐城附近，左路已過定陶荷澤之線。爾時張宗昌、褚玉璞、孫傳芳均在徐城，遂作困獸之鬪。一時由津浦線退回孫之殘部，爲數甚衆，頗覺彼衆我寡，破城無望。旋向郝寨之線引退，以待南軍達到，雙方夾擊。我軍稍事休息，于元日與南軍同時進攻，我方用鐵甲車、唐克車衝鋒，勢如破竹，斃敵萬餘，俘敵無數。激戰二日，敵人完全北竄，騎兵軍追過韓庄以北。有敵一部五千餘人，集於楊集，經我軍劉汝明部包圍繳械。徐州遂於統日完全克復。我軍奉國民政府篠日電令，悉數由京漢路北伐。津浦線由何總指揮所部擔任攻擊等因。現我軍除以孫良誠、馬鴻逵兩部圍攻曹縣，並準備向濟寧前進。石友三軍調駐開封歸德，以作策應。劉鎮華、鹿鍾麟兩部，即由東明渡河，抄襲孫殿英後路。鄭大章騎兵軍，亦即渡河向彰德北上。外近因豫南樊軍假名革命，到處焚掠，甚至勾結土匪，乘機圖逞，故特調韓復榘、劉汝明兩部，趁此時機，剋日勤辦，以去後憂。此近日軍事佈置之大概情形也。特電知照。

請南中將領乘時北伐電十七年一月二日

溯自出師北伐以來，歲凡兩更，平定大江南北，肅清隴海全線，軍威所震，敵人喪胆，自應乘勢進取，爲一勞永逸之計。肅清反動，完成革命，不宜稍有停頓，致縱寇貽患也。今敵我戰線，延長四千餘里，攻可，有餘，守則不足。先發者制人，後發者爲人所制。查直魯各軍，在隴海津浦，飽受重創，奉軍圖晉，頓兵山岳，

進退維谷，止我軍乘弊進攻之時間。奉張正謀借外債，大購軍械，擴充軍隊，倘稍予縱容，使有整頓餘暇，則爾後軍事，必較今更難。此玉祥所由夙夜躊躇，不能不引為深慮者也。抑有進者：敵軍方面，如孫傳芳新結合之部分，離前方三千餘里，及其吉黑軍隊，均經講來與我作戰；故我革命軍，亦應迅速集中各方所有力量，與之週旋，庶可一舉克敵。至望諸同志當機立決，揮戈北指，則殲滅強敵，共奏膚功，直指顧間事耳。否則，軍事一日不息，建設一日無從着手，斯民衆之痛苦，亦一日不能解除，內受軍閥之摧殘，外受列強之壓迫，中國革命前途，將有不忍言者矣。救民救國，全在此舉，幸垂察焉！

上國府軍委會條陳二事電 十七年一月九日

頃據確報：張作霖由天津海口輸入步槍三萬五千枝，子彈一千五百萬粒，準備反攻，並調褚玉璞為大名前敵總指揮，調張宗昌督直，而以孫傳芳督魯。張孫因利害衝突，已在德州一帶激戰等語。查軍閥勾結帝國主義，不惜國脈，求保權位，補充容易，自在意中；而張孫互鬥，亦為勢所必至。衝敵我之情形，貢一得之愚見，謹陳如左：按張宗昌、孫傳芳兩部精銳，在隴海津浦兩路，迭遭慘敗，損失殆盡；奉張所部雖稱頑強，而攻晉攻涿，死亡數萬，兵挫力絀，士氣已竭；然以其與帝國主義相勾結，利器源源而來，恢復自非難事。當此科學戰爭之時期，以槍砲少而劣，與多而精者遇，則多而精者，自操勝算。敵人取携有自，

而我則製造不給，實力厚薄，顯然判分。似宜迅速設法，多購械彈，以備殺敵之用。此應請注意者一也。殲滅賣國軍閥，非有雄大之兵力不可。現在敵人之槍械日增，兵數日多，而戰鬥力亦遂日益恢復。我革命軍若不急起直追，則衆寡之間，勝負繫焉。軍閥不滅，革命云何？兵力不足，滅于何有？似宜趕練精兵，藉增勁旅，人民雖受一時痛苦，革命成功，自獲幸福，較之苟安目前，戰事遷延，人民仍受其禍，且受禍更烈者，不已多乎！此應請注意者二也。革命軍隊，似均應參加革命戰線，若留置後方屯而不用，非特前線減少革命力量，更慮發生別故，致起內爭，此節迭經陳明，諒邀洞鑒。況現在積極北進，大戰在即，似宜將後方所有軍隊，一律調赴前線，早滅強敵，此應請注意者三也。以上三端，玉祥之愚，以爲當務之急要，莫逾于此。愚慮所及，迫切陳告，倘荷採擇，即懇迅速舉辦，俾軍閥早日剷除，革命早日成功。隨類無任禱切之至！

覆蔣中正說明本軍部署情形電

十七年一月九日

南京蔣總司令介石仁兄勛鑒：虔電敬悉。我處即日行使職權，部署北進，忻快萬分。茲將弟部現在情形，分述如次：（一）劉鎮華軍：此部人約三萬，槍有兩萬餘枝，子彈甚缺，訓練較劣。自克徐州後，即令由考城、荷澤，渡過河北，經長垣、濮陽、清豐，向大名進發。現其先鋒已攻濮陽，並向北續進。（二）鹿鍾麟軍：此部有三萬人，槍兩萬餘枝，子彈甚缺，戰鬥力經歷多次戰鬥，頗有進步。原稱東路軍，現改爲第九方面

軍攻克徐州後，即由蕭縣向河北轉移。內龐炳勛軍及鹿鍾麟自統之第十八軍，均已渡河，在長垣集中，人約兩萬，槍一萬五千枝，尚有王鴻恩軍，留駐碭山馬牧集剿匪，維持徐歸交通；呂秀文軍，留駐荷澤，定陶、城武。(三)孫良誠軍三萬人，並附騎兵一師，在單縣、曹縣、城武一帶屯駐，並一面圍攻曹縣。(四)石友三軍兩萬，現屯歸德蘭封一帶，為孫良誠策應，並一面剿辦鐵路附近之土匪。(五)韓復榘軍三萬，自克徐州後，即由徐州移至漯河剿匪，蓋因豫南土匪充斥，不良軍隊如樊鍾秀、王迺文等，勾結為患，阻斷京漢交通，不得不防，現正在進剿中。(六)孫連仲方面軍，內馮治安、韓占元、秦德純三軍，約四萬人，槍三萬餘枝，原駐在河北，現在滑縣、淇縣、衛輝之線，與敵相接。現又令馬鴻逵軍屬之正由曹縣開拔北渡，約七千人，槍五千枝。(七)劉汝明軍，自攻克徐州後，即開至京漢路以西，密縣、登封、臨汝一帶剿匪。(八)鄭大章騎兵軍，除一師在魯西外，全部由黃河橋渡河，現正由滑縣、長垣中間，向敵陣後方繞抄中。(九)方總指揮振武所部，有一部已開至信陽，正續向駐馬店、上蔡一帶開拔。以上九條，係此間各軍最近移動情形也。據探報，奉軍以三、四方面軍，由京漢阻我北進，並有令堵玉璞、魯大昌，以孫傳芳當津浦之說。至祈我兄統籌全局，指示方畧，弟當躬率所部，以効前驅也。

向中央報告河北戰况電 十七年三月四日

茲將由五日至十一日七日間河北戰況彙報如下：（一）歌晨，觀台北西南三面及艾口，發現敵步騎兵向我猛攻，經我高樹勳師擊退至漳河以北。（二）馬莊陳莊之敵，約三千名，向我進攻，同時柳園小屯及三宗廟，亦發現敵約二千名，擾我後方，經我楊賈兩旅與敵激戰終日。（三）我龐炳勳軍，歌日向李子莊龍山廟以北山上之敵匪攻擊，先後佔領臥龍寨，龍鳳兩山，及信村等處。（四）虞晚，敵以諸種兵連合之部隊，向我安陽前進，經我韓師前往截擊，並派程師斷敵後路，我騎兵大部向柳園襲擊，腹背均與敵接觸，戰甚激烈。（五）齊晨，敵以全力攻我東西大寺，石莊，艾亭，曹馬村，辛安之線，並以大部繞抄我右後方，又派便衣隊潛進我安陽城，均被擊潰，創敵甚鉅。敵係于學忠，袁振青，戡翼翹三部，及竇聯芳，馬占山之騎兵。（六）佳日，我張董兩師，將太史莊，王莊，六府之敵擊潰，殲敵甚衆。又以第十八軍向辛安之敵攻擊，董師向敵左翼抄襲，程師佔領東西崇崗及南陽店，向定澤進攻。（七）孫連仲部，在水冶東設伏，斃敵甚夥，據俘虜稱：順德以南，已無大隊敵軍。（八）我韓陵山陣地，爲戰畧上之要點，佳晚，敵以四路縱隊向我猛攻，血戰一晝夜，敵我傷亡均甚衆，且三得三矢，敵終未得逞。（九）蒸日，葛涇隆師圍攻大韓屯之敵，激戰兩小時，敵向東北潰竄，我軍乘勝追擊，斃敵尤多。（十）眞日，我馮治安軍佔據東高村，東萊，杜固之線，隔河與于學忠部對戰，其他右部，佔領辛安，艾亭，韓陵山，孝子屯，司空

度置村之線，與敵竄聯芳及何柱國等師激戰，我孫桐荳師由十里鋪出擊，敵以富雙英軍來援，經我各部協力痛擊，敵軍向漳河北潰退。其在韓陵山之敵，已被我軍包圍。現正分途向敵追擊中。謹電奉聞。

歡迎李宗仁等派兵北上電 十七年四月九日

（以下七電皆力促第四集團軍早日北上參加北伐）

迭承電示，敬悉德兄蒞漢，師發在途，欣慰無既。敵軍現傾全力犯晉，井陘繁峙，雁門各處，同時吃緊，井陘形勢，尤爲岌岌。敵意擬在十日內，猛挫百川，然後傾巢犯豫。弟爲急百川之難，已飭京漢線各軍，猛攻漳河北岸之敵，務克磁州順德，牽制攻晉敵軍。惟大名方面之敵，必乘機攻我右側，兵力尙須增厚。故亟盼兄部火速北來，以便籌備一鼓破之。茲據黃參謀長中漢來電，尊處坐騎缺乏，茲特撥秦隴馬兩百匹，聊供驅策。並派員奉贈生豬四百頭，麵包二百，鹹菜三百斤，請代爲分致各武裝同志。區區微物，敢云犒敬，不過畧表歡迎之意，務祈哂納，是幸。茲後大軍北發，交通有何困難，糧秣或遇不足，此間必視力所及，竭誠幫助。吾輩同生死，共患難，決不敢稍分彼此。惟望諸兄切實指示一切，俾無隕越，是所至禱。

再請李宗仁等派兵北上電 十七年四月十二日

連日京漢方面彰德附近，戰鬥激門異常，敵衆我寡，形勢極緊。自魚日起，敵戢翼翹，于學忠、袁振青，

馬占山、竇聯芳各部，合有十萬餘人，經我奮勇逆襲，擊潰數次，但一處敵人擊潰，即有一部分敵人增加，往復衝突，愈戰愈烈。我軍原在河北各部隊，均已增至第一線，韓復榘軍亦已有一師增至前線，自彰德以至新鄉三百里間，極形空虛。截至今日，敵又增加富雙英等兩師，萬福麟騎兵全部，並將其後方各部隊，均調前線，綜計兵力，已在十二萬以上，窺其企圖，似有於革命軍事全局中，擇定彰德爲攻擊點之意。切懇兄等即提大軍，迅速北上，務盼在五日以內，開三萬兵以上到河北，則戰局方可穩固，不勝盼禱之至，立候裁復。

### 二請李宗仁等派兵北上電

十七年四月十三日

此次我軍與奉軍在漳河戰線血戰，凡八晝夜，最後敵方增兵，爲數達十二萬以上，傾全力來犯，企圖奪我陣地，衝鋒肉搏數十次，敵人死傷實逾萬數，卒被擊退，終未獲逞。預計奉軍最近必圖再舉，重行南犯。敵軍在河北各部，兵力上實嫌太薄，急待增援。且豫南樊部，四出擾亂，時有截斷京漢路之企圖，實爲後方大患，尤不得不仰仗雄師，建威銷萌。擬請以葉師長琪所部，即日進駐河北，并請吾兄迅率主力，進駐許昌鄆城一帶，則于軍事大局，增益不淺矣。臨電盼切，敬候賜復。

### 四請李宗仁等派兵北上電

十七年四月二十日

河北方面，倖方凶搏，已十五日，戰鬥極烈，我軍傷亡，日以千計。現在韓復榘軍傷亡三師長二旅長；馮治安軍陣亡參謀長劉鎮華部陣亡旅長，其餘營長以上傷亡百十員，官兵犧牲萬餘人，疲困已達極點，敵人仍狂撲未已。若再無生力軍加入，恐難支持，河北不守，必致牽動全局。孫良誠軍，馬鴻逵軍，石友三軍，唐液油軍，現正在圍攻濟甯城外，孫傳芳殘部，尚有五萬，急切不能殲滅，一時實無兵可調，故盼兩湖大軍，仗義渡河，極爲迫切。務請諸兄排除萬難，即調大軍北上，解救危亡，軍機星火，千萬迅速。大軍究竟可否向河北出動，並請示以日期，以便作算，戈待命，不勝企盼之至！

請李宗仁飭葉琪進攻樊鍾秀軍

十七年四月二十五日

目下河北軍事形勢，已屬危岌，大名方面，已連失南樂，觀城，濬縣三城。官兵苦戰，已達二十餘日，筋疲力盡。而樊鍾秀通敵叛變，率匪數萬，分攻洛陽，偃師，鞏縣，密縣等處，鄆洛交通，完全斷絕。如此景象，北伐軍事，實陷千萬分危險之狀態，大兵若不相援，則軍事即將起絕大變化。敬懇吾兄迅飭劉潔河葉軍長所部，即向樊部進攻。如謂事勢未明，尙有不便，則請逕開至河北助戰，以解盾睫之急。生死存亡，即在呼吸之間，切盼速決。若遲迴考慮，緩一二日，則局勢一變，雖豪愛助，亦無及矣。事關黨國存亡，想諸兄必不忍坐視也。無任盼切待命之至！

請軍委會速飭兩湖大兵北來助戰電

十七年四月二十七日

頃接閻總司令百川同志電：謂奉軍現正調集大部兵力，由順德西進，又在雁門方面增兵猛攻，囑此間速調魯西大軍，轉回京漢，督師猛進，以解危難等語。按閻總司令所部，與敵苦戰，已越七月，危困情形，實達極點，若不急救，倘有疏失，必將影響軍事全局，而揆諸急難相救之義，心更不安。現彰德大名一帶，正在苦鬥，此間原擬調魯西之石友三軍，及潼關之張維璽軍，到河北後，轉取攻勢，以與閻總司令犄角破敵。詎意樊部通敵叛變，隴海交通，完全斷絕，張維璽軍，半被截斷，石友三軍，被其牽制，轉入隴海。以此之故，河北不但不能轉守為攻，並且形勢岌岌，危險萬狀。兩湖大軍，雖已奉命北來，迄今未見蒞止，倘再延緩，時機一失，後悔難追。此時有三萬人可以濟事者，將來雖有十萬人亦難為力。如晉軍被敵擊破，則河北必不能保；河北不保，則兩湖雖有雄兵二十萬，補救亦匪易矣。成敗之機，惟在遲速二字。速則北伐大功即可成於今日，遲則不啻與敵以戰勝之機也。敬祈迅催兩湖大軍，即開河北加入作戰，以救危局。並盼田李程白三同志中推舉一位前來督師，並指教一切，不勝迫切待命之至！

欲迎白崇禧即日北來電

十七年五月十三日

（銜畧）文電敬悉。我革命軍此次與敵人最後決戰，賴黨國德威，將士忠勇，濟寧，濟南，大名，石莊，

相繼克復。現津浦線德州，已處我三面包圍之中；業令方振武、賀耀祖、孫良誠、劉鎮華各軍限日攻克。張褚殘部，擬退滄州。京漢線鹿鍾麟、韓復榘，與白川會於石莊，前鋒已抵萬順橋，保定將下。京綏路敵軍，正集中懷來，準備總退却。惟大業多敗於垂成之會，弟以爲有可慮者數事：一、此次戰役，白川部自三月儉日起，已苦戰四十餘日；河北各部，自上月微日起，津浦魯西各部，自上月佳日起，亦均已死拚三十餘日；死傷數萬，元氣大傷。觀奉軍布置，仍圖在滄州涿州之線，屏蔽京津，作最後之頑抗；如我軍無勁旅增援，恐難迅奏膚功。二、日軍在魯，日事橫行，增調艦隊，企圖危我首都；一面竭力扶助敵軍，俾集結殘餘，死灰復燃，必須乘其喘息未定，一鼓殲滅，永絕後患，否則國亡無日矣。三、張作霖因勢竭力盡，途窮日暮，宣言在京綏，正太、京漢停戰，而不言津浦，意在分化革命勢力，使我同志互相猜疑，停頓軍事進展，俾彼得苟延殘喘；如不迅予澈底解決，恐夜長夢多。四、後方各反動分子，多乘機謀亂，企圖傾覆革命政府；如樊鍾秀、李雲龍等，相繼蠢動；若戰局長此遷延，恐更生其他重大變化。五、值此內憂外患交迫，正是匪輩搗亂機會，不消滅敵人，決難鎮懾匪類，消患未然。綜觀上述各節，惟有切懇親督大軍，火速北上，担任在京漢線向北京猛攻；俾河北弟部得以抽出，橫趨滄州東光之線，聯合津浦各軍，猛撲天津。如此則京漢津浦均增加大批生力軍，萬非殘餘之敵所能抵抗；不但京津旦夕必下，而乘勝直追，關外亦傳檄可定。敵軍

既平，再併力對日，可得倭奴而甘心矣。爲救黨計，救國計，救全民族計，必須兄來，必須兄速來！已飭軍事管理局備車十列，星夜開赴漢口聽用；此機稍縱即逝，我兄愛護黨國，知己命駕行矣。

佔領南苑通電 十七年六月六日

頃據韓總指揮復渠魚十九時報告：魚日下午四時，我李漢章旅，已將南苑完全佔領，潰敵紛向東北逃竄，是役俘獲甚多，北京紳商民衆各界，皆來南苑歡迎等語。特聞。

呈院部報告湘西軍情電

民國九年湘西鎮守使任內  
以下增補

譚延闓近藉討伐廖湘雲爲名，派吳劍學率兵進駐洪江，先到已有十八營，聞繼到尙有二十營，表面似爲湘南湘西之內爭，默察布置情形，實含有攻取常德桃源之準備。湘西形勢，由桃源西上，重山疊嶂，綿亘黔境，洪江與辰谿合流，直達常德之朗江，一水遙通，有高屋建瓴之勢，由洪來常，朝發夕至。而目前辰州方面，黔軍本有一混成旅；田（應詔）部川軍，及新收周（則范）部，約四千餘人；張（學濟）蕭（汝霖）林（德軒）各部，合有四千餘人；重以新增之二十餘營，共數實在四萬人以上。職旅以數千之衆，分駐常桃，常德爲咽喉之路，適當其衝，衆寡懸殊，應否作別項準備之處，請即迅授機宜，以免貽誤。

致各當道聲明豫軍藉端啓釁電

民國十年駐兵信陽時代

去歲職旅奉中央命令，駐紮信陽，確山，駐馬店等處，原爲防湘三戰，官兵勞瘁太甚，藉事休息。乃自到信以來，趙督軍受乃弟德惠，時懷猜疑。本年二月十日，駐紮駐馬店之毅軍，與河南巡緝營，因賭博衝突，開火攻擊，互有傷亡。職旅駐馬店韓營長，復急爲維持，地方商民張紅十字旗，冒險爲之調停，地方雖獲虛驚，未至蹂躪。事後探悉，該兵衝突，係受趙個指使，藉說我軍情形。旅長爲避其猜疑，將韓營調駐確山，以冀諒解。日前職旅因中央欠餉十餘月之多，全旅斷炊，適固始解送省款一萬四千元過信，旅長爲救眉急，電請趙督暫借此款一萬四千元，以維軍食，乃趙督不諒，愈滋疑慮。適河南陸軍第一旅及豫北巡緝全部，通電與趙督脫離關係，趙督竟疑及職旅留借解款，係與第一旅互通聲息。茲據確山張團長之江報稱：豫軍數營，假勦匪爲名，向確山我軍駐紮方面進攻。旅長爲正當防衛計，不得不派隊往堵，以求自衛而保地方。彼雖開鎗攻擊，我軍並未還鎗，特先電聞。陸軍第十六混成旅旅長馮玉祥叩巧。

呈參陸部報告在陝進攻陳樹藩情形電

民國十年

據第七師師長吳新田報稱：第十四旅劉旅長率所部自二十七日拂曉，分路進攻秦嶺之敵，敵約一團有餘，激戰至下午五時，敵始不支，向東南敗退，我軍二十七團，遂佔據東河橋，二十八團將秦嶺完

全克復，時因天晚，未便窮追，就陣地露營一夜，復於二十八日率隊乘勢進攻，派第二十七團之兩營，向黃牛鋪進攻，並令第二十八團之一營，由兆詢馬頭等處繞攻黃牛鋪，分路夾攻，又派第二十七團之兩營，由驛口、唐藏、雙石鎮等處出發，以橫截鳳縣敵人後方之接濟等語。查秦嶺爲漢中第一重險要之處，幸經該旅官兵奮勇進擊，將敵擊退，現正乘勝追擊。又據報稱：嘴頭鎮有敵軍兩營，土匪五六百人，包圍嘴頭，有敵軍兩營，已於二十九日派第二十六團李團長率全部進攻，戰況續報。

## 其二

迭電諒達。頃據第七師師長吳新田報告：一、據第十四旅劉旅長報告稱：秦嶺敵軍，自職旅擊潰之後，約有敵軍一團之譜，向黃牛鋪竄逃，我軍於儉日繼續追擊，向鳳縣方面進逼，以期掃除淨盡。二、敵軍詭詐多端，均恃天險，節節設防，鳳縣以南之鳳嶺、留壩之鷄頭關等處，均有敵軍扼險抗拒，堅築堡壘，派兵駐守，我軍不能隨便上去，須攻破一關，然後再進一關。三、鳳縣以南附近之敵，已添派援隊接應，約有一營之數，我軍於二十九日派二十六團之兩營，由黃牛鋪向嘴頭鎮進擊，自早晨九時開始戰鬥，猛力進攻，並令二十七團之一部分，向嘴頭鎮協助第三支隊，由晁哈馬頭鎮兩處，繞西南方向敵人夾擊，以斷嘴頭鎮與鳳縣之聯絡，激戰至十一時之久，敵始不支，紛向東南山中潰敗，我軍現繼續仍向鳳縣追

擊。四、據報敵已在鳳縣一帶，添派援隊五六營，推黨仲晤爲總指揮，姚鎮乾張金印爲副指揮，形勢日見緊急，請中央速籌餉械，源源接濟。何以發電多起，財政部非但毫無消息，而所欠之餉，亦置之不問，令人焦急萬狀。

### 其二

據吳師長新田報告稱：職師率隊追敵，於四日馳抵鳳縣，現在分撥所部，分三支隊進攻。(一)第一支隊二十七團，於五日晨出發，由南天門經鳳留關向留壩進攻，並令右翼兩營，亦於五日由雙石鎮出發，經張口石、鐵爐川、張公鎮向沔縣進攻。(二)第二支隊，派左翼三營，於五日出發，由河口鎮經江西營兩河口，亦向留壩進攻。(三)第三支隊，亦於同日出發，由嘴頭嶺經華陽鎮，向洋縣進攻，並派兩營由江口向城固前進。現在敵軍大部，均退駐鷄頭關，恃險設防，預備抵抗。師長定於六日由鳳縣率隊出發，前向留壩督率進擊等語。查敵軍現均退據雞頭關，負固死抗，除飭吳師長相機速進外，謹聞。

### 其四

據第十三旅長顧琢塘報稱：奉令率隊出發，二十八日午前抵仙姑附近地方，與敵軍張藩、姜鴻模等部相遇，彼方恃衆憑險，先開戰軍射擊，激戰三小時，將敵擊潰。二十九、三十兩日，行經將軍山、老鼠

嘴等處，均有敵軍設防迎戰，歷經我軍分路襲攻，紛紛敗走。本月三日行至距安康十餘里地方，又有敵軍張飛生王紹堂等，憑河抵抗，勢極兇猛，旅長當即親率一軍，繞由漢水下游，潛渡夾擊，敵遂不支，均向平利一帶敗逃，是日上午四時，我軍遂將安康完全佔領。共計沿途先後五戰，擊斃敵兵九十餘名，生擒五十餘名，奪獲槍械軍用等品甚夥，除仍督飭所部乘勝追剿外，謹電奉聞，餘容續報。

### 其五

據顧旅長琢塘馬電報稱：漢陰敵軍，自經職旅擊敗後，退至馬嶺，據險固守，而西鄉復開來援軍千餘，併力抗拒。我軍於翌日進攻，激戰終日，敵仍死守不退，復於馬日晨分路猛攻，至午後三時，敵始不支，紛紛向西鄉敗退，我軍遂將石泉完全佔領。是役擊斃敵八百餘名，生擒三十餘名，獲槍二十餘枝，及軍需品甚多等語。又據安康魏團長報稱：敵軍張藩勾結陳樹滋，馬超羣，王紹棠等各部，於三十日由流水店洛河平利等處，分路反攻安康，向我軍猛擊，經我軍悉力抵禦，激戰數小時，敵抵死不退，當一面抵禦，一面派隊分路繞擊，連日相峙，激戰三日夜，敵勢漸漸不支，紛向平利嵐皋方面竄逃。是役我軍奮力抵抗，得將敵衆擊退，共斃敵軍二百餘名，生擒四十餘名，獲槍械子彈旂幟等無算，我軍亦傷亡多人等語。除飭各軍嚴防追剿外，惟現在子彈缺乏，懇迅籌接濟，以便早收全功。

呈院部報告進攻陝匪郭堅情形電民國十年

郭匪餘黨盤踞岐鳳，現與孔部會剿，尙待尅期合圍，務期盡殲，以爲一勞永逸之計。頃據探報稱：陳樹藩一面積極籌備，反攻西安；一面勾通郭匪餘黨，四出竄擾，分我兵力。我軍欠餉已達一年，迭經呼籲，未蒙厚濟。現在郭匪一日不平，則陝北一日不能肅清，即不能直搗漢中，爲根本恢復之計。應請中央迅速籌匯數十萬元，俾資應付。否則饑軍坐困，險象環生，心所謂危，難安緘默，祈即指示機宜。

其二

據探報陳樹藩派代表聯合川軍，由漢中北窺岐鳳，劉湘已允援助，接濟餉彈，現陳已赴城固准備等語。查郭堅餘黨盤據鳳翔，雖經聯合孔部圍剿，尙難尅日肅清。陝北叛兵勾結巨匪蕭振武，竄擾綏延，聲勢頗衆，雖經井使暨甯夏馬使山西閻督會師合剿，亦未紓北顧之憂。陳部若倚川爲後援，以漢中爲根據，則陝南急難恢復，爲患滋大。除電曹使乞援外，應請速示機宜。

痛斥張作霖袒護帝孽出關討伐電民國十一年四月

共和成立，締造艱難，志士頭顱，英豪腥血，言之至爲傷心。乃十年以來，紛亂未已，揆其致亂之因，一由於項城醉心帝制，洪憲稱尊；一由於張勳奴性未除，大辯復辟。蔡松坡滇池起義，段合肥馬廠誓師，兩

次喋血，千古同慨。國家之奇恥大辱，莫過於變更國體，背叛共和，非第糜爛全國，貽笑鄰邦已也。此次奉軍無端入關，甘冒不韙，以國家爲前提耶？抑以個人之黨見爲主旨耶？國內識時之士，當可不言而喻。夫張勳復辟之罪魁，國人不齒，而張作霖引爲腹心，屢請起用。梁士詒帝制禍首，甘心賣國，而張作霖通電袒護，爲之作俵。迹其舉動，帝制行將復活。祥等圓身戎行，頗知護國之義。此次率師出關，將以共和國之軍人，與帝制派之軍閥宣戰。若視爲奉直之關係，而坐視成敗，則帝孽猖狂，國亡無日。區區愚忱，以爲我輩若任帝制復活，苟且求生，何如爲共和效死，以國慰人，以作兵氣。赴湯蹈火，所不敢辭，臨電無任憤慨。諸希明察。

## 其二

國內紛亂，於茲十年，民窮財盡，元氣大傷。全國人民，已陷於水深火熱之中，何忍使垂危之黎庶，痛遭糜爛。乃忽爾增兵，徧布於京漢津浦兩路線之間，與無名之師，以破壞大局，帝制遺孽，行將動搖國體，野心不死，民命何堪！玉祥奉命督隊赴援，向洛陽方面集中，隨曹吳兩使之後，進討國賊。業將所部十一師全師，暨中央第四混成旅，陝西暫編第一師及第二兩混成旅，及督署衛隊各部，整備完竣，於本月十九日開拔出關。所有省中治安，已託劉省長鎮華維持矣。特電奉達，諸希鑒察。馮玉祥叩巧。

### 聲討趙倜通電

玉祥率師出陝，赴援京畿，曾於上月十九日開拔之始，通電各省，迭奉曹吳兩巡閱使電調祥部十一師及中央第四混成旅並陝西第一師各部，迅速開進。玉祥星夜兼程，於上月二十六日到洛，所部隊伍，尙未同時集中。而吳巡閱使因前方吃緊，先於二十五日赴保，留祥代行副使職權，指揮後方各部。其時中央第四混成旅隊伍分駐鄆縣一帶，三十號奉曹吳兩巡閱使電調十一師之二十一旅及第四混成旅，開赴保定。鄆縣一帶，暫以張之江所部二十二旅填駐。該旅駐鄆，僅有兩營，餘部分駐汜水滎陽鞏縣，聽候調遣。本月五日，奉曹巡閱使電，張之江旅火速開來保定，正在準備出發之際，而是夜三點鐘，趙傑率所部襲攻鄆縣，倉猝應戰。該旅及駐鄆之第八混成旅與四十七旅官兵，傷亡甚多。玉祥得電後，當率十一師在洛各部馳往救援，陝西第一師隊伍亦陸續開到，與趙部在鄆縣迤東地區，激戰數晝夜。本日午後，趙部始陸續潰退，向開封方面竄去。此趙部攻擊我軍數日以來之情形也。惟玉祥奉令援直，中途被趙部截阻，隊伍既牽制不能赴保，官兵又傷亡甚衆，平地風波，頓遭慘劫。雖幸鄆城保全，未遭糜爛，而人民所受驚恐，已屬不小。本同袍澤，無端相殘，官兵何辜，人民何辜，目睹慘狀，有淚難揮。然趙部雖退，是否別有陰謀，能否不再反攻，刻下尙難斷定。爲地方計，爲自衛計，不得不嚴裝警備，如臨大敵。如趙不

反攻，我軍亦決不進擊。諸公愛國愛民，是非曲直，當必有辨。惟望主持公道，解此紛亂。除電請曹吳兩巡閱使聽候解決辦理外，特電公佈，諸希明察。援直陝軍總司令馮玉祥叩魚。

## 其二

自共和軍與帝首馬賊開釁以來，豫省表示與我一致，我軍出關，迭經派員接洽，事事推誠。方期患難相扶，同舟共濟；不意趙督密蓄陰謀，口蜜腹劍，竟乘我軍多數開赴前方，趁我兵力單弱，突於魚日早密派大部隊襲攻鄭州，破壞鐵路。幸經我駐節第八混成旅第二十二旅第四十七旅，及早發覺，協力防禦，鏖戰一晝夜之久，業經全數擊退，鄭防得安。似此甘心附賊，賣友求逞，居心鬼蜮，神人不容。現正集合陝軍第一師，第一混成旅，第二混成旅，第四混成旅，第三師第五旅，鎮嵩軍第三路，會同我駐鄭軍隊，剋日進剿。誓當一鼓蕩平，殲除醜叛，俾天下知順逆所在，知反叛之不足以自存也。謹電奉聞，馮玉祥虞印。



# 馮玉祥軍事要電彙編

## 卷一 軍略

令劉郁芬注意二事電 十五年十月四日

各電報告寶鷄勝利情況已悉。官兵勞苦，請弟獎勵。本日接孫師長來電，當令該師長迅速援陝，並注意下列兩事：（一）汧陽寶鷄之敵，既已潰退，惟秦嶺鳳嶺道路崎嶇，易於潛伏，務轉知黨旅乘勝向南追擊，最小限度，追至留壩，必能大收效果，而免後顧之憂。（二）我軍出兵，須張大聲勢，務用余名義，速即編印佈告，謂已令方振武軍長，爲援陝第一路總司令，弓富魁軍長爲第二路，孫良臣師長爲第三路，馬鴻逵爲第四路，共率大兵十萬，尅日援陝。本總司令親率馮治安，佟凌閣，劉汝明，孫連仲各師，爲總預備隊，策應一切，以便東出潼關，直搗洛陽，而與北伐軍會師，戡定中原等語。並令將此項佈告，多編印多散多貼，以寒敵胆，而壯軍威。特此電達吾弟，並盼將前方情形，隨時電達，是爲至要。

令孫良誠注意二事電 十五年十月十六日

平涼孫總司令良臣弟鑒：迭電報告，吳新田殘部及鎮嵩軍各情均悉。吾弟擬急援陝，與兄意完全。

相同。茲特囑以下三事，務請注意：（一）派遣高等偵探，必須多選有知識幹探，分途派出，使各探彼此不得互相連絡，方可值得實情，而無流弊。（二）用兵之法，以旁敲側擊爲最收功效。務須設法抄襲敵方後路，並以正式軍隊改爲便衣游擊隊，擾亂敵方，出沒無常，必收奇績。（三）攻堅蠻打，爲兵家大忌。與敵人作戰時，必須擇其弱點，則一擊即可突破。非萬不得已時，切勿不可攻城，不可攻溝壘，至要至要。以上三事，關係極爲重要，請我弟接到此電後，一面飛電前方各旅團長，飭其一體遵照；一面飛電報告，已接到此電，余方放心，是爲至囑。祥銑。

令孫良誠先固陣地乘機進攻電十五年十一月二十五日

烏晨電報告攻擊查楊村等情，備悉。接戰鬥原則，無不先求堅固自己之根本，然後再求制勝之策。者萬不可輕用其鋒，致爲敵乘。如能識得戰爲勇氣，一盛再衰三竭之理，深溝高壘，誘敵進攻，挫其精銳，耗其彈藥，再乘機反攻，必獲全勝矣。今敵佔據查楊村，若非必爭之地，可毋庸急於奪回。夫料敵制勝，知彼知己，上將之道。劉鎮華無接濟來源，人所共知，但須靜以制動，此敵不難消滅。我軍長處，必擴大宣傳，使敵知之，以懾其氣；我軍短處，須嚴守秘密，勿使敵知，致爲所乘。我軍韓復榘所部三師，韓占元一師，韓德元一師，趙守鈺一師，馮治安一師，共七師，已分批上道，不日可到前線。余本日次礮口，明後日可到寧

夏，畧事部署，即進至平涼。所有此次死傷官兵，着從優撫卹，以慰忠勇，仰即迅查判請卹。敵人東關外或臨潼後路，尤須設法抄襲，以制其死命。史可軒師，正攻擊渭南中，並聞。

令孫良誠勿輕追敵電 十五年十一月二十九日

長安圍解，敵悉退走；若確係崩潰，旂靡轍亂，各不相顧，我軍即可派勁旅跟踪追擊，使其不能成軍，以收戰勝完全效果。若敵人整隊退却，或猶有第二抵抗線，希圖苟延，則我軍大隊，須即在臨渭一帶，擇地停止，多派得力偵探，查明敵人退却方向，究竟是向潼關<sup>？</sup>抑向武關與漢中<sup>？</sup>或分向各路潰走<sup>？</sup>詳速電復，爲要。

告孫良誠用兵要訣電 十五年十二月三日

咸陽孫總司令良誠弟鑒：儉電悉，遠道赴援，官兵勞苦，惦念之至。用兵之道，須在不攻堅，抄後路，遠偵探，多謀算，四者望萬分注意。至於出奇制勝，神出鬼沒，使敵莫測，尤爲重要。以前屢次電囑，務請我弟善爲運用，必能成功。

令門致中等注意八事電 十五年十二月九日

義旗門副總參謀長致中弟，並飛鱗石總司令友三弟，韓總司令復渠弟，弓軍長海亭兄，包頭鄭總

參贊張堂勛，張處長允榮弟，並轉徐軍長次辰兄，陳總司令希聖弟鑒：迭據各方報告，奉軍出兵南下，一面於京綏線上，增加兵力，有進犯綏包之勢。我軍以戰畧關係，於綏包方面，當收避戰態度。茲將處置方畧，開列於下：（一）奉軍若果連合晉軍，向我軍進逼，則我軍宜以適當之時間退出包頭，就西宮廟大奈太一帶之綫，構築堅固陣地，抵抗該敵；並以五原爲後方根據地點，支撥前線各路。（二）奉軍即果來進逼，其準備及動作，必費長時日之稽延；我軍萬不可輕信探報誇張敵勢，須沉着穩當，安詳處置，詳定計劃，一絲不亂，按照原定布置，從容進行，勿稍慌亂。余現時駐屯寧夏，即爲顧慮東路軍隊轉移安全起見，各官兵宜深悉此意。（三）奉軍伸張勢力於綏包，必非晉方之所願，商啓予當尤抱不安，適與我軍以聯合之良好機會；振堂兄允榮弟速負責進行。（四）平地泉一帶之鐵路，須速設法破壞；應飭張萬慶部，專辦此事，由後山繞出平地泉，時時破壞其鐵路。若能達到此目的，則張萬慶部，將來當令其改編一整師，其槍械服裝，概由此間補充；此事由振堂兄允榮弟負責催飭。（五）張學良與張宗昌因爭直魯地盤，暗鬥甚烈；山西因畏奉方進逼，心懷疑懼；凡此種種，皆敵人缺點，若貿然來犯，必遭失敗，此情須轉飭各官兵知照。（六）奉方進犯綏包一事，雖據各方報告，然必須多派偵探，分赴各地詳細偵察，不可爲其虛聲所惑。其究竟決意來犯綏包？或爲該敵南下，故意加兵京綏線，以抵禦我軍之進攻？必須

偵察明白，從容應付。(七)張勳生所部一萬人以上在察哈爾，若一發動，定能制敵死命也。惟在我各將領，各官長，務須實行避戰，祇可設種種方法，誘敵西來。倘敵竟昧於情勢，貿然進至五原附近，予敢斷言：不出十日之內，即一人一馬，亦必不能生回也。請放心放手辦理之。(八)值非常之時，辦非常之事，必須斟酌情勢，相機應付。請諸同志便利處理，只求妥善，不必請命千里，以免貽誤，至要至要。

令石友三等佈置防禦工事電十五年十二月十二日

義旗石總司令友三弟，弓軍長海亭兄，王副軍長鎮淮弟，門副總參謀長致中弟，趙師長友琴兄，胡旅長德輔兄，續旅長範廷兄同鑒。據鄭總參贊金聲等報告：奉軍馬占山旅，蒸日到綏，郭振鵬旅，已到武川，聞均即日西進，萬福麟有真日抵綏。又據探報：馬占山除帶機砲各一連，抵綏，其騎兵由平地泉下車西進，便衣隊則向後山一帶活動。又據陳希聖報稱：烏芬衣方面，已發現便衣奉軍等語。徐令綏包各部，本「不與敵戰，誘敵深入」之計劃，即日離包西進外，所有余五間各種防禦工事，即請迅速佈置。而前方各種埋伏，以及各種便衣隊，在此時期，最爲得用，務請諸同志設法研究各種用法，多多佈置，以便出其不意，節節擾亂，收效之鉅，不可勝言。現新雲鵬，田維勤，魏益三，均到鄭州，即向保大攻擊，敵方以有事於南，因先試探我軍實在態度，迨保大事起，即可專力應付。此次敵軍來此，實係一時聲東擊西之計，

決難久留於此。晉閻綏商均已接洽，表明態度，即在目前，我軍在此時期，應不慌不忙，將各種防禦佈置穩妥；一面以奇兵擾擊，一面堅壁清野，以老其師，則敵人必無一兵一卒得返矣。

告鄭金聲等奉軍大部不敢西進電十六年一月一日

查奉敵既佔包頭，決不敢以大部西進，其理由有三：（一）中原刻正有事，大兵決不能騰出，小部隊決不敢深入；（二）給養宿營種種困難；（三）察區綏遠大同，爲晉軍駐地，統系不同，必彼此猜忌。有此三因，諒必不敢以大部西侵。我軍須一面整備西進，一面亦不可距敵太遠，以便牽制其南下。最要緊者：派遣偵探，須十分嚴密；判斷敵情，須十分正確，庶應敵不至有失機宜也。所有各路進退節度，均由鄭總司令主持，對敵後退，亦宜籌襲擾之策，特囑。

令宋哲元等出師東下電十六年三月二十四日

據報：鄭州於銑日被奉軍佔領，吳佩孚逃至鞏縣，殘部被我第二十五路總司令張治公部繳械，現已行踪不明，有逃赴太原之說。我軍即將聯合蔣、唐、靳、閻各軍，共同出兵討奉，會師中原。對於北路軍隊，除應積極準備外，着即於磴口、寧夏各處扣船，大張旗鼓，聲言即日大舉東下，以宣傳手段，設法使察綏方面之敵知之，以行牽制，俾其不敢抽兵南迫也。

令孫良誠方振武鄭大章設法偵探敵情電 十六年五月十七日

我軍東進猛攻，所有前方部隊，應百計偵察敵情。偵察方法有二：一、多派有知識幹探分別探報，最詳確最迅速之敵情；一、設法多捕敵方之來探，用計誘訊，藉得敵方詳確情形，則制敵易勝，敵必矣。

令方振武偵查敵情電 十六年五月二十日

軍隊所以致勝，首在明白敵情，次在熟悉地形。凡敵人槍數砲數及其將領姓名軍紀如何等等，皆須調查清楚。地形不但深溝大澗，須查明白，即特別物均須探聽詳悉為要。

令各將領按相當位置指揮隊伍電 十六年五月二十日

近年國內戰鬥，經過時間日趨延長，其原因：一、由於兵器日新，二、由於兩軍對峙，皆能知挖築工事。故一次戰事，久則經旬累月，最短亦非一日或數時所可解決。千軍易練，一將難求，各同志為身任指揮之高級軍官，當不疾不徐，悉心籌畫，從容布置，既不可遲緩誤事，亦不可圖功太急，處處惟在「好謀而成」四字上著想，則功可立矣。各級指揮官，指揮隊伍，各有相當位置，旅長須離戰線二千密達以外，師長四千密達以外，路總司令八千密達以外，總指揮一萬六千密達以外，除有特別情形，必不得已之時，可到前方外，應當依此規定。指揮官責任綦重，不可不持勇慎事。

令劉郁芬集結後方軍隊電 十六年五月二十三日

軍隊駐紮，最貴團結；況當大戰之際，後方軍隊，更不宜分散駐紮。甘省各縣，如有小股土匪，萬不可分散兵力，四出跟剿。須集結兵力於蘭州、平涼、天水、寧夏四處，或在大道上緊要地點。須俟匪情十分明瞭，然後再行圍剿，以免受其牽制，爲要。

令孫良誠、鹿鍾麟等注意七事電 十六年六月十五日

鄭州孫總指揮良誠弟、開封鹿委員鍾麟弟、洛陽韓軍長復榘弟、潼關董旅長玉振弟、鑒：河北敵情，太不明瞭，現規定辦法如下：（一）正面雖不能渡河，然河岸極寬，我偵探應乘機偷渡，並懸賞僱用奮勇偵探，攜帶簡單渡河材料，乘夜冒渡，搜捕敵兵。並一面令軍隊在夜間不時游動放槍，以擾亂敵人之視線，並牽制其兵力，此事由孫韓負責辦理。（二）擔任正面之警戒部隊，每日須有敵情報告，限二十四小時內送到總司令部，此事由孫韓切實督飭辦理。（三）考城及澠池，應各密設偵探機關，主持辦理之人，應選幹材明敏者充任之；考城由鹿委員、陝西由韓軍長分別負責辦理。（四）考城偵探，應從考城東明擇地渡河，澠池應從山西地界渡河。考城者，由滑縣向道口新鄉；陝州者，由懷慶向新鄉，均南下至黃河沿岸偵察。（五）各偵探機關，均須每日至少有八人以上出發，向四個目標點走動；預計第

一批偵探出發以後五日，即可每日不斷接有報告，並逐日有偵探回報。（六）偵探應報告於其所屬機關，方法由派遣時定之，該機關得有報告，應即用電直接報告本總司令，及參謀部，並該管長官。（七）偵探旅費，應從優給與，望即分別切實遵辦爲要。

### 令各將領講求秘密電

十六年七月五日

現在戰事正在進行，一切戰時舉動，須日日改善，方能適應此新兵器之時代。以後旅長以上住地，不准使外人知之，必不得已，會客亦須另擇臨時地點，不准在原住地相見。其他各高級官住地，亦要萬分秘密，不准仍如以前之衙門樣式，使人皆知。至電話電報與無線電之密碼等，均須由參謀人員專心研究進步方法，務求嚴密，不可只守舊法誤事也。

### 令鄭金聲勿向金鄉猛進電

十六年八月十三日

接子良電話稱，兄擬率部向金鄉前進等情，悉查金鄉一隅，過于突出，此時進攻計劃，未經全局規定，吾兄如能進至城武單縣之線，以與歸德虞城聯成一氣，靜待後令最妥。否則，仍應在曹縣埋伏，以主力固守，以偏師繞襲敵後，更以一部縱橫馳騁，出沒無常，以眩敵之耳目，是爲至要。

### 告張維璽劉汝明明瞭真攻假攻電

十六年八月十三日

渭南張總司令維璽弟，劉副司令汝明弟鑒：佳電報告，利用坑道，減少損害，如果無效，再行強搶猛攻等語，已悉。惟無論何項作戰，必有真攻假攻，主攻輔攻，若猛烈攻城時，更須于前三日施行，使敵不能閉目之攻擊，然後出其不意，實行真攻，方克收破城之效。至對敵宣傳，及對本軍官兵宣傳，尤為重要。

令鹿鍾麟注意避實就虛電 十六年八月十三日

作戰之道，實在避實就虛，勿與真戰，注意埋伏，誘敵深入，善用繞抄，出奇制勝，望善運用為要。

楊虎城戰勝仍須嚴密警戒電 十六年八月十六日

張敬堯部，雖經受創，退必不遠。我軍初勝之後，尤須嚴密警戒，以防敵襲；並須用高等偵探，遠出偵察，不可稍有疏慮。此役特殊出力官兵，應即查明核獎，以資鼓勵。

告梁壽惜調集重兵佈至隴海沿線電 十六年九月三日

新鄉梁軍長如南同志鑒：承詢因何事故，將大兵移於河南岸一節，茲將用意詳述如下：（一）我軍承南京九江同志電囑，於北伐軍分路攻浦口蚌埠時，我即以全力攻徐州及濟寧，故調集重兵於隴海路線，不但河北之兵移動，即孫連仲全軍，亦由豫南北調，以便全力進攻，出動容易，不誤時機。（二）據報張宗昌有以重兵由黃河南岸犯豫之訊，因敵人如向河北來，則離其後方之鐵路極遠，張素未離

過鐵路線作戰，不善用此，故其意仍在由濟寧及徐州兩方面，擾我隴海路，應得充分利用鐵路及鐵甲車，偷敵以大部向河北，則孤軍深入，難有後繼，我方由鐵路線運大兵破之，易如反掌矣。（三）我方如向北進展，必須與晉閩協商妥協，同時動作；今若以重兵置於晉閩隱蔽之地，離開策應各方之待機地位，於我方用兵原則上不合。以上三條，乃集兵隴海路線之主要用意也。以後對河北方面，應：（一）多派偵探伺察敵人動靜；（二）清勦匪徒，以安民衆；（三）保持糧源之安全；（四）敵若來壓迫時，我軍即由鐵路運大兵往平之。有大敵時，可速來報，自有辦法。

令各軍分部隊伍解決靳雲鵬部電十六年九月四日

鄭州孫總指揮良誠弟，洛陽韓總指揮復榘弟，確山孫總指揮連仲弟，開封鹿總司令鍾麟弟鑒：（一）靳雲鵬屢次抗令，不肯聽調，又復勾結張宗昌、孫傳芳及紅槍會，陰謀進擊我軍，我軍應即將兵集結，先發制人，肅清心腹之患。（二）第一方面軍，著擔任由新鄭許昌向臨潁鄆城進，以一部分對禹縣方面警戒，限於六日午後六時以前集結於密縣新鄭之線，第二師集結於密縣附近，第十九師第六師集結於新鄭及洧川附近，第九師集結於中牟，其餘分駐鄭州滎陽。馬騰蛟部駐黃河橋兩岸，趙登禹旅仍駐焦作，擔任河北警戒，馬軍長鴻逵率馬斌旅及軍部直屬部隊，即日開駐開封接收城防事務。（三）

第十方面軍着派第六軍兩師，到等封臨汝附近，三十八軍派一師分紮白由伊陽一帶，限於六日下午六時以前到達，牽制李振亞部，不使援靳，若該師出城野戰，則設法殲滅之。(四)第九師方面，担任由南路向鄆城進攻，除一部留駐信陽外，其餘部隊集中於駐馬店確山一帶，限於六日下午六時以前到達，對於汝南方面應設置相當警戒。(五)鄭大章軍騎兵，準備由尉氏鄆陵向臨潁東方抄擊，候令出發；王鴻恩師，俟馬鴻逵軍到開封後，即行開駐尉氏待命。(六)此次擬定作戰方針，在以迅雷不及掩耳之手段，先解決其一部，直攻螺河，斬若東走，則由騎兵襲擊，務使其潰不成軍。(七)關於軍械子彈通信，及應行準備事項，在集結以前，務必辦理妥當。(八)本命令尙未處發分動作時，關於第六兩項，及項中攻擊目標，須分別暫保秘密。(九)予在鄭州，所有集結情形，應即迅速報告，此令。

告各軍攻靳目標電 十六年九月五日

命令：(一)前令各部隊，限於本月六日下午六時以前，各到達集結地點，計時當已動作完竣。(二)規定各部隊作戰地帶，及攻擊目標如左：(甲)第一方面軍，擔任許昌、長葛、臨潁、螺河一帶。(乙)第九方面軍，擔任遂平、西平、螺河一帶。(丙)第十方面軍，擔任等封、臨汝、禹縣、密縣一帶。(丁)東路軍，鄭大章騎兵軍，著於六日夜間出發，按照所示機宜，在左翼活動，繞向許昌、螺河之間地區，破壞交

通襲抄，該軍出發後，與本總司令部命令報告直接連繫，以求迅速，並與前線作戰軍務求切實聯絡。（三）開始攻擊出動，定於本月七日上午一時。（四）預測靳雲鶚受我軍壓迫，必向東往鹿邑方向遁走，若果東遁，則以孫連仲方面軍主力任追擊部隊，孫良誠方面軍，肅清螺河臨潁長葛一帶之地，並以一部協助第十方面軍解決李振亞，鄭大章騎兵軍，須常抄襲敵人側面，擊亂其軍，使之散走，東路軍並準備一部兵力，候令向南襲抄爲要。仰即分別遵照辦理，此令。

告孫連仲等解決靳部電 十六年九月十一日

螺河佔領，靳氏東竄後，我軍各部隊，應取之處置如下：（一）鄭大章率騎兵軍全部，探明敵主力之潰退方向，竭力尾追，并須設法截擊，由孫總指揮派有力之一部應援。（二）孫總指揮連仲着駐鄆城，除以一師兵力支援騎兵軍，追擊至周口西華之線外，其餘分駐臨潁鄆城西遂一帶，肅清沿線餘孽。（三）孫總指揮良誠着回駐鄭州，以一師兵援助第十方面軍，圍攻禹州；石友三軍駐許昌，應將嚴際明師，切實改編。（四）韓總指揮復榘所部，着圍攻禹州，由孫總指揮良誠以一師兵力助攻；李振亞如請願投誠，須以收槍爲條件，或許其移地駐防，再設法殲滅之。以上四條，仰即分別遵照辦理。

令韓復榘相機處置李振亞部電 十六年九月十七日

三寒電報告李振亞求和，及處置靳之煤公司各情，悉李振亞部，應即開赴彰德整頓，如從命即准所請，尅日出發。惟我軍此時仍須注重工作，嚴防詭詐，恐敵以求和爲名，暗中向我襲擊。故應令該部以一團爲一組，逐日開拔，由新鄭上車，並派大員在新鄭點名訓話。李軍長如能矢志革命，共圖始終，卽是革命手足，惟須將從前舊習革除淨盡，一切須服從命令，振作自新；由吾弟確實致問，能則合在一起，爲國家做事，不能亦早早說明，不能因此時兵臨城下，假爲屈從，此等大事，當由自己立定志向，望轉告李軍長明體此意。

令劉驥熊斌向中央軍事當局密陳四事電

十六年九月二十一日

南京石廟口劉總參謀長菊村弟，熊總參議哲民弟鑒：茲有最要數事，望兩弟與軍事當局諸同志，秘密商酌之：（一）我軍此次無論如何，須克復徐州，解決山東。現奉魯軍閥，大肆借款，擴充軍隊，并在大名、濟寧、兗、徐一帶增兵，反攻之說，極爲緊迫。我軍若不於此時將山東解決，則防不勝防，處處皆爲被動，實犯兵家之忌，卽求一整頓補充之時間，亦不可得；若將山東解決，則可臨河設防，減省兵力，此爲大局言之；若由我方言之，則關係更大。山東與河南密邇，河南內部軍隊，外雖託名服從，而暗中與奉魯軍閥勾結，以求裏應外合者，有十萬之衆，若不將山東解決，則外憂內患，實有防不勝防之勢；故解決山東

克復徐州，實爲最緊要之事。（二）我軍作戰過久，從前受過訓練之長官，傷者傷，亡者亡，現在服務者，須加一番訓練，方能勝任。而物質上之缺乏，尤屬苦不可言，有砲無門，有槍無彈，並無刺刀，其有子彈者，亦不過三五排。此種情形，實爲目前最大困難。爲國家事，固不敢畏難，但此種苦情，可與諸同志秘密言之，懇切言之，請其協濟，俾得一意効力於軍事工作，實爲切盼。（三）革命軍從廣東出發以來，作戰已久，多以血肉之身，與軍閥之利器相搏，犧牲已鉅。故克復山東徐州後，須大事補充，共練精兵三十萬，以期一鼓直下黑龍江，而其間可免去許多枝枝節節。中央須購備能戰飛機四五十架，十五或十二生的重砲一百尊，速向各國分購。蓋血氣之勇，與機械物質相拚，萬不可持久。近查奉張於德州保定之線，築有堅固工事，屯有重兵。北方作戰，與南方不同，不可不於物質上積極準備，幸勿視爲迂闊也。（四）某方陰謀不可測，但此仍請諸同志萬分容忍，以顧大局，萬不可即有軍事，總須以解決山東爲先務。方振武與樊鍾秀兩部，近確均爲某方引爲羽翼，然某方若能以道義相合，爲革命効力，則亦我所希望，同屬佔在一條戰線上，何分彼此，若其以利相交，則積時稍久，仍必不能一致，請諸同志暫裝聾啞，勿取急進，如怙過不悛，緩之其內當自變也，千萬千萬。以上四條，請兩弟懇切向軍事當局諸同志秘密商陳爲禱，盼覆。

令宋哲元等解決田玉潔部電 十六年九月二十二日

邠州宋總指揮哲元弟，西安石總指揮敬亭弟，同州劉軍長，汝明弟鑒：查田玉潔盤踞渭北，勢成割據，我軍經過，不准入城，外示服從，終成隱患。應將我軍所有在陝州兵力，集合一致，計劃妥當，用最秘密速之手段，乘其不意解決之，是爲至要。請照此旨妥商迅行。

與李宗仁論攻徐辦法電 十六年九月二十三日

刪電誦悉。我軍進展，已達清江懷遠之線，極爲忻慰。已飭東路軍積極準備，協同進攻。惟此時靳雲鵬殘部解決甫畢，大部隊伍，正在北移。疊據探報：張宗昌自孫軍敗後，即於徐州增加重兵，故鹿總司令所部，獨任攻徐，尙嫌稍單。我軍在津浦線上作戰者，係何部指揮官，係何銜名？統乞電示，以便連絡。又東路軍張繼武軍，以兩萬人集中亳州，卽向渦陽進攻。高桂滋軍已至太和，隴海路上前線，卽在礪山西方五十里之劉堤圍相峙。此次攻徐，似宜於協同動作上，特別注意。對於攻徐辦法，由津浦線上之我軍與高軍及敵部，逐次圍逼之，則萬全而無一失，不致有各個擊破之害。盡籌如何，統乞指教，以便遵循，敬希賜覆，爲盼。

令鹿鍾麟劉鎮華準備攻徐電 十六年九月二十九日

我軍與晉閻，現已確實約定，合兵北伐。頃據來電云：閻總司令於本日在太原誓師北伐，我軍按照協定，應即開徐州、濟甯、德州進攻。茲規定如下：（一）劉總指揮，應速以所部七成力量，在五日以內，準備齊全，即由單縣向濟甯進攻，以所部三成力量，留駐曹縣考城一帶。（二）鹿總司令鍾麟，率東路全部張繼武軍，龐炳勛軍，楊虎城軍，呂秀文軍，王金韜師，王鈺棻師，常好仁師，蕭之楚師，王鴻恩師等，進駐歸德，準備攻擊徐州。（三）開封一帶防備，已令孫總指揮良誠，所部第四軍接防。望即速準備報告爲要。

### 通令各將領分三路大舉北伐電

十六年十月三日

開封鹿總司令鍾麟，蘭封劉總司令鎮華，許昌孫總指揮良誠，禹州韓總指揮復架，漯河孫總指揮連仲，歸德龐副總司令炳勛，道口秦副總指揮德純，新鄉梁軍長壽愷，駐馬店岳總指揮維峻，潢川任軍長應岐鑒：命令（一）奉張之主力，爲其第三四方面軍，已在河南北部，完全消滅，殘餘只有吉黑軍隊三萬餘人，皆疲弱老朽，不堪任戰。魯張之主力，前在滬甯，損失百分之八十，所餘無多，近只以招土匪，收紅會爲事。孫傳芳此次在江南損失殆盡，殘餘不過數千。我友軍閻總司令錫山所部，在京綏路者七師，附騎兵全部，已向保定攻擊前進。李總指揮宗仁，督率本部第七軍，柏文蔚軍，賀耀祖軍，楊耿光軍，由津

浦線經南宿州向徐州前進。(二)本集團軍以佔領濟南德州之目的，分三路進兵。(三)本軍分三路進攻，部署如次：(甲)鹿鍾麟爲第一路總司令，龐炳勳爲副司令，率第十軍，第十八軍，第二十軍，第二十一軍，第二十五軍，及直屬各部隊，向徐州進攻，占領徐州後，即由泰安向濟南前進。(乙)劉鎮華爲第二路總司令，鄭金聲爲副司令，經單縣濟甯向濟南前進。(丙)孫連仲爲第三路總司令，梁壽愷爲副司令，率暫編第三軍，第十四軍，第二十三軍，第五十九軍，經大名向德州進攻。(丁)各路間宜互相聯絡。(戊)各路進攻日期：第一路，第二路，均限於本月以前，準備完竣，九號開始進攻。第三路在孫總指揮連仲未到河北以前，應由梁軍長壽愷，秦軍長德純，先行率部掃除臨漳，濮陽，清豐，大名一帶之敵，俾大軍容易進展。(己)任軍長應岐，率所部全軍，即日經阜陽，渦陽，宿州，向徐州前進，與第一路會合。(四)孫總指揮良誠，率所部之第三軍，第四軍，第五軍，第二十二軍，騎兵軍，屯紮開封，通許，尉氏，中牟，陳留，朱仙鎮，杞縣，睢陽一帶，爲各路總策應。(五)岳總指揮維峻，即日在駐馬店集結所部待命。(六)韓總指揮復榘，率所部第六軍，第三十八軍，集結於鄭州，洛陽，許昌待命。(七)兵站，總兵站，設置鄭州，沿隴海路向徐州延伸，隨第一路進展，爲第一線；由蘭封考城向濟甯延伸，隨第二路進展，爲第二線；由新鄉道口彰德向大名清豐延伸，隨第三路進展，爲第三線。(八)醫院在鄭州，洛陽，設大規模之

固定醫院各一所，新鄉，歸德，開封，各設後方醫院一所，前線救傷辦法，由各部隊自行辦理之。（九）作戰指揮，敵人長處在砲多，其短處即在砲多而不能放，不能命中。久敗之後，又無精神教育，兵心渙散，不明主義，無犧牲之決心。我軍長處，在明白主義，肯犧牲，能耐勞苦，官兵團結。故我方一見敵人，即宜挑選奮勇隊，搶其砲位，拚命奮鬥，敵必敗走，官兵應努力注意。（十）予在鄭州，進攻後，予當巡查各路情況，所至地點，當隨時告知。此令。

#### 與孫岳論作戰方畧電

十六年十月二十一日

太原孫委員禹行二哥勛鑒。皓電誦悉。悉銳北上，與百川合兵討伐反動，義無容緩。但此時敵兵從隴海西侵甚急，張宗昌至濟寧，褚玉璞在礪山，兵力極厚，已苦戰十餘日。現預備在開封以東，打一大仗。此路軍勢甚緊，不能不先爲料理。孫殿英圍攻彰德，梁如南軍長在城拒守，孫總指揮連仲渡河後，已於昨日解彰德之圍，便當進攻磁州，求與百川聯絡，此爲第一步。至於率主力北上，則須俟東路破敵以後，尊論所示，縱失豫陝，可得直魯一層，得失何敢計及！但若使東路之敵，逼近鄭州，則安得從容布置乎？勢有緩急，不得不爾。百川據險爲陣，此時請暫勿與敵決戰也。次辰祈代致意。敬復。

#### 與李烈鈞論東路戰略電

十六年十月二十二日

皓申電敬悉。東路敵兵乘勝深入，弟預備在開封東打一大仗；深望津浦綫我軍向前進擊，則此仗即有把握。北路此時只好出兵三師，爲白川聲援，須東路戰事有眉目，方可以主力北進也。上游軍事未發動前，希望緩辦；已發動後，希望速決，好合兵截定北方反助也。祈時賜告情形爲禱。

請閩錫山堅守待援電 十六年十月二十六日

敬西電敬悉。雄師中路破敵，截斷京保聯絡，至爲忻快！此間北路，前孫殿英圍彰德並陷湯陰，現已次第肅清，前隊已佔磁州，正在向北探進。惟山東之敵，由隴海西犯，其兵數續增不已，且晚即有大戰。津浦綫上，由何總指揮應欽督師北進，惟尙無進攻確期。兩方合擊，解決徐州，不過三五日事。克徐之後，即當親赴河北，督師北進，與弟共同破敵也。吾弟此時，萬不可與敵決戰，可用小隊，此出彼入，以擾亂敵之陣線，使其驚恐，疲於奔命，不得休息，以分其力，不悉我弟以爲何如？特復。

令鄭大章率騎兵破壞鐵道電綫電 十六年十月二十九日

騎兵須利用其速力，橫衝直撞，不能固守一地，以任警戒。該軍長應督率所部，由鐵路以南，衝至鐵路以北，再由北向南，至少須將鐵道電綫破壞十段，始有效力。有功無功，有過無過，全視此戰，並實行向對我作戰之敵後背猛攻，該軍長其努力爲之爲盼。

告前方各將領攻擊方畧電 十六年十月三十日

按敵人此次糾衆來犯，部分極雜，詳列於下：（一）劉志陸部，係從閩粵敗回，多係土匪，在我左翼對劉總司令作戰。（二）姜明玉部，係劉總司令所部叛兵，素無紀律。（三）徐源泉，褚玉璞，頗有三五千能戰之兵，須以持久戰勝之。（四）張敬堯所部，皆係土匪。（五）潘鴻鈞部，亦係散漫之衆。綜此觀察，敵之各部，極爲亂雜，一時猛衝或可，持久則萬不能，況紀律太壞，民心怨恨乎？現在我軍以全力擊之，定能破敵。其部署如次：（一）鄭軍長騎兵軍，須在敵之背後，盡力破壞，竭力襲擊，並將其交通完全破壞。王鴻恩師，現尙在其背後，定能如「馬岱之斬魏延」出其不意，捕獲褚徐兩魁。（二）我正面軍隊，即在正面堅固防守，相機進攻。（三）我右翼軍隊，石鹿韓三軍，應合力向敵後方包抄，自能破敵。（四）劉總司令雪亞同志，須以全力猛進，包抄敵之右側，使敵動搖。現中央政府軍隊，已攻下蚌埠，正攻徐州，敵人根本已見動搖。我軍照以上部署進擊，必能將該敵悉數撲滅也。望激勵各官兵，努力殺賊爲要。

告各將領平地作戰法電 十六年十月三十日

在平地作戰，最宜縱長配備。當敵猛攻時，固不得不將預備隊加入前線；但一經將敵擊退，或戰事情形緩和，即須將預備隊設法抽回，以作後用，庶可持久，而無兵力不足之患也。請萬分注意！

告孫良誠分設攻勢守勢地帶電 十六年六月三十日

查我軍戰線，延長數千里，如全以兵力配備，則處處薄弱，處處受制於敵，而處於被動地位。故應分爲守勢地帶，及攻勢地帶。在守勢地帶，惟注意增固工事，節約兵力。而以多數兵力及砲位，均集結於攻勢地帶內。在日沒前後，先用一二門試射，至夜間以多數砲位進入陣地，俟拂曉，出其不意而猛攻之，當立見破賊，望本此意行之。前令以四門或八門野砲，配置於鐵道兩側，以射敵之鋼甲車，曾否實行盼復。

告鹿鍾麟等准備大戰電 十六年十一月八日

查津浦路上之北伐軍，今日開始攻擊明光，想會師徐州，當在一星期以後。又隴海路上敗殘之敵，經曹縣向濟寧方面潰退者不少。我軍爲鞏固後防，相機夾擊徐州起見，茲決定處置如下：（一）鹿總司令鍾麟率東路軍及騎兵軍向碭山探進，相機夾擊徐州，但騎兵軍須在鐵路以南繞擊敵之背後爲宜。（二）孫總指揮良誠率第三軍分駐蘭封柳河一帶，以第四軍駐曹縣。（三）石軍長友三以主力位置於歸德朱集，以一師分駐虞城馬收集，應準備援助東路軍攻擊徐州。（四）各軍應極力休養兵力，準備大戰，並防敵之反攻，須有安速偵探，嚴密防範，以備不虞。

告劉鎮華竭力穩撐電 十六年十一月十七日

寒電報告，恐敵人以重兵進攻考城各情均悉。敵如向考城進攻，正可竭力穩撐，乘機突襲。須知據點式之陣勢，當然有空隙，方能妙其用。豈有排隊數百里，密如螞蟻，而可以作戰者乎？吾弟其努力作戰，留心應敵，識敵人之虛實，籌破敵之長策，「沉着」與「犧牲」四字，乃我輩勝敵之要訣也。

上軍委會報告戰畧並請發子彈款項電

十六年十一月九日

巧電敬悉。山西被困，涿州危迫，若有疏失，全局可慮。此間前因張宗昌、褚玉璞、舉直魯兩省全力，猛撲開封，不得已將全力集於東路，與之決戰，幸於上月三十一日，將其擊潰。而孫殿英及德州方面增來之兵，約三混成旅，乘我東路吃緊之際，竊佔京漢沿線衛輝、淇縣、湯陰、彰德四城，嬰城頑抗。我軍於東路破敵以後，即調韓復榘軍、孫連仲軍，仍移河北，將河北之敵肅清，即進援山西，於銑日將敵之野戰軍，擊破於淇縣以北，但該敵仍入城固守，並無退意。察其用意，專為據守沿京漢線各城，牽制我軍，以截斷此間與山西方面聯絡。我軍欲越過四城北進，非有極大兵力，難以破敵。東路敵軍，為我軍擊破後，敵軍後方增加許琨部及祝祥本部，並收集退回各部，及張繼武、袁家驥、于學忠所屬二毛等部，仍有十餘萬人，分路進擾。雖我軍素質較敵為優，無如敵數甚眾，環繞前後左右，處處顧慮，兼以左翼劉鎮華部，內多不可靠之分子，以此原因，雖經大勝，未堪輕進。竊觀今日戰局，敵人以奉對山西，直魯對此間，孫傳芳

對津浦。以奉對晉，敵佔優勢；此間對直魯，力足相當；孫傳芳屢敗之餘，萬不能當我津浦之雄師。故敵人弱點，在津浦一方面，徐州並為敵人之突出部。我軍攻擊目標，第一步須佔領徐州。徐州佔領後，則此間可移東路之兵北向援晉，否則，患在肘腋，分兵實難也。昨聞何總指揮於銑日攻下蚌埠，決計仍將已移河北之韓復榘，轉往東路，以韓復榘軍會同劉鎮華軍攻濟甯，孫良誠軍，石友三軍，馬鴻逵軍，鄭大章騎兵軍，鹿鍾麟東路軍，與何總指揮夾擊徐州。收復徐州後，即擬以孫良誠方面軍北進援晉。攻徐確期，敬祈鈞會決定。此間在本月二十五日以前，攻擊準備，即可完竣。惟苦戰數月，餉糈艱難，兵士忍飢，實不堪言。子彈每兵不足五十粒，實為第一危險。此次勝敵，本可乘勝直追，因敵兵收聚，而我子彈不足，遂不敢窮追深入。敬祈鈞會體念此情，對於子彈及款項兩者，迅予補充，以利進展，毋任切禱。

告前方各將領先肅清左右側敵人電

十六年十一月十九日

接何總指揮應欽篠辰電，已於銑日克復蚌埠，正向固鎮追擊等語。我軍此時有三事要注意：（一）歸德馬收集方向確實敵情，及其兵力，須詳細偵察，務得實情。（二）柘城、鹿邑方面之敵情兵力，須詳加偵察。（三）先撲滅來攻劉總指揮鎮華前面之敵人。此三事清楚，即擬大舉東進，先夾攻徐州。然敵之在曹濟者，如不與以大打擊，必為我左側之害；柘鹿之敵，如不清楚，又必為我右側之害也。請特別

注意韓總指揮復集所部在河北擊破敵人後，現已調其到興隆集一帶矣，並及。

### 告鹿石孫韓鄭解決各路戰事方畧電

十六年十一月二十日

據石軍長友三皓電稱：敵有五千餘人，進出甯陵，近日又急攻我左翼劉鎮華部，判斷敵之目的，虛攻我之左翼，其意實在攻我右翼之東路軍等語。該軍長久經戰事，此項判斷深中機宜。我軍欲速解決東路戰事，則有二事，貴在速辦：（一）孫總指揮良誠，須將攻劉之敵擊退。（二）韓軍長復集所部，準備由我右翼抄敵之來抄我右翼之敵，爲最妥也。應由前敵將領，嚴密注意敵情變化，相機處理爲要。

### 告鹿鍾麟等作戰方畧電

十六年十一月二十四日

津浦國軍，已佔宿州，我軍即宜積極進展。茲規定部署如次：（一）鹿鍾麟東路軍爲右路軍，鹿鍾麟爲總指揮。（二）韓復榘軍，石友三軍，爲中路軍，韓復榘爲總指揮。（三）孫良誠軍，馬鴻逵軍，爲左路軍，孫良誠爲總指揮。（四）左路軍以濟寧爲進展目標，以定陶曹縣爲中間目標。（五）第八方面軍，在左路軍之左翼，以蕪澤爲目標。（六）中路軍以徐州爲進展目標，以歸德爲中間目標。（七）右路軍在中路軍之右翼協同進展。（八）騎兵軍在隴海線以南之主力，歸韓總指揮復集指揮，其在隴海線以北之一部，歸孫總指揮良誠指揮。（九）各路軍同時進展，應竭力注意互相聯絡，對於所得敵

情，最貴隨時迅速互相通報。(十)余在鄭州，進展時當赴前線視察。

請中央及各方速定北上日期電十六年十一月三十日

南京國民政府軍事委員會鈞鑒：何總指揮敬之同志，白總指揮健生同志，漢口李總指揮德鄰同志，志勛鑒：今日閣總司令代表臺梅兩同志到汴談及山西爲敵軍攻圍情形，極爲緊急，聞訊之下，殊深焦灼。以軍事形勢言，山西爲形勝之地，奉軍昔日之所以不能與我革命軍在大河以南爭衡者，皆以山西制其腰脊，爲敵後患。若有疏虞，則藩籬盡失，自寧夏、五原、榆林、潼關，沿黃河以東，而至徐海，無處非受敵之地。且敵無後慮，得長驅南下，又以帝國主義資其利器，非復往日之易與。勢將使全勝之勢，轉成敗壞之局，其爲危險，何堪設想！此次閣總司令仗義討賊，以一省支奉、吉、黑、京、察、熱之軍，至三月餘之久，義慨凜然，奮鬥不懈，吾黨同志寧忍見其危險，坐視不救乎！此間因直魯軍全力二十萬攻豫，兵勢爲其牽制，欲圖援晉，必先解決該敵，是以與該敵在豫東惡戰兩次，經時三月，始破其衆。已令各軍乘勝長驅，直擣徐州。徐州收復，即當調集大兵北上援晉。但戰線遼闊，非一部所能擔當，切盼南中各同志多發大兵，共同北伐，以解山西之危困，以竟革命之全功。若待山西疏失，全局危殆，後雖悔之，亦無及矣。迫切陳辭，敬祈明察。並請軍會規定進兵辦法，定期實行。用兵如救焚拯溺，每念山西危迫之情，輒廢寢忘食，臨電馳

念，毋任悚惶，敬希賜復，爲禱！

令前方將領整軍向徐州挺進電十六年十一月三十日

歸德馬牧集韓總指揮復渠弟、石軍長友三弟，並飛送鄆軍長大章弟、歸德鹿總司令鍾麟弟、蘭封飛送孫總指揮良誠弟、劉總司令雪亞弟、劉軍長汝明弟鑒：據漢口交通界由徐州電機得到消息，徐州之敵，已開始退却。按該敵屢受重創，棄徐北遁，應無疑義。我軍應取處置如下：（一）騎兵軍迅速向徐州挺進，到達徐州後，注意搜索殘敵，及與津浦我軍何總指揮應欽所部聯絡。（二）中路軍、右路軍，應速向徐州方面協同進展，惟須偵明敵情，布置周密。（三）左路軍應速前進，迅佔領定陶曹縣之線。（四）劉總司令鎮華所部，以一部圍考城之敵，一部迅速佔領齊澤。（五）劉汝明軍，仍在蘭封策應各路。以上五條，仰即迅速辦理，並即將情形報告爲要。

告韓復榘攻徐戰畧電十六年十二月六日

郝案飛送韓總指揮復榘弟鑒：連日圍攻徐州，急切難下，極爲惦念，茲有應行注意者三事：（一）頓兵堅城之下，兵家所忌，敵有外援，尤少成功之望。（二）津浦路上之北伐軍，如猶遲遲未進，我軍宜迅速暫離開徐州四五十里之處，休息整頓，但須先設埋伏，向後撤退，敵來則痛剿之。（三）第二軍劉

汝明之隊伍，亦可用於第一線，但須配在一翼，不可使用於正面。特電遵照。

告韓復榘等攻守戰畧電十六年十二月七日

礪山郝寒飛、韓繼、指揮復榘、弟，並飛轉石軍長友三、弟、鹿總司令鍾麟、弟、鄧軍長大章、弟、柳河歸德、孫總指揮良誠、弟、鑒。命令：（一）徐州敵軍，負嵎抵抗，我軍不可力攻，須以計取，爲達到此項目的起見，有以下之佈置：（一）我軍前線移至郝寒之線，速爲整頓後，仍須繼續移至礪山之線。（二）如北伐軍北進至夾溝一帶，與我軍取得聯絡，而敵人不以大部來攻時，我軍可仍在礪山之線，擔任工事，與北伐軍協同進攻。（三）北伐軍如未北進，或敵人大部來攻時，韓石兩軍，應一步一步撤至柳河之線，堅守，並候令轉取攻勢。（四）右路軍應在中路軍之右翼協同動作。（五）孫總指揮良誠所部位置，另有密示。（六）鄧大章騎兵軍全部，於大軍轉移陣線時，應在隴海以北掩護大軍動作；若大軍撤至歸德以西，則該軍應在歸德附近正面掩護。嗣後即在大軍右翼地區活動，向敵之側後時行襲抄。（七）余在開封。此令。

告前方各將領攻徐部署電十六年十二月十二日

命令：（一）津浦路上敵我情形，如文辰電所述；何總指揮應欽，已下令寒日攻擊前進。（二）我

軍宜與友軍同時夾擊，於最短期間佔領徐州爲目的，決定寒日開始攻擊前進。(三)東路軍鹿鍾麟所部，沿隴海路線以南，向徐州城前進。(四)中路軍韓復榘所部，沿隴海路線以北，(隴海鐵路在內)向徐州城北之隴海路車站及毛村車站之線前進，應以主力位置於左翼，以便截斷敵人歸路，包圍殲滅之。(五)騎兵軍應隨大軍之左翼前進，所有附近小敵土匪，着竭力驅除；我主力攻擊徐州時，該軍應停止於灣里集，鄭集附近，以警戒左後方。(六)以上各軍，限於寒日午前四時由現陣地出發，第一日須到達韋道口，張家寨，梁言之線，第二日須到達桃樓，夾河寨，鄭集之線，但中間如有一部受敵之抵抗，須協力驅逐，彼此聯絡要確實。(七)劉軍長汝明所部，速將楊集附近之小敵消滅後，即沿鐵路在中路軍後跟進。(八)孫總指揮良誠所部主力，着位置於歸德，以爲各軍總策應，柳河歸德嶺山間交通，着由孫總指揮負責保護。仰即分別遵照辦理，此令。

令前方各將領努力攻徐電

十六年十二月十三日

余已下令於寒日進攻徐州，與何總指揮應欽協同剿除頑敵。諸將領須知此次進攻徐州，乃革命成敗關鍵，亦卽我軍生死存亡關頭，當爲諸將領條述之：(一)閻總司令被困北方，形勢岌岌，山西有失，則陝西洛潼皆吃緊，我等卽不能在河南立足；今欲救援山西，若不攻下徐州，則無兵可分，時間一長，

山西失，大局必壞，而我軍之處境危矣。（二）豫南豫東豫西，無處不是土匪，且日以謀我；我若不攻下徐州，則無兵可以鎮攝，一旦變起，則無法收拾。（三）此次何總指揮應欽，督師北伐，其性質實爲應援我軍而來；今聞其於昨日已在徐州南方有戰事，我等若不趁此時併力夾擊，則失信於朋友，嗣後即無有爲我等幫助者，我等尙何處有立足之地，救國之資乎？（四）張宗昌、孫傳芳之全力均在徐州，若於此時將其撲滅，則黃河以北，指日可定；若不能將其擊敗，則革命軍事，將永無成功之望。以上四條，各將領及各官兵，個個均宜深曉。今日進兵，應抱定大犧牲之決心，與逆賊爭生死，成敗在此一舉。如有作戰不力，應機遲誤者，定以軍法從事，決不姑寬。諸將領其明悉此旨，千萬努力！

告前方各將領須明瞭敵情地形電

十六年十二月十四日

用兵作戰，先宜明瞭敵情，熟悉地形，然後方能決定是攻是守，是進是退，如何分合，如何變化。近來諸將領對於搜索敵情，偵察地形，毫不留心，完全如盲人瞎馬，一味蠻撞。敵人無兵之處，我反增加兵力，與之相守，置于無用之地。敵人兵多之處，我反以少兵與之角勝。在軍隊離數里之處，即不知敵人有老少。尤其是騎兵軍，全然不知自己任務，對於敵情，或以多報少，或以少報多，毫不真確；對城寨山川道路森林池沼之形勢，全不甚明瞭；而敵之兵種兵力，亦全不聞有報告，只以敵多敵少代之，豈不誤事！騎兵

爲軍中之耳目，今乃如此不盡責任，殊太不合。嗣後各將領須竭力於偵察搜索上用工夫，凡離軍隊三百里內之情況，必須纖毫皆知，朗若列眉。法當用高級偵探，官長偵探，普通偵探，土人偵探，或投入敵人作事爲內間，或遠至敵後方以刺察敵情，務須用種種方法，達到目的。總之：兵凶戰危，關係國家之存亡，必先明瞭敵情地形，然後攻守進退，分合多寡，先後輕重，剛柔強弱，種種方式，方能決定。若不明瞭敵情地形，徒知結成一字陣式，齊頭並進，敵若以全力攻一點，或攻我一翼，我即不知所以應變，兵雖多亦無益於勝敗也。諸將領對於敵情地形，用「間」用「探」上，務必努力切實辦理，不可稍忽，特此諄囑。

告前方將領克復徐州後部署電 十六年十二月十七日

郝寨徐州探投鹿總司令鍾麟，韓總司令復樂，石軍長友三，鄭軍長大章，劉軍長汝明，歸德孫總指揮良誠，柳河飛送馬軍長鴻達，新鄉孫總指揮連仲鑒，命令：現我軍已將徐州攻下，所有津浦路正面及以東地區，由何總指揮所部擔任。本軍爲貫澈北伐目的起見，應取以下之部署：（一）韓復樂軍應即用火車輸送，移駐鄭州，以一師進駐郟城。（二）石友三軍應即用火車輸送至歸德，接孫總指揮良誠圍攻曹縣任務，暫以一部駐歸德，俟鹿鍾麟軍接防部隊到達後，即全部移駐曹縣。（三）鄭大章騎兵軍在隴海鐵路以北，向西行軍，沿路搜除伏匪，撫綏百姓，至歸德用火車輸送，向新鄉開拔。（四）鹿鍾

麟軍以一部乘火車至歸德接防，大部即經隴海鐵道以南行軍，至歸德馬牧集一帶，沿途清塗土匪，安輯百姓，關於嶗山防務，應由鹿總司令商請何總指揮派隊接防。(五)孫良誠軍應以一部留駐歸德，侯石友三軍接防，其餘應即回單縣前進，侯賢縣歸德防務，完全由石軍長友三接收後，孫總指揮良誠應即統第三第四兩軍向濟甯前進。(六)劉汝明軍用火車輸送至開封。(七)鐵路運輸次序：(甲)韓復榘軍，(乙)石友三軍，(丙)東路軍之一部，(丁)鄭大章軍，(戊)劉汝明軍。以上七條，仰即分別遵照辦理，隨時具報。又劉鎮華軍已令即日由東明附近渡河，向大名前進，並電知照。此令。

建議國府及各方乘勝攻取山東電

十六年十二月十七日

據前方報告：我軍已於統日攻下徐州。邇後軍事計劃，似應迅速決定，不使殘敵有喘息之時間，以期一鼓盪平。敬將鄙見條陳如左：(一)按張宗昌盤踞山東，爲張作霖之屏障，若不速行剪除，則對張作霖用兵，頗多窒礙。(二)山東與河南，地勢密接，山東若不平定，河南必留重兵，方能保固。況河南灰色軍太多，賊去則盡，革命旗幟，賊來則改用賊之旗號，牽制太多。故難於在山東未平定前，以大兵由京漢直上，與奉軍決戰。(三)張孫屢敗之餘，軍心頹喪，乘勢擊之，奏功極易。若稍一停頓，使得守住泰安，以待其定購之三千萬元械彈，運到補充，再往攻之，則費事多矣。有此三因，鄙見擬請乘勝解決山東。

津浦正面，及以東地區，請由何總指揮應欽同志所部擔任；自濟寧及以北地區，由職軍擔任。關於此路軍事，業已部署出動，並遣兵三萬即日渡河，應援閻總司令錫山同志。除派專員與何總指揮面商外，以上所陳，是否可行，敬祈裁示，不勝待命之至。馮玉祥叩。篠。

### 與李烈鈞論攻山東電

十六年十二月十八日

發西電敬悉。徐州克復，弟即於篠日就鄙見所及，電政府條陳進取方畧，想吾兄必已鑒察矣。弟以爲山東密邇河南，兵勢過於逼近，河南之灰色軍隊，潰兵土匪，皆與敵勾結，敵遠則掛革命旗幟，敵近則悉爲敵之羽翼，故山東不定，勢必牽制河南極大兵力，決難悉力北伐。現張宗昌新敗之後，實力凋喪，宜乘此時迅速擊之，收功甚易。張宗昌爲張作霖之屏障，剷除張宗昌，就是剷除張作霖。若使其有休息時間，待所購大批械彈運至補充，則事倍功半矣。故此時似以迅速解決山東爲惟一辦法。關於此節軍事，津浦正面及迤東地區，擬請由津浦北上諸軍擔任；自濟寧及迤西地區，則由弟部擔任，現已部署出發。百川同志勢甚危急，弟分兵三萬渡河，由京漢進展，另遣劉鎮華軍渡河佔大名，以分敵勢，敵必不敢深入晉境。且我軍攻山東急，奉軍於德滄一帶，必受牽制，故山西方面，亦決無大危險。此一「伐魏救趙」之意也。山東一下，然後與百川協力，取長牆圍制之勢，以向京津，敵必逼出關外矣。管見如此，敬祈賜教，倘

蒙贊同，便請主持，爲禱。

令各將領注意敵情地形等四事電 十六年十二月二十五日

旅長以上官長，關於最近用兵，應急切注意者，條示如下：（一）要確得敵情及地形，方能作戰。如想確得敵情及地形，非多派有知識的幹練的偵探，設法偵察不可。敵情地形既認識明白，無論進退攻守皆可。關於敵情，宜將兵種、兵力、位置、企圖、偵察明白。萬不可籠統的說敵人多，敵人少；更不可徒根據隊號，宜調查人數、槍砲及槍砲之種類。此皆各將領應速講究，加緊訓練高等偵探之事。（二）兵力要集結注意一點，萬不可分散太過。顧前則後寡，顧左則右寡，無所不顧，則無所不寡。如能集中一點，將敵人一點先行衝破，其全局自瓦解矣。（三）軍隊最忌是吃碰勁，欲僥倖成功，必須真正明瞭敵情地形。不攻則已，攻則全力赴之，一攻即開，萬不可零碎運用。更須有虛有實，有多有少，擇地虛薄，用全力擊破之。（四）近日砲火最烈，無論攻防，必先佔據地點，誘敵來攻，俟敵攻至五六點鐘，或幾晝夜，力疲氣竭，彈藥將盡之時，再出其左右腰，或抄其後方，全力攻之，必獲勝矣。（五）每次作戰，後方糧食醫院，及大接濟地位，宜格外注意，必須充分準備。以上各條，關係太重，仰各遵照努力辦理，毋得玩忽爲要。此令。

告孫連仲等河北作戰方畧電 十七年一月十日

新鄉孫總指揮連仲弟，長垣鹿總指揮鍾麟弟，劉總指揮雪亞弟，鄭軍長大章弟，現彰德大名以  
北敵情，尙未十分明瞭，我軍進取方畧，自應十分鄭重。茲下命令如次：（一）我軍此時，應極力偵察大  
名彰德，及其迤北一帶之敵情，並一面積極消滅淇縣湯陰以南之敵。（二）劉總指揮所部第八方面  
軍，應即在內黃清豐一帶之線停止，一面積極偵察敵情。大名城垣，如果有極好機會，可以佔領時，即進  
佔。否則對於大名城垣，萬不可輕進攻擊。（三）鹿總指揮鍾麟所部，即向宜溝驛淇縣之間前進，與  
孫總指揮所部聯絡，抄擊在淇縣附近與我軍對抗之敵人。（四）孫總指揮連仲所部，對淇縣道口衛  
輝一帶城外之敵，宜積極施以攻擊，限于十六日以前，與鹿總指揮所部，協同將該敵肅清，並須極力互  
相聯絡。（五）騎兵軍在此期內，仍照前令，向彰德以南以北，斷絕敵人後方交通，多方擾亂，爲要。（六  
）各軍注意事件：（甲）須竭力互相聯絡；（乙）須努力注重守城守寨辦法；（丙）須多方與民衆  
聯絡。如民衆有惡劣分子，受敵運動，對我有危害時，亦不可不察。總之：我軍須處處本首徐農安良之旨  
做去。（七）命令接到後，速將遵辦情形電復，爲要。

向軍委會陳述進兵步驟電 十七年一月十七日

恭讀江日政府命令：着蔣總司令中正，閻總司令錫山，楊總司令樹莊，及玉祥等，督率所部，刻日會

師幽燕，完成大勳等語。奉令之下，忻快萬分！溯自我國革命軍興師北伐以來，未及一載，奠定大江南北，肅清隴海全線，前鋒並已深入魯燕，殘敵消滅，已可立見。不幸禍起闔牆，兵勢驟轉，敵遂乘隙，益復猖獗，革命軍事，完成難期，民衆倒懸，無法解救，全軍將士，感憤萬狀。此所以一奉命令出師，無不喜躍爭先，樂効馳驅也。此間于克復徐州以後，即積極調兵北上，現鹿總指揮鍾麟，劉總指揮鎮華，鄭軍長大章所部，皆已渡河完畢，合之孫總指揮連仲所部，共有八萬餘人，第一步即進取順德大名之線，與閻總司令取聯絡，夾擊京漢之敵；以孫總指揮良誠，石軍長友三所部五萬人，當濟寧方面，待機進取；此職軍奉令進攻，第一步部署情形也。惟是戰線延長三千餘里，大兵進退，最貴協同。此間如進至順德大名之線，則當與閻總司令謀協同，濟寧方面進取，亦必與津浦我軍取協同。至盼中央通盤籌畫，規定指示，庶免參差。至方總指揮振武，陳總指揮調元所部，及後方能戰各軍，亦乞迅調前方，增厚實力，並請規定指揮統系，以便作戰。濟寧方面，若能另籌勁旅担任，以職軍全力調在京漢，則成功益有把握。預度進兵以後，必有一二次劇烈大戰，對於接濟械彈，務請充分，以免缺乏。師發在途，決無延遲。玉祥及所部全體官兵，抱定有賊無我，有我無賊之決心，誓與賣國軍閻奮鬥，以完成革命軍事。惟祈隨時指示機宜，俾資遵循，不勝待命之至！

通令隱蔽師以上司令部所在地點電十七年二月二十一日

作戰各軍，凡師以上司令部駐在地，應設法秘密，祇作暗記，不宜高揚旗幟，或掛某司令部木牌，致引敵人注意。此次吾軍商總指揮駐在地，因標記太顯，被奉軍乘飛機認識，拋人炸彈，雖幸未炸，危險已極。各將領須知身負指揮之責，一身安危，關係全軍性命，務須小心謹慎，爲要。

令孫良誠等蓄力待敵電十七年二月二十八日

曹縣孫總指揮良誠弟，彰德孫總指揮連仲弟，湯陰鹿鍾麟弟，衛輝馮軍長治安弟，鄭軍長大章弟，濮陽劉總指揮雪亞弟鑒：接密報：敵有先攻彰德，後攻曹縣之密謀。望星夜准備妥當，厚集兵力，敵來時，先利用各種溝壘城寨地雷，寬壕固守，俟其攻過二三日後，再用主力出擊，抄其側背，一戰而勝，便竭力追擊之。以近待遠，以逸待勞，以整靜制其浮動；我有三得，敵有三失，不難將敵全部殲滅矣。現南京山西大軍均已準備出擊，敵將首尾不能相救。其側面暴露于山西方面者，近五百里之長，是皆用兵者所大忌，而與我以成功之良好機會也。望于布置上，養氣蓄力，努力遵照，詳細綿密準備，爲要。

告孫連仲河北作戰方畧電十七年三月十日

彰德孫總指揮連仲弟鑒：茲將該方面作戰計劃，分示如左：（一）漳河以北之三台臨漳各地區

守兵，祇可作爲前進部隊，果敵人以大部兵力來攻時，即放棄之，撤回漳河以南。（二）務將敵人引誘至漳河以南彰德以北之廣漠地區，再用主力殲滅之。（三）必要時由漳河以北撤回，各部隊務必集結，切忌分散。（四）臨漳方面無派隊應援必要，可遵照第一條所示辦理。特電遵照。

覆李烈鈞論戰畧電 十七年三月十六日

銳戍電敬悉。介公此次定計，由津浦濟寧進攻，先取濟南，實爲極是極好之計畫。弟于克復徐州後，曾有電陳政府，亦主此議。惟謀之欲密，行之欲速，當乘敵之不戒，而疾擊其不意。弟今居河北調度者，欲故示先聲，以緩京漢之敵耳。若兩湖能出兵三萬或五萬到彰德，則更爲圓滿。津浦京漢同時並進，使敵首尾不能相救，勝算自有把握。甚望德隣同志，早日北來，共成大功，至盼至盼！

告孫良誠等進攻濟寧方略電 十七年三月十八日

曹縣孫總指揮良誠弟，開封石軍長友三弟，柳河馬軍長鴻逵世兄，定陶席師長液池弟鑒：查方總指揮振武，楊軍長虎城，賀軍長耀祖各部，均集合於歸德、單縣、豐沛一帶，同該總指揮進攻濟寧，該總指揮軍長師長等，須要迅速妥爲準備。茲將此時急要辦理之事列下：（一）前方之敵情，務萬分詳細偵察，不可稍有遺漏。（二）前方地形，如道路、橋梁、河川寬窄深淺、高地、凹地、山地，此時要努力清查，切不

可稍事疏忽。(三)敵人長處，敵人短處，我軍短處，我軍長處，須要分條研究，並與各將領切實討論，將我歷次作戰所發現之短處，一律改之去之嚴戒之，而專用我之長，對彼之短，則戰無不勝矣。(四)或練行軍，或練野戰，或練夜戰，須趁此時專補短欠之處，尤須檢查人馬裝械，申明紀律。蓋有紀律者勝，無紀律者敗。該總指揮軍長師長等，須萬分努力焉！至要至盼。

告各將領對敵作戰個別及一般方畧電 十七年三月二十日

知己知彼，百戰百勝。今大戰在即，我各將領均應審慮周詳，謀定後動，務期一戰成功。茲特將應行特別注意之事，分項逐條，列示於後：(甲)對敵軍各部作戰，應行分別注意之件：(一)對於奉軍三四面軍作戰法：此軍為奉軍精華，軍實較為充足，其精銳部分，及精良器械，多使用於鐵道線附近；其高級指揮官，多在鐵道線上指揮，離不開鐵道。我軍最好用避實擊虛法，由一翼抄襲，或繞攻其側背，則容易成功，中堅可不攻自破。如韓石之在東路抄敵後路，而得敵鋼甲車五列也。(二)對於直魯軍作戰：直魯軍大部係土匪編成，人員雖多，等於烏合。此種軍隊，心氣浮動，其伎倆不過最初有一猛撲，並設法在我陣地後方擾亂，一經擊敗，即無反攻能力。故我軍於交戰之始，應力持沉着，固陣以挫其鋒，待其氣竭力疲，即行反攻，必可破之。我軍並宜注意縱長配備，多留預備隊，防其抄襲。(三)對於孫軍作

戰法：孫傳芳部亦頗能戰；其用兵素係積極行動，常以全力猛攻某一點，一次失敗後，又親率預備隊反攻。故對此作戰，須按戰術原則，謀定後戰，不可稍事孟浪；尤須於作戰中防其襲擊。追擊時尤須整集隊伍，防其反攻爲要。（乙）關於一般注意之件：（一）宣傳標語，宜注意合乎民衆心理；直魯民衆，久受敵人煽惑，誤認我軍爲赤化，故對民衆應多方宣傳，使之了解三民主義，及革命意義。切忌用打倒大地主，打倒土豪劣紳等激烈標語，以免疑惑，而激起反感。（二）直魯民俗敦厚，男女之別極嚴，我軍應恪守紀律，不准擅入民宅，引起反對，且軍律不容絲毫假借也。（三）此次作戰，爲革命軍生死關頭，務期戰必勝，攻必取。各將領各級官長，對於所部，宜分四五十人成一小組，將革命意義，敵軍暴虐各點，詳細講解三日，激發各官兵，均要有有賊無我，有我無賊之大決心。然後對於民衆作大規模之宣傳，冀喚起其同情，樂爲我助。（四）奉軍飛機較多於我，常以之拋擲炸彈，然依歷次作戰經驗，效力極微，黔驢之技，不足一顧，切勿爲其所擾。（五）唐克車作戰，其最大能力，不過爲擾亂陣線，其缺點行駛全賴汽油，又須時時換水，時間僅能支持一小時，遇河流深溝，卽失其活動能力，且其視察僅賴一縫，行同盲瞽，可以設計弋獲之。（六）敵人砲彈雖多，然其射擊不準，濫發濫放，我軍宜設法用假裝陣地以欺騙之，並以奮勇隊搶奪其砲。（七）攻擊前進，切忌久停一地，多受損傷，惟有利用「不怕死」三字，一鼓作氣，

勇往直前，足寒敵膽。(八)切忌頓兵堅城，敵如死守城寨，牽制我軍兵力，我若竭全力與之攻城相搏，必墮入敵人計中；最好以相當兵力，實行監視，其餘大部，仍繼續攻擊前進，以竟全功。以上各條，為勝敵要訣，深盼各將領督飭所屬官兵，努力研究，萬分注意為要。

#### 請閻錫山夾攻奉軍電

十七年三月二十三日

簡電承示，奉軍第九軍南下，敬悉。敵人如果悉力南犯，兄意在河北彰德一帶，與之作持久戰，以老其師，而乘其弊；我弟即於此時，截擊其後，同時雙方約期大舉夾擊，以破滅之，如何，請指教為盼。敵此時懸軍南下，在直魯交界處，與我方交戰，是犯用兵大忌，經此一戰以後，北上即可不費大力矣。

#### 告鹿鍾麟在京漢線作戰方略電

十七年三月二十四日

湯陰鹿總司令鍾麟弟鑒：據各方確報：敵人欲於我津浦線軍隊未進攻以前，希圖先集結主力，由京漢線向我軍侵犯。原在前線之敵，有褚玉璞全部，戡翼翹，汲金純各部，近復增加于學忠部，高維嶽部，以此判斷，確有南犯之企圖。我軍為殲滅該敵計，特下訓令如下：(一)敵軍攻擊山西不下，悉力懸軍南犯，此自來送死，而天與我以破敵之機也。我軍第一步須堅忍以挫其鋒，第二步舉我軍之主力，乘敵之敝，而轉取攻勢，與晉軍前後夾擊，必可將敵軍全數殲滅。(二)我軍決心選用湯陰以南廟口，高村

鎮鈺橋鎮濬縣老崖鎮一帶之線爲本陣地本攻勢防禦之目的應構築極堅固之工事關於工事及部署統由該總司令主持分配即日動工。(三)林縣地勢重要爲我軍天然之側面良好陣地應由龐軍長炳勳所部担任攻守向敵軍側面截擊如龐軍兵力不足可由孫連仲軍撥一部助之。(四)劉總指揮鎮華所部應先取佯攻姿勢如敵軍以主力向該軍猛攻時可卽移守濬縣附近之土寨桑村白道口慶祖堡一帶之線惟主力應側重右翼靠黃河岸地區。(五)我軍此時在湯陰以北各部隊應極力準備向新線移動如偵知敵軍已有戰鬥攻擊展開形式我軍卽宜開始迅速移動以騎兵軍在前線警戒此開始動作之遲早於用兵上最關緊要所以能不先不後恰當時機者惟在偵察敵人動靜消息絲毫不可遺漏報告要確要速千萬注意。(六)余已令石友三軍全軍開駐新鄉許長林師應恢復建制仍歸本總司令指揮以上六條仰該總司令遵照妥籌速辦具復爲要。祥敬。

告鹿鍾麟等作戰方畧電

十七年三月廿九日

頃據孫總指揮連仲電陳敵人有繞抄我京漢路陣地右翼之企圖我軍對於該面方之戒備茲特示其應辦之事如下(一)應派大部便衣隊在我右翼側後方擇地埋伏以備狙擊該敵此事由鹿總司令速辦如何布置應卽具報。(二)鄭大章騎兵軍遇敵來攻時不可在陣上呆住與敵相持與敵牽

連。蓋敵若出騎兵以繞抄我陣地側後，則我反被包圍，實犯兵家大忌。最好酌量以步兵在正面支持，而騎兵軍之大部，集結控制於右翼適當地區，秘密隱藏，以抄敵之左後方，如此則我能制敵，而不爲敵所制。（三）長垣、延津、封邱、陽武、原武，爲我陣地後方之要點，須分兵駐守，以防敵人竄進，並鎮壓奸宄暴動。其長垣等二處，應由韓軍長占元派軍駐紮，每處兵力最少須一連，尤應注意連長人選，必具有獨立之知識及能力。陽武原武兩處，應由石軍長友三各派一連駐紮。以上三事，着由鹿總司令鍾麟主持，切實辦理。

#### 令鹿鍾麟等注意敵情及地形電 十七年三月三十日

查作戰之根據，全在明瞭敵情，敵情不明，無法作戰，此其一。地形如何，尤須百般研究，認真細查，此其二。各將領若能悉心討論，特別注意此二事，則諸事均有辦法，再現在作戰，必須有意外犧牲精神，卽有敵無我，有我無敵之革命精神。各將領須提倡，須培植，須獎進，至小之事，亦須鼓勵，久之自能發現此種精神也。對大敵能持久戰，皆在於此，望各將領其努力焉。

#### 令岳維峻北進攻奉電 十七年四月二日

奉軍自東日起，以重兵分三路猛攻山西，如能在晉得手，必將移其攻晉之衆以攻豫，將來殲滅益

形困難。吾弟矢忠黨國，志切同仇，務請簡率所部，即日北進，先抵湯陰，待命將來，或加入京漢正面，或酌置大名之線，均無不可。作戰貴能乘機，機在則事半功倍，機失則事倍功半。此時敵以全力攻晉，頓兵堅城之下，久役無功，正我軍長驅北進之大好時機。如遷延不進，坐失時機，則晉危而豫亦不得安。我弟洞熟機宜，知必以爲然也。兄已於東午移駐蘭封，蔣總司令亦于三十晚抵徐州，同向山東進攻，大戰在即，知注並聞。

請李宗仁等北上援晉電 十七年四月二日

我兄抵湘，羣賢聚首，北伐大計，必已熟籌。連日敵攻晉甚急，企圖猛挫百川，再增兵京漢，全力犯豫。百川孤軍久戰，援應莫繼，撐持頗苦，迭有電來促弟進兵。此時弟部誠宜急取順德石莊，分敵攻晉之勢。惟如實行北進，則大名方面，褚玉璞、徐源泉、孫殿英等，必攻我右側；我若先解決大名之敵，則彰德以北之戢翼翹，于學忠，必攻我左側；我若左右兼顧，則河北兵力，實虞不足。若再遲迴審慎，則時機急切，稍縱即逝。萬一晉北發生變化，則全盤局勢皆非，敵必盡移其攻晉之衆以攻豫，殲滅益增困難。今日之五萬人所能爲力者，他日恐須十萬人，今日十萬人即可者，他日非十五萬人不可矣。統觀全局，貴部如能早日北來，則一切皆可迎刃而解。渴盼諸兄親提雄師，兼程蒞止，或加入京漢線，或加入大名方面，庶可早

紆百川之困。愚見所及，一一剖陳。諸兄洞悉機宜，諒必成行在胸，敬祈盡情賜教，是所厚幸。介兄已於三十晚抵徐，弟亦于東午移駐蘭封，魯西進展，專候介公之令，知注並以奉聞。

告各將領敵部內情電 十七年四月八日

今當大舉進討張瑤，關於該敵等作戰伎倆，及我軍破之之法，業經分條詳示知照。茲再將該敵等部內情，條示於次：（一）奉軍：其精銳爲張學良所統率之三四方面軍，去年在河南爲革命軍所擊敗，十停中失去其七，官兵士氣極餒，勇於私鬥，怯於公戰，無主義，無犧牲心，雖經補充，外強中乾。故與該軍交鋒，其初來時，勢若極猛，實則無耐久力，但須持之以靜，相持二三日後，其弱點必現，然後乘其弊而擊之。（二）張宗昌所部，烏合之衆居多，在上海、南京、蚌埠、豫東、徐州，大敗十數次，屢經損失，已喪其實力十分之七八，目下惟四處招集土匪隊伍，欲藉以抵禦我軍。其指揮作戰，皆互相欺哄，諱敗爲勝，通報報告，毫無實際。故與該軍作戰，須嚴陣以待，集結我之主力，先擊破其一部，餘部自必散走。（三）孫傳芳所部，雖較奉軍及直魯軍兩部爲稍好，然孫之本人，志大言誇，心高氣浮，布置隊伍，常好行險徼倖。歷次在江西、浙江、南京失敗，皆犯此病。江西之敗，敗於九江之空虛；南京之敗，敗於以四五萬衆渡江，背水爲陣；皆顧前不顧後之辦法。近聞其本人性質，毫無懊悔，必仍蹈前失。故我軍對待該敵，須先將自己陣地

穩固，另以騎兵繞擊其後，以襲其虛，必大破之。以上各條，各將領均須切實注意，以求破敵之方。張作霖本人頗念關外老巢，不肯以精銳在關內犧牲，欲前又卻者屢。張宗昌與孫傳芳外雖協同，內實相忌，各人心理，都一方疑別人不肯打仗，一方想爲自己保實力。若我大軍進擊，必將各自引潰。張作霖與張宗昌雖託名聯合，實則各有懷抱。以視我革命軍，大兵百萬，一德一心，論兵力則我衆而敵寡，論軍勢則我衆而敵散，以我仁義整嚴之師，誅彼殘暴，烏合之衆，直不啻如疾風之掃秋葉，洪爐之燎毫毛耳。我同志努力奮鬥，掃清巨寇，完成革命，所厚望焉。

令龐炳勳等乘機破敵電

十七年四月九日

此次我革命軍大舉北伐，實爲革命軍事全局成敗之大關鍵。查我津浦濟寧兩路均在進展中。孫傳芳經我大軍壓迫，已有不支之勢。河北方面，孫總指揮連仲、劉總指揮鎮華兩部，連日已在漳河附近及南樂北面與敵激戰。惟查此路敵人，僅係佯攻，其性質實爲掩護其主力攻山西。近十日內，奉軍以全力圍晉，激戰極烈，窺其狡謀，實欲先攻下山西後，再舉全力攻豫。我軍爲迅赴事機，並急救友難起見，須速猛進破敵，庶免爲敵所騙也。

告孫良誠乘勢猛攻敵人電

十七年四月十四日

頃賀耀祖軍在魚台之南，小有挫失。孫傳芳之主力，皆在魚台方面，我軍即宜乘勢猛攻，以掃其虛，不可相信敵人投降，而緩兵勢。蓋敵人所云投降，一則是緩兵，一則是來偵察我之虛實，萬不可輕信。此次大戰，乃我革命軍全體生死存亡關頭，須抱定大犧牲之決心，奮鬥到底，切不可猶豫。若稍一遲疑，敵人擊退賀耀祖軍後，再萃其全刀於方振武軍，方軍挫則萃其全刀於我軍，必致受各個擊破之害，不可不深明此意也。子彈所缺何種？速派軍械主任開明種類，速來領取。汙油壹百箱，即令經柳河曹縣送來前方。教導團學員另有用途，未能即回，合電知照。

### 致賀耀祖請速整頓部曲電

十七年四月十四日

豐縣賀總指揮賞嚴同志勛鑒：元辰電備悉。大軍作戰，周旋進退，乃是常事，所貴乎爲將者，在勝而不驕，敗而不餒。昔馮異垂翅迴溪，終能奮翼灑池，吳漢每遇挫失，意氣輒如平常。惟當料治戰具，以圖再舉。吾兄此時惟有專心一意整頓部曲，第一步須求與敵接觸。若實力未充，不能與敵決戰，即當與敵人取「粘」字的辦法，敵進則我守，敵退則我進，不使敵人能抽其兵力，增加於別方面，此是第一步最要緊的辦法。第二步增援已到，即可直前進攻。蓋起初敵守我攻，敵爲主而我爲客，故敗；若敵來追擊，其部伍必不能整，則我爲主而敵爲客，必可得勝也。綜觀此次敵人配備情形，其狡計在以一部配涇津浦止。

面，而用全力由微山湖西抄徐州之左翼，其時敵猶正聞我各路大舉進攻之訊也。今孫重兵駐在魚台，方孫兩總指揮以重兵擊破其金鄉鉅野及鄆城，是我軍已包擊其右後，敵已墮我算中，敵人由魚台愈向前，則我殲滅之愈易。惟在我兄必須將陣前迅速整頓，接前定兩步辦法辦理，保無他慮。韓莊臨城之敵，已被我軍擊破，敵人更不敢深入也。請勉力爲禱！

告孫良誠等追擊孫部部署電十七年四月二十一日

孫傳芳所部，既經全部擊潰，應即用力猛追，不得稍縱。茲將追擊部署規定如次：（一）孫良誠軍，馬鴻逵軍，應即向潰敵跟蹤追擊，至甯陽汶上之線，停止待命。（二）方振武軍由濟甯至甯陽大道及迤東地區追擊前進，至甯陽之線，停止待命。（三）石友三軍肅清濟甯附近殘敵後，全軍移至鉅野待命。除另令方總指揮外，特令遵照。

勸蔣中正勿冒險前進電十七年四月二十二日

此次我弟親臨界河陣地督戰，士氣百倍，遂能于最短期內，廓清泰岱以南殘敵。夙仰我弟忠誠壯勇與大無畏之犧牲精神表率提倡于上，全軍官兵感奮振興于下，故能建此大功。但私心竊有過慮者：此番大戰，陣廣千里，一經激戰，全線戰鬥情形，決難一致，有先進以抄敵之尾，擊敵之腹心者，有突前以

擊敵之首者，有與敵相持，彼不得前，此不得往者，亦有因敵強而暫向後引以取守勢者，故大軍進展，初本一線及至激戰數日以後，則紛紛紜紜，或成犬牙，或成鋸齒，華離錯邪，形勢非一，此爲大戰必有之情況。我弟前次親臨界河，今茲又聞進駐兗州，後方殘敵未清，伏莽尤多，倘亞父不戒于穀谷，許吝卒起於山林，緩急之際，危險莫名，目下黨國安危，全軍存亡，繫于吾弟一身，關係太重太大，萬請慎重，以慰黨國之望。又我軍當大勝之後，如敵胆已喪，於急切之際，敵未能在泰安抵抗，則可乘勢直追，批兀擄虛，以成奇功；若泰安已有備，則似以一面將後方殘敵廓清，一面布置妥密，再行前進，較爲穩當。敬陳宮見，懇乞採擇，並請指示，爲禱。

告魯戰各將領殲滅孫傳芳部全由進退緩急深合機宜電

十七年四月二十四日

濟寧孫總指揮良誠弟，馬軍長鴻達世兄，呂軍長秀文兄，席軍長液池弟，梁師長冠英弟，吉師長鴻昌弟，程師長心明弟，王副軍長冠軍弟，谷師長良友兄，鄆城丁師長漢民弟，柳河曹縣探送石軍長友三弟，並轉許師長長林弟，孫師長光前弟鑒：此次魯西大戰，將敵兵孫傳芳等部八九萬人，悉數擊潰，此皆由於官兵奮勇苦戰之功，亦由於各部隊之調度動作，進退遲速，無一不深合機宜，故能得此全勝。今逃其事如次：（一）孫總指揮良誠所部呂秀文軍，於攻克郟城後，卽向汶上寧陽挺進，席液池騎兵軍直

抄津浦正面兗州之後，第三軍，第四軍，在金鄉方面戰事正相持之時，在刪銳兩日，連克鉅野嘉祥，並佔領濟寧之四關，敵人遂根本動搖，魚台金鄉之敵遂不能不向後引，敵陣遂亂，此爲得勝之重要原因。全恃該總指揮能率部迅速進展，由不虞之道，乘人之不及，而直衝其腹心，敵首尾不救，兵心慌亂，遂能成此大功，此以進速而合於機宜者也。（二）賀總指揮耀祖所部，於十一十二等日，在魚台方面與敵初一交戰不利，致豐縣爲敵所佔，敵以爲有機可乘，長驅大進，其主力遂由濟寧南移，於是孫總指揮得以直搗寧濟，敵人欲撤南犯之兵回救，一進一卻之間，陣法大亂，我軍得以乘其弊而解決之。則是賀總指揮所部後退，雖非素定，而實際上深合兵法誘敵之計，此退而合於機宜者也。（三）方總指揮振武所部，因金鄉方面敵人頑強抵抗，未能與孫總指揮良誠所部齊頭並進，進展稍緩，然因其進緩，故能將金鄉腹心之患完全解決，並能將魚台四竄之敵與以截擊，當時余得報告，魚台之敵分四路回竄，一路竄濟甯，一路竄嘉祥，一路竄嘉祥鉅野之間，一路竄鉅野，以抄襲孫總指揮良誠之後路，其兩路行至中途，正遇方總指揮率部前進，截住兜擊，將其解決，若方總指揮早日前進，則該兩路敵人必不能相遇，而掩至嘉祥鉅野一帶，雖余已令許長林師進至鉅野防範，然此兩路敵人來襲，頗爲危險可慮，此緩而合於機宜者也。（四）石友三軍爲總預備隊，位置於蘭封柳河一帶，初意於鉅野金鄉及黃河沿岸應需緩

急策應耳，其位置離前線似嫌過遠，及後豐沛吃緊，此軍即移至碭山以救徐州之急；若石友三軍早經踵進，必難利用鐵路轉移如此之速，則全局危矣，此遠而合於機宜者也。（五）馮軍長克瑤所部，因小失利，在豐縣附近後方整頓，似若一着無用閑棋，及金城內潰敵竄出，正在將石友三軍後方大接濟搶掠之際，而該軍正在後方將其圍住，完全繳械，俘敵六千，此又後而合於機宜者也。以上五條，不過臚列大端，可知大戰之際，陣線之長，延至千里，戰鬥狀態，決非呆板一律，必須前後進退，遲速緩急，處處均合機宜，方能應乎虛實之勢，而神乎奇正之用，然後可以制勝頑敵，其所以能處處合乎機宜者，全在一個「和」字，各將領，各官兵，均能個個明大義，識大體，互相原諒，視全局之安危，爲一己之責任，毫無一點私意存在於其間，則自能如手足相救，百萬之衆如一人，無有不勝者矣。若在前者怨後者之不進，在後者則又嫌前之輕進，互相怨忌，如此則前後不相救，左右不相應，又安望于戰勝乎？諸將領皆係高級軍官，學識經驗，應日有進益，當明白大戰虛實進退之理，剛柔奇正之用，以爲成大將材器，望努力研究，是所至望。

### 與蔣中正論應速攻德州電

十七年五月十二日

按津浦線上諸軍渡河者，已近十萬，後背大河，給養困難，倘淹留不進，敵兵反攻，我軍陣勢逼窄，危

險極大。疊據各方報告：德州之敵，極爲混亂，惟聞日兵擾亂，幸我不進，故復停止。我軍此時，背大河，乏給養，利在速戰，兵法所謂「疾戰則生，不疾戰則亡」者也。且一佔德州，則後方運糧，可以水路直抵德州，極爲便利。兄已於本日下令方賀孫三總指揮，迅速進攻，限於十六日以前，攻克德州；關於作戰部署，交方總指揮主持，賈孫兩總指揮爲之輔助。又劉總指揮鎮華已率部進至故城一帶，全部兵力，已不弱矣。特電奉聞。

令孫良誠等速攻德州電 十七年五月十三日

孫總指揮良誠，並轉方總指揮振武、賀總指揮耀祖鑒：我軍津浦路上渡河各軍，已近十萬，後背大河，糧路未通，給養困難。敵人在德州者，皆係屢敗之餘，早思潰退，後因日軍擾亂，私幸我軍後方發生顧慮，又遲遲未退。我軍爲自救計，爲謀與後方聯絡確實計，爲出敵不意計，均宜迅速進攻德州，方能轉危爲安。昔項羽破章邯於鉅鹿，破釜沉舟，與敵搏鬥，卒成大功。今日之事，我軍所處地位，進戰則生，後退則死，各將領當深知也。特下令如次，命令：（一）我軍應以最大之決心，限於十六日以前攻下德州。（二）作戰部署，由方總指揮振武主持，賀孫兩總指揮參贊之。（三）注意各條：（甲）地狹兵衆，宜注意區分，須十分清楚，不可稍有混雜。（乙）全線中央後方聯絡線，宜力求與臨清接近，以便給養到時，

分發容易。(丙)佔領德州後，各軍不可圍聚在德州一城，須合戰術上之要求布置。(四)席液池騎兵軍，應由運河西岸向北挺進，威脅德州後方。(五)劉鎮華軍於文日由武城夏津向故城德州進攻，並已令該軍向德州以西以北活動。(六)令到即行動作，並將部署進攻情形速報備核。(七)余在新鄉。

告前方各將領攻擊滄州河間部署電

十七年五月二十五日

命令(一)前在濟寧漳德大名一帶被我擊潰之敵，現仍盤踞鹽山滄州河間高陽保定一帶，希圖抵抗。(二)我軍津浦京漢兩路大軍，均已按照疊令，到達展開地點，應即從速進攻，擊破京津以南頑抗之敵。(三)攻擊部署：(甲)津浦路第一集團軍各軍團，及第二集團軍第一方面軍，由衡水饒陽肅寧雄縣之線迤東地區，向滄州河間之線攻擊前進，限於本月二十八日以前攻擊開始；關於作戰部署，統由朱總指揮主持辦理。(乙)京漢線上第二集團軍北路軍全部，(劉總指揮鎮華所部在內)由衡水饒陽肅寧雄縣之線以西地區，馳逐博野蠡縣肅甯之敵，向高陽方面攻擊前進，限於二十八日以前，進至肅甯蠡縣望都之線，左翼力求與京漢路第三集團軍確實聯絡；關於作戰部署，由鹿總司令鎮麟主持辦理。(丙)衡水饒陽肅甯雄縣線上，屬第二集團軍北路軍。(丁)孫良誠與劉鎮華軍，應

確實聯絡，於該兩軍進攻河間及肅寧時，須注重互相策應。（四）余即時進駐道口，本命令接到後，卽復備核。

覆孫良誠作戰須知虛實奇正電 十七年五月二十六日

宥午電陳戰區太闊等情，悉。命令已下，劉鎮華部令其移右一節，未便令改，但前令已令劉軍與該部注重策應。至於方軍左移一節，津浦路大軍作戰部署，由朱總指揮主持，該總指揮應商承辦理。此間常電請朱總指揮注意之也。行軍作戰，地形固屬緊要，敵情尤須明白。現弟部當面之敵，究有槍砲若干，人數若干，與弟部比較，孰強孰弱？如敵強於我，雖防區縮至五十里六十里，亦是可慮；如敵弱於我，雖防區廣至二百里三百里，亦無憂也。至於中有子牙河爲障礙一節，善用兵者，因地制勝，並非如一線式之螞蟻陣，密密齊上，是在有虛實奇正，攻其所當攻，守其所當守，不可一味呆板也。望詳審敵人虛實，善自布置，至要至要。如各路均如該總指揮如此挑剔，不知如何方能作戰，誠戰術學上未見未聞之事也。

令鹿鍾麟等乘勝追敵過京津電 十七年六月六月

刻因軍事進展，極爲迅速，前方各將領，自應斟酌敵情，適當處理，不必事事往返請示，反致遲誤。茲特規定此後行動方畧，大概如左。務卽相度情形，辦理爲要：（一）敗退之敵，紊亂潰散，秩序毫無，爲除

惡務盡起見，務必乘勝追過京津間一段鐵路，向天津東北蘆台甯河一帶截擊，使敵片甲不歸，永絕後患。（二）倘京津間一段鐵路發生其他情狀，不便通過，或殘敵潰遠過遠時，務即遵照下列辦法辦理：（甲）鹿鍾麟、韓復榘、龐炳勳各軍，着集結於安次、永清、霸縣、雄縣、谷城、新城、固安等處。（乙）孫良誠所部，着集結勝芳、靜海、擇地休養。（丙）劉鎮華所部，着集結於文安、大城等處。（丁）各部務在集結區域內搜剿殘敵，整頓軍紀，並須多來報告，以待後命。（戊）鄭席兩騎兵軍，着由鹿總司令、孫總指揮，妥為指定活動區域，肅清殘敵為要。

告鹿鍾麟等勿窮追敵人電

十七年六月八日

現敵軍已為我軍全數擊潰，京津兩地，當無問題。此時我軍，宜努力掃清與我不遠之殘敵，如敵已去遠，或形勢上有阻隔，不能解決時，可勿事窮追。鹿總司令現可住高陽，韓復榘、孫良誠、劉鎮華、各軍均以高陽為中心，向高陽力求接近，擇地駐紮，庶可免惹種種是非。特電遵照。

告劉郁芬不可到處分兵守城電

十七年八月十四日

庾佳各電均悉。觀察來電所陳，用兵佈置，實大錯誤，處處顧全，處處單薄，備多力分，實犯用兵之大忌。現在我軍用兵，應分兩大枝，不得再分，集中我軍力量，先解決其一部，然後依次殲擊，萬不可到處分

兵，到處守城，自弱其力也。羣匪蠢起，雖有燎原之勢，然其指揮必不能一致，爲大將者應有冷靜之頭腦，沈着之態度，精審之觀察，識其次要之處，儘先與以打擊，則不難使之瓦解。此次孫總指揮連仲所部，不准守城，不准分散，須集中兵力在一點用。須知兵力不足，萬不能守城，苟使大戰得勝，雖失數十城，亦不難一朝而復，設大戰不利，即令守住各城，又有何益？應確實明白此意，並速多發布告，宣示只懲首領，脅從罔治，不連無辜之意，至要至要。盼將辦理情形具覆。

告各將領軍隊不可分散駐紮電十七年十一月二十六日

現雖訓政開始，惟各處匪氣未靖，仍在用兵之時，各部隊萬不可分散駐防，一縣駐一營或兩連，如此處處防備，即處處危險，應集中兵力於幾要點，每處至少要有兩千人，最好一旅，否則，寧可不駐，其不可分散駐紮之理由，茲述如下：（一）爲維持稅收起見，每處常有駐兵一營或兩連者，要知大戰之後，各部隊殊欠訓練，若分散駐防，倘一遇多匪，必致失利，如損失一營，較稅收損失大矣，各將領宜深思之。（二）亦有因營舍不便，不得不分散駐防者，此應在戰術上特別注意，如專圖休養便利，必致發生意外。（三）狃於向來習慣，有一處即須派兵駐防，以致小縣小村鎮，亦均有兵一連，或一排駐紮，似此兵力分散，必致吃虧。現在亟應打破此三種理由，第一要團結兵力，非此不能切實訓練，應擇要點駐兵，不

可分散。第二，各部隊駐防各地，應取待機姿勢，無論何時，均有妥當準備之餘裕。第三，我軍各團營連官長，多數衝鋒陷陣有餘，籌畫調度不足；老奸巨猾如樊老二等一類土匪，常常神出鬼沒，以少勝衆，實比我軍官長較優也。我軍最大短處，卽不知運用偵探。營長以上，應在三百里以內，設法將匪情地形，偵察明白。凡團營長必須處處清楚某處土匪若干，有馬若干，有槍若干，均瞭如指掌，才能操勝算；若地形不熟，敵情不明，未有不失敗者。豫陝甘三省，散匪尙多，均應特別注意，川甘省爲尤要也。以上數條，爲目前最重要之事，仰各該總司令總指揮等，注意辦理，萬不可忽，至要至要！並將辦理情形，詳細電復。

卷二  
軍略

# 馮玉祥軍事要電彙編

## 卷二 戰術

通令各軍即時施行四事電 十六年四月九日

現因火器日新，戰術日進，一切裝門面的操練，亡國奴式的操練，務要一律除去。茲有四事，務即召集各將校切實改正，視爲步兵正課爲要：（一）以各種溝壘坑道，爲日日必須操練之正課；（二）地雷及各種副防禦，亦當視作正課操練；（三）每一星期，須有五次夜間演習，每次至少須有四點鐘時間；（四）須養成一日有一百六十里之行軍力，萬不可少。以上四項，仰即於令到日，迅速施行，萬勿視爲具文，致干查究，切切此令。

令孫良誠等新兵無槍應練大刀長矛電 十六年七月二十四日

刻下滬漢交通梗阻，新槍不易運到，該部新兵無槍者，即應分班練習長矛大刀炸彈等，以便應戰。大刀或長矛，每兵一件，須選擇體壯健步者練習之。炸彈每人須攜帶八枚，以胆大心細者練習爲佳。總期用得其材，俾收成效。辦理情形如何，詳細具報爲要。

通令作戰期間所用旗幟燈號音各項記號電十六年九月四日

茲規定作戰期間，特別旗幟、燈號、音號、各項記號如下：(一)戰鬥旗幟燈號，每月一日至十日用紅色，單日)問號左右搖動，答號上下振動；(雙日)問號左右振動，答號左右搖動。十一日至二十日用黑色，(單日)問號上下振動，答號左右搖動；(雙日)問號畫一圈形，答號上下振動。二十一日至三十一日用黃色，(單日)問號畫一圈形，答號上下振動；(雙日)問號左右搖動，答號上下振動。旗長各四十生的，寬各五十生的，桿長以一米達五十生的爲度。(二)燈號所用布套，應按所規定之色布，隨時更換單之，每月一日至十日，(單日)問號綠色，答號紅色；(雙日)問號黃色，答號綠色。十一日至二十日，(單日)問號紅色，答號黃色；(雙日)問號綠色，答號紅色。二十一日至三十一日，(單日)問號黃色，答號綠色；(雙日)問號紅色，答號黃色。(三)號音用舊的普通號譜，每月一日至十日，(單日)問號上講堂號，答號吃飯號；(雙日)問號早點名號，答號出操號。十一日至二十日，(單日)問號起床號，答號下講堂號；(雙日)問號吃飯號，答號息燈號。二十一日至三十一日，(單日)問號收操號，答號上講堂號；(雙日)問號出操號，答號起床號。旗幟燈罩，仰即派定委員，按照規定分別密製保存，俟有特別時機作戰，即轉發所屬各部隊應用爲要。

通令切實實習迫擊砲電 十六年九月十三日

各部隊對於所發之迫擊砲，應竭力研究，熟習其用法，不可隨便發給新兵，做裝飾品。每日須集合官兵，使輪流試驗四五個，爲練習用，切不可愛惜子彈。譬如有彈十枚，平時不練，臨時手忙腳亂，一彈的效力都沒有；平時練習放了九彈，臨時有一彈把握，即可收十彈之效也。望即遵照爲要。

令童玉振注意坑道爆破等四事電 十六年九月二十三日

呈報坑道營爆破營編制各節，尙屬可行。關於訓練應行注意各事，分述如下：（一）坑道爆破，互有關連，故坑道營須兼習爆破，爆破營亦須兼習坑道，惟練習時間，稍有多寡之分耳。（二）坑道營應多練習各種溝壘，以增進其土工作業力，爆破營不僅教以使用爆裂，明瞭藥性，並須能自製各種爆裂爲要。（三）坑道營即以坑道教範爲基本教程，爆破營即以爆破教範爲基本教程，應設法多多購置。（四）無論坑道爆破各營，須有徒步作戰能力，故步兵所能行者，該兩營官兵，須皆能之。須時行練習之。望即查照辦理。

告前方各將領戰術要訣電 十六年十月三十日

現在作戰，戰術學二本均相同，所差者，所爭勝負者，惟在判斷清楚後，誰能犧牲，誰即大勝。能勇猛

眞幹者勝，不能勇猛者必敗；能持久者勝，不能持久者必敗；士卒畏將不畏敵者勝，而畏敵不畏將者必敗。務各妥爲留意，認真辦理。

通令攻守城垣戰術電 十六年十一月廿四日

兵器日精，築城改良，戰術亦應隨之進步。且自歐戰時野戰一變成陣地戰，城塞因之大增其價值。本軍現在作戰之際，對於城塞攻守，亟應講求，期收事半功倍之效。茲述數端如次，作實施之參考：（甲）守城：（一）城塼上層雖築掩體，而城腳下接地面處，應隔二三百米遠處開設機槍眼掃射死角。（二）多設側防，利用城壕爲尤妙。（三）近城塼外房屋宜折毀，免敵利用接近。（四）掘深外壕，滿貯以水，阻敵坑道。（五）多備炸彈，防敵接近城根作業。（六）城壕內岸適當地點，定間隔若干米遠，構築掩蓋射擊設備，阻敵前進，並挖隧道與隧道聯絡。（七）多設聽音所，防敵坑道暗襲。（八）多備石灰袋，敵若扒城投以灰袋，即可生擒。（乙）攻城：（一）開始攻城，須距城一千二百米遠以上，利用地物或挖站溝，於暗夜漸次接近敵人。（二）進至距敵二三百米遠處，設突擊陣地，必要構築堅固掩體，尤須多帶麻布袋，盛土壘胸牆，挖各個掩蔽部於前崖。（三）利用突擊陣地挖坑道，如爲敵壕所阻時，則以一部攜帶破壞器俱乘暗夜偷過敵壕，至城根爆破城磚，急挖裝藥坑道，爆崩城牆。但此作業，爲預防敵人之炸彈損害，須設

必要之掩護。(四)但爆破時機，要與突擊相合，通常在拂曉前，乘爆破音響，敵人驚惶之時，在突擊陣地各部隊，一齊猛撲，由破口入城，兼用梯子上城，使敵無措手處，定可佔領城壕，惟揣知敵人於黑夜過勞，自盡睡眠時，亦可於晝間行之，同州是其一例。(五)攻城各種作業，第一線後方陣地部隊，須掩護前方推進之。(六)調查城內街道，準備突破城壕後巷戰之佈置。(七)用梯扒城，先進目兵須戴鐵帽，防敵暗算，此著須乘敵無備時行之，若敵有備，萬不可行。(八)扒城之兵，須帶炸彈，或手鎗，上至壕口，先擲炸彈，或放手鎗，使敵不敢匿其下，然後突上城壕，危害較少。以上各條，仰即飭屬切實研究，努力練習爲要。

#### 令韓復榘等待機前進電

十六年十二月十日

大軍作戰，應先求不敗，而後方可求勝，故無論進戰退守，凡停止一地，即宜構築陣地，以備不虞。現我軍當此待機反攻之際，務須深溝高壘，選擇堡寨，加增工事，並須安設地雷於要路，以增抗力，俟有機可乘，再出擊之。

#### 告前方各將領攻擊前應行準備事宜電

十六年十二月十二日

碭山韓總指揮復榘弟，石軍長友三弟，鄭軍長大章弟，鹿總司令鍾麟弟，並譚轉廳副總司令更陳兄，馮牧集劉軍長汝明弟，柳河孫總指揮良誠弟鑒：攻擊部署，業經另電令知，所有攻擊前應行注意準

備各事宜，條開於下：（一）敵情務須明瞭，對於敵之陣地形勢，工事程度，兵力厚薄，何處兵是能打的，何處兵是不能打的，陣地兩翼至何處爲止，務須一一偵探明白，方可適宜布置，最好將敵人戰鬥力薄弱之部分擊破，則其能戰之部分亦將不戰而潰，務宜留意。（二）對於布置隊伍，課與各部隊任務，務使各部隊之帶兵官長，明白一般之情況，如我軍及友軍之情形，皆須使之知悉，進兵路徑，山勢地形，尤宜使之明瞭，庶不致蹈盲攻之弊。（三）聯絡最爲緊要，此「聯絡」二字，非指平頭齊進而言，乃指互通消息，彼此能互相策應而言，一經前進，此軍與彼軍，此旅與彼旅，此營與彼營，後方與前方，彼此不論有情況無情況，傳遞消息，均須密如穿梭，庶能彼此團結，萬不可專意打仗，而於此事稍有忽畧也，切宜注意。（四）騎兵軍當離敵遠時，即宜極力偵察敵情，當戰鬥時，須控置於秘密之地，不使敵知，以爲出奇抄襲之用。（五）敵人有堅固工事之處，切不可行正面強攻，務須設法由其薄弱之點，抄襲其腰，抄襲其尾。以上五條，務必細細揣摩，努力實行爲要。

告前方各將領作戰方畧電 十六年十二月二十三日

現在火器日精，彈葯艱難，戰鬥動作，及射擊要領，亟須講究，茲述其要點如次：（一）使用偵探要確實，要迅速，遇有須派偵探之處，必須迅速派遣，不可躊躇，授與偵探任務，限以回報時刻爲要。（二）隊伍

散開及集合，貴敏捷，貴肅靜，有條不紊，如網在綱。(二)散兵起伏要神速，須有動如脫兔之觀，在敵火有效界下，切不可久停。(四)射擊要利用地物，依托瞄準，槍底須緊抵肩部，心氣宜平和，要一彈能傷一敵人。(五)不論攻防，時間許可，即須構築單簡工事，縱在敵火下，攻擊前進，每達一地段，即就臥倒姿勢，遂須挖散兵溝，以避損害。(六)隣接部隊，應切實聯絡，有何情況，尤應隨時通報友軍。以上各條，仰即轉飭所屬部隊，忙裏抽閑，切實練習，爲要。

通令各級戰術教授電 十六年十二月二十九日

茲規定各級戰術教授辦法如次：(一)正副目戰術教授，即單人戰鬥諸原則，及一連以下之戰鬥。(二)連排長戰術，即以軍官學校戰術教程爲課本，研究各種原則，並不時教授旅以下之應用戰術。(三)營副以上戰術，亦以戰術教程爲課本，摘要研究，並不時教授以步兵一旅以上爲基幹之支隊戰術。(四)各級戰術班，即以參謀長，參謀，團附，營附，或各級主官擔任教授，其教授時間，在平時駐軍，每日須有二小時以上，即在行軍作戰，偶有機會，亦應實施。能就現有之情況研究，更有意義，更有價值。以上四條，須切實遵照辦理，此間當不時派員查考也。

誥各將領研究攻守戰術電 十七年一月二十一日

兵凶戰危，自古所戒，故對於戰陣之事，必平時萬分精熟，然後方可臨戰制勝。各部隊對於戰術講堂，戰術實施，務須萬分認真，萬分講求，不可稍有怠忽。從前對於戰術，提倡攻擊精神，故對於攻擊追擊諸項動作，極意考求，而對於退却防守諸動作，未免忽畧。須知軍事必有攻有守，有進有退，不可畸輕畸重。必能攻能守，能進能退，乃能定謀行計，出奇制勝。倘不先事練習純熟，一旦臨變，未有不倉皇失措者。對諸動作，必須萬分考究，必使官兵進退疾則如狂風，使敵人不及備，不及追；徐則如移山，使敵人不戰擊，不可犯；守則從容布置，能熟悉種種守城籌備方法，禦敵方法；敵人雖圍數十重，我可不慌不忙，能為一年以外長時間之堅守，毫不畏怯。以上所示，各將領務必日日研究，使各官兵均有此程度，則作戰自有把握矣。

通令注意擲彈體操及精神教育三事電

十七年二月二十三日

我軍因在近距離或夜戰，使用大刀殺敵，歷次戰鬥，均收大效。近聞敵人亦倣效使用大刀，故此時我軍亟應注意三事：（一）練習手榴彈使用法：敵人用大刀以後，我軍每人須帶手榴彈四枚，破之官兵平時對於手榴彈使用法，宜努力練習。務須十分嫺熟，方可破敵。（二）練習體操：在近距離作戰，如雙方兵力相等，則體力強者必勝，體操實為增長體力之惟一方法；官兵作戰過久，講求體力日差，危險萬分。

此時應特別努力練習攔阻，槓子，及普通體操等，務使人人體力強健，能衝鋒陷陣，則戰無不勝也。(三)注意精神教育：蓋用大刀衝鋒肉搏，其第一致勝原因，即在官兵明白主義，有犧牲之決心，則勇猛搏鬥，戰自無不勝利；若中無所守，一經臨陣，便膚撓目逃，雖有大刀，亦無用也，此層尤須使各官兵努力注意。以上三事，仰即迅飭所屬遵照辦理，是爲至要。

#### 通令研究對奉戰術電

十七年一月二十五日

查奉軍傾三省三特別區之兵力財力攻太原一省，四月不下，其技可知。奉軍平日作戰，所恃利器，不外重礮，十五生的重迫擊礮，飛機，鋼甲車四種，然其用法極不精確，已在作戰中見其伎倆。日前我軍大舉北伐，進剿該敵，所有各將領各參謀人員，對於重礮，十五生的重迫擊礮，飛機，鋼甲車四種戰術，亟應特別研究，如何可以攻破，如何可以避免損害，如何可以接近敵人，如何可以使敵人失其效用，務須詳詳細細，考究出一種最完善戰術，即日實地訓練官兵，使人人明白此種戰具之利弊，並嫻熟應戰方法。仰即遵照努力辦理，切勿玩忽，並將研究訓練情形，隨時具報備核爲要，此令。玉祥有。

#### 通令對騎兵作戰應注意各點電

十七年一月二十六日電

據各方探報：奉軍方面主戰最力者，爲吳俊陞；主張出關最力者，爲張學良。吳之所以主戰者，恃其

有騎兵數千，歷次作戰，未受大敗之故。張所以主張出關者，以其疊次大戰損失過甚之故。我軍各將領對於騎兵作戰，應行注意之點，茲條列於下：（一）騎兵之特能，在衝力與凍力；我軍於配備上，應注意集結兵力，萬不可分散太過；如敵騎接近我陣地時，各官兵務要十分沉着，發揚我火力以殲滅之，並須利用迫擊砲及山礮，以擊敵騎之空馬。（二）敵人用意在利用其大部騎兵，繞我後方，用全力襲擊一點，破壞交通，截斷接濟；故我軍應於後方各重要地點，配置重兵，多留縱長，以防奇襲。（三）鐵路線上應有指定之鋼甲車，專有保護巡查之責，以防敵人破壞。（四）騎兵與敵騎相遇時，若我有優勢兵力，即驅逐或消滅之，如敵之兵力優勢，則力戒與之決戰；尤須注意查明敵騎之速度及衝擊力之程度，將彼我之長處短處，一一明白，利用我之長處，以攻敵之短處；彼此徒步戰，尤須注意迫擊砲之迅速使用之方法為要。以上各條，望轉飭所屬，萬分注意，細心研究，遵照實行。

通令明白敵軍長短並練習槍刺大刀長矛電十七年一月二十七日

今茲所示，關係極大，為全軍勝敗所關，極重極要之事，各將領各級官長及目兵夫，均須切實注意，努力實行。我軍大舉北伐，與敵決戰，當明白敵人之長處短處，敵之長處，即大砲重迫擊砲，飛機昇也；其短處，即未受過主義訓練，缺乏戰鬥精神，官兵惟利是圖，無精神教育，兵心不固是也。以三省及三特別

區之兵力，舉而攻晉，時逾四月不下，傷亡至六萬餘人，士氣大喪，且官兵均懷畏死之心，無白兵戰之能力；我軍利在活用兵力，出敵不意，尤在發揮精神上之長處，用白兵戰破敵。此間對於刺刀矛子大刀等，已百般設法準備補充，各該總指揮軍長師長等，應親身苦下身子，督飭官兵練習三事：（一）使用槍刺各法，（二）使用大刀各法，（三）使用長矛各法，此三事爲殺敵要訣，勝敵妙法。各官兵須知戰鬥決勝負，全在衝鋒肉搏，若我將刺槍大刀長矛三項，練得極精極熟，藝高人膽大，敵人愈近，則我長處愈見，官兵之膽氣愈壯；反觀敵人方面，無白兵戰之能力者，見我愈接近，膽愈怯，心愈餒。此次在蘭封打仗，敵人接近時，見我軍一亮白刃，莫不回頭望影而走，可爲明證。各官兵對於此三事，應萬分在意，認真操練，余當隨時親身或派員考查，以定賞罰。仰即轉飭所屬官兵，一體切實遵照。

告孫連仲馮治安注重工事電

十七年三月九日

刻值大戰在即，工事尤關重要，我前方陣地，務須搆成數線，萬分堅固，一道一道，連挖三道，深溝高壘，嚴密固守，令敵人不敵犯，不能犯，務爲不可勝以待敵之可勝。須知敵人兵器唐克車等，不但多而且新，更須萬分研究問答，用知識方法搆成陣地；蓋能守而後能攻，實古今不易之理。該總指揮該軍長等，仰即切實研究濶辦，並將辦理情形具報備核爲要。



無上官之督責，必易驚走；故我宜用夜襲，以破敵人。(六)陣地前多埋地雷及設障礙物，以挫其鋒。(七)攻擊時可併力擊其一點，及多用疑兵以威脅之；因其份子複雜，不能互相救援，即相救援，亦必費極長之時間，而我已破敵矣。(八)最要者，敵人無訓練，其氣浮，其體力不充，我軍與敵相遇，第一步務須堅陣以待之，與之持久，待其力疲氣衰，然後以精銳突擊之，此萬全必勝之術也。各將領尤須於「治心治力治氣」三項上着意爲要。

#### 通令練習地雷電十七年三月十一日

現代作戰，是科學戰爭，是知識戰爭，決非全仗蠻攻，所可制勝。各將領應切實于知識方面求長進，以期少受損傷，制勝敵人。地雷一項，尤爲防守利器，並宜練習；各軍均須迅速詳細研究爆炸法，設置法，及保藏法。其已領到練習者，應精益求精；其未領者，應迅向軍械司領取，趕速學習。大戰在即，望萬分努力研究使用，切實遵辦爲要。

#### 告前方作戰各軍渡河方法電十七年四月八日

查直魯境內，河流極多，有碍大軍之進展，茲特將簡便渡河法，分項條列於次：(甲)架橋分爲架柱橋及浮橋。(一)架柱橋：在水深一米達五千生的以下，無論水流大小，均可架設；其架設法，應在架橋點

最近之樹林木廠採伐徵集，如實不得已時，附近房屋木料及門窗板壁，亦可拆用，惟須妥洽付值；所用器具，可在附近木廠木鋪等處搜集；所需人員，可用木匠及營中粗能木工者輔助之。(一)浮橋：水深在五十生的以上，無論水之深淺，及河底性質如何，均可架設；其架設法，可徵集上下流最近民船及官船，務須多帶水手，並多備繩索，其船上面之材料，與架柱橋同。使用船時，須將船之大小相同者併列，務使架成後水深處須較他處稍高，以免通過時發生震動。如水流太大，須在上流多投錨或用木樁繫定。如河岸急陡，固易架設；若兩岸太低，須設架柱，或墊碼頭。(乙)徒涉：水深一米達以下，河低平坦堅硬，如徒涉時，步兵八十生的，騎兵一米達，野砲兵五十生的，山礮繫駕四十生的，駝載八十生的，大車五十生的，汽車四十生的。徒涉時其路線晝間用木桿及浮標，夜間以燈火標示之。仰即酌察情形，遵照辦理爲要。

告鹿鍾麟等注重守城守寨守陣地電 十七年四月十二日

我軍此時與敵對峙，敵盡銳而來，其氣驕浮，我軍須一切持之以鎮靜，注重守城守寨守陣地之法，待其疲敝，然後擊之，萬不可敵人守寨，而我去打，此乃反主爲客，實爲用兵所最忌。今閩鹿總司令孫總指揮報告，常有派某師去打某寨之事，實爲大錯，萬不可好大喜功，預計敵人兵力，俟至有增加之後，必當有一二次猛撲，此時戰鬥之勝敗，全在能持久不能持久。我必持久，至敵人石莊兵力悉向我移動。

之時，閻總司令即可由娘子關出攻石莊定州，斷其後路，故我軍此時務須注意守城守寨，與之持久。若有敵人繞至我大軍後方者，則集合我預先控置之部隊以擊却之，不慌不忙，沉着應敵，務求在「持久」二字上苦下工夫爲要，切切。

告鹿鍾麟等固守陣地電

十七年四月十八日

孫總指揮篠辰電悉，敵勢未衰，我軍當以「持久」爲不二制勝之策。現在應專意固守陣地，外有壕，內有蓋溝，認真作工事，當佔據點式，如星羅棋布，一道一道的布置，使敵人即越人我第一線陣地，亦必令其如入陣圖中，四面發槍，不知所應。我軍並須於最後線控置勁旅，爲游擊策應之兵，專伺敵人突進我陣地，圍攻我一寨或數寨時，用以擊其側背。如此辦法，敵人雖有二十萬來，亦可不懼。昔漢高與項羽在滎陽成臯相距三年餘，傳作義則守涿州，四月，姜明玉守曹縣，三月，閻總司令則守牛，載尙從容自如。我軍官兵，忠勇素著，若不能固守彰德，豈不羞死。審料敵勢，我軍能守住十日，敵非自退不可。一則李白大軍均到，二則閻總司令已親督師攻石家莊，三則津浦線已大勝，務將此意分告各官兵一體知照，奮勇苦撐。第五師失利事，望查明報來，以憑嚴辦，盼復。

通令魏鳳樓深溝高壘勝敵電

十七年四月二十三日

頃據彰德魏師長鳳樓養電報告：二十一日早五時，敵逆集中其砲火，向職陣地轟擊砲彈二千餘出，房屋均塌，我官兵均避入堅固蓋溝內，一槍未還，至十時，敵以密集部隊約四百餘人向我陣地猛攻，至距我八十米遠，我機槍步槍齊發，擊斃二百餘名，敵退去，又用重砲及十五生的重迫擊砲向我轟擊，其猛烈更甚，我官兵仍沉着不還槍，至下午五時，敵以一團之衆八百餘人，蜂擁向我陣地圍來，又被我擊斃約六百餘名，敵人紛紛潰退，計是役共斃敵八百餘名，傷者不計其數，至晚間敵逆始終未敢來犯，砲聲亦無，我官兵傷亡數十名，此役我官兵均抱有敵無我，有我無敵之決心，與敵死拚，現益加厚我蓋溝，增修我工事，我士氣亦因更壯更沉着矣。我受損失小者，即因溝壘堅固，及官兵均明白主義之故。敵人作戰伎倆，先以猛烈之砲火壓迫我陣地，繼以步兵猛攻，於此更顯然。如能作堅固之溝壘，抵住其砲火，敵無能爲矣。等語。據此，查指揮作戰，須先能守，然後能戰，寔古今不易之理。該師長深溝高壘，斃敵無數，殊堪嘉許，除獎洋一萬元以示酬庸外，特電知照。

通令實習旗號燈號電

十七年四月二十三日

大軍作戰，信號聯絡，極關重要。查我軍對於晝間之旗號，及夜間之燈號，各部隊多不知事，先實行演習，一旦有事，必易生自相攻擊之誤會。茲特通令各軍速由各將領親自督率，多多認真，實行演習，以

免臨時自誤。仰即切實分別遵照辦理爲要。

通令各將領研究構築工事電 十八年四月二十七日

戰事最重持久，必先能守，然後方可言攻。現在火器日精，工事更宜講求。當此準備作戰期間，須要研究守城守寨辦法。各部將領，應即與所部官長詳細考究，如何構築工事，如何方能持久，定出辦法；並於各駐在之城寨，派兵晝夜趕緊加築，若兵不敷用，則添僱民夫。總之，建築愈堅固愈好，成功愈迅速愈好，以期與敵作持久計。所有工作情形，構築計劃，並希隨時報告爲要。

告韓復榘等虛實並用電 十七年四月二十八日

感兩電均悉。該總指揮等應注意四事：(一)確實探悉敵情，何處多若干人，何處少若干人；(二)明瞭地形，何處易攻易行，何處難攻難行；(三)各級官長，人人須知攻敵人要旨何在；如係夜間，不但不可失迷方向，且不可自相誤會；(四)我軍反攻時，須有假攻之一路，假攻之二路，先牽動敵人，然後用真攻之一路二路，同時動作，萬不可起初真攻，使敵人之預備軍隊來對我真攻，所謂虛實並用者此也。該總指揮等須悉心研究，萬分注意爲要。

通令研究對敵騎兵戰術電 十七年四月二十九日

河北敵人，增防日急，大戰之期，即在目前。此時各該總司令總指揮軍長等，應趕速努力研究破敵戰術，務須計出萬全，以免臨時倉皇。茲有應行注意者二點：（一）查晉軍前次在京漢路線作戰，前線已至保定，因由石家莊至保定戰線太長，被敵人用騎兵從側翼抄襲至石家莊，致歸失敗。此次敵人在順德以南，又增加騎兵甚多，或不免沿用對晉故智，由側翼抄襲我軍後方，或謀襲擊我軍各級司令部，各將領宜特別注意，控置大預備隊辦法。（二）騎兵在作戰時，雖能利用其速力及衝力，攻擊側翼，然一遇河流及斷絕地，或道路不良時，則完全失其效力，故我軍刻宜研究用步兵對騎兵之戰術，以備應敵。如敵人企圖破壞我軍後方交通，即可用鋼甲車在鐵道來回巡梭，以資防堵。切實研究，是爲至要。

通令對敵應注意各事電 十七年四月三十日

茲將對敵應注意之事，條示如下：（一）敵軍無論攻防，多用突破中央或一翼，我軍必須有縱深之配備。（二）敵軍當激戰時，每以一部砲兵對我軍第一線之後方出入口集中射擊，我軍各預備隊之位置，必須注意能避敵火敵眼，及交通便利之地，以便進出容易。（三）敵軍多用砲火，宜於遠戰，我軍必須利用暗夜接近，多行襲擊。（四）敵軍在宿營地所有各部隊隊號，多用英文字母，及羅馬字之軍隊符號，以爲標識，我軍偵探人員，必須稍知英文字母及數字，方易探知兵種。（五）敵軍之大砲，概塗以土色，偵

察時宜注意。以上各條，仰卽通飭所屬注意辦理爲要。

告各將領各種作戰法利害電 十八年五月四日

查戰勝攻取之道，要在計劃綿密，顧慮周詳，兵法所云：多算勝，少算不勝者，卽此之謂也。我軍前此各戰役，所向克捷，戰無不勝者，固由於官兵明白主義，勇於犧牲，而各將領之審慎籌劃，算無遺策，亦實其主因也。茲再將作戰利害之籌算，畧舉數端如次，以爲各將領告：（一）兩軍遭遇作戰，角逐於廣袤之野，雙方地勢相等，其損失亦常相等，故其利害各半，惟處置迅速，運動敏捷者，能獲勝利。（二）利用村寨，堅固防守，敵人來攻，極感困難，我若傷亡百人時，則敵人至少須傷亡五六百人之鉅，故拒守村寨，常較攻者有五倍之利。去年彰德之役，奉軍每攻一村，須有五六百人之傷亡，卽一例也。（三）構築堅固堡壘陣地，沈著防守，與敵作持久戰，待其來攻，從容應付，恐其損失較我多至十倍之衆時，亦難奏效，故利用堅固陣地與敵作戰，常有十倍之利。（四）戰時故露弱點於正面誘敵前進，而以大部兵力，或以便衣隊埋伏兩側，俟敵進至相當地點時，抄其後路，節節擊破，可一舉而殲之，此種戰法，常有百倍之利。仰各轉飭所屬，切實研究，講解勿忽，爲要。

告各將領作戰經驗電 十七年五月九日

茲將此次我軍大戰，綜合前方作戰所得經驗，畧述如下：（一）宜避正面攻擊，多用繞攻佯攻，常能出奇制勝，以少勝多。（二）開始射擊，宜在最近距離之時沈着行之，既能節省彈藥，其收效亦最大。（三）無論攻擊防禦之時，均宜深溝高壘，以禦敵鋒，並乘敵疲而猛攻之。（四）防禦時，宜利用遊擊隊或便衣隊，東馳西突，使敵人不能捉摸，疲於應付，而後出擊之。（五）騎兵之動作，能神出鬼沒，乘敵不備，斷其歸路，獲效尤著。（六）各級指揮官，能時時鼓勵士氣，使各抱有敵無我，有我無敵之決心，與敵拚命奮鬥，毫不懈怠，終能獲最後之勝利。（七）近今因敵火之猛烈，宜用夜襲或拂曉戰，以求成功。（八）大軍作戰，陣線延長至數千里，宜有互助精神，協同動作，以求戰事之進展。（九）注重縱長配備，尤須多控置預備隊，以策應各方。（十）戰時必須廣派幹探，多方搜索敵情，尤不可忽。（十一）無論行軍駐軍，均宜嚴密警戒，以防不測之虞。以上各條，望各將領宜本斯旨，詳加研究，精益求精，俾能早收破敵之效，是爲至要。

告孫良誠等注意三事電 十七年五月十五日

孫總指揮良誠弟，並轉朱總指揮益之兄，方總指揮叔平兄，賈總指揮賈殿兄，劉總指揮雪亞弟鑒：據各方確報：敵人已退到保定，河間，滄州，鹽山，歧口一帶，敵之三四方面軍配置在保定河間之間，二七方面軍張褚兩逆所部配置在河間滄州之間，孫傳芳殘部配置在滄州鹽山歧口之線，我軍此時進攻，

須俟通盤籌畫。各部軍須查明敵情動作，以一部在前方與敵人保持接觸，切實監視搜索；主力均在後方集結，待機動作，應切實注意三事：（一）構作工事，先求堅固，以備敵猝然反攻。（二）整頓部隊，力求整齊。（三）津浦路上對於敵之鐵甲車，務須特別設法破之。望即照辦爲要。

### 通令全軍應努力辦理三事電

十七年六月四日

我國受帝國主義之壓迫，以致國事日危，國恥日深，非認真訓練軍隊，不足以救國家，保種族。茲將應行努力辦理者數事，條列於下：第一，須切實訓練官長之戰術知識；我軍大戰經年，各級官長，升遷太快，未受過嚴格訓練，戰術知識太差，臨陣指揮，毫無把握，甚至無所措手足，危險太大！各領將均應設法增進各級官長之戰術知識，然後可言練兵。第二，各級官長應趕速將不關實戰之教練塗去，有了功夫，即練習瞄準及戰鬥教練。第三，對於友軍官兵，要謙下和平，說話不可驕傲，因好炫己之長，好譏人之短，皆足以招怨尤而失和氣也。

### 通令各官兵將領注意研究電學電

十七年十二月七日

電氣一項，在戰爭上，用途甚大，各官兵須十分努力講究，迭經誥誡在案。嗣後各師旅個個官兵，對於電報、電話、無線電報、電網，及各種電雷等項，須仔細研究，務力求明白清楚，必須能應用，能破壞；否則，

不明白，不清楚，非但不能破壞敵人，並自己亦不能用，危險萬分，仰祈督飭所屬，即日講究，余隨時派人考查，分別獎懲，特電遵照。

通令現代戰爭爲科學化學機器戰爭電十七年十二月八日

歐戰以後，戰術兵器等，均已更新，與以前大不相同。兵器則機關槍爲主，攻擊則成千成萬之唐克車爲主，防守則以各種電雷電網，極寬極深之溝塹爲主，空中則用數千架之飛機，水中則用海面不見之潛水艇，一切均與前不同，實科學戰爭，化學戰爭，機器戰爭，決非大刀戰爭之時代也。當歐戰時，曾有某英人謂：興登堡與福煦元帥，不過爲機關槍之隨從，而英相路得喬治，則僅機關槍坦克之奴隸，此說實足表明現代戰爭特色。茲將各官長應注意事件列舉如次：（一）步兵宜少不宜多，應節省此項軍費，製造機關槍，製造唐克車。（二）電話，電報，電雷，電網，不但個個官佐須學須會，並要造就多數之專門人才。（三）以上二條，李副監督與中，須努力辦理。（四）各師人數，必須認真刷洗，汰弱留強，認真點名。以上所言，均目前最切要者，仰即通飭所屬，切實辦理，爲要。

# 馮玉祥軍事要電彙編目錄

## 卷四 訓練

頁數

- |                   |   |
|-------------------|---|
| 令劉郁芬設立軍官教導團電..... | 一 |
| 請孫岳等切實教訓所部電.....  | 一 |
| 通令彙報戰事心得電.....    | 二 |
| 通令孫連仲切實訓練所部電..... | 二 |
| 通令注意訓練讀書電.....    | 二 |
| 通令軍佐人員均習軍事電.....  | 三 |
| 通令呈報軍中一切情況電.....  | 四 |
| 令劉郁芬宋哲元提倡體操電..... | 四 |
| 通令猛力訓練部隊電.....    | 四 |
| 通令注意四事電.....      | 五 |

- 通令改良四事電.....五
- 復宋哲元事前多訓教事後不姑息電.....六
- 通令作陣中日記電.....六
- 通令多作報告電.....七
- 通令訓練官兵應注意各項電.....七
- 嚴令河南雜軍速行整理電.....九
- 通令專設教育部負責籌劃普通精神職工三項訓練電.....一〇
- 誥劉郁芬須詳審考查用兵隱衷電.....一一
- 通令特別訓練日兵及火馬夫電.....一一
- 令鹿鍾麟孫連仲注意訓練新附官兵電.....一一
- 告張維璽革命軍人不怕犧牲電.....一二
- 令劉鎮華駐軍切忌散漫電.....一三
- 令梁壽愷努力苦幹電.....一三

- 誥孫良誠等戰後應切實研究改良電……………一四
- 通令應努力五事電……………一四
- 通令每日必須有一報告電……………一六
- 通令不准將新舊兵合編電……………一六
- 通令注意補缺額練新兵等四事電……………一七
- 通令對副官及傳令員兵等應嚴加訓教電……………一七
- 通令切實注重檢查電……………一八
- 通令各長官應苦下身段訓練新兵電……………一九
- 通令嚴加訓練傳令兵傳事兵電……………二〇
- 令各將領實習攻守戰法電……………二〇
- 令派教員訓育新兵電……………二一
- 令陝甘各將領嚴查嚴辦副官及傳事兵電……………二一
- 通令對官兵詳明講解訓令電……………二二

通令報告日常工作電	二三一
通令派員考查精神教育電	二二三
通令全軍官兵保持十六旅時之軍紀精神電	二二四
令韓占元馮治安整頓隊伍電	二二五
通令舉行射擊體操兩種比賽電	二二五
通令加工訓練五事電	二二六
令李興中注重實習及軍紀電	二二六
令陳毓耀勿祭關岳電	二二七
通令注意命令報告通報及陣中日記戰鬥要報電	二二七
電劉宋石準備實施兵工政策電	二二八
通令注意精神教育等六事電	二二八
通令每日規定二小時讀書電	二二九
通令講解命令電	二三〇

頒發禁令四條令.....	三〇
通令認真教授新校正各歌電.....	三一
越作戰越要守軍紀電.....	三二
通令廣行軍隊電氣化職業化學校化電.....	三二
通令我軍長處短處及應訓練各點電.....	三三
誥鹿鍾麟等力分軍紀愛民讀書三事電.....	三五
令鹿鍾麟等訓練編餘官佐電.....	三五
得令不傳傳令不明以玩忽命令論電.....	三六
令鹿鍾麟等設立各種學校召集軍官佐嚴格訓練電.....	三六
通令行軍須整齊嚴肅電.....	三七
通令新舊兵不可混合訓練電.....	三八
通令點驗駐陝部隊情形電.....	三八
通令派石敬亭至各部隊點驗電.....	四〇

- 誥石友三督率官兵讀書電.....四一
- 通令講求學術組織軍佐隊電.....四一
- 通令砥礪廉隅電.....四二
- 通令規定服章樣式電.....四二
- 通令對日兵切實講解訓令電.....四三
- 通令教兵識字讀書電.....四三
- 通令頒發非化學不能救國電.....四四
- 令宋哲元切實整頓官兵電.....四四
- 通令各師籌設五育研究會電.....四五
- 覆石友三注意德育電.....四六
- 令石敬亭等辦利他社應注意二事電.....四六
- 令孫連仲注意訓練馬部回軍方法電.....四六
- 通令注重禮節電.....四七

通令兵可百年不用不可一時無備電……………四七

誥許驥雲注意得兵心電……………四八

誥田金凱注意重視病兵等三事電……………四八

誥張允榮宜隨時隨地訓練軍隊電……………四八

誥張允榮四事電……………四九

誥張團長樹聲凡事均要從慎微小心上痛下工夫電……………四九

卷五 誠勉

臨別告誠所屬官兵電……………一

誥各將領體念時艱電……………二

誥陝軍各將領注意聽約束明主義等四事電……………三

誥各將領救民須先立於不敗之地電……………四

誥李雲龍楊虎臣注意愛百姓結團體輕利祿三事電……………四

誥孫良誠注意補充賞罰等六事電……………六

- 誥將領注意軍風紀等五事電.....七
- 誥李雲龍注意愛民整軍明主義三事電.....七
- 覆薛篤弼四事電.....八
- 告于右任應行整理五事電.....九
- 令孫良誠轉飭各部注意三事電.....一〇
- 令各將領力行改良四事電.....一〇
- 令陝中各將領注意力行五事電.....一一
- 誥韓復榘轉飭中下級軍官戒驕戒傲電.....一二
- 令石友三任勞任怨電.....一三
- 通令注意與民衆結合等三事電.....一三
- 誥各將領注重修養電.....一四
- 告楊虎城請其勿萌退志電.....一四
- 通令河南各軍力祛五弊電.....一四

誥各將領注意持長補短電	一六
通令不准企圖保存實力電	一七
誥門致中注意四事電	一八
誥鹿鍾麟努力殺敵電	一九
誥全軍旅長以上軍官要謙和等八事電	一九
誥陝西各將領明瞭主義實行團結及服從命令電	二二
通令各將領注意五事電	二六
令北路各將領注意二事電	二七
誠韓復榘石友三勿驕勿餒電	二七
誠宋哲元審慎應敵電	二八
令韓占元接帶梁壽愷軍應注意各事電	二八
令各將領本軍長短處所在以資改正電	二八
誥各將領以傳作義善守爲法電	三〇

- 誥前方各將領兩次攻徐戰役我軍長處短處電……………三一
- 誥各將領應行整頓三事電……………三四
- 誥各將領補充人馬槍械電……………三五
- 十七年元日告官兵九事電……………三五
- 告各將領奉營軍十大缺點電……………三九
- 通令嚴行檢查行人郵電……………四一
- 誥前方各將領進展展開應注意三事電……………四一
- 通令注意提提期氣等三事電……………四一
- 誥各將領犧牲精神爲制勝原因電……………四二
- 誥各將領謹小慎微等三事電……………四三
- 誥各將領實行禁謠詭愼公款等七事電……………四四
- 誥各將領除嗜好敦品節等五事電……………四六
- 通令注意軍紀戰術等九事電……………四七

- 通令詳查敵情不可冒險進取電……………四九
- 通令禁止踐踏青苗等十事電……………五〇
- 令河北各將領聽鹿鍾麟指揮電……………五一
- 誥劉郁芬等注重細密確實四字電……………五一
- 電河北各將領師克在和電……………五二
- 令各軍注意給養戒備四端電……………五三
- 誥各將領以確守命令等八事約束官兵電……………五四
- 誥前方各將領戒除驕矜電……………五五
- 通令軍政各機關注意防範四事電……………五五
- 誥孫良誠注意愛民軍紀和平智識四事電……………五六
- 令各將領注意十五事項電……………五七
- 誥各將領剷除瞞上不瞞下與用人惟舊二惡習電……………五八
- 通令不許受人民餽贈電……………六〇

誥韓復榘查改軍中通病電.....六〇

誥劉郁芬注意軍事訓練官長等四事電.....六一

誥各將領治兵貴神速秘密電.....六一

誥各將領注意精神教育等四事電.....六二

卷六 政治工作

通令每日向官兵講解主義電.....一

通令每師設宣傳員二十人電.....二

告鄧寶珊須從根本上着力電.....二

通告國民軍特別黨部成立電.....三

復北京政委會特別黨部已選出執監各委電.....三

令劉郁芬組織政治部電.....三

令鹿鍾麟等宣傳三事電.....三

通令注重主義訓練電.....四

通令幫助成立農會工會等六事電.....	五
通令舉行朝會及政治講演電.....	六
通令協助各地農工團體及黨部電.....	六
告石友三官兵明瞭政治之利益電.....	七
通告五一勞動節誓詞電.....	七
通令照料政治宣傳員電.....	八
通令召集政治工作會議電.....	八
通令全軍致勝克敵由有黨有主義電.....	九
通令每晨講讀政治問答電.....	一
令孫良誠等對新入伍官兵灌輸主義電.....	一
通令指定每日應背誦講解書籍電.....	二
通令特別黨部改組電.....	二
通令督飭官佐日兵夫背誦中山語錄及精神書電.....	三

通令每晨舉行六個問答電.....一四

通令實行朝會程序電.....一五

通令每日宣讀誓詞電.....一五

# 馮玉祥軍事要電彙編

## 卷四 訓練

令劉郁芬設立軍官教導團電 十五年九月三十日

查軍事訓練，無論何時，不可間斷。請速在蘭州設立軍官教導團，凡本軍官長，以及軍醫軍法書記各軍佐，均可令其入學。除軍事訓練外，對於政治訓練，亦須同時並重。至政治起手之訓練，即須將三民主義澈底認識清楚；而國民黨一二兩次宣言，尤係現時政治上正確之主張，亦應詳加研究。務期人人十分了解，非將此種真正主義，充分灌輸，則真正精神，不能振起，一切舉動，將如無舵之舟，縱使有時適合正軌，亦係偶然之事。此為基本要着，請特別注意，痛下功夫。

請孫岳等切實教訓所部電 十五年十一月二十二日

五原孫總參議禹行二哥，弓軍長海庭兄，鹿總參謀長鍾麟弟同鑒：我軍因為主義奮鬥之故，不憚犧牲，現時死者未葬，殘者未卹，傷病者無藥無醫，健在者無食無衣。惟吾人既為貫澈主義計，對於各部軍隊，仍不可不努力教訓。務期大眾悔改前非，真心和睦，有如兄弟，必本身團結堅固，然後方能談到救

國難。從此以後，萬不可再有如昔河南一軍，互爭槍械，互奪軍需醜劇，前途方有望也。

通令彙報戰事心得電 十五年十一月二十九日

我軍歷年戰鬥，艱苦備嘗，凡所經歷種種狀況，皆須銘記不忘，以爲改良增進之準則。古語有云：「前事不忘，後事之師。」況兵凶戰危，處置稍有不合，即將貽害全局，豈可不孜孜求進，深加研究。凡我軍官佐，自排長以上，各宜將此次戰鬥經歷心得，分條繕呈各該管長官，由各師旅長彙總，於十二月養日以前，送交本部，以憑考核，而資改良。其自司務長以下軍官佐及士兵有經歷心得者，亦須繕陳，一併彙報，藉收集思廣益之效。望轉飭所屬，一體遵照辦理爲要。

通令孫連仲切實訓練所部電 十六年一月十二日

江電悉。查此案業據該管旅長谷良友電報到部，并將各該管主官分別懲處電復在案。帶兵如父兄之待子弟，必須常常訓練，常常查考，藉以維繫其心身，範圍其意嚮，使之視軍營如家庭，安居而不忍去；視官長如父兄，愛戴而不忍離，方可患難與共，緩急相持。乃該師二十四旅一百零一團三營，竟在戰溝內携械潛逃至六十名之多，足徵該管官長等平日訓導不週，考查不力，不能範圍其意嚮，維繫其心身，有以使然。仰即切實訓練，切實考查，勿稍含糊，是爲至要。

通令注意訓練讀書電 十六年二月十三日

本軍轉戰連年，無暇訓練，況復自兵入伍太淺，官佐升遷過快，以不教之兵，將何以應戰殺敵，何以救國救民？每念及此，何勝焦慮！惟望各同志深體此意，對於訓練之事，無論行軍駐軍作戰，均應刻刻不忘，加功講求，以期補救於於萬一。茲將應注意各事列後：（一）訓：（甲）訓部下，不要作吃喝嫖賭吸煙之人；須要努力作成實守規矩有品行之人。（乙）訓部下，愛百姓，愛國家，愛一般貧苦無告之良民，熱心犧牲，爲此「愛」字。（丙）訓部下，主義爲何？何爲民族民權民生？何爲不平等條約？（二）練：（甲）體操，例如跑、攔阻、鐵杠等。（乙）野操，以應用實戰爲第一要義。（丙）射擊法，注意節省子彈。（丁）每日實行挖掘溝壘，應作據點式者，且忌一線式者。（戊）除去好聽好看的操作。（三）讀書：（甲）精神書。（乙）政治工作等書。以上三端，望火速着手進行，並即傳所屬各部遵照爲要。

通令軍佐人員均習軍事電 十六年二月二十三日

按國民黨綱規定：凡屬黨員，皆有當兵義務。況當革命期間，尤須人人知兵，人人能戰，方足以制勝強敵，完成使命。本軍各軍佐，如軍需、軍法、軍醫、譯電、書記、司書等人員，終日伏案，不事操練，軀體日羸，膽力日怯，一旦有事，非但不能報國，仰且無以自衛，危險何似！自奉到此電起，應即逐日持槍挾彈，學習

射擊既可強壯身體，復能熟悉戰鬥，庶當險要關頭，均能荷槍殺賊也。

通令呈報軍中一切情況電 十六年二月二十六日

查人馬槍械數目，及各官兵之升調革補，均屬軍中要務，關係統計整理各事，必須日日考察，隨時呈報，方能有確切之調查。惟自作戰以來，因軍事龐雜，無暇及此，未免擱置。爲日既久，遂致對於械彈之充否，兵力之多寡，以及編配整頓各情形，均難統計。不徒影響作戰，抑且害及軍紀風紀。惟騎兵第五師趙師長守鈺，雖當軍事旁午之際，仍能對於一兵一械一彈之微，亦必詳報無遺，或先期請示，足徵辦事認真，殊堪效法。當茲休養補充之際，對於類此各事，亟宜切實整理，詳密陳報，尤應十分重視，加意考查，以期整頓爲要。

令劉郁芬宋哲元提倡體操電 十六年三月六日

查練習體操，不特強健體力，且關係戰鬥力極鉅。近來各部官兵，以久未練習，均甚退化，亟須竭力注重，以免荒廢。所有部隊駐在地方，著即擇地設置攔阻，每日率領官兵練習競進，庶官兵精神，日益振奮，作戰之時，自有把握。此事關係切要，業已通令各部隊，尅日切實遵辦，務請竭力提倡實行，是爲至要。

通令猛力訓練部隊電 十六年三月七日

大戰在即，訓練一事，刻不容緩，曾經迭令遵行。而在此短少期間內，尤應選擇目前急用者，如政治講話，實戰講話，幹部演習，軍人小排戰鬥，部隊演習等，參照歷次實戰之得失，加以改良。砲兵機關槍，迫擊砲，特種兵器之使用法，據點式之陣地與鐵絲網，外壕，狼阱，鹿砦等之構築法，均應提前猛力教授。一切不適於實戰形式上之動作，如托槍左右轉等，即予革除。尤應根本剷除，如人人均不注重戰鬥教練，及各中上級官均不肯親身去教之惡習。事關全軍存亡，望切實注意爲要。

#### 通令注意四事電

十六年四月二日

本軍軍官，升遷太快，目兵則入伍期淺，知識復薄，加以連年作戰，未遑訓練，馴至對軍事名詞，尙有不懂者，苟不設法補救，必致耽誤大事。茲提出亟應注意四條如下：（一）集合副官，差遣，號官，號長，傳令兵，號兵，講習傳達勤務。（二）對於長官訓話務用筆記。（三）平時對於傳達人員傳事，須注意復誦及復命。（四）戰時對於傳達人員，務加選擇。以上四條，仰由各主管指定負責參謀教授，並特別注意爲要。

#### 通令改良四事電

十六年四月十三日

查本軍各部隊，缺點極多，其亟應改良事項如下：（一）傳令兵因出差太久，沾染惡習，每致發生越

軌行動。而各主管願往往護庇之。視傳令兵爲個人私人。此等惡習，亟應竭力滌除。並查照以前規定，每月更換一次，嚴加訓練，免滋流弊。(一)各部隊對於禮節，多不實行，不惟平級不互敬禮，即下級官佐對上級官長之不認識者，亦視如路人。查禮節所以表示親愛，聯絡感情，並可約束兵心，使就軌範，關係至爲重要，應即切實注意。並責成軍法人員，認真查考矯正。(二)各部隊對於官兵操作及勤務，應確守時刻，以免疲勞兵力，貽誤事機。(四)各部隊傳令兵，往往以身不滿三尺者充當。(因現值取消幼年兵，因即以幼年兵換穿軍衣，改充傳令兵。)此等情事，殊爲不合，應立改正。嗣後各部傳令兵，有身不滿四尺八寸，年不及十七歲者，概不准在營及着軍衣。以上各項，關係本軍訓練根本問題，仰即飭屬遵行，並將辦理情形具報，爲要。

復宋哲元事前多訓教事後不姑息電 十六年四月十九日

訓練目兵，欲人人學好，個個成材，總以事前多訓教，事後不姑息爲原則。多訓教可少觸法網，不姑息則無僥倖心。先覺有言：「不教而誅，是爲棄之。」又云：「法行則知恩。」望注意爲盼。

通令作陣中日日電 十六年五月二十七日

陣中日記，最關重要。望各路總司令，轉飭所屬作戰部隊，以旅或獨立團爲單位，自動員日起，將

每日經過情況，命令，訓令，攻守宿營要圖，以及人事賞罰，給養，械彈補充，運輸，衛生，政治工作等一切事宜，責成專員，按日分類記載，以備戰事結束後，彙編全軍陣中日記之用。又關於目前作戰上應行興革等事項，各部隊必須隨時陳述意見，以資採擇，特電遵照辦理。

通令多作報告電 十六年六月二十五日

查軍中消息靈通，全恃命令，報告，通報三項爲之連繫，庶能互明各方情形，處置自不隔膜。乃近來各路師旅報告極少，有誤事機，殊屬不合。特此令傳各總司令及各師旅長，一體遵照。凡有重要情事，固須隨時用電報告，即每日所作關於內務訓練，及一切有關軍務整頓事項，亦均應逐條詳細載明，每日向總部報告一次。至各師旅長，並應同時報告該管直屬長官，以備查考。如在行軍戰鬥時期，尤爲重要。仰即分別轉飭所屬，一體遵照，各部參謀人員，尤須飭其注意辦理，是爲至要。

通令訓練官兵應注意各項電 十六年六月廿七日

我軍現正北伐，各部勤務自多，但有須臾之暇，仍須注重訓練。茲將應行注意各訓練事項，條列如下：（甲）關於傷病殘亡者：（一）各官長對有病官兵，應特下工夫，無論輕病重病，有藥無藥，每日必須嘘寒問暖，勤加調養，自能團結兵心。（二）對受傷官兵，尤須勤加慰問，調理週至，使無呻吟之苦，即已愈

者，亦須特別待遇，自可提起官兵殺敵之心。(三)因受傷而殘廢之官兵，或因貫通受創，或係肢體斷折，必須特別優待，但求能任部分工作，亦宜畀以相當職務；即由各軍長查實擬妥呈報，以便設法安置或給卹。(四)對於陣亡及病故者，殮斂要妥，葬埋要深，用石碑記明死者之年籍家族，及入伍日期與隊號，務求詳盡。將來革命成功後，並擬請政府通令全國各縣，廣建昭忠祠，以妥其幽靈；設烈士遺族學校，以教其子弟；有子給卹金，以贍其家族；如此不惟死者心安，而生者亦與感。(乙)關於應提倡者：(一)中下級官長與自兵，要同在一處吃飯；旅長以上官長，則應輪流到各連與兵同吃飯；如此纔能知飯之生熟，菜之鹹淡，必先能共甘苦，然後方可共患難。(二)官兵推頭洗澡，均須自己辦；旅長以上官長，尤應首先提倡，如此不惟省費，且免肇事。總期官不脫離兵的生活，兵不脫離苦百姓的生活，至要。(三)官兵服裝，必須一致，不可官異於兵，更不准競尚華麗。(四)注意書記、軍需、副官、參謀等人員之訓練。凡日兵應當會者，官長須得先會；日兵應遵守者，官長須先遵守。并要注意紀律，注重精神。(丙)關於學科者：(一)講明主義，必須結實，不可虛浮，尤要時常考問，并多找火夫馬夫出來考問，凡不易明白者，愈得要苦下工夫，使之明白。旅長以上官長，均應如此辦理。(二)官兵身上所佩「之軍械均是民衆的武力」，「一彈當作全軍團體性命看」，「我們爲取消不平等條約，誓死拚命」等口號，要時常講解其意義，使官兵

背誦不忘。(二)注意講解戰鬥動作歌，射擊軍紀歌，利用地物歌，由各軍用石印或油印印發，每棚一分，要一個一個念熟講明。(四)精神書應注意講讀，時常考問。(丁)關於術科者：(一)多練瞄準用槍，方能節省子彈。刺槍劈刀，乃近戰之利器，尤要練習精熟。惟須官長先幹，方能提倡起來。(二)戰鬥教練，每天必須操練，關於戰鬥教練裡面之攻擊，防禦，追擊，退却四種，及命令，通報，報告，等事，均須操練嫻熟，作會一件，再換一件，先從營連入手。(三)夜間演習挖溝行軍，均要常作，並多抽暇練習。行軍如無特別緊要事，寧可不坐火車，因步行亦是練習行軍的妙法。近來訓練成績較好者，惟孫總指揮良誠，韓軍長復樂兩部，不惟軍紀甚好，且每到一處，即幫助人民收麥種地修路。軍隊是民衆的武力，非如此下手不可，務必切實整頓，確實施行。此不過提綱挈領，摘其最要者言之，餘可隨時隨地，加意考查，認真訓練。總之：官長帶兵，如雞之孵卵，必須時常與兵見面，與兵講話，使情誼融洽，不生隔閡，自然軍事日見進步也。此爲勝敵要訣，務望認真辦理，辦理程度如何，隨時具報。仰即轉飭所屬，一體知照爲要。

#### 嚴令河南雜軍速行整理電

十六年七月十日

現欲完成國民革命工作，不難於與賣國軍閥決戰疆場，而難於我革命軍人，不能提起朝氣，革去惡習，平居則百般擾民，赴戰則望風徘徊。似此情景，曷云不能制勝敵人，即勝，亦何異於以燕伐燕，以秦

易案。今河南原駐軍隊，奚啻三十餘萬，若加以整理，使成節制之師，是皆救國救民之健兒也。倘長此因循，碍於情面，不肯直說，不速整理，直三十餘萬吮民脂血之蠹蟲而已。居今日而言整理之方：第一，須使各部皆爲有制之兵，不收土匪，不要徒手，要少要好；第二，聞令即行，調往何處，即開拔何處，不稍遲延。倘以上兩項，不能辦到，一切整理，皆將無從入手。查靳總指揮雲鵬所部，有十餘萬人，劉總指揮鎮華所部，有三四萬人，究竟能調赴前方作戰者有若干，不能調赴前方作戰者有若干，應速查明呈報。其能隨令迅速調動者，即是有制之兵，是真正救國救民之革命軍人；其不能調動者，則是害民之蠹，殃民之賊，即應關刀大斧，予以解決，不可任其濫掛旗號，妨害整理。玉祥所深希冀於諸同志者，在能不擾民，能有節制，能聽命調動，能爲革命戰爭而犧牲。凡能此者，皆國家之寶，玉祥當愛之，親之，敬佩之。倘受令不動，動而不速，甚至安土重遷，把持地盤，食民自肥，玉祥當與諸同志共棄之。職責所在，義無姑息，但求事之有濟，不虞言之過直，惟諸同志鑒察之。

通令專設教育部負責籌劃普通精神職工三項訓練電 十六年七月二十九日

查軍隊中軍事教育訓練，最關重要，現訓練總監部，尙未成立，應仍歸參謀部管理。其關於普通訓練，精神訓練，職工訓練三種，事關重要，着另設教育部負責籌劃，用期妥善。除任凌冰爲教育部部長，即

日成立，積極進行外，望即轉飭所屬，一體知照。

誥劉郁芬須詳審考查目兵隱衷電 十六年七月三十一日

查帶兵第一大壞處，即官長不知兵之心理，又無連環訓練，保管新法，該連目兵譁變，全由於此。嗣後對於目兵隱衷，務須詳審考查，十分體貼，總使其視軍隊爲第二家庭，視當兵爲應盡本分，祇有快感，而無悲觀；如是，即驅之且不忍去，又何至甘蹈刑戮，冒死潛逃乎？至對初級軍官，更要加緊訓練。在逃目兵，仰仍嚴行查拿，務獲歸案法辦，用昭炯戒。

通令特別訓練目兵及火馬夫電 十六年八月七日

查軍隊之精粗，關乎訓練之良否。本軍歷年作戰，對於訓練未克忽略，茲特將應注意事件列下：（一）各級官長，須日與目兵見面講話，尤應注意正副目特別訓練，正副兵特別訓練，伙馬佚特別訓練。能於此三事，痛下工夫，便是根本辦法，根基堅固與否，全在於此。（二）戰鬥教練，夜間戰鬥，尤爲重要，不論大小部隊，貴在多作多批評，自能熟練，日有進益。望各級官長，熱心自愛，躬親奉行，方不負余諄諄訓練隊伍，期成勁旅之至意也。仰即遵照轉飭所屬，切實施行。

令鹿鍾麟孫連仲注意訓練新附官兵電 十六年八月九日

訓練軍隊，首在精神教育，弟等所部，新附之衆居多，尤應切實注意。對於兵，宜時時見面，宜多方講話。有一刻即盡一刻鐘工夫，有一分即盡一分鐘工夫。更宜對中級以上官長，初級官長，及頭目兵夫，一分別訓話，使其明瞭主義，提起朝氣，無論二兵一夫，均知爲革命奮鬥，爲主義犧牲之意義，是爲至要。

誥張維璽革命軍人不怕犧牲電 十六年九月二日

查革命軍人之所以異於軍閥者，以其具有救國救民之最大決心，有犧牲一切誓達目的之精神，故能不計險阻，不較成敗，不競權力，不顧死生，刻刻以遠大自期，艱苦自任，必如此乃能由血戰中取得勝利，而達到打倒軍閥，取消一切不平等條約之歷史的使命也。此次該軍攻克同州，所得之教訓有三：（一）須知精力所至，無堅不克，無事不成；此後更應忍痛冒險，增加大無畏之精神。（二）須知恃險爲固，卒喪其身，割據自肥，必歸於盡；此後須引敵人之覆轍，作我輩之前車，凡一切地盤貨物，種種不良思想，不可有絲毫之存留。（三）疾風知勁草，久戰識壯士；所有異常出力官兵，皆革命軍人之好師友，好榜樣；以後選擇官兵，皆應注意能任重致遠之人，而後可以救國家，救民衆。對上三種教訓，務須時時省察，鼓舞勇氣。昔曾文正治兵，動以「有良心，有血性」爲言，以非此不能成軍，非此不能成人。該軍此時所亟應切實注意，認真講求者：即一面在戰鬥訓練，一面在精神教育，庶經一次勝仗，增進一次戰鬥能力，否

則痛念死亡，姑息兵刃，其結果必致曲歸而情，由情而敗，是經一次勝仗，反減少一次戰鬥能力，則雖得一次勝利，又何足取？因閱該軍長來電，一則曰：死亡太多，士氣沮喪；再則曰：受傷有旅長營長，死亡官兵若干，此固屬愛恤袍澤之言，然非大將治軍用兵之道。用特詳告我輩革命軍人之責任，與所以異乎軍閥者之道，該軍長其三復余言，深體斯意，務使所部官兵，無論在何地何時作戰，人人均抱有必死之心，無生存之念，則戰無不勝，攻無不克，救國救民，皆在於此，黨國前途，實利賴之。切囑切盼，勉之勉之！

#### 令劉鎮華駐軍切忌散漫電

十六年九月十七日

刪電誦悉，子彈多者充前鋒，子彈少者為後繼，苦心處置，極為欽佩，其留在隴海線以南之隊伍，切忌散漫，須團結一處，一來便於調度，二來易於約束。對各官兵，尤須時時刻刻，不可離開訓練，多見面多講話，多談大局情勢，多以主義開導，為要。

#### 語梁壽愷勢為苦幹電

十六年十月三十一日

貴部尚有奮戰之名，今此間又盡力援助，當能殲敵。此時應喊出「有賊無我，有我無賊」之口號，並須有有彈用彈，無彈用刺刀，無刺刀則用槍托，無槍托則用拳打，用口咬，誓不與賣國軍閥共立於天地間之決心。務須努力提倡，使所部官兵，人人具有大無畏的精神，向前苦幹，最後勝利，定屬我輩也。

誥孫良誠等戰後應切實研究改良電十六年十一月二十日

查兵法日新，火器日烈，必須在每戰之後，切實研究得失之道，得在何處，失在何處，至細至微，均應記下，認真改良，方能制敵之死命。茲將應行研究事項條舉於下：(一)如敵少而報多，(二)浪費彈藥，(三)用兵過散，(四)不能堅忍，(五)如敵增兵一百，我亦增兵一百，(六)如兵力不團結，(七)見敵心慌，(八)偵察不實，(九)新兵不能持久戰鬥，(十)新兵不善指揮，(十一)陣地不良之點，(十二)如陣地不下功夫改造等。以上各條，關於戰鬥動作，極為重要，均須隨時抽出一分鐘、二分鐘、半點鐘之功夫，研究改良補救之方，且須精益求精，以條教各官兵，愈詳晰愈好，俾其個個澈底了解，並深深印入，腦海以期永記不忘，庶有進步。又關於各部隊所有通報報告等項，應行研究之件如下：(一)判斷要精確，(二)處置要適當，(三)文要簡而明，(四)傳遞要迅速，(五)遇機要秘密，(六)量敵兵力，應以槍砲數為準，不可徒說幾師幾旅。以上各條，應由各級參謀人員，隨時盡力攷究改良方法，以求增進，並須努力輔助主官辦理。以上兩項，望即分別切實遵照為要，切囑。

通令應努力五事電十六年十一月二十四日

查軍隊為各種革新救國之原動力，一官，一兵，一械，一彈，一事，一話，均須日日訓練，日日刷新，方能

戰勝敵人。若戰事發生，臨時着急，不但誤事傷人，抑且潰敗不已，以致滅亡。茲特將應注意努力之事項條列於次：（一）須對各級官長切實講解實戰見聞錄，俾堅其認識兵凶戰危，非精密研究訓練不可之信仰心。（二）隨時隨地，加以教訓；因地因城，發以問題；如何攻法？如何守法？敵多如何守？敵少如何守？敵多如何攻？敵少如何攻？晝間便衣隊如何使用法？夜間奮勇隊如何進城法？批評之，改正之，使之深切領悟，認識精密，爲要。（三）此次三原、涇陽、淇縣之攻城，及吉師之夜襲敵人陣地，均因各將領粗心大意，各級官長戰術太差，致多傷亡官兵，言之萬分痛心，萬分難過也。（四）紀律不嚴，將不重也；一經戰事，或得衣服，或得騾馬，或得物品，等等不法之事，殊欠約束；是由在戰前細密規定太少，對應遵守之事，官兵不能認識，如紀律嚴明，決不至有此等事發生。昔韓占元攻桃源，一元錢不准帶，有必在陣前報明，否則槍決；誠真將領也。近來官長多有不明大義，不重紀律，只知得利，養成見利忘義之大錯，言念及此，予已萬分悚惶！各將領務宜振作精神，認真追究。（五）地形地圖，敵情任務，各官兵必須明瞭大概，方能作戰。乃官長尙有不明白看地圖者，危險已極，此實教育太差之故。各官長須十分研究看圖，並使目兵亦須明白比例尺，至在實地識別地形，尤爲重要。以上五條，亟宜力求改正，仰即督飭所屬一體遵照努力爲要。

通令每日必須有一報告電，十六年十二月十六日

關於戰鬥報告，戰後詳報，最爲緊要。嗣後各部隊每日必須有一報告，應記載之事項如下：(一)我軍子彈消耗數目；(二)人員馬匹傷亡數目；(三)俘獲敵人戰利品及擊斃敵人數目；(四)與我對戰之敵，是何部隊？將領何人？素質如何？(五)敵人現況，及推測敵人以後之企圖；(六)我軍以後擬取之處置；望即分別按項遵照辦理。又在前線將領，發通電致各方報告戰況，須由此間代拍發，庶措辭不至有參差之處，切宜注意。

通令不准將新舊兵合編電，十七年一月二日

查軍隊訓練之精粗，關係戰鬥之勝負極鉅。此次補充新兵，均由徵兵而來，多係良家子弟，訓練得法，可成勁旅。如令新舊相混，非特知識技能，有霄壤之懸殊，即指揮運用，亦難收指臂之效果。前經嚴厲電令，所有新兵另外編練在案。茲再重申前令，嚴定辦法：凡撥與之新兵，均須另外編成部隊，切實訓練，概不准新舊合併；如有違背此意者，即以反抗命令論罪。再担任教練新兵之官長，須嚴格注意新兵之調養與誘導，並將新兵營長以上官長姓名，及詳細履歷，迅速造具。事關性命根本之事，不准稍事玩忽。除派員檢查外，仰即遵照妥爲辦理，具報爲要。

通令注意補缺額練新兵等四事電十七年一月六日

茲有應速辦及應注意四事，望切實遵照實行：(一)各部隊之副軍師旅長、團附、營附，有額缺者，應遵照前令，迅速遴員補充。(二)因受傷開缺現已愈者，或愈後到差而缺已另委他人者，應儘先按級補充第一項之各級缺額。(三)領有新兵之部隊，應特別注重新兵之歷史、凡年籍、精神、體力、特長、特徵，曾否入國民黨及其他黨籍，並其家族親鄰，保人姓名，暨詳細住址，均須切實詳細調查，表式另令頒發。(四)帶新兵官長，對於各項訓練，尤要有條有理，須知有械不足以殺敵，有人不足以勝敵，惟能得兵心，乃能制敵，語云：「戰在心」，卽此意也。望特別注意，切實辦理，是爲至要。

通令對副官及傳令員兵等應嚴加訓教電十七年一月六日

查各部隊隨從主官之副官、傳令員、傳令兵等，往往有因平日倚仗接近主官，遂藐視一切，習久生玩，養成驕傲懶惰習慣，首先破壞一切軍紀，遇事並敢藉名作威作勢，「九一七新生命」主官雖兢兢自守，而彼等輒敢先犯，對官長則傲不爲禮，對外賓則故示驕矜，各該管主官，漫不加察，甚至羣怨沸騰，軍心結恨，而主官猶在不知不覺之中，言念及此，實爲各該主官抱萬分之危險。是在各主官隨時隨地，多訓多教多考查，尤須指定公正廉明人員教訓，萬不可稍存姑息。茲訂定訓教條例如次：(一)在駐軍

與行軍之時，凡普通官兵，所有動作，及日常操課，均應由該管官長規定項目，督飭實行。(一)學科宜特別研究，野外勤務，精神書，政治問答等，隨時指定參謀人員負責講授。(二)每日值日之副官傳令員傳令兵等，必須將一日所作事項，詳載日記本，至晚十時交由該管官長逐件攷查，如有不能日記者，請識字者代辦。(四)每二週由參謀人員查考學術一次。(五)關於副官、傳令員、傳令兵，平日言語行動，待人傳事，使用公物，種種動作，均須由主官親自嚴密留心考查，如稍有不合，即須嚴與斥責，不可稍寬。須知別人皆礙於人情，寧忍受其薰炙，不肯直說，全在主官自己考查，自己訪察。以上各條，仰即督飭所屬，從嚴辦理，毋得姑息爲要。此令。

通令切實注重檢查電 十七年二月廿日

帶兵之事，應實事求是，不可絲毫落空，各總指揮、各軍長、各師長，均應切實注意。檢查兵士，檢查騾馬，檢查病人，檢查醫藥，檢查槍砲，檢查子彈，檢查技藝，皆應親身考查，萬不可只與自己司令部中人相處，不與兵士見面。近閱韓總指揮復槩，石軍長友三，疊次報告，每日均親身檢查軍隊，此乃深得帶兵之法，各級官長，均須摹效。又於檢查之時，須多携隨從人員，關於兵士、騾馬、病人、醫藥、槍砲、彈藥等事，應分項指定專員擔任，庶責有專任，檢查時不致有遺漏之弊。關於檢查所見缺點，及改正辦法，須即印成傳

軍，傳知所部，切實遵辦。以上所示，仰即遵照切實辦理，並將情形隨時報告，爲要。

通令各長官應苦下身段訓練新兵電 十七年二月二十一日

查徵兵之制，法至良美，吾國昔時及現今歐美各國，無不採用此制。自募兵之制興，而服充兵役，遂任各人私意爲轉移，相沿日久，積重難返。我軍努力國民革命，與賣國軍閥拚命血戰，謀革命之利益，應時勢之要求，迫不得已，乃有徵兵之舉。或以非己所願，或以來營之後，生活未慣，管束嚴厲，遂致心懷怨懼，發生不良結果。此皆意中之事，所當預爲設法消弭者。各將領須知徵來之兵，與募來之兵，性質不同，待遇宜有分別，務要苦下身段，感之以誠，動之以真，起居飲食之間，卽實施教訓之良好機會，應加意體貼，甘苦與共，使其心悅誠服，安若家庭。尤應注意者：訓練新兵，不准任意打罵；彼此均爲武裝革命同志，尤宜尊重其人格，切禁隨便侮辱，須於無法之中，予以精神上之安慰。一切無謂之動作，如慢步等類，不應用以教練新兵；須急教以戰鬥動作，以切實用。總之：新兵來自鄉間，渾然天真，亟應一方認真訓練，一方待以赤誠，使官兵相處如家人父子，然後可以共生死，共患難，賞則悅服，罰則懷戒，臨難爭先，赴義恐後，萬衆一心，自然戰無不克矣。若此時漫不注意，日復一日，行見新兵入伍，只覺有苦無樂，懷怨莫釋；有兵，而不得兵心，有形式，而缺乏精神，久而久之，挽救莫由，危險實大。關於此點，各將領須刻刻

留心，不可稍有大意，慎選直接訓練新兵之官長，躬親切實考查；凡事均宜慎始，練兵之道，亦莫要於此也。特中訓誥，望各遵行。

通令嚴加訓練傳令兵傳事兵電十七年一月二十三日

驕做懶惰，爲致敗之本；迭經諄諄誥誥，不啻三令五申。乃近查各部官兵，對於驕惰情事，日久漸生玩忽，而傳令兵傳事兵爲尤甚！既不操練，又無功課，電話傳事，驕做過甚；其該管主管，漠而不查，往往受其欺瞞，因之百弊叢生，致貽姑息養奸之患；若不亟加糾正，其爲禍實有不可勝言者。仰即轉飭所屬，對於所部傳令傳事各兵，應即調查訓練，隨時改正；并一面嚴加查考，有犯必懲，務使驕惰之氣，無由而生，勤慎從公，力除積習，是爲至要。

令各將領實習攻守戰法電十七年一月二十三日

各部隊各級官長，往往有不詳看地圖，及考察地形之事，急宜趕緊痛下工夫，對於看視地圖，識別地形，利用地形地物，及比例尺等事，切實研究。在講堂內，應洞悉地圖與實在地形之對照方法，一見地圖，只需凝神一想，即可將實在地形，瞭然於心目中，一如躬歷其境。一面須帶領所屬各級官長，親到野外，考查實在地形，何處宜攻，何處宜守，在攻時，何處可以主攻，何處可以助攻，何處可以接近敵人，何處

用砲，何處用機關槍；在守時，則第一道第二道陣地如何布法，攻勢區域，守勢區域，如何布置防禦法，砲兵機關槍陣地，一切如何位置。遇有河流，則須考察渡河方法，架橋方法，簡單川門板架橋之實施方法，均須切實研究，實地練習，務令各個官長，皆能嫻熟。以上諸項，與戰鬥勝負，關係至大，在後方駐紮各部隊，應趕速實行，努力辦理；在前方各部隊，但有工夫，即須努力練習，並將練習情形，按日報告爲要。

#### 令派教員訓育新兵電

十七年一月二十五日

官兵讀書識字，最爲重要。現前方兵士，均在作戰期間，實施教育，固有繁難之處；而後方各部隊新兵，正在積極訓練，亟宜教以識字讀書。茲規定兵士百名，設置教員一人，担任教課，請即通盤籌畫，迅速分配停妥，爲要。

#### 令陝甘各將領嚴查嚴辦副官及傳兵電

十七年一月廿七日

據報：陝甘軍隊，軍官尙好，惟欠訓練。最壞者莫如各該部分之副官及傳事兵傳令兵等，驕傲懶惰，吃喝嫖賭，兼而有之，肆無忌憚，任意胡爲。對於本軍之一切訓令命令，無不違反；各該主官如聲如雷，不聞不問，不知檢舉，不加嚴辦，似若無關重要者。不知凡禍之來，無不由於小事細事。蓋小者大之兆，細者巨之數，星火不戢，勢成燎原；蟻穴不塞，崩潰立至。造端甚微，貽禍甚鉅。且一營之中，有一二不良分子，即

足以敗壞全營之名譽。一師之中，有六七不良分子，即足以敗壞全師之令譽。若仍常此姑息，常此優容，將來大禍臨頭，必至後悔莫及，害已害人，莫此爲甚。爲此通電各該部，仰即遵照嚴查嚴辦，勿稍姑息，是爲至要。

通令對官兵詳明講解訓令電

十七年一月卅日

本總司令發出之各項訓令，均於軍隊之內務紀律，極有關係，凡我官兵，應澈底明瞭，切實奉行，始能日有進步。乃近查各部官長，對於本總司令之訓令，多未能一一轉知所屬，明白講解，以致多數之營長連長，竟尙有不明訓令中之意義者。至於兵士，更不待言，危險之大，莫逾於是。用特嚴申明令，嗣後各將領奉到訓令後，除即時分別轉飭知照外，並須隨時考查，集合講話，務使一兵一夫，均能完全了解訓令之意義，俾知若者當爲，若者不當爲，若者當努力，若者當痛戒，久而久之，自能成爲節制之師，而收戰勝攻取之效。練兵愛兵之道，無有急於此者，望各遵行勿忽爲要。

通令報告日常工作電

十七年二月一日

本總司令所發各項電令，各將領奉到之後，務須隨時呈復，業已通令遵行在案。惟命令固應隨到隨復，而工作情形，尤常常有報告，使上級機關對於下級機關之情形，完全明白，庶可指揮調遣，如示諸

學兵法云：「知己知彼，百戰百勝。」此即勤求知己之道，事關重要，不容稍忽。嗣後各部隊除在作戰期間外，每日必須將日常工作，擇要詳報，按級呈送，由各總指揮各軍長彙呈本總司令，不准間斷，不准視為具文。本總司令將按其報告，考其成績，以別優劣，而定賞罰也。

#### 通令派員考查精神教育電

十七年二月廿二日

大戰在即，有一分之光陰，即當有一分之充分準備，精神上，物質上，有形的，無形的，均要努力，求其準備完全，而精神上之準備，尤為惟一最要之事。所發各部隊之精神書，中山革命語錄兩書，關係尤要，若能加倍用功，詳細領會，使每個官兵均能背誦，能了解，則革命精神，自能奮發踔厲，始終貫徹。此間當即日派專員分頭往各部隊，詳細考問，以觀成績。茲將考試專員銜名，及担任區域，條列於下：（一）鄭州以南及鄆城一帶駐紮之各部隊，請馬高等顧問雲亭，並派林參贊立，徐司長廷瑗，往前考查。（二）開封以東駐紮各部隊，派孫總指揮良誠，邱訓練總監山寧負責考查。（三）黃河北岸各部隊，統歸吳處長錫祺負責考查。（四）滎陽及以西至陝州駐紮之第三十軍第二軍及總教導團，由劉軍長驥，周教官煜坤負責考查。（五）潼關一帶駐軍，由張軍長維璽，長安邠乾一帶駐軍，由宋總指揮哲元，蘭州一帶駐軍，由劉總指揮郁芳，寧夏一帶駐軍，由弔軍長致中，天水一帶駐軍，由修鎮守使凌閣，平涼一帶駐軍，由陳

鎮守使統權，自行考查。(六)鋼甲車隊，即由所在地担任各員考查，卽即認真辦理，並將考查成績具報，以憑賞罰爲要。

通令全軍官兵保持十六旅時之軍紀精神電 十七年二月二十六日

本軍自五原誓師以來，日與禍國軍閥作殊死戰，兩年之中，不遑寧處，對於軍紀之整頓，未免日漸疏懈。近據報告：各部官兵，因戰勝之餘，驕心漸生，軍紀日廢，前此十六混成旅時代之精神，幾蕩然無復存在。長此以往，每況愈下，其危險真有不堪言者，不忍言者，輿念及此，不寒而慄。查邇來軍紀之所由壞，不始於兵夫，而始於官長，關係尤大者，恒以初級官長爲轉移。蓋初級官長，上承命令於長官，下達命令於兵士，一言不周，流弊立見；且與兵士日常接近，表率是資，耳濡目染，可移風尙。乃近來各部初級官長，對部屬既不知嚴加約束，對自身更不知痛下針砭，自欺欺人，軍紀廢墜，此種軍隊，將救自己之不暇，更何能救國救民也。茲將十六旅之軍紀精神，擇舉數條如次：(一)十六旅之官兵，是到處秋毫無犯的，是官長說到那裏，辦到那裏的。(二)十六旅之官兵，是恭敬老人，愛護青年的。(三)十六旅之官兵，是服裝整齊，不任意外出的。(四)十六旅之官兵，是剷除一切不良嗜好的。(五)十六旅之官兵，是人入守本分，爭上流銜。以上五條，卽本軍軍紀之根本精神，亟應永保無渝，而發揚光大之者。今當戰事結束之時，各

該主官，務本此精神，時時集合官兵，詳細講解，切實遵行，並嚴飭初級官長，格外注意，俾人人嚴守紀律，樹爲軍人楷模，救國救民，於茲攸賴。特此剴切電諭，其各努力遵行。

#### 令韓占元馮治安整頓隊伍電

十七年二月二十九日

古語有云：「兵隨將轉。」又云：「有必勝之將，無必勝之兵。」該軍長等自接事以來，奮率所部，駐防道衛，已有時日，亟應趁此餘暇，苦下工夫，努力整頓，以備大戰，不使有一時一刻輕輕過去。官長有不得力者，速行撤換；兵仗有老弱者，嚴行淘汰；務須竭力洗刷，汰弱留強，蔚爲勁旅，萬勿稍存姑息，貽誤大事。仰即遵照辦理爲要，切切，此令。

#### 通令舉行射擊體操兩種比賽電

十七年三月四日

查作戰最緊要者，爲體力射擊二項。體力強者，則精神旺盛，雖酣戰極慘極苦之時，尤能振起熱血勇氣，與敵肉搏。體操即增進體力之唯一方法。至於射擊一項，尤爲重要。各官兵果能苦下工夫，練習嫻熟，則精準精確，臨陣時必能不慌不忙，從容射擊，一彈不至虛發，制勝敵人。故體操射擊二項，迭經通令各軍特別注重練習在案。現各官兵練習成績如何，未據攷查，難判優劣。茲特舉行體操射擊大比賽，成績優者與以特別獎勵，劣者分別懲罰。今規定比賽辦法如下：（一）比賽日期：爲五月十五日。（二）比賽

地點：在開封。(三)比賽種類：第一種射擊比賽，射擊二百米達人頭靶；第二種體操比賽，爲鐵杠子及跑欄阻兩項。(四)比賽獎勵：射擊成績優者，獎以革命射擊獎章；體操成績優者，獎以革命體育獎章。(五)與賽人員：每軍及獨立師，均各挑選成一連一百人與賽，須以能代表全軍者爲準。(六)關於是項大比賽，一切籌備均由石總監敬亭負責辦理，仰即遵照。

通令加工訓練五事電 十七年三月四日

現當準備大戰期間，各部無論在前方或後方，均應切實研究，加工訓練五事：(一)戰鬥動作，利用地物，射擊軍紀，三個軍歌，均應一句一句實作出來，此爲勝敵第一利器，各級官長須要特別注意此事。(二)各級官長戰術講堂，及戰術實施，實爲增進官長指揮能力之不二法門，須日日用長時間去作。(三)無論何種機槍及砲，均以多練習實施爲主，不可專事空講理論，總須以合乎實戰，人人均能使用純熟爲上。(四)騎兵砲兵，須不忘作戰，尤要加工講解實戰演習。(五)地雷要特別重視，踏雷碰雷，放雷，及炸彈，均爲費力少而收效大之利器，務各細心加工教練。以上各條，望督飭所屬，遵照施行，余當隨時派員，或親自考查，以觀成績也。

令李興中注重實習及軍紀電 十七年三月五日

(一) 各校校長隊長姓名，盼即詳報。(二) 本部軍法處所出之軍紀週刊，須特別注意。每班學生，必須發給一張，傳觀後妥爲保存，隨時講解。(三) 實戰見聞錄，須特別注意，切實研究。(四) 電報電話，無線電報，及電雷等，必須使個個學生明白用法及淺近之理由，欲達到此目的，必須常常實習，盼即妥爲準備；余即日赴洛，到時即考察各種實習也。(五) 弟處必須直接與西安開封通電話，且須注意通話清晰敏捷。以上五項，盼分別辦理。此外尚有一要事，即注重軍紀是也。軍隊有紀律則存，無紀律則亡。查軍隊紀律之壞，非由於兵士，實下級官長，視紀律爲無足輕重，隨便破壞，明知故犯，長此以往，此種軍隊，非完全消滅不止。此層務望萬分注意，督飭軍法人員，嚴密查察，並常常集合講話，申明約束，違者按律懲辦，不稍寬假；如此，全軍肅然，軍紀自然良好矣。

令陳毓耀勿祭關岳電 十七年三月十日

卅電報告工作，有率領各界往武廟祭祀關岳等語，殊屬囿於舊聞，不明真理。查關岳個人人格，雖無可議，然係忠於一姓，設廟崇祀，國民政府並無明文規定。以後不得再有愚妄行爲，致示軍民以崇尚迷信，務以主義知識，灌輸士兵，養成其忠於國家，役於民衆之精神，是爲至要。

通令注意命令報告通報及陣中日記戰鬥要報電 十七年三月十日

各部隊對於命令、報告、通報三項，應極力講究，尤須注意於「確實」「簡明」「迅速」三要素；須知各部隊之連繫團結，能進退齊一，能左右呼應，互相策援，不失機宜者，全恃命令通報報告三項爲之樞機也。應努力注意。其陣中日記、戰鬥要報兩項，於每次戰鬥後，即須立時彙就，呈送總部，須求迅速，不可延緩。愈速則價值愈高。第二次戰鬥，即可據以增進優點，改正缺點；若呈報過遲，則只可以供將來歷史之材料，於事實上無益處矣。望即遵照，切實研究辦理，各級參謀尤須注意爲要。

令劉宋石準備實施兵工政策電

十七年三月十三日

蘭州劉主席郁芬弟，西安宋主席哲元弟，洛陽石總監敬亭弟鑒：我軍歷年作戰，兵額增至三四十萬，在革命過程中，實非此鉅大兵力，不足以剪除反動軍閥。現軍事日臻勝利，革命成功，爲期不遠，斯時即應注意軍事收束後之設施。須知我軍養兵數十萬，戰事結束，不得不有妥善辦法；是以兵工政策，實爲今後切要之圖。豫陝甘各駐防部隊，在未加入作戰期間，對於修築道路，種植樹木，開濬河道諸要政，即木工鐵工，均應猛力進行，即刻舉辦，爲將來軍事結束實施兵工政策之準備，亦即直接爲民衆謀福利之良策，望努力辦理爲要。

通令注意精神教育等六事電

十七年三月十六日

官兵作戰日久，教育太差，茲將應努力注意者條示如下：（一）精神書及革命語錄，須竭力講誦；革命軍人如不明主義，危險萬分，各將領須親身與秘書書記官會同政治人員，切實講解，務使一官一兵，個個澈底明白。（二）官兵對於書籍，只知背誦，不知意義，將來即不知應用，須極力講解討論，並須多行問答。（三）各部官長，須多行車輪講演，如甲營官長至乙營講演，互相交換，隨時實行，必有裨益。（四）超級練習指揮，當作戰時，因戰況不一，在前敵之各級指揮官，往往有升遷調補者，乃因學識未逮，經驗缺乏，不免有措置不合之弊，故須於平時實行超級指揮方法，如連長練習一營，營長練習一團之指揮等等。（五）砲兵宜特別注重砲兵教育，研究射擊，則作戰時方可命中精確，不至虛耗砲彈而長敵人志氣。（六）兵棋練習，實為研究戰術最有興趣之方法，各將領能隨時與參謀人員及各級官長加意研究，學業必易進步。以上各條，仰各部隊切實遵照辦理，是為至要。

通令每日規定二小時讀書電十七年三月二十日

查我革命軍人，為取消不平等條約而奮鬥，為增進民衆利益而犧牲，責任重大，義不容辭，然欲達此目的，必須人人明白主義，熟讀革命書籍，以增進革命知識而後可。總理在世，諄諄以「知難行易」之說詔示世人，亦即所以勉人使求知之重要也。現我軍正值作戰時期，終日轉戰疆場，疲於戎行，對

讀書一項，難免疏忽。惟須知「革命勿忘讀書，讀書不妨革命」，必使經驗與理論互相印証，方不至落空想與盲動之弊，方可為實際之真正革命軍人。仰各該軍事長官，自令到日起，每日務須規定兩小時為讀書時間，由軍事長官同政治員負責講解和監督之責；如各軍事長官，故意違不舉行者，准政治員隨時舉發呈報，按情懲罰，以為懈怠不讀書者戒。並須廣搜各種革命書籍，如三民主義、建國方略、建國大綱等，按規定時間，令所屬各級官佐士兵一律反覆熟讀，務期人人澈底認識主義，以啟發其革命思想，提起其革命精神，努力完成革命，是為至要。仰各凜遵勿違！

通令講解命令電 十七年六月八日

值此革命過程中，一切固應除舊布新，而官兵的新知識，尤應特別提倡。查我軍長處，為體力驍強，勇於攻取，實由平素官長勤訓練得來。我軍短處，在作戰太久，官兵升遷太快，知識太差。嗣後不可專用外功，須於「訓」字上，多下功夫。關於各項命令，須分別中級官長、初級官長、與兵夫三者，詳細講解，盡量灌輸，切不可用愚兵政策，以自誤誤人也，為要。

頒發禁令四條令 十七年三月二十五日

茲將各部隊應行遵守之件，分條列下：(一)不准用十六歲以下之幼童當兵。(二)不准吃烟，并嚴

禁嫖賭，免傷精神，傷害身體。(三)日常用品，非至萬不得已無法子時，不准購用外國貨，須極力提倡國貨，養成愛國精神。(四)已發給各部隊軍用物品，須小心經理，不准任意損壞，須知愛惜物力，即所以愛惜百姓也。以上各條，望各級官長，對於所屬官兵，務要詳細訓誡，切實遵行為要！

通令認真教授新校正各歌電

十七年六月十二日

查軍中歌譜，為發揚軍隊之精神，與表明衆志之趨向之惟一要着，且於陶情淑性之中兼寓指示作戰之精義，關係既極重要，選擇自應審慎。查本軍前頒各種軍歌，堪為時用者，固屬甚多，而不合現代潮流者，亦殊不少，亟應從新校正，以便訓練。如：「國民革命歌」、「三民主義歌」、「取消不平等條約歌」、「救濟貧民歌」、「奮鬥歌」、「猛進歌」、「勤儉歌」、「勤學歌」、「和衷共濟歌」、「掃除官僚惡習歌」、「五卅慘案歌」、「國恥歌」、「愛國歌」、「戰鬥精神歌」、「愛官長歌」、「愛同伍歌」、「愛民歌」、「愛百姓歌」、「善待夫役歌」、「服從歌」、「發憤歌」、「悔改歌」、「訓兵歌」、「惜光陰歌」、「戒晏起歌」、「恢復共和歌」、「體操剛強歌」、「戰鬥動作歌」、「射擊軍紀歌」、「站崗時要小心歌」、「要耐久歌」、「槍口不准堵東西歌」、「練打靶歌」、「跑欄阻歌」、「練習賽跑歌」，一等歌，均關重要，仰各軍訂為正本，認真教授。其餘等歌，非不合現代潮流，即空洞不切實用，既屬

未經校訂，一概不准教授，以免思想落伍也。切切，此令。

越作戰越要守軍紀電 十七年六月二十九日

軍紀嚴整，即是消滅敵人之利器，越作戰，越要守軍紀。軍紀就是我們的性命。守規矩就是守軍紀。仰飭遵照。詳誌。

通令厲行軍隊電氣化職業化學校化電 十七年七月二日

凡練訓軍隊，固宜力圖適合於實戰之要求，而各種輔助教育，亦須力求進步，以期無愧於新時代之軍人。茲有應切實注意，即須努力實行者數事：（一）軍隊電氣化：電雷、電網、電話、電信等，直接有關軍事，固應熟悉；即如電燈、電鍍、電療等，有關常識，亦應略悉原理。宜請此項專門人員，口講手作，俾全體官兵，明其大意；在營中附設種種簡單工廠，如織毛巾、製皮革、修機械等。（二）軍隊工廠化：在軍為好兵，在鄉為良民，此為本軍訓練官兵第一目的。當兵非終身職業，故在軍隊時，須先預備一種職業，以備退伍之用；是宜令官兵各擇性所近者而分習之。（三）軍隊學校化：本軍官兵，多來自田間，或識字無多，或全未讀書，欲求知識，須先由識字起。故軍隊教育，以教識字為最切要。倘每飯認識兩字，則每日可讀六字，百日便可將六百字課讀完；苟能以訓蒙辦法練訓兵夫，則三年以後，便無不識字之軍人矣。（

(四)他如打拳唱歌等，本爲強健身體，活潑精神之輔助教育，惟不宜佔教育上之重要時間，可於早起以後，就寢以前，以短少時間行之爲要。以上四端，望詳細研究，切實遵行，比罰將不守派員考查，以勤成責。

### 通令我軍長處短處及應訓練各點電

十七年七月十五日

本軍自出關討賊以來，攻山東，戰河北，涉險被創，兩易周年，賴官兵不避勞苦，卒殲悍寇，奠定大局，至足欣慰！今當軍事結束之時，將我軍長處短處，及目前應急切訓練之事，爲諸將領剴切言之。長處須益加勉勵，短處須力求改正，務成真正革命之軍隊，方能實現主義。茲揭示於下。我軍之長處有六：(一)本軍自五原誓師以來，平定中原，克復舊京，歷年作戰，命令尙能統一，每次部署，悉依計劃實現，且調動比較迅速，聞命即行，如身之使臂，臂之使指，頗爲靈便。(二)本軍官兵作戰，精神雖覺愚莽，但無取巧行爲，每次作戰，均能互相策應，不觀望，不推諉。曾文正公云：「古來義士仁人行軍用兵之道，專重救人之急，解人之圍。」我軍官兵精神，尙符此旨。(三)官兵能耐勞，能吃辛苦，各將領能親身表率。在表面上觀察，雖極覺乾燥，但非此不足以齊衆志，一衆心，集全軍之精神，結成一整個的團體。(四)官兵能勇敢，不怕死，具有犧牲精神。自古誰不畏死，敵人有十分，我軍只有四分，便可佔得優勝，能打勝仗。(五)

官兵大多數尙明白我軍作戰，非爲個人謀權利，是爲救國家救人民爲主義而奮鬥。(六)能愛護人民，能幫助人民，如耕田及提倡公共衛生之事，惟只做到三四分；果能加倍努力，必能得到更好結果。本軍之短處有四：(一)大戰之後，驕氣太盛，只知有我，不知有人；對友軍有不合之處，輒蔑視之。須知同立於一條革命戰線，應本互助精神，凡人不如我者，宜設法扶助之。(二)官兵欠缺軍事及政治知識，宜設法求進步；否則，常識太差，必受天然淘汰。平日對於軍事，宜講求進益；即個人自修，亦須多加工夫。(三)官兵有不明大義，常存忌妬之心者，自己不能做之事，常忌人做之，或恨人做之；此非官兵道德欠缺，乃知識不如人也。(四)其爲本軍最大毛病，且可致本軍於死命者，即官兵陽奉陰違之惡習，對於一切禁令，一味敷衍，不去實做實行。此種惡習，先從高級司令部壞起，次及總指揮部、軍部、師部、旅部，若不切實痛改，將來覆亡之禍，必更甚於南口退却之時。須知我軍乃國家之軍隊，非某一人或某軍長某師長之軍隊；非經某人或某軍長某師長嚴厲管理，即不切實奉行，實爲大錯！須人人有自治能力，有自治精神，方不失爲軍人。此條各將領須特別注意。關於應訓練者：(一)平時宜在國恥及主義上多多的講究；凡高級長官所發給之書，要熟讀，千萬不可棄置。(二)每一萬人，要至少有二百個特別射手，在五百米遠，無論對何目標，要有必中把握。平時要多多練習瞄準打靶，野外練習，夜間練習，單人及小排戰。

門，要處處合乎實戰，個個具有人自爲戰精神，方爲有用。(二)無論行軍及駐軍，當時常與民衆接近，多開軍民聯歡會；對兵訓話，可請民衆旁聽；下操時可請民衆閱操，以實現武力與民衆結合之精神。(四)實戰見聞錄，及告往勗來篇，各部隊須自行搜集材料，自行印刷，對的與不對的，宜特別提出，以便改正。並須迅速呈交總司令部印成大本發下，各級官長須詳爲官兵講解。以上數條，凡關於官兵全體者，應由各將領領導各官兵，竭力改正；關於各將領本身者，應竭力修養，以求進步。各將領統率軍隊，有對於本軍長短處見聞更切者，尤應各抒所見，一面條陳，一面立與所部研究改良辦法，萬不可忽，至要至要。馮玉祥刪。

誥鹿鍾麟等力行軍紀愛民讀書二事電 十七年八月八日

茲將應行遵守數事，分列於下：(一)軍紀爲軍隊中之命脈，要切實整頓講解。(二)國家養兵在衛民，軍行所至，要處處作到不擾民，真愛民。(三)知識爲人生作事之母，所有官兵，務須按時讀書看書，以補救知識之缺欠。以上三事，望分別切實遵行爲要。

令鹿鍾麟等訓練編餘官佐電 十七年八月十七日

查第二十三軍編餘官佐，穿着軍服，四處亂走，殊屬不成事體，該總指揮該軍長等，漫不經心，必釀

大亂，豈非有意害人？有意誤國，應速將是項官佐，完全集合，不准短少，集中一處，認真訓練。國家多難，用才正殷，雖木頭竹屑，尤將寶之，況與我等久共患難之官佐乎？望迅速集合，一概不准走散，仰即切實遵照。

得令不傳傳令不明以玩忽命令論電

十七年八月十七日

本總司令誥誠官兵各項訓令，均須使官兵個個澈底明白清楚。乃近查各部隊竟發生最危險最可怕之隔症，即本總司令所發訓令，在中間爲旅團營連長從中隔住，傳達不周到，不清晰，甚至有延擱不傳者。如此情形，最爲危險。自此次命令以後，各級官長，如有得令不傳，傳令不明者，一經查出，以玩忽命令懲辦。該管師旅團營連長，均須擔重大處分。仰各將領及師旅團長，均應不時嚴密考查，勿得稍忽。除另行查考外，仰即切實遵照，此令。

令鹿鍾麟等設立各種學校召集軍官佐嚴格訓練電

十七年八月二十日

前石總參謀長敬亭在訓練總監任內，當大戰之際，辦理教育，雖在艱難困苦之中，而軍需軍法軍械警察，以及各軍事學校，應有盡有，均能鉅細齊舉，規模完備，成績頗有可觀。現當大戰之後，於教育一層，更應加緊辦理，茲分條列示於次：（一）各部隊每連須派排連長一員，正目一員，來洛陽上學，分步、工

砲，迫機砲，編制訓練。(二)副師長，副旅長，團副，營副，亦着到洛陽上學。其有甫在學校畢業歸隊者，可以不來；以所屬之師旅團營長主官自來上學。是項人員，爲高級班，編制就緒後，即帶至總司令部駐在地點訓練。(三)以上二條各學員，由鹿總指揮發令召集。(四)火車，汽車，有線電報，有線電話，無線電，電雷等學校，應速行辦理。軍法，軍械，警察，軍需財政四項學校，應努力繼續辦理。以外尙須添兩種學校：(甲)衛生學校：學員以本軍官佐充之，專研究軍隊衛生，公共衛生。(乙)民團軍學校：專召集民團軍軍官，教以警察及軍事智識。以上兩種學校，即行努力辦理。(五)石總參謀長辦學頗有經驗，余深慮李副監與中一人，於開辦之時，或有顧慮不到之處，着石總參謀長，即回開封洛陽一次，與鹿總指揮，案代總參謀長，李副監，對於以上學校，共同妥籌，迅速辦理，兩星期後，一切編制就緒，再回山東。仰即分別切實遵照辦理，爲要。

通令行軍須整齊嚴肅電

十六年九月二十九日

凡軍隊行軍，以不擾民爲主，無論輸送行軍，及徒步行軍，均須整齊嚴肅，此不但爲維持風紀，而且遇事，亦不至毫無辦法也。近年作戰過久，行軍紀律太差，而輸送時之條規，亦太不講究，殊屬危險。本日抵許昌車站，本總司令親見秦軍長德純所部之田種玉師列軍，通過崗位則招呼周到，目兵則毫無

喧譁，令人一見則生一種畏敬親愛之心，誠可謂爲紀律之師也。各將領隨余有年，須知日日整頓，事事整齊之要義。各級官長，刻刻如臨大敵，戒慎敬畏，未有不日好一日者；如有驕怠心，自是心，自足心，未有不敗戾也。先賢云：兵凶戰危，不可高興，必須如臨親喪，如當大祭，則凡事自然修理，不至紊亂矣。縱觀古今用兵勝敗之因，不在兵之多寡，械之精粗，莫不勝於治而敗於亂。何謂治亂？即有條理無條理而已。各師旅長以上將領，或曾聞此言，而初級官長，恐未聞也；各將領務以此訓練各級官長爲要。除另令將案軍長德純記大功一次，田師長種玉記功一次，以示獎勵外，特誥誡各將領知之。

通令新舊兵不可混合訓練電，十七年十月二日

前通令各軍，新兵不可與舊兵一處訓練，必須切實施行。所俘虜官兵，即一人亦不准留軍營內，並須嚴厲考查。人數馬數，必須確實，不可稍有含混。以上三條，關係重大，各總指揮，各軍長，務飭屬認真考查。如有故意違抗，不遵照實行者，即按違抗命令論罪。

通令點驗駐陝部隊情形電，十七年十月廿一日

現當軍事底定，部隊縮編之際，本擬前赴各師駐防地視察一週，藉與各官兵共話年餘勞苦，惟以時間所限，未克果行。上月十四日由豫至陝，點驗駐陝部隊，茲將連日重要事項開列于次：（一）每晨朝

會，先問官兵「你是甚麼人的軍隊，」繼問「不忘，」或讀「誓詞，」唱救國白話歌。目兵有不明白者，則責成官長督教之；必須讀誦爛熟，澈底明瞭。(2)訓話要點：爲注意衛生，官兵和睦，嚴整軍紀，免除隔閡，官兵要力求上進，要愛護百姓，以及應重視平時訓練等等。(3)考試選印曾胡治兵語錄，中山革命語錄，孔子家語，曾胡尺牘凡十篇，於訓話後，令官佐背誦，每日一篇，按背誦之成績，評定甲乙，分別給獎。(4)獎懲背誦語錄者，分二十元，十五元，十元，五元，四等給獎，並附以書籍物品。計先後得甲等獎者，共李鶴嶺等八十四員。得乙獎者，共楊興泰等二百零四員。得丁獎者，共計蘇芳洲等五員。總發獎款六千八百餘元。其中有努力讀書，考試最優之排長劉世密，徐羣軼，王漢云等三員，立即提升爲連長，以資鼓勵。其自甘暴棄，萎靡不振之連長李中錄，楊惶嶺，董壽雲等三員，立即撤差，以儆不肖。有陝西剿匪總指揮部軍務處員孫秉鈞，故犯九一七新生命戒條，由本總司令親自訊問屬實，立予槍決，用昭炯戒。(5)演習：關於電報，電話，電雷，無線電報，及捆紮法等，連日集合官兵，實地演習，詳加講解，使人人明白用法，及其關係之重要。(6)檢查：排連長之筆記，及官兵之衣履等，皆不時檢查；一則察其是否留心學問，一則察其官長是否注意兵士。以上各項，洵目前最重要之事。現在余不能遍往各防地視察，務希各該師長努力從事，於上列各條提倡并鼓勵之，俾人人學問日益增進，皆成爲有禮之君子，方不愧爲真

正革命軍人。本軍連年作戰，未遑小休，每一念及，萬分懸念！惟有設法使各官兵有讀書之機會，俾其增加知識，即所以酬答勞苦也。望各該師長仰體此意，努力爲之！余元日抵京，并及。

通令派石敬亭至各部隊點驗電十七年十月二十六日

查本軍在大戰之後，殊欠整頓訓練，現在遵令縮編，切實點驗整頓，期成國家有用之軍隊。特派總參謀長石敬亭爲點驗委員長，組織點驗委員會，即日前赴各部隊分項點驗，並考查各部隊訓練成績，分別獎懲。茲將點驗各項及各部隊應預備各事件，揭示如下：（一）關於點驗應預備事項：（甲）點名雙行冊子及官佐簡明履歷。（乙）檢驗軍械、騾馬雜械，應分別預備各項檢驗冊子。（丙）檢查軍需賬目。（丁）檢查衛生。（二）關於應考試之項：（甲）學科：（1）考試各級官佐事項，曾胡治兵語錄，戰陣一補，讀書訓教，初級官佐服務必讀。（2）日兵考軍事勤務，三民主義問答，政治問答，精神書。（乙）術科：（1）考應用體操及器械體操。（2）考步兵射擊，刺槍，迫擊砲射擊，及機關鎗射擊。（丙）中級官長，考試攻防，追擊，退却，行軍，駐軍，夜戰之原則及命令。（丁）部隊，考戰鬥教練，及連對抗。（三）關於調查及慰問事項：（1）陣亡官兵。（2）殘廢官兵。（3）受傷官兵。（4）輕重病號。均須分項查明，造妥冊子。以上數事，仰即遵照迅速辦理，以備點驗，勿得遲悞爲要。

誥石友三督率官兵讀書電 十七年十月三十日

官兵讀書，以求增進知識，而切於實用。故必人人能講解，人人能背誦，溫故知新，方能進步。現正選印曾胡治兵語錄等，編目分篇，篇約二三百字，不日即可印發。在未頒發以前，應由吾弟按此標準，自行選印曾胡語錄，中山語錄，分發各官佐兵誦讀。讀者程度不齊，背誦者，可按其記憶力之強弱，分爲三等：一等等者每日讀熟一篇，二等等二日讀熟一篇，三等等三日讀熟一篇。務希努力督促，多方獎勵，爲要。

通令講求學術組織軍佐隊電 十七年十二月廿日

軍人以學術爲重，我軍因連年作戰，各部隊均未有長時間之訓練，以致所有官兵學術一項，均甚參差。須知現今科學發達，兵器日漸改良，戰術日新月異，吾輩若不亟亟研究學術，即處處落在人後；而戰鬥之勝敗，亦全繫於此。各級官長之戰術講堂，及目兵講堂，讀書會，識字會等項，均須自即日起，每日分別規定一定時間，切實施行。官佐亦須隨同軍官一律辦理，並須成軍佐隊，以跑步、打靶、讀書三項，爲主要功課。又使用機關槍射擊，最易耗費彈藥，且浪費而無用，作戰時，必須選擇好機會，好目標，始可連發，每連發一次，不准過七粒以外，必須在講堂上講習明白，使官兵個個明瞭爲要。所示各項，仰即分別遵照辦理，並須將辦理情形，報告備核。

通令砥礪廉隅電十七年十一月廿六日

帶兵之道，不愛錢與不怕死並重。官肥則兵瘦，官瘦則兵肥。必臨財有不苟取之廉，乃臨難有不屈之節。我軍素以勤儉堅忍著稱，各將領頗能與士卒同甘共苦，以身作則。如宋總指揮哲元，孫總指揮連仲，最能廉潔克己，一文錢都用在士兵身上，士兵皆樂爲之用，故能屢挫大敵，百戰百勝。此等將領，余時時刻刻敬之佩之。然亦有不肖官長，愛錢如命，不明大義，以致爲人所攻，許撤差監禁者，言之痛心。際此時局艱危，財政破產，我革命軍人肩負救國救民絕大事業，不十分儉，不能化奢靡之風；不十分廉，不足服士卒之心。各將領務須深體斯義，實行三禮二要，勿使有官肥兵瘦之謂。茲提出兩個口號：（一）能犧牲身家性命來救國救民的請進來！（二）要升官發財只圖個人逸樂的滾出去！這兩句話是將賢不肖分出，至願與諸將領共勉之。

通令規定服章樣式電十七年十二月二日

茲將應行整頓各事，分示於下：（1）袖口須窄，袖寬者必須釘扣扣緊。（2）馬褲者必須繫裹腿。（3）帽章須釘堅固，帶帽時務須將帽章露出。（4）帽絛之長短，須收拾合式。（5）徽章、臂章、級章，胸前口號，各種記號，須將四角用線釘好，不許用針。（6）馬鞍套須一律用灰色。（7）馬尾須一律剪至腿腕

下十生的。(8)手槍繩須一律用藍色，槍柄上不許纏紅綠綢布。(9)鞋料須一律用青粗布或番布，嚴  
締嗶嘰禮服呢等，並須一律結帶或打鞋襪。(10)襪子及手套，須用黑灰一色。(11)被褥須用裏外白，或  
外用藍色之豆花，裏用白色爲合式。以上各條，仰即分別即日遵照實行，並飭屬一體切實遵照爲要。

### 通令對目兵切實講解訓令電

十七年十二月三日

查各將領等，近來對於本總司令發下之訓令文電，每一傳即了，不能切實遵守，切實執行，以致  
上下呼應不靈，此爲本軍最危險最可慮之現象，必須痛下工夫，力矯此弊，以圖挽救。茲責成各師長，將  
本總司令一年以來所發各項訓令，從新印刷一次，裝訂成本，分發下去，每一頭目一本，由各營連長，負  
責對目兵諄切講解，如愛民愛國爲軍人性命根本之事，如軍紀爲軍隊之命脈等等題目，務使目兵人  
人確實明白，確實遵守。嗣後各將領等，接到總司令訓令，應即迅速頒發，早則三日，遲則一星期，必須達  
於每一目兵。尤須自動的三令五申，訓練本部官兵，以期養成真正愛國愛民視死如歸之軍隊，是爲至  
要。

### 通令教兵識字讀書電

十七年十二月八日

各官兵歷經戰役，出死入生，未遑教育，以致識字者少，知識太差，危險萬分。着自即日起，厲行識字

教育須多多抽出時間，拚命讀書寫字認字。總期人人可通淺顯文字，藉以增長知識，是爲最要之事。在教育官未派定，正式課本未編備以前，暫用政治問答、誓辭、精神書等爲教材，其教授由參謀及軍佐人員分担之。仰即遵照切實辦理，並將辦理情形，隨時報告備核，爲要。

通令頒發非化學不能救國等口號電 十七年十二月三日

歐戰以後，科學日益進步，尤以兵器一項，日見發明，電氣、電雷、電網、機關槍、唐克車、潛水艇、航空機，愈造愈妙。實化學戰爭，科學戰爭，機器戰爭之時代，而非蠻打蠻攻用大刀之時代也。各官兵宜深明此旨，努力求長知識，注意科學戰爭，機器戰爭，剷除歷來專恃蠻打蠻攻之惡習，方足與帝國主義者抗衡，以達到救國之目的。茲特擬定朝會問「不忘」後，呼口號如次：（一）非化學不能救國！（二）非科學不能救國！（三）非機器不能救國！（四）非自己製鐵不能救國！（五）非自己鍊鋼不能救國！（六）非自己造藥不能救國！以上各口號，即印在「不忘」以後。望督飭所屬，在朝會時舉行，以期深深印入各個官兵腦海中，俾知所努力，是爲至要。

令宋哲元切實整頓官兵電 十七年十二月十七日

頃據確報，駐滬軍隊近情如下：（一）該地董文富團，學術科尙知認真，上街軍人亦少，但對民間未

聞有任何幫助工作。(一)真日午後四時，駐東門之董團十一連兵李明元，檢查行旅，說話極不和平。並聞五日前，有總部汽車兩輛，通過東門，因崗兵檢查，言語不和，致起爭吵。(二)文日午後五時，有董團傳令兵一名，在澡堂洗澡，將手槍交櫃，據澡堂稱：各官兵帶槍洗澡，向係將槍存櫃云云。(四)陝西勦匪總部稽查處范副官，隨其處長駐潼辦公，帶有稽查臂章，未帶徽章，未繫裹腿，左手有赤金戒指一枚，帶幼年兵一名，在澡堂洗澡，任意奮談，殊失軍人身分。以上各條，或未能盡洽與情，或有損本軍名譽，着即分別切實整頓，以期日有進步，保我軍聲，是所至要。

#### 通令各師籌設五育研究會電

十七年十二月十七日

現值全國統一，訓政開始之時，各師旅應萬分努力教育。如德育、智育、體育、群育、主義教育各事，既不可偏，又不可廢。前者本軍在常德，在信陽，在長安，在開封，在甯苑，均有各部之組織，專為促進各種教育而設。本軍之體育，能有特別良果者，全在於是。如孫良誠、孫連仲、韓復榘、石友三、馮治安、梁冠英等各將領，臨陣不怕死，能衝鋒，能行軍，並能忍饑耐寒，均由體育之良好中得來也。此為各級官長應特別認識之點。自令到之日，仰即速籌五育研究會，師長為會長，官佐各就所長擔任之，尤應先把體育竭力提倡，為要。并將辦法詳復。

覆石友二注意德育電 十七年十二月二十四日

皓電報告該師成立五育研究會各節，悉此事最關重要，望努力提倡。五育之中，「德育」爲做人之基礎，尤應注意。「德育」須認定「利他」二字。如孔孟所稱「求仁得仁」、「殺身成仁」。佛家所稱「我不入地獄，誰入地獄？我入地獄，則衆人皆出地獄」。耶穌釘十字架，亦爲救人。墨家摩頂放踵利天下亦爲之。此皆最可崇拜之犧牲精神，亦即利他主義之極則也。望以此等事列爲題目，多對士卒發揮，以養成其利他犧牲之精神，至要至囑。

令石敬亭等辦利他社應注意二事電 十八年一月二十二日

利他社之組織，關係本軍團體之精神者，至爲重大。弟等負此重責，應視爲根本性命之事。對於各要件，尤須特別注意爲要。(一)速辦：凡物色人員，購置傢具，及社務進行各事，必須一一迅速辦理。(二)結實：應腳踏實地，一步一個腳印，切實作去。(三)精神：要事事有真精神，不專在形勢上之好看。以上所示，務望切實遵照辦理，并隨時具報爲要。

令孫連仲注意訓練馬部回軍方法電 十八年一月二十四日

馬電悉。希注意下列三點：(一)充滿革命精神。(二)用全付精神訓練軍隊。(三)實行打破個人軍

隊，與一族軍隊之舊習；完成爲最聽命令的國家軍隊。此意須對馬部官兵，詳細說明爲要。

通令注重禮節電 十八年二月二十一日

照得禮以表親，不親則離。昔秦師襲鄭，周王孫滿在城上觀兵，曰：「秦師輕而無禮，無禮則易亂，必敗！」後秦師果大敗。足徵軍中禮節一事，關係性命根本，極爲重要。本軍連年作戰，禮節漸弛，若不拚命整頓，危險何堪設想！關中宋哲元部，官與兵相見，兵與兵相見，均必互相敬禮，觀者莫不讚歎。徐州劉師長時所部，禮節整飭，雖兵夫相見，亦必行禮，令人敬佩。各師長治軍有年，深知禮節重要，必不願甘落人後。爲此電達，其急起直追，拚命整頓，並將整頓辦法，詳細具復，以便隨時派人查考，是爲至要。

通令兵可百年不用不可一時無備電 十八年三月三十一日

兵法之患，在不預定謀。方今時局尙未奠安，湘事發生，糾紛又起，反動勢力之潛伏者，亦莫不蠢蠢然乘機思動，以圖一逞。當此之際，縱不能策全局之安寧，亦當謀局部之鞏固；而所資以爲後盾者，則在充實武力，以備萬一。仰各該師長，自電到之日起，督飭所部，加緊訓練，積極準備，視平日如戰時，視駐防如行軍，使全師官兵，皆有志氣蓬勃，枕戈待旦之精神，一旦有事，令到即發。兵雖百年不用，不可一時一刻無備。仰即切實進行，勿稍懈怠，勿稍因循，是爲至要。

誥許驥雲注意得兵心電 十八年四月十九日

官兵勞苦，除賞洋一萬元外，另每人賞鞋襪各一雙，已經分別電知其領矣。古人有言：「欲得人之力，先得人之心。」此後訓練，務以得兵心爲第一要義。但欲得兵心，須先得官長之心，其次即求深得營連病兵之心。總之爲將領者，須與士卒同甘苦，視官兵之事，如己身之事，體貼入微，如家人父子然。此治兵之要道，古今不易之理也。切望萬分注意爲要。

誥田金凱注意重視病兵等二事電 十八年四月十九日

茲有極應注意各端，條示如次：（一）重視病兵：凡病兵之飲食起居衣着，須力求潔淨，力求妥善，時時親到醫院及連下考查，并與營連長等，反復說明重視病兵之必要，庶一二人所不能見到者，因集思廣益，可多改善。（二）目兵不識字：軍中最危險之事，即是目兵毫無智識，欲求其智識之增進，非從識字作起不可。尤須規定進度表，認真月考，以督其不勤。（三）注重逃兵：凡有逃兵者，則處主營長官以懲罰無者，則予以獎賞。以上三端，望認真辦理爲要。

誥張允榮宜隨時隨地訓練軍隊電 十八年四月二十日

佳電擬請將部隊調駐適宜地點，從事訓練一節，悉查軍隊訓練，宜隨時隨地舉行。當此大亂之世，

更無特別訓練之地，特別訓練之時；只有行軍作行軍之訓練，駐軍作駐軍之訓練，備戰作備戰之訓練，此乃是切實學問也。古人負薪掛角，無時無地，不可作學養工夫；宜體此旨，作訓作練，則庶幾乎不遠矣。鷄公山萬不可駐，免招外國人說閒話也。此復。

詰張允榮四事電 十八年四月三十日

儉電報告治軍工作情形，均悉。茲將應注意之事條復如下：（一）軍中近來之病，在說而不考，令而不查；（二）目兵非有官長知識不可；（三）初級官非有中級官知識不可；（四）所謂知識，乃合戰術知識，與普通知識而言也。以上四條，望我弟切實考查，努力講究爲要。

詰張團長樹聲凡事均要從慎，微小心上痛下工夫電 民國九年

萬急，桃源張團長鑒：衷密，軍事日急，晝夜兼營，皆爲備戰而設，皆爲防敵計畫，在此一髮千鈞之時，設有一隅之差，一事之失，皆足牽動全部。昨據偵探確實報告，以前在該團之司號長張德海，現充軍軍第三梯團楊永卿處執法官，該張德海與二團各營熟入最多，敵人利用，在在可慮。前第一營軍需王之傑，領運物品，竟將戰鬥旗遺落船上，據探報此項旗幟，已入敵軍之手，該營報單，謬稱失落水中，自欺等於自殺，關係何等重大。近又據報第一營副兵徐樹嶺洗衣，誤將標章遺落河中，試思萬一被敵人

檢去其患何堪設想。凡此三事，皆爲該團之不幸，爲本旅長所疚心。敵人明知戰鬥不易取勝，必然費盡心力，設計破壞。在此防不勝防之時，豈容再授敵以可乘之機。除另案通傳外，合先電告，仰即轉飭宋過兩營長，要知與敵接近，凡事均要從慎，微小心上，痛下工夫，萬不可稍有大意。此電所指三事，關係至重，務與各官長隨時隨事，加意儆惕。如能將張德海誘獲，定予殊賞也。祥印。

# 馮玉祥軍事要電彙編

## 卷五 誠勉

臨別告誠所屬官兵電 十三年十一月二十五日

本軍各軍官佐目兵公鑒：竊玉祥自束髮從戎，待罪行間，已二十餘年於茲矣。所有本軍官佐目兵夫等，患難相從，甘苦與共，義同袍澤，情逾弟兄，苟非有萬不得已之苦衷，斷不肯忽然遠離，自鳴高蹈。但玉祥外察天下之大局，內權一己之利害，實有不能不及時引退之勢，曾於敬日通電全國，揭發理由，凡我同袍，諒亦略聞梗概。惟玉祥尚有不能已於言者：夫軍人以衛國保民爲天職，此種義理，諸君諒亦聞之稔矣。即玉祥此次與孫胡兩軍長，暨所部諸同志，主和罷戰，無非仍本諸良心之主張，爲國民作驅除乃吳子玉錯認題目，屢次宣言，攻擊玉祥個人，設不早解兵柄，以謝國人，匪特不足以塞彼輩之口，亦且無以明個人之心。況復軍閥專政，此仆彼興，影響所及，盡國殃民，假使貪戀權位，擁兵自恣，徒予奸人以撥弄之資，難免不自蹈覆亡之轍。凡斯二者，皆玉祥所痛心焦思，認爲有不得不求去之理，由也。茲幸合肥段公，以三造共和之元勳，肩臨時執政之重任，解決時局，早有成竹在胸，其一切進行步驟，已經通電

發表將來本此計畫，次第施行，自不難奠定國基，澈底改革，清明政治，翹足可期。所望我軍官佐目兵夫等，嗣後應擁戴合肥，服從命令，効忠國家，固不待言。即各官佐之應勤加訓練，愛恤士卒；各目兵之應恪守紀律，敬禮長官；與夫同伍同事之應互相親愛，互相規勸，亦應仍當一如玉祥在職之時。果爾，則玉祥雖已離職，實較勝於朝夕與處者多多矣。爰附古人臨別贈言之雅，特進同寅最後珍重之詞。願全軍官佐目兵夫等，努力自愛，爲國珍重！臨電神馳，伏維愛照。

誥各將領體念時艱電

十五年十月十五日

我軍此次轉戰經年，官兵或瘁骨荒野，或苦撐露戍，每一念及，曷勝愴懷！現在大軍陸續西進，所到之處，凡屬地方官吏，自應各竭心力，勉籌供應。各該將領，亦須體念時艱，與地方官吏，和衷互諒，免生隔閡。下列數事，望各注意：（一）沿途設有兵站，無需大宗款項，各軍或各師，到寧夏及平涼時，准由道縣量力籌給接濟費八千元，由應解稅款中扣除，不可多索，以免地方官應付爲難。（二）各部隊奉令出發後，未到達目的地以前，途中在城鎮休息，至多不得過二日，即須前進，以利戎機，而免擁擠。（三）每到城鎮，應由前站人員與兵站或地方官紳接洽，先儘廟宇會館，或其他公共地點駐紮，不得隨意佔住民房，以免擾累。特此電達，望即查照辦理爲要。

誥陝軍各將領注意聽約束民主義等四事電 十五年十一月廿日

于總司令右任同志，鄧副司令寶珊同志，並請即發各師旅團營連長諸同志均鑒：嵩匪潰敗，長安圍解，關中父老，幸慶復蘇。但仇敵尙多，大難方殷。我輩救國事業之成功與否，不在敵人之強弱，而在我同志之是否團結，及團體是否堅固。生於憂患，死於安樂。同心協力，無不勝；離心離德，無不敗。思慮所及，有四大端：（一）須聽約束，守命令；兵法有云：「成於一，敗於二三。」如不遵約束，不聽命令，人少固敗，人多亦必敗也。此應請注意者一。（二）須認真遵行國民黨之三民主義。連年大戰，業經證明，有主義者勝，無主義者敗。故三民主義，必使各官兵澈底明瞭，方能作戰。此應請注意者二。（三）須整頓軍紀。不擾百姓，爲性命根本之事。無論古今中外，未有不愛民之軍隊而能存在者也。故必須嚴遵紀律，認真愛民，以自立於不敗之地。此應請注意者三。（四）不要地盤，不貪小利，有功讓人，有過歸己。如或佔一城池，或佔一村鎮，只圖就食，不顧團體，不聽調遣，不救人急，勢同散沙，未有不覆亡者。故此後必須不佔地盤，不爭城鎮，功則歸人，過則歸己，方能成有用之師。此應請注意者四。忝在同志，知無不言。我全體將士，若能守此勿失，堅持到底，團體日益固結，民衆一致協助，以此攻敵，何敵不摧！以此圖功，何功不克！掬誠奉告，願共勉之。

誥各將領救民須先立於不敗之地電十五年十二月四日

陝西乾州咸陽探投于右任先生、孫總司令良臣、鄧總司令、史師長、西安李虎臣兄、楊師長、三原田師長、興平衛師長、並吉旅長、劉旅長、梁旅長、姜旅長、丑旅長、王旅長、黨旅長、甄旅長、姚旅長、李旅長、馮旅長、何旅長、胡旅長、並轉各團長鑒：三秦父老，受嵩匪之蹂躪久矣！姦淫搶掠，暗無天日，如火益熱，如水益深，每念及此，痛恨交至。今孔張相繼敗亡，我輩得連合一氣，奠定關中，指顧可期。惟我輩既以共同救民爲職責，必須先立於不敗之地。各將領第一須固結團體，第二須化除意見，第三須顧大局，第四須真正革命，救民救國，第五須對於官兵動懇訓教，切實查考。務使萬衆一心，全軍一體，爲主義而奮鬥，爲民衆而殺敵，不貪一時之安樂，不爭一己之權利，放大眼光，共同努力，以期會師中州，肅清敵人。此目的，一日不達，即我輩之責任一日不盡。偷我輩日以革命救國相號召，而其所爲竟與敵人相去無幾，則民衆勢將移其從前仇敵之心以仇我，自掘墳墓，何異自殺。去歲我軍在豫，大遭民衆反對，殷鑒不遠，可爲寒心。詳與同志，久共患難，誼切手足，知無不言，言無不盡。至希察納，無任企禱。言出肺腑，不免過直，尙乞諒我。

誥李雲龍楊虎臣注意愛百姓結團體輕利祿二事電十五年十二月十二日

蘭州劉總司令轉來兩兄真電，誦悉之下，不勝嗟嘆。兩兄身陷圍城，拚命苦戰，與嵩匪搏持，半載有

餘卒能保全孤城。完此金甌，毅力豐功，實深欽服！祥遠遊異國，未能及時救援，致使被難同胞，遲至今日，方脫苦海，負疚良深。乃蒙陝西同胞，殷殷加愛，徒增愧汗耳。西安同胞，被圍日久，其苦況慘狀，每得前方報告，輒爲流淚不置。現已先籌洋兩萬元，交李處長興中，携赴西安，趕辦急賑，並一面設法廣籌賑款，以弘救濟。務祈兩兄就近撫慰，以求蘇復元氣。劉鎮華現雖敗退，惟滿目瘡痍，一片荒涼，痛定思痛，不能不思所以懲前毖後。古語有云：「前事不忘，後事之師。」祥與兩同志，均係患難之交，不得不力矯前失，以爲改良進德之本。茲將最要數點，分陳於左：（一）愛百姓：行軍當以愛民爲本，今致力革命，尤須與民衆合爲一體。此意不特爲將領者一人須領會，並須令全體官兵一體深悉此旨，努力實行。（二）結團體：爲國家建立事業，非一二人所能辦，必須聯合同志，結立團體，方能達到目的。故在我團體內之同志，務須雍容和睦，萬不可稍分畛域。必融成一片，和合無間，然後可以掃除強寇，竟我全功，望千萬努力注意。（三）輕利祿：我輩爲國，只須儘我力量，做與國家有益之事，遇到有利祿處，即須大家推讓，如此可使大家永無爭端。若重視利祿，必相爭奪，不等外人來攻，自己即行破裂，此節尤須注意。改良之點，雖不止此，然此三項，實爲急務，想兩同志必能鑒其愚直，嘉納斯言。兩同志戰略超群，當大局多難之日，正長才報國之時，茲任李同志虎丞爲國民軍聯軍第八路總司令，楊同志虎城爲國民軍聯軍第十路總司令。

望速整飭所部，以待後命。關於政治及一切善後各事，已命薛省長篤弼馳來西安，與諸同志會商妥籌辦法矣。

誥孫良誠注意補充賞罰等六事電十五年十二月十六日

官兵經此劇戰，勞苦異常，至爲憐念，望加撫慰。所報豫中敵情，與此間所得，無甚差殊，仍須派探分赴各要地，詳細偵察。茲將應行注意各事，分別列後：（一）我軍此時應迅速百般設法補充。關於械彈等事，由此間辦理。餘如人員馬匹物品及技術精神上，皆須件件注意整頓。（二）大戰之後，尤須切實查明，應賞者賞，應罰者罰，應升者升，應斬者斬，使全軍知所懲勸。（三）迅速輸入主義，須個個明白，三民主義，明白我軍是爲民衆之軍隊。（四）前方須將工事作的極好，並須處處改良，能成極堅固之要塞尤好。（五）二三軍之在陝者，須百般聯絡一切，我軍只可說其長處，不可說其短處，無論如何，須以善意的，一步一步的，誘導感化爲要。（六）該總司令在前方，須不急不躁，態度雍容，包涵一切，處處以大將自居。身在上，心在人下，不可因些許小事，露於言色。爲大將者，宜知經權，此兩字宜加研究注意也。以上六條，望即分別遵照實行。余明日向平涼前進。韓德元師開乾州咸陽一帶，馮治安師開長武，韓占元師駐寧夏，韓復榘路共三師，及趙友琴師，日內均開赴興平乾州，後方可鞏固無慮。前方交通，極爲緊要，吾

弟歌日發電，本日始接到，望速查明，速修電線，是爲至要。再前次晉授吾弟爲陸軍上將，及獎賞官兵款項各電，收到否？盼覆。

誥各將領注意軍風紀等五事電 十五年十二月卅一日

西安孫總司令良臣弟，馮副司令少雲世兄，渭南蔣副總司令鴻遇弟，孫師長連仲弟，渭南飛送方總司令叔平兄，潼關劉師長汝明弟鑒：關中大戰，已全勝利，革命前途，益見光明。惟以強寇未除，仍應積極準備，以便應付第二次大戰。一切訓練，尤不可不努力進行。茲條列於下：(一)軍紀風紀，應力行整頓。(二)須切實向各官兵灌輸主義。(三)行軍野操溝壘三事，須多作多練，日事改進。(四)兵站糧秣，到處困難，然當此非常時代，辦此非常大事，自必有許多萬難之處，盼一面努力苦撐，一面與官兵說明。(五)歷次作戰，發覺之過失及心得，須詳細訓教各官兵，以期日有進步。以上五條，務望切實辦理，爲要。

誥李雲龍注意愛民整軍明主義三事電 十六年一月六日

接誦艷電，忻悉吾兄業已就職，共濟鉅銀，可爲兄賀，并爲黨國前途慶。茲有目下急須改良整頓者諸端，爲兄分述如左：(一)國民軍之宗旨，在保民衛國，輔助政治，故無論駐軍行軍，當刻刻在愛民上着想。近當軍興之際，軍隊所需給養，一概出自民間，此爲無可如何之事，但必須爲將領者，殫心竭慮，親自

經紀務期於民無甚損，於軍隊則能均其饑飽，無偏頗害。萬不可縱容部曲，隨便徵發，致使人民逃遁，廬舍一空，卒之軍隊亦無所憑靠，躬受其害。此節務須嚴申紀律，無論行至何處，必須多費心思，統籌辦理，至要至要。(一)整頓軍隊，約束當爲第一要務。何爲約束，即師旅團營連排，章制分明，層層管教，使全軍服從將領一人之命令。入手之方，須將有槍者，滿一連人數，即編制一連，滿一營人數，即編制一營。其無槍者一律淘汰，萬不可虛存隊號，既無實用，并糜餉項。人數槍數相符以後，然後各種訓練，方能着手進行。(二)黨務應極力認真辦理。黨之於軍於國，猶如靈魂之附人身，所以指導軀殼入於正道。故對國民黨之主義，須竭力研究，須使全軍人員，自上將領，下至馬火夫，均能明白曉暢，庶一切愛國愛民之動作，均可出於自然，而無待勉強。以上三條，請吾兄努力進行。弟不日即到西安，屆時尙可將各項辦法，而兄詳談也。

覆薛篤弼四事電 十六年一月十二日

西安薛省長子良弟鑒：冬電悉。茲修復於下：(一)李總司令所部編師事應照准，已另電發表。(二)李總司令所部，開往興安一節，實與今日戰略略合。但興安尙有鎮嵩軍殘部屯駐，前往必有戰事，望轉告虎臣同志，密飭所部，妥爲準備，候令出動，萬不可有輕敵心。(三)關於糧秣一層，無論行至何地，常由

兵站及地方官辦理，萬不可聽從各部隊，自由徵發，致擾百姓。此節轉告李總司令，千萬注意。(四)關於整頓編練軍隊一事，徒恃書本表冊章程規則，萬不能行。虎臣同志，熱心整頓所部，第一在虛心求賢，以資輔佐，奮勉實行，自然日起有功。若有良好條規，而無賢人輔佐，無克已復禮之功，則亦等於告朔餼羊，無益於事也。

告于右任應行整理五事電 十六年一月十九日

銑電承示於廿四日開正式會議各節，備悉。按現在整頓軍事，最要者為泯除界限，灌輸主義，而服從命令，嚴守軍紀，為入手之第一辦法。蓋不如是，雖有善政，亦無從施行也。鄙意目今亟待整理者，應有五端：(一)編制：應按各路順序下編，廢去從前一二三軍名號，以化除畛域。(二)黨與主義：關係最大，各路師旅均須切實進行。(三)服從命令：無論何項善政，均須由命令實施；若不服從命令，雖有好主義，好辦法，亦無從入手。方今各部隊，狃於故習，若實行整理，最初必有深感不便者，惟俟整理就緒後，便可舒泰自如。昔子產為政，鄭人始則怨之，繼則頌之。古今中外，每當改革之初，皆有此種情狀。各路師旅將領及諸同袍，宜體念此意，而以服從命令為入手第一要義也。(四)嚴守軍紀：自西安解圍以前，各部隊所有過失，一切免究；但以後則萬不可再蹈故轍。若一面宣傳主義，一面怙過不悛，尙復成何事體。(五)指

定防地：無論何種軍隊，皆為國家軍隊，決不能認防地即為自己生活之地盤，遂致奉令調動，便如馬懸棧豆，耄起不前。如此情形，何能臨戰？此時實行整理，均須按戰術上之要求，調度佈置。關於給養等項，亦須統籌支配。以上五端，實為整理最要之事，統祈同志籌商進行，為要。弟於今日行抵長武，并聞。

令孫良誠轉飭各部注意三事電 十六年一月九日

現我軍各官兵，對下列三事，當竭力注意：（一）須覺得友軍有許多長處，我軍有許多短處，自然不生驕氣，可收相觀而為善，與師克在和之效。（二）兵民一體，必須相助相善，如家人父子然，自能戰勝敵人，保持永久。至如何與民衆結合一致之道，務須努力思索，切實辦理。（三）三民主義問答，及各種政治黨務小冊子，必須從官長入手，竭力講求，以漸推及士兵與民衆，使均能澈底明白，自增無量奮鬥之精神。此三事關係至要，請轉飭各部，一體痛下工夫，為盼。

誥各將領力行改良四事電 十六年二月二十一日

我軍官長自兵，自軍興以來，轉戰萬里，歷時經年，險阻艱難，備極勞苦。予每念其衣不得煖，食不得飽之情形，不但痛切肌膚，淚下者再；抑且焦灼萬分，寢饋難安。然為救國救民而爭，為平等自由而戰，仍不得不處處努力，不能不刻刻競進。茲有數事，萬請力行改良：（一）戒自是，戒自大，戒自滿，戒驕傲。於此

四者，必須人人痛下工夫，隨時隨地，找出己之缺點，及團體之缺點，感覺以後，立即改良，毫不掩飾。尤須互相勸勉指導，庶可接受羣長，拔除所短，久之自能養爲有用之師，任重之將。(二)小事細事，常爲人所易忽，然實爲敗事之基，必須謹小慎微，時時從實在處下手，既不可假手他人，尤不可粗心大意。所謂心勤、手勤、足勤、目勤、口勤五者，必須痛自鞭策，實踐力行，庶免一簣功虧，致墜全體。(三)必須立志高尚，以遠大自期。試問以謀衣食胡混一生爲志者，與以救國救民救全世界被壓迫民族爲志者，二人之志，何大何小？何遠何近？不待智者而知。故必時時以遠大自期，不可甘自墮落。(四)當此革命勢力與軍閥及帝國主義者決鬥之候，戰術戰略，日益進步，我將領均須虛心下氣，努力求學，將軍事上基本應用學術，萬分探索研究，多聞，多問，多看，務期充分明白。一旦致用，不但所率官兵，可以少傷少亡，而救國救民救世界之基，亦即在於此。以上各事，爲我官兵目前極要之務，貴在努力實行，庶幾克任鉅艱，剷除強敵。我共生死患難之兄弟，務須一致勉之，是所切盼。

語陝中各將領注意力行五事電十六年一月卅一日

(一)西安城內，各營底各辦公處太多，不但竊賊奸究，甚有專門偷買槍械子彈，殺害友軍等情事。須勉日令其各回原營，或開往大荔朝邑高陵一帶，不准在省駐紮。況佔領公房民宅太多，民衆極感不

便。非雷厲風行，迅速辦到不可。(二)陝省各軍會議時，口口服從，散會後一概不算，歷來習慣如此。現時會議之際，務要當面說明，一經議決，即須一一實行；如不按照辦理者，應大眾羣起掃除之。(三)補充軍械彈藥，爲本總司令完全責任，概不准私買私賣私造；否則查出槍決。(四)各軍士兵，不許無故零散出門，各官長須多加查考。(五)現駐西安軍隊軍官，於創鉅痛深之餘，依然不改驕奢淫佚舊態，一意刮民自肥，致招人民痛罵，危險何堪！我軍實力不若人，民衆所知；而不擾民，重道德，真勤苦，亦爲民衆所知。嗣後必須一面切實勸誘友軍，使其悔改，不致自絕民衆；一面力行克己勤苦儉樸工夫，使其有所觀摩，相率爲善。惟須以至誠出之，切忌傲慢，反生惡感。以上五端，關係軍事前途極大，除電韓德元、李興中，就近注意辦理外，特電知照，一體力行，是爲至要。

詰韓復榘轉飭中下級軍官戒驕戒傲電 十六年三月廿日

查「驕傲」二字，最足敗事；凡屬軍人，均須切戒。蓋軍隊乃民衆之武力，其任務即爲擁護民衆之利益，責任至重且大，必須虛懷若谷，勤於考查改正，方能得民衆之同情；而軍事乃有進步，最後勝利，自在吾人。況在革命時期，軍人爲革命服務，實係分內當做之事，自當努力實行，尤不應有「驕傲」之心。若不論事理，任性使氣，一味自以爲是，而視人皆非，不特其聲音顏色，足以拒人於千里之外，且因此一

念「驕傲」之心，致此高氣揚，軍心不固，往往輕敵，備戒不嚴，充其害之所及，足以敗軍亡國而有餘。言之懷然，敢不深戒。年來本軍中下級軍官，升遷太驟，更事未多，訓練太少，遂致目空一切。此種勇氣，固爲進步之動機，而不求致益，自視太高，殊非善用此種勇氣之道也。務望吾弟對於官兵時時誥誡，使人人皆知去「驕」去「傲」，爲目前第一要事。而於中下級軍官，尤須令其切實注意，不可稍忽。並須多方考查，隨時隨事，諄諄訓誡，不憚煩數，始能收效。固軍心，振士氣，求進步，皆於是賴也。切要切囑。

令石友三任勞任怨電

十六年四月四日

平涼石繡司令友三弟鑒：江電悉。帶兵乃極艱苦之事，必須有任勞任怨之精神，方可成驚天動地之事業。治事心到，口到，眼到，手到；待人功過分明，功不獨享，過不諉人，此任勞任怨之義也。一方面必須雍容和羶，含容一切，遇事不急不慌，力求鎮定；對兵如父兄之待子弟，患難相恤，痛癢相關；用人細大俱收，如天地之養萬物，巨海之納百川；此即雍容含容之義也。懇切誥勉，望吾弟努力是盼！

通令注意與民衆結合等二事電

十六年五月十日

現當作戰期間，亟應對以下三事，加以注意：（一）戰鬥勝利，全仗民衆幫忙。我軍所到之處，務須切實與民衆結合，與民衆親善，萬不可偶因細故，與民衆發生惡感或衝突，致碍軍事進行。對於民衆團體，

如紅黃各會，尤須特別注意。(二)各部隊均須設有有力之便衣隊，及便衣偵探，明查暗訪，以防奸人乘機擾亂，或襲擊陷害等情事。(三)各部隊無論行軍駐軍，萬不許三五人持槍離隊，或落伍，以免被土匪槍槍陷害。以上三事，均宜萬分注意。仰即轉告各官兵，時刻小心，不可疏忽，是為至要。

誥各將領注重修養電 十六年七月廿六日

為將之道，首重「修養」。一勝之後，即起驕氣；一敗之後，即生畏縮；皆由於「修養」之功太少，精神訓練太欠所致。各將領務須注重「修養」，及精神之培植，再勝而不驕，再敗而不餒，有主義，有分量。勝仗之後，凡百動作，凡百言語，尤應戒慎小心，方能担当大事也。

誠楊虎城請其勿萌退志電 十六年八月十三日

蒸電請辭前敵總指揮，及歸德鎮守使職等情，備悉。艱難之際，大半有二勝仗，均歡天喜地，有一小挫，則互相埋怨，常人大都如此。吾兄誠樸勇敢，夙所欽仰，此次小挫，對他人之閒言散語，祇須以大度包容之。古語云：「忍辱負重」，此「忍」字，即在此難地方用也。

通令河南各軍力祛五弊電 十六年九月十一日

河南全省，遭兵既久，軍隊複雜，百姓凋弊，玉祥承乏省政府主席，不得不揭其弊端，考厥原因，與諸

同志共定取舍之途，謀所以整理而拯救之者。今河南全軍之積弊有五：一曰，對於命令不甚重視；夫軍隊者，須有服從唯一之思想，然後可以如身之使臂，臂之使指；若不聽從命令，則一團散沙，何能應戰？揆厥原因，由於各軍成軍歷史不同，其歷來之爲長官者，調遣使用，不爲民衆謀利益，專爲個人作爪牙，而爭其私有之權利。拒之則迫於威力，從之則陷於不義，遂不得不別籌應付之計，因循敷衍，遇事延宕，積習既久，趨潛成風。革此之道，惟在長官使用軍隊，一本於義，各將領力圖振作，去其因循延宕之惡習慣，見義即趨，聞命即行，則一變而爲節制之師矣。二曰，怕打大仗，不肯犧牲；夫戰鬥者，犧牲之事，常抱赴湯蹈火，舍生取義之決心，然後可以勝敵；若人人不肯犧牲，存畏難取巧之心，孰肯拚命決戰乎？其故由於廢棄長官，功罪不分，賞罰不明。肯犧牲者，每戰損其官兵軍實，而莫之補充，其實力反日以減削；其畏難取巧者，則遇難惟後，爭利輒先，其實力反得擴張。身爲長官者，非但不能明其功罪，予以賞罰，抑且以實利之大小，定待遇之厚薄，遂至趨利避難，相習成風。革此之道，惟在爲長官者，賞罰分明，功罪判別，昭如白日，俾畏難者知所懲儆，而犧牲者知有酬報，則風氣自可不變。三曰，心無所守，依歸無常；身統一旅，以爲便代表四出，對甲方則曰與甲方合作，對乙方則曰驢乙方鞭策，惟知款項之是求，迄無一定之宗旨。其故由於時局不常，此起彼仆，自顧力微，欲求存在，遂不得不八面玲瓏，以爲自全之計。革此之道，惟在

守定主義，認明長官。凡長官能實行主義，爲民衆謀利益，即當一心從其指導，不可徘徊歧途，以致反復貽誤。若長官所行，有與主義未合，便當自揭其非，以爲匡正，不可貌從心違，致生隔閡。四曰，軍紀不立，其故由於各軍亟欲擴張，份子複雜，有兵無食，給養困難。革此之道，惟在禁收土匪，減少兵額，要少要好，留精去冗，約束既加，此弊自絕。五曰，割據地方以自供給，其故由於歷來政令不常，無一定長官，負統核之責任，各軍遂就所駐地方，放官收稅，以自供給。一時爲環境所迫，出於權宜則可；若政令既一，有一定之統系，便當回復常度，接濟供給，一依正當手續，未可安於故常，而自背於政令也。以上五端，皆所以揭陳積弊，明其緣由，而與諸同志共定其取舍之途者。今當國民革命軍事時期，其擔當革命軍事工作之全責，即在吾輩革命軍人。革命軍人之要素，惟在有紀律，肯犧牲，始終一致，不怕死，不要錢，忍苦耐勞，明白主義，愛民保民。五項積弊，正與相反，自必與諸同志共同努力，祛除務求淨盡。若玉祥有不能與諸同志相守以義者，則求諸同志隨時指正，以矯其失，敢不拜嘉。亦求諸同志痛下決心，力改頹風，以正義相推挽，謀革命軍事之發展，出河南民衆於水火，是所日夜企求於諸同志者也。心切言直，諸祈亮察。馬玉祥真。

誥各將領注意持長補短電 十六年九月二十五日

求學如逆水行舟，練兵如負物上山，不進則退，不努力則退。故凡我之長處短處，必須日日量之，衡之，長處不可失，短處須補足，此爲最要。此爲極要。(甲)長處不可失者：(一)烟酒嫖賭，在所必戒，在所必禁。吃苦耐勞，去驕去惰，去奢侈，不畏艱難，是我長處。現在固日日提之倡之，然仍賴各手足，認真懲獎一番，振刷一次，仍賴各手足，過細嚴查嚴禁，方能保持長久也。(二)注重體力：體操是智慧勇氣滋生之根本，我本軍有此點特長，然作戰以來，已日不如前。非由各將領從短少時間中，即五分鐘三分鐘，亦不可放過，身先表率，方能有進步，方能不墮落也。(乙)短處須補足者：(一)政治工作，政治講話太少，太不重視。此非萬分努力不可之事，非竭力進行，不能存在之事。保民在此，救國亦在此，如不重視，則滅亡亦在此也。(二)黨是什麼？黨是救國救民的黨。須將黨之重要關係說明，非使一兵一夫，俱各明白不可。即令犧牲性命，也是甘心爲黨的主義拚命；因黨是救國救民的黨。(一)對於民衆團體之接近，多多開紳商工農各會，每日不可少，或每星期三五次。若我軍不與人民打成爲一整個的，則危險萬分。以上各事，亟盼各將領認識覺悟，即日立志，視爲九月十七日以後的新決心，新生命，大改起來，大補起來，大提倡起來，大進步起來，是爲至要至囑。此令。此後如何辦法，如何提倡，均請詳以告我，爲盼。

通令不准企圖保存實力電 十六年十月三日

革命軍人之任務，即在掃清一切反動勢力，完成國民革命，達到救國救民之目的。故平日一切準備，一切修養，一切補充，皆爲與反動勢力拚命決鬥而設。今當大舉北伐之際，國民革命成功，在此一舉，不能不與諸將領申明約束，共同遵守。革命軍人，應認識主義，即犧牲一切，亦所不顧，務將「保存實力」四字之不良習慣，完全打破。凡爲革命犧牲之部隊，無論如何損失，均有特別獎勵補充。並確認其爲真正能救國救民之革命軍人，益將設法增大其實力，使其担負爲國家作更大之事業。如有只知「保存實力」而不與敵奮鬥者，是毫無革命思想，毫無義氣，其軍隊愈保全，而其心愈不可問，必執法嚴懲，決不姑息。至於明別功罪，賞罰公正，乃本總司令之責，不敢有銖兩之差也。各將領其明體此旨，努力奮鬥，是所厚望焉。

話門致中注意四事電 十六年十月四日

茲有即須違辦者四事，條列於下：（一）居安思危，防患未然，此種名言，須服膺勿失。查石嘴子爲甘肅東方門戶，應即竭力鞏固。該軍長須將大部兵力帶至該地，相擇形勢，構築永久炮台，配置相當兵力，確實保守。選定何地，何時開工，着繪圖立說具報。（二）該軍共有砲幾門，皆係何種，各種砲彈共有若干，望查明詳復。砲有壞者應作速修理，如在寧夏不能修理者，應即送來此間代修。務期有一門得一門用。

處缺少零件者，可帶樣式來配製。(三)刺刀尚缺何種，各種缺少數目，應迅速報來，以便趕造補充。(四)生於憂患，死於安樂，暇豫亡身，勞苦益體，此千古不易之定義。該軍長應身體力行，每月在石咀子住二十天，不可在寧夏日貪安逸。向能吃苦，予所深知，自此次特諭之後，望更奮勉。

誥鹿鍾麟努力殺敵電 十六年十月三十日

凡事能親到的，務要親到看着。此次大戰，必須各將士，抱定有賊無我，有我無賊，誓不與賣國軍閥共立於天地間之決心。救國救民，全在此戰，其萬分努力為要。至於抄襲逆敵，不在人多，而在神出鬼沒。能於此等處，大事發揮，殘敵易破也。

誥全軍旅長以上軍官要謙和等八事電 十六年十一月十一日

此次豫東戰勝，至足欣幸！但內省多疚，殊深悚懼。軍中物質之缺乏，固應補充；而革命精神革命道德之培養，較補充物質尤為重要。綜所懷慮，約有八端：(一)要謙和。師克在利不在衆，利為制勝之要，未有不和而能打勝仗者也。近來各將領中具有謙風讓德，與人和睦無猜者，頗屬不少。猶恐內中有不識大體不明大義之人，好炫己之長，好議人之短，爭權奪利，爭名攘功，因相爭而起猜疑，因相奪而成仇隙，因議論人而招怨尤，皆足以失和氣。必須要過則歸己，功則歸人，一勝仗也，功不在我，一敗仗也，不怨別

人識大體，明大義；戒爭名，戒爭利，戒爭權，戒爭功；謙和無爭，乃爲大將。(一)要研究學術：查本軍將官，有在陸軍大學畢業者，有在軍官學校畢業者，有在教導隊或教導團畢業者，對於學術不無研究。但學問無止境，而器械日有進步，所學者未必已學完全，所知者未必今日皆足適用。是在陸軍學校畢業者，未可以自滿，仍須繼續向前研究。而學術欠缺者，尤當加倍用功。須知敵情不明，偵察不詳，兵法不知，韜略不諳，地形高低不知利用，兵勢利鈍不解趨避，則一將所帶萬衆，豈非平白送人之性命乎？故對戰術學，必須刻刻研究，實地練習。(二)要豪俠：大丈夫在天地間，當有俠骨，常有豪氣，始能挺立。此次戰爭，爲反對帝國主義與軍閥而戰爭，爲解放被壓迫同胞而戰爭，爲求中國之自由平等而戰爭，凡屬血性男子，均應感於義憤，一致奮鬥，共同努力；豈能計算自己利害，以資取決。如楊虎城同志之由陝東出，龐炳勳同志之由遼北來，無所要求，無所補充，雖有別方利誘，不爲所動，毅然開兵，願赴前驅，豪俠尙義，足資矜式。而爲利所動者，或引衆而歸他部，或在前而降敵人，殊失軍人本色。只有軍閥覺悟而走入革命路線者之爲義，但未革命軍而猶出革命路線者，有之，必係假革命。吾革命軍閥必須俠骨熱腸，慷慨好義，始足以担当革命工作。(四)要堅忍：軍人要能忍困苦，耐缺乏，冬日在冰天雪地之下，夏日當酷暑炎熱之天，飢不得食，寒不得衣，渴不得飲，均須要忍。本軍素極吃苦耐勞，將領多能堅忍，惟恐因爲遇不滿意

事而懊喪，不順心事而煩惱，遇拂逆遭挫折而消極，遇敗仗而氣餒。要知盤根錯節，正所以別利器也。遇見艱難困苦，挫折拂逆，正好磨勵自己，鍛鍊心志。所以艱險要忍，困苦要忍，危難要忍，不滿意事要忍，不順心事要忍，打敗仗尤須要忍。能處處堅忍，事事堅忍，自然能得最後的勝利。(五)要恬淡，淡泊明志，寧靜致遠；必須恬淡，始是大器。與部屬爭小利，與同輩爭薪水，急於功利，患得患失，保獎不到則怨，升賞一遲則怨，凡此都是利心太重，利慾薰心之人，未有不敗事者也。本軍在前方作戰之軍隊，總要勝不爭功，敗不諉過，克復城池，不爭駐防地，奪獲戰勝品，不爭所得，奪獲槍砲子彈，必須呈繳，毫不隱瞞；長官發給多少是多少，不發則不要。為革命而戰，非為欲得槍砲子彈而戰；為黨國而戰，非為升官發財而戰；救國救民，毫不熱中名利，恬淡自居，始是大將風度。(六)要持久。戰爭之勝負，全在最後之五分鐘。戰爭誰勝？持久者勝。切不可因為在軍中久而生厭，尤不可因為用兵久而厭戰。近聞有一二將領，往往望戰爭趕速結束，以便告假休息，或言打到北京後即可退休，此種心理，萬不可有。歐洲大戰，係帝國主義之不義戰爭，尚戰至四五年之久。況吾人係為反對帝國主義之戰爭，必須抱定八年或十二年血戰之持久心，始能取消不平等條約也。(七)戒驕惰。曾文正言：「用兵久則驕惰自生。」此言戰爭一久，人不驕惰而驕惰亦自然生出，此最可怕者。每一勝仗之後，因功而驕，因得勝而矜誇，心驕氣傲，氣勢凌人，而紀

律廢弛，營務懈怠，乃在不知不覺之中。當此戰勝之後，凡各將領，必須自己檢查自己，查出自己學術差，能力差，軍隊訓練更差，力求已短，時覺處處不如人，自可戒除驕氣。而軍隊在戰爭時，尤須多奮勤勞，紀律時時整頓，事務處處認真，風雨之夜，須要親自查崗，疲勞之餘，猶要鼓起餘勇，然後不致每況愈下，庶可奮鬥到底。(八)戒貪私：爲黨國奮鬥，爲革命犧牲，軍人以身許國，身且獻諸公有，其他一切身外之物，更應無所謂私。軍隊爲國家之軍隊，非任何人所得私，則軍中一切自當處處秉公。乃本軍中有一二部隊，往往將人數以少報多，於是要錢可以多要，在兵站可以多領給養，要衣服又可以多領衣服。及至俘虜物品，則以多報少，以便多得。此種毛病，若不痛除，則非至滅亡不止。有軍紀之軍隊，與無紀律之軍隊不同；革命軍人，與非革命軍人尤不同。凡我同志，務宜痛除此弊，始可與共患難，始可與共存。凡此八則，均本軍今日精神上道德上最注要之點，此次既以精神戰勝，尤須加意於此。大敵猶存，國難未已，革命將士，其共勉之。馮王祥真。

詰陝西各將領明瞭主義實行團結及服從命令電 十六年十一月廿八日

西安宋主席哲元同志，石總指揮敬亭同志，並轉馮軍長子明同志，綽師長吉人同志，黨師長孟寬同志，何師長經緯同志，耿師長端方同志，甄師長士人同志，高師長峻同志，黨旅長海樓同志，胡旅長景

銓同志，韓旅長靖芳同志，陳旅長發榮同志，榆林井副總指揮崧生同志，並轉各師旅長，商州李軍長，鹿臣同志，並轉劉師長一敬同志，潼關張軍長維靈同志鑒。時勢多艱，軍書勞午，玉祥離陝日久，未克與諸同志握手言歡，側身西望，意遠神馳。玉祥之不忘諸同志，亦知諸同志之不忘玉祥也。近來東征北伐，漸次發展，東則收復歸德，將與寧方軍隊聯絡一氣；北則肅清河朔，進與晉方軍隊互壯聲威。最後勝利，為期不遠。玉祥爰就片刻之餘閑，與諸同志一傾積懷。秦俗剛勁，民習於戰，名將輩出，自古已然。民國以來，如胡笠僧、岳西峯諸同志，縮握軍符，屢建殊勛，為我國民軍中有數人物。此無待玉祥之贅述。當為我陝軍同胞所共見共聞者也。有此強健之民情，灌輸適當之主義，加之訓練，納之於正軌，發揮光大，前途詎可限量所惜者，陝西地居關中，山河險阻，交通不便，風氣閉塞，封建之餘毒未除，部落之思想尤甚。每以國家之土地，視為一省所私有；國家之軍隊，儼同個人之武力；擴充權勢，獨樹一幟，上行下效，風行一時。遂至一省之中，形同數國；一軍之中，分為數部；範圍愈縮而愈小，勢力愈分而愈微。甚或千人而雄據一縣，百人亦橫行一村。內則剝削民財，增加民困，召集鐵工，自造槍械。外則揮圍縱橫，各方聯絡，朝秦暮楚，巧為結納。來者則盡量歡迎，以保存其實力；去者則乘機截割，而奪取其槍彈。自以為八面玲瓏，無往不利，勢力雄厚，莫敢予毒。玉祥之愚，竊為危之。時無古今，國無中外，凡足以肩大任成大事之人，必須有

一定之主義，一定之紀律，奮鬥於困苦艱難之中，乃能立足於不敗之地，斷無有不聽命令，只圖自便，而能存在者。即從前之所謂大雲南主義，大山東主義，大東三省主義，種種代表封建部落色彩之名詞，亦均成歷史上過去之陳跡，不合於現在社會潮流之趨勢。再以近事論之，李鎮亞盤據禹汝，徐壽椿雄視宛南，固守地盤，保存實力，甲至則歸甲，乙至又屬乙，隨風而靡，宗旨全無，可謂極部落割據之能事者矣。然不旋踵而相繼覆滅。田玉潔盤據涇陽三原，不准友軍入城，庇護黃韓兩匪，竟敢違抗命令。麻振武叛變同州，阻兵抗命。乃一則全部消滅，僅以身免；一則圍攻半載，明正典刑。之四人者，非僅兵力不足，實其自私自利之將士，不足以供緩急之需；自造自製之槍械，不足以供戰鬪之用；壓迫痛苦之民衆，久已切齒怒目於其旁；利害勾結之外援，又復窺伺攘奪於其後；精神渙散，自行崩潰。玉祥於剷除之餘，未嘗不痛恨其禍國殃民，而哀矜其身敗名裂也。至於楊軍長虎城，提兵出關，轉戰千里，不索開拔費，努力革命工作，現尙與敵奮鬥，猛進不已，不要錢，不怕死，不擾民，誠不愧爲革命軍人。夫一國之軍隊，應供全國之要需；一國之人材，應備全國之任用。如陝籍岳西峯，楊虎城，劉定五，王玉堂，田雄飛諸同志，現均出關任軍事政治各重要職務。於以知具有革命精神之人員，應開放眼界，注意全國現狀，隨時隨地，担任革命工作，不必專限於一定之地域。蓋陝西爲中國之陝西，非陝西人之陝西；陝西軍隊爲中國之軍隊，非陝

西一省之軍隊。當列強環伺，軍閥跳梁之時，非有大團體之結合，不足以挽救危亡。先總理有言：「聯合世界上以平等待我之民族，共同奮鬥。」世界民族，尙須聯合；而乃一國之中，分崩離析，一省之內，彼疆我界，失去政治軍事之重心，而與人以挑撥離間之機會，遺禍國家，遺禍人民，並遺禍自己。以諸同志之明，諒不出此，而玉祥所以鯁鯁過慮，不憚煩言相告者，則以中國今日實存亡危急之秋，一髮千鈞之際，苟不願目睹亡國之慘，身膺亡國之痛，自非努力革命，共同奮鬥，不爲功。而欲達此目的之要件，第一須有主義；自歐戰告終以後，世界人心一變，整飭軍旅，鼓舞人材，斷非一姓一人之私恩，一官一職之虛榮所能生效，必須有明顯之主義，共同之目標。途徑雖殊，標的則一；行爲各異，主義則同。現既努力於革命工作，即應以革命爲主義，以革命爲目標。只問革命不革命，不問其爲何省之人，革命則友，反革命則仇。必具有最後之決心，犧牲一切封建部落之成見，方足以得最後之勝利。第二須要團結；千人同心，則有千人之力；萬人異心，則無一人之用。欲救今日之弊，必以齊衆志，一衆心，爲大規模之團結。務使主帥之於將領，將領之於士兵，悉如身之使臂，臂之使指，呼吸相通，聲氣相應，集全軍之精神，結成一整個之團體。而後能萬衆一心，指揮如意，進退攻守，自無牽掣之虞。第三須服從命令；有明顯之主義，有強固之團結，而不服從命令，終仍有崩壞潰決之一日。最高幹部之命令，即爲全軍之主腦；如果軍長不受總部

之命令，師長即可不受軍長之命令，推而至於旅團營連，莫不皆然，充類至盡，豈但最高軍事長官，徒擁虛名，即各級軍官，亦將無一可用之兵。以上三端，均爲全軍命脈所關，決不容稍存忽視。我輩不欲奮鬥則已，倘欲奮鬥以達到革命之目的，非明瞭主義，實行團結，絕對服從命令不可。玉祥之於諸同志，休戚相關，生死與共，風雨同舟，端資共濟。切望諸同志，破除積習，煥發新猷，明瞭主義，認清題目，有利革命者，誓竭全力以赴之；反對革命者，誓竭全力以除之，此身健在，此志不渝。認真約束所部，認真愛護人民，不聽挑撥，不受離間，本愛國之熱誠，爲勇猛之奮鬥。玉祥忝司軍令，自當以身作則。嗣後頒發命令，務須切實遵行，不得稍有違誤。倘有奉行不力，遺誤戎機，則是自棄於黨國，自棄於民衆，玉祥亦當爲不得已之處置，斷不忍使全軍紀律，敗壞於一二人之手也。掬誠相告，諸維亮察！馮玉祥儉。

通令各將領注意五事電

十六年十一月三十日

官兵深明大義，不避艱苦，爲黨國犧牲，憤念萬分。茲將各官兵應急切注意之事，條示如下：（一）須刻刻提起勇氣，保持前進精神。（二）須時時說明主義，使官兵明白爲誰作戰。（三）作戰全在拚命，方獲最後勝利。（四）應獎懲者，須即日辦。（五）兵力宜萬分團結，切忌散漫。（另電）以上五條，仰即遵照努力辦理，毋得玩忽，是爲至要。

令北路各將領注意二事電十六年十一月三十日

北路各將領應注意之件，條示於下：（一）北路敵人之責任，在阻我北上，故其技能，詭詐百出，且能用虛虛實實，神出鬼沒之策，希圖牽制我軍，使不能北進，而其短處，在無紀律，且兵力單薄，毫無主義，故不耐戰也。（二）我軍須在「活用兵力，出其不意，與早得敵情」三事上，特別講究。而最重要者，則在軍長師長親自講明主義，大聲疾呼的警告兵士，使知爲誰作戰。此二條，爲河北將領應萬分努力之事也。各將領須務視爲根本性命之事，切實遵行爲要。

誠韓復榘石友三勿驕勿餒電十六年十二月十日

行軍作戰，畏敵固不可，輕敵更不可。斯義想爲一般將領所深曉，而終不免蹈此病者，誠以大勝之後，其氣浮動，其心疎散，則每致輕敵。輕敵若致挫敗，則又轉輕敵之心，而變爲畏敵。此乃用兵之大忌，所當引爲切戒者也。善用兵者，勝而不驕，敗而不餒，以收斂固齋爲主，以不驕不餒爲用。意氣安詳，措置從容。全在此心鎮定，不爲外物所牽，自能到此境界。弟等皆國家柱石，一舉一動，要小心謹慎，不可大意。昔東漢光武時，諸將每遇敗挫，均有沮喪之氣，獨吳漢意氣自若，修治戰具，補充簡練，不逾時而恢復，光武嘆其有大將才，卒成平蜀之功。古人此等處，真是我等之良好模範，弟等深宜效法也。勉之。

誠宋哲元審慎應敵電 十六年十二月十一日

蒸西電悉。要萬分審慎，剛柔互用，不可專恃武方也。敵情兵種兵力，尤須預先偵查十分明白，地形更宜察看清楚，方不費時費事。仰即妥爲辦理爲要。

令韓占元接帶梁壽愷軍應注意各事電 十六年十二月十一日

帶兵極難，接帶他人之兵尤難。茲將考慮所得，應行注意之事，條述如下，望加意體察：（一）該軍內容複雜，須先調查明白，分析良莠，但以多察少發爲要。（二）酌量情形，再加整頓，惟萬不可操之過急。（三）先恩後威，兵法有訓，故對各官長須先有好感，然後法行則知恩。（四）常與官兵見面講話，使上下意思溝通，毫無隔閡。（五）兵棚內言論，尤須注意，可派妥員化裝刺探，或於夜間就寢後，竊聽之。（六）作戰時，須知該軍力量，尤不可用盡，有十分祇應用八分，總要留有餘力，以防不虞也。

誥各將領本軍長短處所在以資改正電 十六年十二月十二日

我軍長處固多，短處亦復不少，若不迅速改正，前途危險極大，茲揭示於下。本軍長處有二：（一）官兵勇敢，不怕死，不愛錢，忍苦耐勞，服從命令。（二）官兵皆知作戰，非爲個人謀權利，是爲救國家救人民爲主義而犧牲。至本軍短處有四：（一）近日各將領惟喜人多，不知簡練，收潰兵者有之，逃兵者有之，

收俘虜幼童者亦有之。隨便濫收，不計利害，遂致變故百出。若不痛加針砭，後患何堪設想。嗣後如再有擅收俘虜、逃潰兵士，及以老弱充數者，定惟各該管將領是問，決不寬貸。(一)本軍將領於「治心」「治力」「治氣」三項，太欠工夫，太欠研究。故一勝之後，氣即浮而生驕；一敗之後，氣即餒而生畏。於事理上既不能得正確之判斷，於機宜上即不能得適當之處置，其爲危險，何堪言喻。更有勝則爭功，敗則諉過，尤屬不合。各將領務須於「治心」「治力」「治氣」三項上，痛下工夫。務期勝而不驕，敗而不餒，功則歸人，過則歸己。如此方能全軍和睦，雖經百戰，而兵氣常新；否則，一戰之後，便不可用矣。(二)各將領及官長，對「細密」二字，太欠工夫。偵察敵情，布置隊伍，及計劃進攻，皆不知通盤籌算。善用兵者，百萬之衆，若使一人；全在敵情明瞭，地形熟悉，布置合法三項上著手。今乃不知出此，但知頭痛醫頭，脚痛醫脚，待至敵人起於肘腋，方始發覺。若孫殿英之竊佔衛輝延津，劉提圈車站之被破壞，皆於事後方知，疎忽太甚，實難辭咎。各將領與各級官長，此後應對「細密」上切實研究，力矯從前缺點，至要至要。(四)我軍官兵，於攻擊尙能稍知門徑，於防守實屬毫無辦法，毫無把握，甚爲可慮。孫殿英部，乃烏合之衆耳，屢經擊敗，實力無幾，然盤踞衛輝淇縣，我軍攻之數月不下。姜明玉殘敗之餘，堅守曹縣，我軍已占四關，城猶未能即克。在諸友軍中，若晉軍傅軍長懷存之守涿州，以五千之兵，當十倍之敵，奉軍以飛機

數十擊於空中，以坑道數十攻於地下，以重砲百餘門，及唐克車，摧其城牆，以綠氣砲薰其城內，督衆猛攻，伏屍數萬，而傅軍長從容應敵，毫不慌忙，迄今依然固守，奉軍被牽者達十餘萬，反觀我軍，求能堅守孤城，如常師長之守歸德，王軍長之守虞城者，幾如鳳毛麟角，不可多得。作戰之道，須兼攻守兩勢，倘僅能攻而不能守，將何恃以與大敵決戰？上述我軍長處兩項，須倍加工夫，益求精進。短處四項，須逐條痛改，用矯前失。吾輩革命軍人，與賣國軍閥帝國主義者奮鬥，所爭是取消不平等條約，前程遠大，來日方長，有五分鐘，就要研究五分鐘，有十分鐘，就要研究十分鐘，未容有一時一刻稍懈，方能達到救國救民之目的也。

誥各將領以傅作義善守爲法電 十六年十二月十三日

頃接閻總司令百川同志轉來涿州全體將士電稱：敵以五萬之衆，及砲工全部，攻涿城兩月不下，死傷過半，其氣已餒。近則地道破壞，毒氣無效，其計又窮，乃變攻爲困。即人民要求出城，亦不允許。城內食糧缺乏，軍民久困，日食一餐，亦苦不足，則以草根樹皮充飢。現在食糧告罄，餓殍載道，人民相對而泣，士兵堅忍待援，惟有悲壯成仁，以報黨國，以報知遇等語。迴環誦讀，不禁泣下。傅軍長作義同志，提兵數千，扼守孤城，當敵要衝，以與五萬虎狼之衆相抗，敵人威脅利誘，志如山岳，堅不少移。乃以飛機轟於天

空坑道攻於地下，毒氣撲於城內，慘無人道，至斯已極！更以嚴法峻刑，督率士卒，猛攻城垣。重砲野砲，唐車機槍，晝夜環擊。僵屍城下，何慮數萬。傳軍長設奇制變，應敵若神，敵雖凶悍，卒不得逞。吾輩同屬革命軍人，聞傳軍長之風，應如何感愧？如何發奮？以共事於革命戰綫也。涿州全體將士，與傳軍長一德一心，堅貞不渝，雖田橫五百，項羽三千，亦何以過！我輩革命團體，倘均如此堅固，何愁革命不成。閻總司令識傳軍長於列將之中，付以重任，其知人之明，尤足爲吾輩交友取法。凡此種種，皆與我等以深刻之教訓，應時時刻刻，與其高山仰止之思也。

誥前方各將領兩次攻徐戰役我軍長處短處電十六年十二月二十一日

此次東路與張逆宗昌激戰，歷時近三月，大戰凡五次，賴各官兵拚命奮鬥，遂能克復徐州，以紓我軍東顧之慮。今當戰事稍告一段落之際，爰將我軍在此期作戰所發現之長處短處，一一與諸將領言之，長處宜益加勉勵，短處應急起補救。茲先條列長處於左：（一）官兵奮勇，是我軍特長。此次如孫師長桐萱、徐旅長福勝、李旅長曾志、佟營長澤光等，受傷不退，督戰益急。韓總指揮復桀，石軍長友三，於敵彈如雨之下，往來指揮，官兵奮發。多數官兵，凡有受傷，苟能操作，均不肯退。戰勝頑敵，此爲最大主因。（二）官兵能耐勞，能吃辛苦。聞此次攻徐州，天氣極冷，而官兵坦然處之，毫不瑟縮，此皆平時歷練之功。（三）官兵

能確守紀律，聞命即行，不誤時間，實行預定之計畫。(四)前線將領，雖未設有前敵指揮，均能於大處著想，和衷共濟，無彼此推諉之事，相援如左右手。以上四項，乃我軍之長處，應急求廣大增進。今復條列此次所發見之短處於左：(一)報告不實，不詳，又太少，且不能依時送到。因此四種缺點，遂至迷誤高級指揮官之決心。(二)將領於「治心」「養氣」之道，太欠工夫。一見敵退，即起輕敵之心；一見敵進，又生長敵之念，凡此皆心氣太浮之故。苟能平心靜氣，處境無論順逆，皆能不驕不餒，便可從容應付，無往不當也。(三)將領對「密機」工夫，更須研究。何爲機，即所以應敵之布置，須不早不後，不遲不速，恰當其時之謂。十月二十七日，在蘭封以西附近之線決戰，韓總指揮復築，石軍長友三，在杞縣方面之出擊，大破敵軍，截其歸路，獲其鋼甲車全部。十一月二十三日，在蘭封以東之出擊，孫總指揮良誠，行大迂迴，擊斃潘鴻鈞，並將潘劉兩部俘虜。此其遲早正合時機，早一點則不能使敵受大創，遲一點則左翼將發生危險，且自救不及矣。及後第一次攻徐州，未能奏功，因其機失之過早。敵之主力均在徐州以南，我將其歸路截住，敵遂作困獸之鬥，故未能遽克。設我軍於曩時不遽斷其歸路，以前線配置於九里山，主力控置於郝寨之線，張孫兩部，受津浦與隴海兩路之壓迫，必將自退，我軍待其退過一半，然後以騎兵截其歸路，主力直前包圍，必可大獲全勝，此因過早而未能奏功也。第二次攻徐州，敵軍於十六日已退盡，而

我軍猶在九里山以西，鹿則更在蕭縣以西，遲遲未能以時前進，殘逆遂得逃竄，則又失之於過遲。此爲用兵最精微處，勝敗之端，悉由於是，不可不察。全在偵察敵情，十分精密，十分明白，判斷十分確實，處置十分得當，方能應機得宜，立於不敗之地，而不致見制於敵也。願與諸將領共切實研究之。(四)將領指揮，尙嫌呆滯。在礪山附近，我軍正面鐵路之南，無敵情，敵以主力包我左翼，騎兵爲敵圍逼，而不能馳騁前線，指揮官不知調度右翼無敵情之部隊以應敵，竟欲求後方增援，於指揮上太差，太呆，太板，毫不靈活。我衆敵寡，尙且不知所應，若我寡敵衆，又將何以禦之。今當大舉北伐，渡河以後，戰地遼闊，諸將領皆須獨當方面，於指揮上更須切實研究，以求增進。(五)各軍各部隊，聯絡不確實，通報太少，協同欠一致。(六)使用兵器，太欠精細。如使用重砲擊砲彈，出口四十五米達即炸，不知係因自己操作不合法之故，輒謂製造不良。及至兵工廠試驗，則毫無缺點，射程甚好，此使用不精細之咎。又兵器遠近長短，均須配合使用，長以衛短，短以救長；砲兵掩護步兵，步兵幫助砲兵，槍火爲白刃之先鋒，白刃即爲槍火之後盾，此必短長遠近互相協同，方能收效，萬不可打礮歸打礮，放槍歸放槍也。(七)騎兵軍在此作戰期內，惟於第一次攻徐州時，能繞至九里山敵陣之後，使敵心搖動，此一節尙能合於機宜。餘如蘭封附近兩次決戰，該軍依附於右翼，與步兵齊頭並進，蛭伏蜷縮，毫無衝速勇敢之精神，失却騎兵之價值及本能，動

作太遲，偵察不明。最後徐州之役，敵人已遁走淨盡，而最前線之騎兵，尙未得訊。計其行程，尙不及步兵之速，致其偵察能力，竟不能出十里遠近，太乏根本。應切實振奮，切實更改。(八)浪費子彈，不知瞄準，以破兵爲尤甚。又現在戰爭，乃科學戰爭，須用地雷電話電料黃色藥，各官兵多不知細心利用。(九)隨便拋棄軍用物品，不知禁戒。(十)官長戰術知識太差，選定陣線，往往受敵人側射背射，多受損害，運動多呆滯。(十一)兵站之錯誤，糧食離鐵路遠，用大車運輸太慢。(十二)軍醫人員，對於傷亡官兵，拾送太欠組織，火車不暖，致傷兵受冷太甚，此余所最爲痛心最爲負疚者也。以上短處十二條，凡關於官兵全體者，應由各將領領導各官兵竭力改良；關於各將領本身者，應竭力修養以求進步；關於後方各事，由余與各將領各主管人員負責求其完全。諸將領身在前方，於長短之處，見聞更切，尤應各抒所見，一面條陳備核，一面卽與所部立時研究改良辦法，不可稍爲緩忽，是爲至要。馮玉祥馬。

誥各將領應行整頓三事電 十六年十二月廿二日

茲有應行整頓者三事：(一)各軍後方留守人員太多，無人約束，弊端百出，危險堪虞。(二)前方作戰，隨便離隊來後方者太多，減少戰鬥力量。(三)亦有受傷以後，醫治已愈，雖欲歸隊，無人來領者。以上三端，關係戰鬥勝負，若不嚴加取締，危險實甚。即盼各將領萬分注意，嚴加整頓爲要。

誥各將領補充人馬槍械電 十六年十二月廿五日

大戰之後，各部隊應即極力補充，加工訓練，以便準備繼續北伐。茲將應行注意之事，條列於次：（一）各師旅人數，應按照規定數目遞補，一次補不足時，再舉行第二次。（二）所缺騾馬，能由各部隊自買亦可；惟須買良好者呈報，以便派員來查並發價。（三）槍械即由此間發給，不足則發給迫擊砲，再不足則一半用刀，一半用矛子。對於刀矛之用法，務要認真研究，須知解決戰局者，厥維白刃，此種兵器，祇要操練有素，收效自大也。以上三條，望即遵照辦理爲要。

十七年元旦告官兵九事電 十七年一月一日

本軍自五原誓師以來，歲凡兩易，我同志各官兵，涉險被創，轉戰萬里，平隴右，定三秦，會師中原，肅清河北，連擄悍寇，再克徐州，勞苦極矣，但直魯餘孽，尙未盡殲，關外醜類，猶稽誅戮，國民革命之程途，方遠且長，我等革命軍人之責任，正重大也。全在我同志各官兵，堅忍奮鬥，始終不懈，守吾所當守，爲吾所當爲，則責任雖重且大，不憂不盡，程途雖遠且長，不慮不達。今當十七年元旦，萬物更新之際，以我革命軍人之當守當爲者條列數事，舉相勸勉，願與我同志各官兵共同努力焉：（一）革命真義，在打破名利心，實行自救救人。人生所需，必取於社會，立功立事，尤必得社會之信仰，然後可資以助成。故名利者，人情所

必不能免也。今以打破名利心相勸者，非惡而絕之，惡虛中驚外，詭遇求得者之足以害志而償事也。名者實之符，實至則不求而名自隨。利者義之宜，義存則不求而利自附。若不於「實」字上，「義」字上作去，而先存一有求名求利之心，則其所以求名利者，必將無所不至，無所不爲，遇事則避難就易，見利則爭，先恐後。團體若容此等分子，則團體無不壞；國家若用此等分子，國事亦無有不敗者也。我輩革命軍人，在求良心之所安，在求真正之精神快樂。其唯一任務，唯一目的，即在犧牲一己，爲大多數人民謀最大幸福，卽真快樂，真平安也。應於「實」上「義」上切實作去，見義先赴，聞難爭趨，忠勇樸實，忍苦耐勞。團體中分子，人人如是，則團體無不堅；國家用此等分子，則國家無不安；我等革命軍人，個個如是，革命之目的無有不達者也。救國救己，悉在於此，切望我同志各官兵勉諸。

(一)實心實意，實行愛護百姓：各官兵皆良家子弟，來自田間，須知百姓與軍人原屬一體，原屬一家，執戈衛國，卽爲軍人；釋甲歸田，卽爲百姓。救百姓者，卽所以救自己之父母兄弟；愛百姓者，亦所以愛自己之父母兄弟也。我輩軍人，今日能剷除賣國軍閥，求中國之自由獨立，使我國大多數人民享幸福，卽爲愛護百姓之第一要義。其次軍行所至，必處處能幫助百姓，處處爲民除害。軍隊駐在之處，或勦平附左匪患，或修路種樹，或代民耕種，務與百姓以種種便利。最小限亦須使經過之處，安堵如故，鷄犬無驚，不使有一點驚動百姓之事。我

等革命軍隊，本此三項做去，自能與百姓呵成一氣，結爲整個。古今中外，未見有軍隊擾害百姓，而能救國救民者；亦未見有軍隊處處愛護百姓，而不能達到救國救民之目的者。各官兵務深明此旨，切實努力，尚不擾民真愛民六字做去。(三)恪遵紀律：軍隊者爲人民自救之武裝大團體，其行動與使用之性質，皆係整個，而非個人。易曰：「師出以律，否臧凶。」歐西兵法亦云：「軍隊服從唯一之思想紀律者，所以使軍隊服從唯一之思想而動作者也。」故有紀律之軍隊，千百萬人爲一心。無紀律之軍隊，則人各有心，如一盤散沙，雖衆無制，不可用也。各官兵當知紀律爲軍中之命脈，人無命脈則死，軍無紀律則亡。凡我軍人，皆當深知此義。恪遵紀律，首在服從命令。平時於軍中各項命令條規，皆須切實遵守。戰時對於命令，及出發期會時刻，不可差謬。呼吸之間，勝敗系焉，故時刻尤不可不凜守也。夫不守紀律，即當裁以軍法，決不寬貸。但與其事後而繩之以法，孰若事前多申誥誡，期於無犯，所以不憚煩瑣而諄諄爲各官兵告也。(四)注重切實：我輩今日救國救民，此何等大事，須步步踏實，事事牢靠，方能達到目的。故每舉一事，於事前必須詳細計畫，有始有終，有條有理；臨事又當躬親力行，以全副精神貫澈始終。凡分課於人者，又須多加指教，多方考查；事後又當詳求缺點，刻意改良。如此苦下工夫，則雖未能必事事結實，亦可免大失矣。(五)兵夫生活：兵夫離其家鄉，來軍隊服務，其一切生活，與居家迥殊。全在各級官長，善

爲照料，愛之護之，當如兄弟；教之正之，當如師友；既不可操之過嚴，又不可姑息長惡；處處當導之以正。務使在營則爲良好之軍人，回家則爲良好之百姓。而爲兵夫者，應立志遠大，勉勵振拔。須知兵夫爲大將之根基，不可甘自暴棄，是所厚望。(六)處處實作：軍隊須實事求是，一步不可蹈虛。凡兵之所能者，官長必先能之；兵之所行者，官長必先行之。官長先能，然後可以教兵；官長先行，然後可以率衆。若官長不能，何以識其長短疵謬？則所習者必不能臻於精熟。官長不先行，又何以知其勞逸甘苦？則所行者，必不能期於切實。故爲各級官長者，一技一藝，一舉一動，均當身先士卒，爲部下表率，則作事無不切實矣。(七)努力學問：今日戰爭，乃科學之戰爭，不但戰鬥之術，日新月異，即兵器築城交通等項，無時不有變遷。若我故步自封，不思急起直追，即處處落在人後，戰之勝敗，即係於是，可不勉與？各官兵在軍中，除公務外，即當不離書冊，互相討論，以求增進。萬不可羣居終日，言不及義，自致墮落也。(八)忍苦耐勞：古今中外，成大事，立大業，未有不從困苦中得來者。忍困苦，耐缺乏，爲我軍特有之精神。須知此種精神，即爲我戰勝賣國軍閥之利器，不可不發揮而光大之者也。拿破崙云：「兵之勝敗，在最後之五分鐘。」晉時有名將曰焦贛者，每戰必勝，人或問以戰勝之術，則云：「兩軍相對，我困苦，敵亦困苦；我能忍，敵不能忍，即我勝矣。」今我軍與賣國軍閥作戰，敵人兵衆器利，而我軍之所以屢次克敵，並所恃以自信，必能將

賣國軍閥掃除者，全在我同志各官兵一種忍苦耐勞之精神以戰勝之而已。其免諸（九）注重道德：道德者，非迂拘腐敗之謂；行吾所當爲之謂道，居吾所當安之謂德，無分中外新舊，一律出之於正。故對於長官主於敬從；對於百姓，主於愛護；對於戰陣，主於勇敢；對於交友，主於信實；至於居家居鄉，在軍在國，大而救國救民，小而一舉一動，均必有其所當；能得其當者，即是合乎道德。雖細微之事，亦必虛心研究，往往在初不過起於一念，在後即鑄成大錯。我輩革命軍人，責任綦重，一步不得稍疏，必於道憲上立定脚步，方能任重而致遠也。

#### 告各將領奉魯軍十大缺點電

十七年一月一日

隴海大捷，兩克徐州，全賴我官兵深明大義，方克臻此。然殘敵負隅京津，吾輩責任，尙未終了，各官兵尤應再接再厲，抱定絕大之犧牲精神，共同努力。且彼奉魯軍者缺點極多，勢在必敗，茲爲我官兵一言之：（一）奉魯敵軍，其戰線北自包綏，東迄于海，長達六千里，無在不爲我之攻擊點。若我由京綏京漢津浦同時進擊，直取京津，易如反掌。（二）奉軍敗北河南，損失不少；現復舉東三省及三特別區之全力以圖晉，激戰四月，卒未得逞，實力犧牲過大，士氣沮喪，不堪再戰。張宗昌傾全力襲取隴海，傷亡損失，總在三分之二以上，徐州終以不守。而我乘戰勝之感，不難一鼓而下京津也。（三）奉魯軍閥內部，派別

極多，意見紛岐，平時即相火併，一旦有急，益不相謀；而我不難各個擊破之。（四）軍紀太壞，不得民心。奉魯軍隊，所到之地，姦淫擄掠，廬舍爲墟，人民恨之入骨，各處紅槍會，蜂起擾亂。故與我接戰，敵須顧慮其後方，一旦敗退，歸路即被截斷，必致全軍覆沒。（五）我革命軍作戰，全憑主義勝敵。奉魯軍閥作戰，全賴金錢。其兵士見餉始肯出發，聞其射擊槍彈之多少，以發餉之多寡爲比例，不發餉則一槍不還，而携械彈遠逃。連年作戰，東三省及直魯諸省，早已民窮財盡。其所發出之奉魯票幣，一文不值，強迫使用，非但民怨沸騰，軍餉亦早無法維持，兵變之事，日有所聞。以利交者，利盡則散。此種軍隊，驅之作戰，未有不敗亡者。（六）奉魯官兵，均習於驕奢淫逸，不願作戰，一聞有事，則官長畏死退縮，兵士率多潛逃者。（七）奉魯軍隊，軍心不固，上下異心。其官長則飽食暖衣，驕奢淫逸；其士兵則飢寒交加，形同乞丐。平時則重足側目，作戰則反戈相向，焉得不敗？（八）奉魯軍隊，祇求安逸，不知講求操練，雖有利器，不善使用，不知愛惜子彈，任意浪費。故我常不發一槍，能將其全部消滅。（九）奉魯軍閥，軍餉兵器，悉仰求於各帝國主義。茲者各國見其勢力日蹙，已停止接濟，將來作戰，必難久持。（十）直魯熱河等處，均有我軍舊部極衆，聲勢浩大，我軍進擊，即將乘機截其歸路，不難制兩張之死命也。以上十條，係敵人之缺點，亦即我軍進擊之好機會。望各官長，提起勇氣，直搗京津，救國救民，悉在此舉，其各努力爲盼。

通令嚴行檢查行人郵電，十七年一月八日

在此軍事嚴重期間，亟應特別注意二事，特令切飭所屬認真辦理：（一）據報近日敵人派有密探多人，來至我方，專意作各種破壞工作，及刺探軍情。故各軍無論在行軍駐軍作戰之時，均應特別留心。如緊要路口，城門旅館等處，須指派有智識之人，隨時查拿。對於行人檢查，更當嚴密，不可稍涉大意。（二）對於訓令，命令，通報，報告，函件之秘密方法，電話，電報，郵政之檢查方法，應派妥人，妥定辦法，不可忽略，是爲至要。特電遵照。

誥前方各將領進展間應注意二事電，十七年一月九日

奉魯殘敵，尙踞京津，我軍即應大舉北進，以竟全功。茲將在進展間應告知之件列下：（一）各人必須身帶三日之糧餽，以防意外。（二）官兵須隨帶擦槍油。（三）行臥放時須防備槍口着地粘土，以免槍管炸裂。以上三條，仰即轉飭所屬一體遵照爲要。

通令注意提起朝氣等三事電，十七年一月十日

我軍有應行注意講究者數事，特條列於次：（一）軍隊必須日日提起朝氣，方能勝敵，欲求有朝氣，則全在朝會，及精神書主義各書，各主管官必須一律提倡。（二）新兵舊兵，須分開訓練，教練新兵官長，須

挑拔極好官目，不可稍有大意。(二)刺槍、炸彈、劈刀、構築溝壘諸法，均要認真教授，努力操練。以上三福，務望各將領嚴飭所屬，切實遵照實行，爲要。

誥各將領犧牲精神爲制勝原因電，十七年一月十七日

日下作戰，火器猛烈，故欲攻破敵軍，必須用白刃衝鋒，及夜間戰鬪。其主要之制勝原因，全在官兵個個勇敢，不怕死，具大犧牲之精神，抱定有賊無我，有我無賊之決心，拚命直前，與敵搏鬪，自可無堅不破，無敵不摧。此次東路戰役，歷時三月，大獲全勝，查閱于役將士，自旅長以上陣亡者，陳旅長鴻賓一員；受傷不退者，有孫師長桐萱，李旅長會志等；其受傷醫治未及全愈，即上戰線而復受重傷者，有張旅長印湘，王旅長毓章等；受傷旅長，則有徐福勝，白占元，李漢章，黃維綱，王廣荃，張兆榮，傅殿卿，蒲永祥，張其仁，栗順章，劉宗成，李萬相，及鋼甲車司令劉自珍等；共計高級帶兵官長陣亡者一員，受傷者十七員，自團長以下，傷亡數目，可推而知。可知此次東路破敵，其主要原因，即在高級帶兵官長，奮勇苦戰，其精神動作，足以鼓起部下奮鬪決死之心。所以官兵能經長期之戰鬥，再接再厲，大戰五次，連破逆敵十四萬衆，俘敵四萬，克地千有餘里。敵軍旅長以上官長陣亡受傷被俘者四十餘員，陣斃敵軍長潘鴻鈞一員，營長以上傷亡者二百餘員，死傷不計其數。凡此奇捷，固皆官兵精神血肉所致；而各帶兵官長，平時之

良好教育，戰時之良好表率，又實爲其主要原因。今大兵均已渡河，大戰在即，各將領各級官長，均須深曉今日制勝敵人方法，別無他項奇巧，全在官兵個個有一種有賊無我，有我無賊之犧牲精神。各將領各級官長，對於部下既教導提倡於平時，臨陣接仗，又必有以爲部下之表率，庶萬衆一心，發揚蹈厲，則戰無不勝，功無不立，黨國前途，惟茲是賴。其各勉勵奮發，是所厚望！

誥各將領謹小慎微等二事電 十七年一月二十日

軍隊所以進步，所以戰勝強敵者，全在就日常各項起居動作，及軍紀內務上，切實細密作去，片刻不懈，自然日起有功，雖經百戰，而士氣常新。茲將應行注意辦理各事，分三項誥諭如次：（一）注意小事：如燒煤，喂馬，生火，草料，一切雜務，均須細加經理，細加檢點。如以洋油生火，以麵換饅頭，及馬糞之中，夾雜乾草太多，凡此種種，皆爲浪費，并且有碍軍食，害及官兵身體，各級官長，均須細心查考，嚴密禁止。（二）注意兵士及伙夫馬夫的事：新兵入伍，在教練上，不准教慢步，及不合用之動作；只應練習常步，及加緊學習戰鬥動作。目下管理新兵之官長，雖經歷次誥諭，猶有仍蹈前弊者；其故由於直接教兵之官長，知識太差，該管之高級官長，考查不密所致。須多方增加知識，多方考查，庶不致再有此弊。在管理上，對於新兵及伙夫馬夫，均須循循善誘，導入正軌，不准打罵。近查各部隊待遇兵夫，仍有打罵之事，殊屬不

合。須知一兵一夫，均是救國救民之武裝同志，應相待如兄弟手足，萬不可忽。(二)注意細密的事，略舉如左：公文務求迅速確實一也。凡戰鬥後，對各官兵，須舉行細密檢查，虜獲敵人物品，須消滴歸公，如有可以分賞之物品，須經旅長以上主管主持，妥擬分配，團長以下，不得擅自處分，二也。兵士所穿新衣服，須注意令其愛惜，不可垢污，三也。官兵無極重大之事，不准掛號，如准假時，須有軍長以上之護照，以便稽核，四也。軍隊所駐之地，車站上檢查盤查，必須細密。此次在新鄉車站，盤獲敵探數起，并有提帶危險物者，別處可以類推。故軍隊駐地，對於車站郵政電報，必須詳細檢查，不可稍有疏忽，五也。以上五項，實為軍隊中最要之事，即我軍今日最應注意辦理之事。內中所舉各條，固宜切實進行，其未舉列者，尚難縷數；是在各官長，自己處處用心，事事留意耳。

誥各將領實行禁謠誣愆公款等七事電

十七年一月廿四日

我國人民之衆，占世界人口四分之一；土地之廣，占亞洲面積四分之一；而國困民窮，日甚一日。帝國主義利用其不平等條約，肆意侵略，視我國如屬地，待吾人如牛馬，亡國滅種之禍迫於眉睫。推原其故，固有多端；而我輩軍人之不努力奮鬥，實爲一大原因。我軍爲革命之軍隊，爲救國救民之軍隊，責任重大，故准備亦宜充分。備准之道，必自訓練已身，及防患未然始。茲將應注意之日常要事，分述如左：(一)

一、禁止謠諑：謠諑之傳播，或以語言，或以文字，均於社會治安，軍隊秩序有莫大之影響。無而爲有，黑而爲白，顛倒是非，挑撥情感，凡此之類，小之足以陷害個人，大之足以破壞團體。必須一面禁止謠言，一面檢查信件，勿稍懈鬆，以絕禍根。

二、慎重公款：不肖官佐，貪利忘義，每以兵士爲可欺，尅扣菜錢，隱匿賞號，取便一時，及至水落石出，身首不保，悔已無及。必須明白乃心，廉潔自矢，督飭軍需人員，切實慎重公款。關於此事，除由各將領認真查考外，本總司令當隨時派遣軍法人員，嚴密調查，決不寬縱。

三、賞罰公平：軍隊中所賴以維持軍紀者，厥惟「賞罰」二字。賞所當賞，罰所當罰，羣情翕然，軍紀自然整飭。反之，賞罰之間，參以私意，則不特不能鑿服衆心，而賞罰之作用，亦必從此完全消失。夫至賞罰不足鼓勵軍心，此種軍隊，已難自保，尙有何用？

四、用人公允：賢者在職，能者在位，諸事自然日有進步。不然，用人之際，一以私人之好惡爲准，不論賢否，唯問是否宗親，不論才否，唯問是否鄉戚，應升者不升，應撤者不撤，必至諸事叢脞，貽禍己身。

五、禁止打罵：官長性情，不可太躁，不可任意打罵兵士。須知一兵一夫，均是武裝之革命同志，必須尊重其人格，不得隨便凌辱。如有違犯法令之處，軍法具在，自可按法懲辦，何用打罵？此種惡劣習慣，尤以下級官長犯之最爲多，因其升遷太驟，不知世事之難易，遂致暴戾使氣，最要痛戒。

六、親近兵士：官兵最忌隔閡，彼此不相見面，此隔閡之所由來也。故欲免除隔閡之弊，必須

官兵常常見面，常常談話而後可。各總指揮各師旅長，嗣後均應與兵士在一處吃飯，既可借此見面談話，又可澈知兵士甘苦，收效最大，務要奉行。(七)嚴禁嗜好：一切烟酒嫖賭，以及其他種種不良嗜好，必須戒絕。必須使全體官兵，以及傳事兵，傳令兵，醫兵，伙馬夫，無一絲一毫沾染嗜好者，乃為盡善。果能如此，則兵多固勝，兵少亦勝。反之，視烟酒嫖賭，為家常便飯，官長倡之，目兵效之，馴致軍紀蕩然，軍心不固，此種軍隊，兵少固敗，兵多更敗。吾輩革命軍人，戰時固應奮勇殺敵，平時尤應奮勇克己。務將一切嗜好，用革命的手段，剷除淨盡，不留絲毫。庶軍紀乃有整飭之希望，革命乃有成功之可能。以上七項，均為當務之急，各將領務須夕惕朝乾，躬行實踐，整頓己身，整頓軍隊，整頓一切，庶能負起剷除賣國軍閥，打倒帝國主義之重要使命，而免于亡國滅種之慘禍也。特此剴切誥誠，仰各轉飭所屬，一體遵照，是為至要。

誥各將領除嗜好敦品節等五事電 十七年三月一日

革命軍隊，為國家謀獨立自由而犧牲，是世界上第一最榮幸之事，亦為最有價值之事。但若非有真有血性，真有良心，真有志氣之軍官佐，表率一切，則萬難實現。胡文忠公有言：「營官不得人，一營皆成廢物；哨官不得人，一哨皆成廢物。」官長之賢否，關係軍事之興廢，於此可見一斑。乃近查我軍官長，犯規者較前加多，其中以副官軍佐及辦理雜務之人員為尤甚。推求其故，一由於升遷太快，二由於訓

練太少。二由於監督不嚴。是二者皆當今之大缺點。若不急起補救。久之勢必用一人職一人辦一事。壞一事。軍將不軍。違言革命。茲爲防止官長腐化起見。特揭應行切戒之數事如下。查吸煙。喝酒。肇禍債事。最爲危險。此必須戒除嗜好者一也。嫖賭之事。喪檢蕩行。敗事辱職。皆由於此。此必須敦品節者二也。舞弊營私。國家之蠹。社會之賊。人所不齒。此必須重操守者三也。驕而且惰。敗事之媒。小害自身。大害團體。此必須戒驕惰者四也。革命軍隊。爲民衆之武力。謀民衆之幸福。擾百姓者。即爲反革命。此必須愛百姓者五也。以上五端。均關重要。各將領。乘用。人之權。負監督之責。嗣後關於用人。務要慎選。慎用。多訓多練。一而董率。二而考查。不可稍有大意。稍有鬆懈。對於上列五端。須常常集合各級官長。反覆解說。日。日三令五申。一有違犯。若查係出無意。情尚可原。姑准從寬辦理。若係明知故犯。有心爲惡。必須加等治罪。勿姑息。勿優容。必須達到目兵應遵守之事。官長須先遵守之程度。實現革命軍人之真精神。養成純潔高尚之真正革命軍隊而後已。自此次通令之後。無論何部隊官長。如再有違犯上列五事。未經該部隊主官發覺懲處者。一經查明。不論事前犯或現行犯。均連同主管一併治罪。決不姑寬。其各遵照辦理。并轉飭所屬。凜遵勿違。

通令注意軍紀戰術等九事電十七年三月五日

此次進攻濟寧，實爲革命軍事全局勝負關鍵所在，各官兵均應處處小心。關於戰鬥應努力注意各件，茲分別條列如左：(甲)關於軍紀者：(一)營省風氣古樸，與南方不同，對於男女內外之別，尤爲注重。各官兵經各村，非萬不得已，不准擅入民宅。若無高級帶兵軍官命令，擅入民宅者，一律以軍法從事，不得姑息。(二)師出以律，失律則凶。各部隊對於軍法，須一體凜遵，如有違犯，定按法治罪，決不姑寬。(三)出發及到達時刻，與作戰勝敗，有絕大之關係。各部隊奉令調動，必遵照命令所規定者完全作到，不得稍有遲延，致誤戎機。(乙)關於戰術者：(四)近今火器日新，工事尤爲重要。非但守者有工事，攻者亦須有工事，非但長久駐兵有工事，即駐兵一宵，亦得建設工事。陣地不固，兵失憑藉，心志不定，最易潰散，此層尤宜注意。(五)兵法有云：「用衆進止，用寡進退。」今我軍當濟寧一方面，即有十餘萬衆，非支隊可比，各路軍隊，斷不能自由進退。前進之後，須極力注意構築工事，紮定陣腳，防敵來衝，庶不至有意外之虞。蓋大軍作戰，若有一部後退，必致牽動大衆，不可不預爲明示。昔苻堅七十萬衆，敗於朱序一呼。晉楚城濮之戰，楚之敗績，實由于陳蔡之先奔。古今大軍作戰，因一部後退而全局失敗者，何可勝數。各將領於此，尤不可不深加注意。(六)吳子有云：「用兵之法，雖敗成陣，雖散成行。」武侯新書論陣法云：「四頭八尾，觸處皆首。」此言大軍作戰，陣地遼闊，一經交鋒，我軍將敵陣截作數段之時，亦即敵軍

將我陣截作數段之時，若我軍爲敵軍截斷後，仍能一段一段獨立作戰，不慌不忙，則無有不勝者。若一失聯絡，彼此相疑，不能獨立指揮作戰，必至驚惶失措，自取敗滅。古來兵多致敗者，大都由此。我軍此次進攻，抱定有敵無我，有我無敵之決心，如或倉卒爲敵所截，惟有犧牲奮鬥，與敵死拚，必可大勝。切忌慌張後退。自營連以上各軍官，皆須服膺本項原則。(七)敵情地形，爲作戰之根據，各部對於正面之敵情地形，務須不斷的偵察，時時報告主將，並通告左右之友軍。蓋戰場之偵察，全恃前線之軍隊詳確報告也。各部隊位置移動，尤須立時設法報告高級指揮官，不可稍遲。(丙)關於民衆者：(八)對於宣傳工作，務使所在人民，明瞭革命意義，及我軍用兵宗旨，一切標語，皆須由此着想。「打倒土豪劣紳」、「打倒大地主」等口號，易啟人民誤解，切禁貼用。(九)與人民交接，言談行動，最宜注意，尤不可因言語不通，盛氣厲色，致與人民發生隔閡。以上三項九條，除四五兩條，應由各高級官長，預思運用之方外，其餘均應通傳各官兵，一體知照，切實實行，是爲至要。

通令詳查敵情不可冒險進取電 十七年三月六日

據第十師師長劉汝明報告：所部第三十旅旅長李曾志，在固始勤匪，不明匪情，遭受匪圍，致有損失，等情。查當此匪勢潰退之際，應一面詳偵敵情，一面嚴加戒備，以備敵人反攻。該旅長李曾志，只知猛

進，對於敵情，毫不詳細偵察，致陷匪算，殊堪痛恨！姑念該旅長，身受重傷，作戰奮勇，從寬免予治罪外，該管師長劉汝明，訓練不周，咎實難辭，着記大過一次，以為教誡不期，指揮不當者戒。俟後各部隊，師行所至，無論攻守進止，務要詳查敵情，不可冒險近取。仰即轉飭所屬，一體切實遵行，為要。

通令禁止踐踏青苗等事電

十七年三月七日

我軍艱苦百戰，所仰仗制勝于敵人者，就是整齊畫一，處處愛惜百姓，有凍死不久民宅，餓死不取民間一物之精神。目前頑敵未除，尤當勵行與士卒同甘苦，及真正愛民助民之事，結合一心，以便破賊。茲將應行遵守之事，開示如下：(一)不准一兵一伙，踐踏青苗，以傷人民之心。(二)不准拴馬於樹上，以克損壞人民之樹株，致生惡感。(三)不准借用民間物品。(四)不准由地方公署商會各團體，供給司令部軍部師旅部之檯椅床檯燈席等物。(五)各級官長，須與目兵衣服布匹顏色一律。(六)凡因戰勝所得到敵人之衣服、物件、內衣、裹腿、鞋襪等件，須由旅長以上官長，妥擬分賞辦法，不准誰得即是誰的，更不准異服異色。(七)不准身穿軍服，外穿便服外套，既壞風紀，又極雜亂。(八)各總指揮、軍長、師長，須每日抽一二營或一二連，親自點名，檢查一切。(九)革命軍人，以身救國救民，不准自私，無論何項槍砲，均為公有，不可說某槍為自己的，致招物議。(十)軍紀為軍中第一重要之事，現當萬分困難之時，努力革

命，制勝敵人，全在軍紀。不守紀律之軍隊，少固敗，多亦必敗。故各級官長，須刻刻注意軍紀二字。有違紀律者，雖小雖親，必懲；有尊重軍紀，切實實行者，雖疏必獎。以上十條，仰即通飭所屬，凜遵辦理，毋得違誤，是爲至要。

令河北各將領聽鹿鍾麟指揮電 十七年三月十七日

師克在和，古訓昭然；和爲制勝之道，未有不和而能打勝仗者也。曩者豫東戰役，韓總指揮復築，嚴聽孫總指揮良誠指揮，卒獲大勝，可爲明証。余因在此指揮賀總指揮，方總指揮兩部作戰，一時不能離開；目前河北軍隊，一天增加一天，不能不責重鹿總司令指揮，以資統一而利作戰。各將領應深體余旨，絕對服從階級，嚴聽鹿總司令指揮，不准陽奉陰違。退有後言，須恪守誠信，表裏一樣。如有些微不聽調動之事，一經查出，雖打勝仗，亦必從嚴懲辦。要知此次大戰，關係黨國存亡，進則必生，退則全軍必沒。各將領爲黨國奮鬥，必須有進無退，過則歸己，功則歸人。一勝仗也，功不在我；一敗仗也，不怨別人。如能忠恕爲心，革命一定成功。各將領均多年患難手足，深明大義，須知取巧必敗。凡事必抱定主義，拚命犧牲，始可與共患難。大敵猶存，國難未已，望諸弟切勿忘記，至要至要。

語劉郁芬等注重細密確實四字電 十七年四月二日

現在革命勢力，日益進展，而工作困難，曾未少減。吾人際此時艱，努力革命，必須深謀遠慮，殫精竭思，洞察物情，籌畫周至，方足以排除故障，防患未然，剔弊釐奸，圖謀福利。邇來各級官長，對於此點殊多忽視，徒驚外表，不重實際。以言謀慮，難語高深。以言防患，尤無把握。長此以往，危險孰甚！前者閻總司令百川同志籌謀攻奉，以涿州爲必爭之地，乃分遣多人，預往開設糧舖，及晉師一出，佔領涿城，雖被困四月，而糧糈不匱。以彈丸之地，牽制敵軍數萬，奉軍損失，斯役爲鉅。似此謀畫周密，籌策萬全，以之偵察敵情，必算無遺策；以之防患未然，則奸宄莫逞。前事不忘，後事之師，所當取爲龜鑑者也。自今以後，凡百措施，均須注重「細密確實」四字，痛下工夫，勿涉浮躁。務要眼光遠大，而又審慎小心，則一切困難，胥可迎刃而解矣。特此誥誡，其各勉旃，是爲至要。

電河北各將領師克在和電 十七年四月十七日

師克在和，古有明訓。去年豫東兩次大戰，韓總指揮復築率部向前，並未有明令受孫總指揮良誠指揮，而該總指揮降心虛己，一切稟受孫總指揮節度，用能全軍一致，大破悍敵。此次大舉北伐，余因須指揮賀方孫二總指揮所部作戰，未能親到河北督師，故任鹿總指揮鍾麟爲北路軍總司令，指揮河北軍事。現河北戰事，日趨激烈，軍隊日增日多，凡各總指揮各軍長，均應取絕對服從，不准退有後言，尤須

內外一致，和好無間。如有不聽命令，雖勝必懲。此次與賣國賊作戰，有賊無我，有我無賊，即至死亡僅存一人，亦不能退；要以滿腔熱血，洗盡國家不平之事。各將領各官兵，尤須有有功歸人，有過歸己之心，遇功利則謙讓，遇危難則爭先。諸弟兄隨余多年，關於學問智識，均大增大進。試觀古今中外，一團體內有不聽指揮，各自爲政，而能成功者乎？有專尚取巧，而不失敗者乎？有能犧牲，有大毅力，而不成功者乎？此三語望弟等深味此意，要將此旨與各官兵深切說明，努力奮鬥，是所至望。

令各軍注意給養戒備四端電

十七年四月三十日

我們是老百姓的軍隊，與軍閥及土匪式的軍隊，迥不相同；必須愛惜物力，整飭軍紀。愈當作戰時期，愈要整飭嚴肅，方能表現革命軍人之真正精神。近查我軍在彰德一帶作戰，發現種種弱點，亟應嚴加糾正。茲特分別述之于下：（一）各軍由兵站所領之洋麵柴草，堆集車站，被窮人婦女，任意偷取，各部官兵見之，毫不禁止。（二）各軍開走後，所餘柴草，委棄滿地，既不載走，又不交還，一任百姓亂搶，不知顧惜。（三）各軍駐彰德之稽查及軍法人員，對於以上情況，不加干涉。遇有閒雜及形跡可疑之人，多不過問；即盤查亦不詳細。（四）彰德西關車站一帶，夜間不設步哨警戒，致戒嚴以後，尚有閒人在街行走。須知給養皆是民間血汗，雖一草一木，亦應愛惜。戒備關係全軍安危，雖一時一刻，亦須小心。合行電仰

遵照爲要。

請各將領以確守命令等八事約束官兵電十七年五月廿八日

現當國難方熾，國賊未除之際，又加以外侮侵凌，至不以人類待我同胞，凡積具人心者，無不痛心落淚，飲恨切齒。但物必先腐而後蟲生，人必自侮而後人侮。我革命軍人若無紀律，對待人民不和平，不恪遵上官之命令，是自侮也。又烏能怪人之侮我乎？玉祥奉命指揮前方各軍之責，小言之，則關係五十萬大軍之生死存亡；大言之，即關係中華民國四萬萬同胞之生死存亡也。才輕任重，心常慄慄。今當大舉進兵，應與諸同志各官兵明定約束數條如次：(一)確守命令，命令不准到何處，則不准去一步；不准作何事，即不能犯一點。(二)認真服從，無論若干萬大軍，均須根據一個思想而行，命令所定，雖赴湯蹈火，也要去作。若得到命令而猶考量局部之利害，或奉行而不用十二分力量去作者，是違背服從命令之真義者也。(三)不有命令，不准離開隊伍。(四)無論進退，均須按命令而行。(五)嚴禁賭博、酗酒、罵人等事。(六)無論攻克城池，及大勝之後，各高級將領，即一刻亦不可離開隊伍，須以全副精神，注重部下之軍紀及警戒等事。面垢不必急洗，衣垢不能急澣。大勝之後，第一大事，即軍紀與警戒，千萬千萬。(七)各部隊對於執法事項，自軍以上，均須有嚴格之特別組織，以維軍紀。各總指揮各軍長，尤須親身

督查。(八)北方皆平原之地，軍行所至，雖一宿或數小時，皆須注重工事，不可稍忽。以上八條，皆為目前最要注意之事，應即嚴格實行。各官長尤須特別注意者，兵法有言：「舍己救人者逆，正己化人者順。」凡自兵要遵守者，官長必先遵守。玉祥身任指揮之責，尤應先行引此自警。樂即飭傳所屬，即一兵一夫，亦須個個明白遵守，為要。

誥前方各將領戒除驕矜電，十七年五月廿八日

我革命軍以大犧牲大無畏之精神，摧破頑敵，威加河北，收復京津，指顧間事，惟當大戰之初，應深切注意者，必須處處小心，處處謹慎，方能策慮周詳，臨陣破賊。萬不可因功而驕，因勝而矜，心驕氣浮，則易失之疏忽，是致敗之道也。諸同志指揮作戰，責任綦重，必須覺得處處不如人，自可戒除驕矜之氣。官兵戰爭時，尤須處處認真整飭軍紀，疲勞之時，猶要鼓起勇氣，方可奮鬥到底，望共勉之。

通令軍政各機關注意防範四事電，十七年六月廿日

查我軍戰前對內對外，一切防範，不乏良規，祇以作戰太久，諸多廢弛。現既戰事稍息，亟應從事整頓，特將應行注意數事列下：(一)游勇閒人，為敗事之媒，在營基或駐防區域等處，一概不准逗遛。所有官兵親友，必須另設招待處所，亦不准留宿營中，免滋流弊。(二)挑撥感情，造謠惑眾之政客匪徒，所在

多有，稍一不慎，爲害甚鉅。務要隨時隨地，嚴防嚴拿，以除隱患。(三)郵電爲交通機關，匪徒常藉以通消息，妄生謠傳，務要認真檢查。(四)前在作戰期間，招募徵發，急不暇擇，以致秀民滑卒，混入行間。要認真洗刷，認真整頓，以期一兵不濫。以上四項，均關重要，各主官務要十分注意，認真去辦，庶免隱患。否則，敷衍了事，不惟等于不辦，而貽害將不堪設想。爲此電仰各部隊各省政府，飭屬一體遵照，是爲至要。

誥孫良誠注意愛民軍紀和平智識四事電

十七年八月九日

山東外交，不久即可解決，屆時或由我軍前往濟南接防，目下應有相當準備。第一，須注重愛民，第二，須注重軍紀，第三，要注重和平，第四，官兵要懂事，要有普通智識。苟能實行愛民，嚴肅軍紀，則無論中外人士，必生欽仰之心，而不意之糾紛，決無因而起。苟能和平懂事，則能忍人之所不能忍，帝國主義者，即將無藉口挑釁。我方以兵力不如人，器械不如人，鍊鋼鍊鐵造藥製器，均不如人，此時若與外人開戰，必受眼前之虧，故須萬分忍耐種種凌辱。古人所謂「忍辱負重」者，此即其時。待將來準備完竣，雪耻復仇，亦不爲晚。昔勾踐辱於吳，卒能沼吳；前賢之事，可師可法。最忌是一種虛驕之氣，我本毫無準備，竟虛而爲實，無而爲有，一切任性，不知忍耐，名爲愛國，實則誤國耳。凡連長以上各官長，個個須澈底明瞭此意，並將此旨，努力講解，俾全體官兵身體力行爲要。

令各將領注意十五事項電 十七年八月二十六日

我軍作戰過久，欠訓練之處太多，長短不齊，勢所難免。急應嚴加整頓，極力刷新，方能戰勝敵人，方能言治兵言救國。茲特將應行注意努力之事，條列於次：（一）繼續努力，處處認真，不貪圖小利，不急急名利。（二）各部隊人馬表冊，必須清楚，不准錯誤。各該軍長師長，在此五月內，每月須親自點名兩次。各項表冊，以一份呈繳本總司令，以一份自存以備考查。所部人員，應認真刷洗，裁汰老弱，及體格過於矮小者。（三）陣亡官兵，應迅速將確數調查清楚，失蹤者，亦須查明，速行陳報，不可稍有遺漏。（四）所有殘廢官兵，均係爲國拚命，奮不顧身，其志可嘉，其情可憫。均應迅速查清，由各該軍長師長親自檢驗，先行陳報，候令送洛以資贍養。（五）受傷官兵，有一次或數次者，均須將記號定明配帶，以資識別。（六）輕病重病各官兵，每日營長至少須查問兩次，應如何治療調養，均須注意。師長旅長，每一個月至少須到病院親查四次，加以撫慰。（七）陣亡者之父兄弟，在本軍服務者，應有特別標識，極力優待，以慰死者之靈。（八）各留守處可不設則不設，必不可不設者，人員愈少愈好。須擇良好軍官佐各一員，一正一副，担負全責。（九）軍需品應萬分愛護，無論單襖棉皮衣服等，不用時，應繳者繳，應拆洗者拆洗。各級主官應負責督率去辦，不可僅交即算了事。現在天氣正熱，要將棉衣拆洗，皮衣晾曬，方可經久耐用。（十）保

存軍械事，極屬重要，往往由保管官兵，留守人員，傳令兵弄出大差池，須知少一件固不可，一犯盜竄，則連累多人，故各軍長官，應親自查考，不可徒靠別人。(十一)軍中縫鞋刺頭拆洗衣服等事，不許令外人去辦，務必令各個官兵自己來辦。各級主官務必注重及此，方可稱善良軍隊，否則，十六旅之成例，必至敗壞無餘。須使官兵人人明瞭，力行効法，應不憚三令五申，嚴厲查考。(十二)軍中第一要緊事，即各級官佐，要打破官僚習氣。先賢有云：官氣加一分，則血性減一分。我輩無論言語起居，均要平民化，兵士化，方配稱革命軍人。(十三)注重精神教育：如曾胡治兵語錄，中山革命語錄，精神書等，每日須規定一定時間，竭力講解，務使一兵一夫，個個澈底明白。(十四)三民主義，建國大綱，建國方略，第一二次全國代表大會宣言，每一官佐均要讀三五遍，然後辦理救民之事，方不致落空。以上十三條，皆根本性命之事，爲成敗之關鍵，其努力實行，不可一點疏忽，至要至要。

語各將領剷除瞞上不瞞下與用人惟奮二惡習電 十八年二月二十七日

我軍連年大戰，各官兵亡的亡了，殘的殘了，傷的傷了，諸種苦況，每一念及，不覺潸然淚下者屢矣。至父母不能瞻，妻子不得養之艱難情形，亦無一刻去諸懷也。惟有時時百般設法，以期解決之耳。除此不計外，本軍有最危險者數事，亦即自尋滅亡之數事，自掘坟墓之數事，諸弟其速覺悟以自救乎！請看

之：(一)瞞上不瞞下也；軍紀非良心上之確守，風紀非知識上之願行，一味盲從，故一經敗仗，兩紀潰亂，禁何事，即犯何事。煙酒嫖賭，只瞞馮一人而已；或只瞞主席一人而已；或只瞞師長一人而已。即此虛假之一事，實爲危險萬分之一事也。(二)用人惟舊，不重人才。今日撤差，明日用之，此間撤差，彼間用之，甚或此革之，而彼升之。不問賢愚，不問品德，不問能否，只問是否舊人。馴至凡百事件，均每况愈下，無絲毫進步，實爲目前危險萬分之第二事也。(三)以上二事，誠爲如火之急事，非等於他事，茲再述之以證實也。如孫良誠、孫連仲之勇之廉；如宋哲元之堅決忍耐，敢作敢爲；如韓復榘之善戰努力；如張之江之勤苦廉潔；如薛子良之之樸實廉敏；如鄧哲熙之忠誠革命，勤苦廉撲，不便多證。之數人者，均爲本軍官佐，均能實踐篤行如此。而今也，詳查旅長以下之官佐，志氣向上，遠慕往哲者，幾如鳳毛麟角，不可多見。夫平時不能識大體，顧大局，明大義，一旦身居高位，將何持以率下？是本軍此刻危險狀況，殆如散兵已散開，而後方無援隊也。近年所出之事，筆難盡數，長此以往，吾人不但非國家之柱石，且將變爲害民之賊，殃民之偷矣。各將領均爲國犧牲身家性命，抱必死之志以救國，因得有今日。如任此「瞞上不瞞下」，與「用人惟舊」之兩種劣根性，盤踞全軍官兵腦海之內，不問事非，日甚一日，將何以對已死之官兵，及自己之初心也。憂痛萬分，筆之於此，盼各將領，大振精神，剷除此二蠹賊，不留一毫一絲也可。

通令不許受人民餽贈電 十八年二月二十九日

革命軍人，以剷除積弊，改造環境爲職責。吾人生此貪污奢靡，民族墜落之社會中，應刻刻提起革命精神，痛自鞭勵，節用愛民，以實現先總理爲民衆謀利益之真精神。惟是人生如逆水行舟，不進則退，非抱定克己節欲之決心，與惡劣環境作不斷之奮鬥，則不免習染墮落，漸爲環境所征服。此余所日夜系念我全軍官兵而未或稍忘者也。今日偶閱老河口商會刊行之商務週刊，其公佈欄會計開支報告項下，列有送禮洋，酒席洋，節敬洋，香火洋，化緣洋，送某副官洋等條。此種舞弊妄費之情形，實足增吾人無窮之感想與痛恨。我輩軍人，不耕而食，不織而衣，一切需用，均係民膏民脂，詎容罔顧民難，縱情揮霍。須知一文錢都是老百姓的血汗，少費公款一文，即減少人民一分負擔。自古廉潔者方配救國，節用者始能愛人。在此貪污奢靡之社會中，我全軍官兵，絕對不許絲毫受人民之贈送。當惕然知吾人所處之環境，與所負之責任，刻刻提起革命精神，在爲民衆謀利益六字上，痛下功夫，是爲至要。

誥韓復榘查改軍中通病電 十八年三月十七日

刪電悉。我軍近來通病有三：（一）目兵有病，無人重視。（二）目兵識字，官長不問。（三）官佐對於盡責任三字太差。此爲目下根本性命之事，望努力查次爲要。

誥劉郁芬注意軍事訓練官長等四事電，十八年三月三十一日

茲有四事，應特別注意：（一）注意軍事，當此國家多事之秋，倏忽變幻，莫測究竟，關於軍事各端，必須特別重視，加緊訓練。未有平時不留意，而臨事能成功者。語云：「兵可百年不用，不可一日不備。」此之謂也。（二）訓練官長，訓練之道，不外提高其知識。若僅能使兵有兵之知識，官有官之知識，尚不足以言訓練，必須使目兵有初級軍官之知識，初級官有中級官之知識，中級官有高級官之知識，方為善之善也。（三）積極準備兵力，語云：「居安思危。」又云：「有備無患。」刻下寧鄂雙方發生戰事，深恐牽動全局，我軍必須秣馬厲兵，如臨大敵，一旦有事，立可動員，所謂未雨綢繆，方可措置裕如也。（四）整頓民政財政：甘寧青三省，壤地相接，息息相關，而寧青設省未久，猶在草創，甘省庶政，亦待興革，凡三省民政財政諸端，亟應妥為規畫，次第施行。着以劉主席郁芬總其成，孫主席連仲，門主席致中，協商辦理，視三省如一省，庶幾相助為理，其效乃著，斯乃根本事業，不可或緩者也。以上四端，皆為目前最要之事，切望努力辦理，是為主要。

誥各將領治兵貴神速秘密電，十八年五月六日

查辦理軍事，承轉文電，最貴「秘密神速」。自古以來，名將治兵，蓋莫不以「神速秘密」四字為

制勝克敵之要訣。本軍近來連年作戰，訓練太淺，各將領對於「神速秘密」四字，太欠講求。以致一事之微，動費時日，一令之發，每經周折，甚或應嚴守秘密之件，竟致人人皆知。長此以往，前途危險，何堪設想。用特諄諄告誡，不憚煩言。須知巧遲不如拙速，凡事三日能了者，務期一日了之。凡事不應發表者，雖父母妻子，亦須嚴守秘密。務養成迅雷疾風動作，三緘其口態度，然後方能指揮靈活，應付一切，至要至要。

誥各將領注重精神教育等四事電 十八年五月二十日

茲將應注意數事，條示如下：（一）注重精神教育：我軍作戰，武器財力，遠不如人，而所向克捷，實各官兵明白主義，精神團結，有以致之。比者國難方殷，各將領對於精神教育，須萬分注重。務使全軍官兵，親愛精誠，團結一心，達到救國之目的。（二）注重單人戰鬥：大軍作戰，戰線延長數百里，時間亦非旬日可了，全賴指揮官指揮作戰，殊感困難，必須人自爲戰，方足制勝敵人。故此時對於單人單槍單砲戰鬥，須切實訓練，注重爲要。（三）官兵須注重政治：我軍官兵，多來自田間，知識短淺，不明白政治，危險實大。各將領須隨時同明白黨務人員，爲各官兵切實講解政治意義，使各官兵明白政治狀況，及世界潮流，時代需要，應先打倒軍閥及帝國主義，然後方能促進統一，俾人民獲享福利。（四）與地方人民聯合一

致：武力須建築在民衆方面，爲民衆之武力，方可與民衆合而爲一，共同打倒一切害民之賊。各將領須特別注意此事，處處愛護百姓，到處與民衆切實聯合，多爲民衆作事，俾民衆明白我軍救國救民之精神。以上數事，極關重要，仰即遵照辦理，爲要。

馮玉祥軍事要電彙編卷五終

卷五

誠勉

六四

# 馮玉祥軍事要電彙編

## 卷六 政治工作

通令每日向官兵講解主義電 十五年九月二十六日

查軍隊精神之修養，全賴乎有主義，主義明瞭後，則人人有正確之趨向，自易成固結之團體。茲將現時亟須注意者三端，略舉如下：（一）國民黨由孫中山先生所創造，孫先生以四十年之經驗學識，全遺留於國民黨，其目的在求中國之獨立，與民族之自由平等。故國民黨為現在救國救民之政黨。（二）三民主義究為何物？（三）為何要取消不平等條約？於我輩有何關係？以上三事，請弟等再三再四，每日與官兵詳細講解，務使自官至兵，均能充分了然。此為最緊急之事，希即切實辦理，是為至要。兄現已被任為國民政府中央執行委員兼西北軍黨代表，知念，並及。

通令每師設宣傳員二十人電 十五年九月二十七日

查軍隊無主義訓練，決不能久戰，務請各手足，對於所部官兵，詳細說明，何為三民主義，何為救國救民，並將現在北京政治種種腐敗，及軍閥之如何賣國害民，一一檢舉事實，痛切講述，必使一兵一夫，

無不十分明白，庶各官兵均知我軍係爲救民主義而戰爭，爲國民革命而努力，則精神貫徹，意氣蓬勃，始成固結之團體，始有勝利之把握。關於此事，每師着設宣傳員二十人，無論何地何時，均須切實講演，希即認真辦理，是爲至盼。

告鄧寶珊須從根本上着力電 十五年十月一日

乾縣鄧師長寶珊仁兄惠鑒。梗電敬悉。思及從前全軍旗幟不明之錯誤，曷勝心傷！我兄爲吾國慷慨好義之第一流人物，數共患難，至爲感欽。弟嘗以爲救國救民事業，既重且大，非集合多數血性真誠之同志，始終努力，萬不能有成。陝中危急情形，已決派兵星夜往援。將來嵩匪消滅之後，凡我同志，均須從根本上着力，將中山主義，澈底認清。學術兩科，以及軍紀風紀，亦必十分注意。方有真正團結之精神，方可完成重大之事業。所謂兵在精，而不在多，正此義也。

通告國民軍特別黨部成立電 十五年十月七日

現本軍黨員，奉中國國民黨中央執行委員會代表于右任同志等各函，令即組織國民黨國民軍聯軍最高特別黨部。遂即着手積極辦理，於上月二十九日籌備成立。所有執行委員，監察委員，候補執行委員，候補監察委員，均於是日大會選出。特電佈聞。

復北京政委會特別黨部已選出執監各委電 十五年十月十六日

庫倫張允榮同志轉北京國民黨政治委員會鑒：來電敬悉。國民黨聯軍國民黨員經中央執行委員于右任允許組織國民黨國民軍聯軍最高特別黨部，由于同志指定籌備委員十四人，於九月二十七日在五原開代表大會，通過提案及議決案多件。選出方振武、劉伯堅、任右民、趙守鈺、王一飛、張兆豐、續培謨、張允榮、武勉之、弓富魁、石敬亭十一人，爲執行委員。盧召亭、張樹聲、孫金宣、何其鞏、白龍亭、張海如、李寶銓七人，爲候補執行委員。馮玉祥、徐謙、于右任、劉驥、史宗法五人，爲監察委員。劉廷森、劉仁輔、李鳴鐘三人，爲候補監察委員。于右任已於九月二十日起程回陝，並聞。

令劉郁芬組織政治部電 十五年十一月三日

吾弟已與甘省國民黨部聯絡，積極研究主義，甚爲欣慰！惟欲求主義之實現，必須注重工作，本部成立之後，即已設立政治部，該部分組織宣傳總務三處，專任全軍政治訓練，及向民衆間之宣傳。前已電請弟處暨各師，均即組織政治部，以便積極進行政治事務。現時組織如何，速盼詳告，是爲至要。

令鹿鍾麟等宣傳二事電 十九年十一月十九日

蘭州劉總司令郁芬弟，五原鹿總參謀長鍾麟弟鑒：查宣傳主義，最足感動人心，實爲現時亟應辦

之事，茲將亟行宣傳者三項，分述如下：（一）何謂帝國主義？凡以資本武力二者，侵略他族以利自己，皆爲帝國主義。英日有皇帝之國家，固是帝國主義；法美無皇帝之國家，亦是帝國主義。（二）雙層壓迫之解釋：我國外受帝國主義之侵略，內受賣國軍閥之摧殘，致全國大多數同胞，求生不得，求死不能，故曰：受雙層壓迫。（三）我軍爲何努力革命？帝國主義者，與軍閥相互勾結，使我民族淪於奴隸境地，若我民族欲恢復真正自由平等，獲得永久和平幸福，便非團結力量，在一個有主義，有力量政黨之下，努力奮鬥，掙斷此種雙層壓迫之鐵鎖鍊不可；故吾人應共同努力，不可猶疑，不容怯懦。以上三者，至爲緊要，茲特僅舉大概之要義，至其充分之解釋，須令宣傳人員，多搜材料，多方譬解，務使各部官佐兵夫，一律了解。奮鬥之精神，最後之成功，胥基於是，務須認真宣傳，是爲至要。

通令注重主義訓練電 十五年十一月二十五日

「主義」爲一種武器；「中山主義」尤爲現在解放中國唯一的武器。我軍既以「革命化」爲口號，自當每一個軍官，每一個兵士，都能深切了解「中山主義」。務使我軍成爲「中山主義」之集合體，在中國革命進程上，盡你我應盡的歷史的使命。凡有主義之軍隊無不勝；否則，無不敗；此已成爲公式。試舉國民革命軍與孫傳芳之軍隊爲例：此次江西戰役，民軍受傷之官兵，無不曰：「你我爲三民

主義爲救國而戰。反之，孫軍受傷官兵，則曰：「我在軍中無事，作出門混吃，實不知道爲何而戰。」已能確切證明矣。故對主義訓練，須盡力爲之，不宜因循從事也。

#### 通令幫助成立農會工會等六事電

十六年二月十三日

國民革命之意義，必須喚醒民衆，使之均有組織，聯合進行，共謀福利。茲有下列數事，應即努力辦理：（一）軍隊須與民衆結合，舉凡保民、愛民、幫助民衆等工作，務須切實力行，使軍隊成爲民衆之武力，則民衆與軍隊自成一體，種種工作，悉易進行。凡我同志，務先從此處着手，猛進，不可或忽。（二）軍中黨務訓練，政治工作，俱屬至要，所有各級黨部，須速組織成立，以便指導規劃。（三）地方黨務，亦須盡力發展，各軍所到達地方，務即幫助各地黨員，迅速組織。縣黨部在物質上，精神上，均須盡力幫助，如給以印刷物品，辦黨經費，及派人指導等等。（四）農民大率散居，漫無組織，致其知識日益落後，其力量無從集中。應速設法組織農民協會，施以主義之訓練，自可增加我革命武力之後盾。（五）木工、鐵工、泥瓦工，各種窮苦同胞之工會，須由駐在軍隊各長官，分別幫助成立，並津貼以經費，以資團結。（六）工人工資太低者，務努力設法增高。須按當地生活情形，以能贍養四口人之費用爲準。務照本部所公佈之臨時勞法動，督促其實行。以上六項，爲刻不容緩之事，務請同志轉飭各部，一致努力辦理，千萬至盼！

通令舉行朝會及政治講演電 十六年二月十四日

查軍中政治訓練，實爲勝敵武器。我軍各部隊，務於每日晨起時，即實行朝會，由各部最高長官，親問「不忘」五條。自午前十時起，迄十二時止，則爲政治訓練時間，計分二次講解。各主管及全體官佐兵夫，非有特別事故，均須到齊。舉凡吾國貧弱之原因，帝國主義者之慘酷與陰謀，北京賣國政府之腐敗，不平等條約之壓迫，吾人何以必須努力國民革命，革命之目的爲何，等等題目，與夫新印發之各種黨政書籍，均須講演透澈。則主義所驅，精神自振，其收效之宏，殆莫能喻。殺敵利益，胥在于此。務請同志督率所部，猛烈進行，是爲至要，是所切盼。

通令協助各地農工團體及黨部電 十六年三月二十一日

查軍隊爲民衆之武力，必須喚起民衆，使之均有組織，共同努力國民革命，然後軍隊人民，乃能聯合一致，革命戰線，乃益堅固擴張。前令促成協助各地農工團體，當已電達。此爲性命根本之圖，務須竭力進行。凡各駐軍地點，如尙未有縣黨部，農民協會，農民自衛團，工會等團體者，應速設法組織成立。其已經成立者，應隨時助其解決困難問題。對於所在地已有各級黨部，尤須與之發生密切關係，遇事相助，俾黨務日益發展，以收以黨治國之效。至於一切辦理詳細情形，並希迅速具報，以憑考查，是爲至要。

告石友三官兵明瞭政治之利益電 十六年四月八日

東電悉。官兵明白政治，可得下列五種結果：（一）每個兵士，都能明白他們爲甚麼要戰爭，爲甚麼要犧牲，所以他們就有奮鬥精神。（二）每個兵士，都曉得他們是爲自己及他們同胞造幸福，所以他們就能忍受最難堪的痛苦。（三）他們深信最大多數的民衆，可以推翻極少數的帝國主義者，及軍閥的壓迫，即革命必能得到勝利，所以他們有百折不撓之決心。他們雖被敵人擄去，還可在敵人中間，做宣傳工作，揭破軍閥的黑幕，使敵人的兵士覺悟。（四）我們的兵士，到處都可以在民衆中，做一個很好的宣傳員。（五）我們的軍隊與民衆，都可以明白本軍的目的，並可以使敵人自起分化。

通告五一勞動節誓詞電 十六年四月二十三日

茲製定民國十六年「五一勞動節」國民軍爲擁護「工農政策」宣誓誓詞，文曰：國民軍是人民的軍隊，人民中最受壓迫者，是貧苦的工人農人。茲屆民國十六年「五一勞動節」，國民軍將出關會師，奠定中原，完成國民革命，特鄭重表示擁護國民黨「工農政策」。馮玉祥、于右任、劉郁芬等，率全軍將士在西安紅城宣誓於全國民衆之前：國民軍全軍一致，在國民黨指導之下，誓死爲中國貧苦工農解放自由而奮鬥，即爲中國民族解放自由而奮鬥，並爲全世界貧苦工農及被壓迫民族解放自由

而奮鬥，不達目的，不止此誓。等語。除屆期本總司令率西安全體官佐目兵，各機關職員，敬謹舉行宣誓式外，望各地全體官兵，各機關職員，如期舉行，是要。祥漾。

通令照料政治宣傳員電 十六年五月一日

我軍努力革命，必須與民衆聯合；而政治工作，實爲喚起民衆之要道，亦即革命發展之最大推動機。果使民衆明瞭本軍革命宗旨，便可隨時隨地，與吾人以莫大之幫助。此次北伐軍連克湘、鄂、贛、皖、滬，敵人望風披靡，皆賴農工幫助之力，亦俱由政治工作宣傳之功。本軍第六路，前在邠縣剿滅黃匪，人民初未明瞭革命宗旨，頗多阻撓，一經宣傳，遂轉而援助我軍，因得勝利。政治工作關係重要，有若此者。此次武漢北伐軍，在前敵上特組織宣傳列車，專任宣傳工作，規模甚爲宏大，亦以政治宣傳，實一種攻心利器；所謂一枝禿筆，勝過十萬毛瑟槍也。本軍即日東進，已派定前敵政治工作團，到前方工作。所有政治人員，皆明瞭理論，努力工作，殊可敬佩。惟其中難免有年齡稍輕，經事或淺者，誠恐各將領士兵，有發生輕視等情事，致妨害工作，引起糾紛。用特電達，務請轉飭各部隊，盡情照料，不可厭煩。此事關係最爲重要，望千萬注意，隨時考查，是爲至要。

通令召集政治工作會議電 十六年五月七日

茲爲整理及推進工作起見，特召集一政治工作人員會議，凡各路各師政治處處長，或代理處長，均須列席。其無處長者，副處長列席，無副處長者，則選派政治員一人出席。在平涼以東，潼關以西之各部隊，均須一律遵辦。限至四月十六日到齊，次日開會，不得有誤。

通令全軍致勝克敵由有黨有主義電 十六年六月三日

各師旅團營長，官佐目兵夫同志均鑒：自本總司令去年九月十七日誓師五原以來，八閱月間，各官兵繞行沙漠，擬定陝甘，最近連克鞏洛，佔領鄭汴。計前後行經萬餘里，大小百餘戰，始克達到會師中原之目的。回憶南口之役，倉促轉進，槍彈兩缺，凍餒交加，傷亡顛沛，困苦悽惶，以今較昔，痛定思痛。茲將本軍此次勝利之原因，爲我官佐兵夫同志剴切言之：夫以言兵額，則奉軍嵩匪，同惡相濟，彼衆而我寡。以言軍實，則敵方重砲，機槍，飛行機，鐵甲車，種種殺人利器，莫不應有盡有；遠非我方可及。以言餉糈，則敵軍夙以擅長賣國，勾結帝國主義，故金錢接濟，源源而來。且敵軍士卒，每次作戰，必多方挾，發雙薪，懸重賞，向以金錢爲拉籠軍心之唯一妙計。視我軍數月不名一錢，饔飧不繼，衣履俱無，枵腹作戰者，固不可同日語。以言交通，則敵軍據有京漢，津浦，京綏，隴海，京奉五大幹路，餉械運輸，朝發夕至，前線需物，得手應心。而我軍則未克陝州以前，專恃騾車駝馬，以資運輸。草料缺乏，餵飼不時，牲畜餓斃，隨在多有。

其便利程度，相去又奚？若統觀軍事上種種客觀條件，我軍實遠遜敵人，而卒能以寡勝衆，以弱克強者，固由於將領指揮若定，調度有方，士兵發揚蹈厲，勇敢善戰，而其根本原因，則以各官兵之腦中，有一中國國民黨及先總理孫中山先生之主義在。因知有黨有主義，故了解努力革命，係爲最大多數貧苦同胞謀最大幸福，每個軍人均有此職責。更了解欲完成革命，必須打倒帝國主義及其工具賣國軍閥；而賣國軍閥，尤應首先剷除，其他革命工作，始有推進之可能。我軍現與奉軍作最後搏鬥，即係消滅唯一殘餘之賣國軍閥，完成革命大業之第一步驟。明瞭上述諸點，故能忠勇奮發，拚命殺敵，摧枯拉朽，寧得謂爲偶然。至我軍官兵，何以知有黨，知有主義，則純係政治訓練所奏奇效。平時各軍將領，及政治工作人員，努力愈多者，則作戰時所表現之成績亦愈大。事是具在，其故一也。其次則「武力與民衆結合者，必獲勝利」一語，亦已於此戰結果，得充分之證明。因我軍此次與奉軍決鬥，其目的在使被壓迫民衆，從帝國主義走狗的賣國軍閥之鐵蹄下，得到解放。故居民衆中最大多數之農工階級，相繼奮起，扶助我軍。本總司令迭據前方報告：我軍每至一地，當地農民，輒扶老携幼，歡迎道左，米麵饋粥，儘量供給，縱不得已而徵發，亦皆無慍色，疾言隴海路工友，則極熱心運輸工作，努力恢復交通，俾我行軍便利。此皆農工熱烈助我之實際表現，而絕不可抹煞者。反觀去年二軍，及最近奉軍，當匪與農工之關係如何，其

故二也。總之，本軍此次所得到之最大教訓有二：（一）軍隊中政治訓練，務須儘量灌輸，必使一兵一夫，皆對黨與主義有澈底之認識，萬不可陽奉陰違。視政治工作爲虛應故事之具。（二）凡本軍實力所及，對民衆務須切實保護親愛。對農工民衆，尤宜推心置腹，儘可能的扶植其勢力，擁護其利益。絕不可橫暴野蠻，失掉民衆同情。玷我夙稱有紀律軍之職責。上述兩事，均係今日萬分緊要之事，尙望各官長深體此意，猛烈實行，最後勝利，定在我軍。特此痛言，千萬努力，是爲至要。

通令每晨講讀政治問答電 十六年七月三日

查國民革命軍第二集團軍政治問答一書，業經刊發各部隊在案。此種無形的精神教育，即是戰勝敵人之利器，無論駐軍行軍，何時何地，均須於每日晨五時半，由高級官集合各官佐兵伕，舉行問答，並須詳明講解，務使個個官佐兵夫，逐字逐句，皆能明白，以鼓勵其拚命殺賊之勇氣。仰即通飭所屬一體遵服。

令孫良誠等對新入伍官兵灌輸主義電 十六年八月卅日

現我軍努力國民革命，對於所部官兵，亟應灌輸主義，使明瞭軍隊與人民之關係，及軍人對於國家應負之責任。仰即將總理遺囑，本總司令就職誓詞，三民主義概要，政治問答等項，對新到各該部之

官佐目兵，分班講演一星期，每日要有三次或四次，每次時間要在一小時以上，由該總指揮軍長躬親到班查考，以示鄭重。講完後，仍將該聽講官兵成績，詳細具報備查，爲要。

通令指定每日應背誦講解書籍電十六年十月三日

本軍努力國民革命，所恃以戰勝敵人，救國救民者，惟在明白政治，了解主義。此種精神教育，當視爲性命根本之事，應特別注意，特別努力。茲規定每日早六時半至七時半，爲背誦講解不忘，總理遺囑，總司令就職誓詞時間。下午四時至五時，爲講三民主義，建國大綱時間。除作戰時期外，每值講誦時間，全體官佐目兵夫，必須人人俱到，其勤務人員，可輪換到會；但須將未聽得者請人補講，以免有缺。餘均不得托故不到。所有開會領導人員及講解人員，均由各主管下令指定，並將姓名具報備查。其各查明遵行，爲要。

通告特別黨部改組電十六年十月三日

國民黨聯軍最高特別黨部，所有執行監察委員，以種種關係，或已去職，或難到會，亟應迅圖補救。前由總黨代表馮玉祥同志，指定何其鞏、曹浩森、郭春濤、許驥雲、張吉墉、黃少谷、任右民、凌勉之、李世軍等九人，組織特別黨部籌備委員會，前後會議三次，決定爲應付事實需要起見，應將國民黨聯軍最高

特別黨部，改組爲國民革命軍第二集團軍特別黨部，由本會會同黨代表，共推定特別委員十八人，候補特別委員十二人，組織特別委員會，分別行使國民革命軍第二集團軍特別黨部執行委員會及監察委員會之職權，至中央頒佈軍隊黨部組織法實施之日爲止。現經推定石敬亭、任右民、何其鞏、李世軍、孟憲章、郭春濤、凌勉之、鹿鍾麟、張之江、張吉墉、曹浩森、黃少谷、馮玉祥、趙守鈺、鄧飛黃、劉驥、劉鎮華、薛篤弼等十八人，爲特別委員會委員。戈定遠、宋哲元、李慶施、李忻、吳錫祺、唐悅良、許驥雲、張枚毅、鄧萃英、劉郁芬、劉景健、簡又文等十二人，爲特別委員會候補委員。石敬亭、任右民、何其鞏、李世軍、孟憲章、郭春濤、凌勉之、曹浩森、黃少谷、張吉墉、鹿鍾麟、趙守鈺、鄧飛黃等十三委員，執行執行委員會職權。戈定遠、吳錫祺、李忻、李慶施、唐悅良、許驥雲、鄧萃英、簡又文、張枚毅等九員，爲候補執行委員。張之江、馮玉祥、劉鎮華、劉驥、薛篤弼等五委員，執行監察委員會職權。宋哲元、劉郁芬、劉景健等三委員，爲候補監察委員。並定本月二十五日下午二時，在總司令部，開特別委員會成立會。除分別通知外，特電奉達，至希惠察。籌備委員會叩。江。

通令督飭官佐目兵夫背誦中山語錄及精神書電 十六年十二月廿八日

查新發之中山先生革命語錄一書，及新改訂之精神書，未識已否領到，各官兵但知補充槍砲子

彈，爲軍中戰勝要着，不知明白主義，補充犧牲精神，尤爲要緊。中山語錄及精神書，須督飭各官佐士兵，人人能背，個個能講。「義明則議定，議定則膽壯。」自可臨難毋苟免，趨義則爭先矣。

通令每晨舉行六個問答電 十七年三月三日

此次我革命全軍，大舉北伐，動員百數十萬，戰線之長，東至大海，西迄絕漠，經魯蘇，沿長城，貫通察綏，延及蒙古，約有四千餘里，實爲中國空前之大戰，亦即爲我革命軍事全同生死成敗之大關鍵。玉祥得與諸同志各官兵，在一個戰區，共患難，共生死，以與賣國軍閥拚命奮鬥，實爲最痛快，最欣幸之事。諸同志各官兵，久歷軍旅，歷年苦戰，諒已洞悉革命救國之真諦，與此次大戰之關係。應抱定「有賊無我，有我無賊」之決心，以與賣國軍閥拚死命也。茲規定六種問答口號，于清晨點名及有機會時，由各高級軍官及各級帶兵官，領導問答，念茲在茲，以振奮殺敵之精神。口號列下：(一)問：你們是什麼人的軍隊？答：我們是老百姓的軍隊！(二)問：你們爲什麼要打仗？答：我們要爲取消不平等條約，誓死拚命！(三)問：你們要打誰的？答：我們要打帝國主義的走狗，賣國軍閥張作霖張宗昌！(四)問：你們要打到什麼地方去？答：我們打到濟南去！打到北京去！打到山海關去！打到東三省去！(五)問：你們抱定的決心是什麼？答：我們抱定的是「有敵無我，有我無敵」的決心！(六)問：你們預備好了沒有？答：早就預備好了！

了！望各高級帶兵官長，務使各官兵，各同志，個個均能將上述口號要旨，澈底明白，切實實行，達到目的，至要至要！

通令實行朝會程序電 十七年三月廿六日

此次革命軍數十萬衆，剷除殘餘賣國軍閥，實爲完成國民革命最緊要時期，凡我國民革命同志，應萬衆一心，加倍努力，提高革命精神，使人人奮發蹈厲，聞鷄起舞。茲規定在本軍管轄範圍以內各部隊，及軍事機關，凡有兩人以上者，無論在何地點，均應一律舉行朝會。除政治問答，中所載之不忘並舉行最近頒發之六個問答外，茲復規定節省子彈口號八則，仰即遵照呼問：（一）不見敵不放（二）瞄不准不放（三）不到三百米達以內不放（四）隨便放槍，就是劣種（五）子彈放完，千金難買（六）有槍無彈，槍成廢物（七）二十粒子彈，打翻山海關（八）一粒子彈，當作全軍團體性命看，問完口號之後，再行講話。自今到之日起，即應切實遵行，毋得瞻玩，是爲至要。

通令每日宣讀誓詞電 十七年六月一日

本總司令茲頒布革命軍人誓詞如下：我們是三民主義的信徒，我們是三民主義的實行者。人民是我們的主人，是我們的父母兄弟姊妹親戚朋友鄉鄰，我們應誠心誠意，實實在在的，愛護他們，幫助

他們，恭敬他們。並且決心除去一切烟酒嫖賭的惡習慣，真勤，真儉，吃苦，不怕死，來救國救民。我們若有一件不誠心誠意去實行，就是反革命，就應受國法，特此宣誓。等語。此項誓詞所有本軍官兵，自總司令至伙馬夫，每日均須高聲宣讀兩遍。宣讀時間規定如次：（一）每晨朝會在間不忘，以前由官長率領宣讀，官長讀一聲，大眾循聲讀一聲。（二）每晚在唱朝起歌以後，亦由官長率領，循聲宣讀。（三）宣讀誓詞辦法，自十七年六月一日起實行。本總司令所以鄭重頒布此項誓詞者，良以我國內憂外患，交迫而來，吾人目前祇有兩條路可走：其一，是咬牙切齒，不惜一切犧牲，誓死救國。其二，是醉生夢死，苟且偷安，甘心做亡國奴。我輩革命軍人，獻身黨國，為打倒賣國軍閥與帝國主義而拚命流血，自然是走第一條路。要走第一條路，必須有決心與恆心；宣誓所以表示有決心，每日早晚朗讀誓詞，所以表示有恆心。此舉於激勵士氣，關係絕大，各將領務必深體本總司令沉痛鄭重之意，切實施行，是為至要。

# 馮玉祥軍事要電彙編

## 卷七 軍政

通告權就陝督電十年八月二十七日

奉國務院有電內開：「閻督出缺，奉大總統令，特任馮玉祥署陝西督軍。此令。等因。」聞命之下，惶悚無地。玉祥不學無術，忝縮軍符，時艱莫補，負咎已深。閻督軍老成重望，尙因財政軍事之棘手，二十餘日夜不成寐，卒至身殉。玉祥何人，敢邀非分。業由玉祥電請政府，另簡賢能，並舉有功民國之張將軍紹曾，繼任陝西督軍在案。惟地方安危，關係綦重，不得不暫行竭力維持，勉盡軍人之分。適於本月二十七日接印署事，謹電奉聞。

### 就職陝督後致靖國軍于胡聯絡電

三原于總司令右任仁兄，胡總指揮立生仁兄大鑒。閻督出缺，奉大總統令，特任馮玉祥署陝西督軍等因，奉此。適於本月二十七日接印視事，呈報中央在案。惟弟學識淺薄，隕越堪虞。素叨鑒愛，尙望教言時錫，以匡不逮爲盼。特電奉聞。弟馮玉祥叩。

### 呈辭陝督電

陝省兵匪蹂躪，數年於茲，變亂相尋，民不堪命，撫此子遺，舍休養生息外，無他道也。然欲求休養生息之道，非先靖匪氛不可。玉祥到陝以來，即以清匪安民爲職志，蓋非此不足以救陝。閩前督坐鎮省垣，玉祥得率所部，實行除暴，以靖亂源。不意閩前督感於軍事財政困難，發志以終，遺此鉅艱。委諸不才。在當時事起倉卒，誠恐省垣人心不定，故奮不顧身，由咸陽馳往長安，暫維秩序，公誼私情，自問殊難退避。至封疆重寄，非學識宏通之大員，斷難勝任。祥本武人，不學無術，半生戎馬，終日與士卒爲伍，性相近也，亦分所宜也。政府統馭全國，封疆大吏得人，何患國家之不治。祥則非其才也。以祥督陝，譬猶驅鷺于桀，顛墜立見，祥縱不足惜，其如陝局何。政府如欲平定陝局，伏望查照前電，迅選賢能，接替督篆，俾祥得馳驅行陣，以盡才力而報國家。祥現仍募營，以備一旦有事。躬率士卒以前驅也。耿耿愚忱，伏乞垂察。臨電不勝悚惶待命之至。

### 通告就援直陝軍總司令電

十一年四月二十六日

奉張稱兵畿輔，危及國家。玉祥奉令率隊出關，今日午後七時，各部隊先後到達洛陽。玉祥即於今日就援直陝軍總司令之職，特電奉聞，等候明教。

呈報解除總司令並取消國民軍名義電 十三年十二月十二日

竊玉祥猥以菲材，謬竊軍符，十餘年來，馳驅疆場，雖屢効勞於國家，無補時艱於萬一。此次班師言和，原本良心所驅使，冀救國家之危亡。國民軍之編組，係爲謀軍事上統轄指揮之便利，本一時權宜之計；胡軍長景翼、孫軍長岳，又推祥爲總司令，而協力以副之，雖自視才力薄弱，勝任良難，然義旗共舉，不敢不勉盡職責。幸天心厭亂，大難削平，和平可期，解甲願遂。鈞座出任艱鉅，國家大計，賴有主持，軍事既戢，國民軍名義，自應速行取消，並宜解除總司令職權，俾隊伍直隸中央，以資統轄。除將國民軍名義即日取消，電達胡孫兩軍長外，謹肅電呈，伏乞垂察。

通告就國民軍聯軍總司令職 十五年九月十七日

廣東國民黨中央執行委員會，國民政府，武昌國民革命軍總司令部，暨全體將士，北京國民黨政治委員會，各省國民黨省黨部執行委員會，上海國民黨特別市黨部，天津國民黨特別市黨部，各省社會團體，各報館，均鑒：玉祥本工人子，幼貧失學，及長，痛國勢之凌夷，爰發憤以從戎，遭逢時會，歷縮兵符，蒿目國艱，妄思建樹，祇以識不足以救國，學不足以撥亂，動遭橫逆，令人扼腕。乃欲以謙沖恬退之行，化貪暴賤張之輩，潔身下野，去國遠遊。詎意帝國主義，賣國軍閥，相互利用，毒熾益熾，國將不國，可爲哀痛。

茲者，中山主義，驅我歸來，因全軍將士之公推，於九月十七日在五原宣布就國民軍聯軍總司令職。並與全軍將士，鄭重宣誓於國人之前曰：國民軍之目的，以國民黨之主義，喚起民衆，剷除賣國軍閥，打倒帝國主義，以求中國之自由獨立。並聯合世界上以平等對待我之民族，共同奮鬥，死生與共，不達到目的不止！此誓。除另具佈告及詳細宣言外，特此電聞。

請二軍將領勸鄧寶珊就職電 十五年十一月二十日

蘭州劉總司令，轉西安李督辦虎臣兄，楊師長，史師長，田師長，衛旅長，姜旅長，丑旅長，王旅長，黨旅長，甄旅長，姚旅長，李旅長，馮旅長，吉旅長，王旅長，劉旅長，何旅長，胡旅長，大鑒：陝事方殷，諸君協力苦撐，予堪敬佩！茲爲進擊敵人，貫徹我輩主義計，因任寶珊兄爲我第二軍總指揮，以期與諸同志一致奮鬥，早將敵禍剷除。務請諸同志爲黨國前途計，迅勸寶珊兄尅日就職，以利進行。除徑電寶珊兄外，特電奉達，至祝努力！

覆于右任前方一切均歸孫良誠主持電 十五年十二月十六日

乾州于同志右任大鑒：魚電敬悉。孫良誠總司令，率領大軍，案中作戰，所有前方一切，均着歸該總司令主持；若千里請命，貽誤實多。惟須斟酌敵方情形，可攻即攻，可守即守，方爲至妥。此間相距較遠，不

過根據前方報告情形，略示一時應付辦法。刻正催後方各軍各師，星夜前進中。特此奉覆。

授張維靈陸軍上將銜電 十五年十二月二十六日

當東方戰爭劇烈之時，孔張乘機，合謀叛亂，連兵省垣，肆虐兩隴。當此之時，我軍存亡，在於呼吸。該師長忠義激發，奮其英武，鼓勵部曲，身先突陣，破狄道之寇，解省城之危，繼復爰整師旅，奠定隴南，平寇之日，七鬯不驚。信我軍之柱石，為國家之棟梁，凡茲功勳，宜膺懋賞。茲代表國民政府授張維靈陸軍上將銜。該師長其益奮勉國事，答茲崇典，所厚望焉。除呈國民政府備案外，特電知照。

令孫連仲組織偵探隊電 十六年二月二十五日

當軍事進展，大局變遷之際，該路進出商南一帶，地形情況，均極複雜，應萬分注意，使用偵探，務求靈活。應由該總司令，組織偵探一隊，數六十名；一等偵探，每月四十元；二等偵探，每月廿四元。仰即組織，並將辦理派遣情形，報告為要。

呈報就第二集團軍總司令職電 十六年三月二十日

萬急商州飛轉漢口，分呈中國國民黨中央執行委員會，國民政府鈞鑒。頃接劉處長佳電，敬悉特任玉祥為第二集團軍總司令，等因。玉祥謬以幹材，猥承鉅任，當此國民革命勢力，方與帝國主義及賣

國軍閥作最後搏戰之時，凡屬本黨黨員，革命戰士，悉應力赴使命，完成革命事業。所有本黨決議案，及政府命令，均應敬謹服從。玉祥遵於本日在西安，就第二集團軍總司令職。誓率本部將士，共同奮鬥，務期剷除一切反動勢力，鞏固黨國之根基。除第二集團軍編組，另行呈報外，謹電馳陳。

令劉驥轉呈漢口國府軍事佈署情形電 十六年四月十九日

此間現已下全部動員令，其部署如下：（一）第十五路總司令徐永昌，統所部及九路井岳秀之一部，兵數約八千人，槍約五千枝，由陝北及磴口渡河，假道晉境，以出娘子關。（二）陝西各方面爲中央軍，由余親率方振武、孫良誠、韓復榘、馮鴻達四路，馮治安、劉汝明、韓德元三師，騎兵兩旅，共兵數六萬一千人，槍四萬一千七百枝，砲八十門，機關槍三百架，迫砲一百零七門，已在銜尾出發。（三）南路軍以岳維峻爲總司令，統率李雲龍第八路，衛定一第十二路，及舊二軍各部，兵數約二萬八千人，槍一萬九千枝，由盧氏洛寧向洛陽前進。此路尙在準備中，因積習已深，調動難期迅速。（四）第十四路孫總司令連仲爲右路，打通陝鄂交通，進出龍駒寨荆紫關一帶，兵數一萬人，槍八千枝。（五）漢中吳新田之十六路張耀樞師兩旅，已令其向內鄉浙川一帶開拔，現該部先頭已進至洵陽白河一帶。以上五條，爲本軍部署情形。此間接奉軍渡河攻擊鄭州消息，亟欲出關，從棗陽虎牢攻其側背，以與北伐軍共同作戰，藉收夾

擊之效。惟以劉鎮華、張治公兩部，橫阻陝洛，不得通行。疊經派人勸說，彼等一味敷衍，不得解決。欲以武力肅清，又恐兵勢一交，延長歲月。現決計調集大軍，開至靈寶閿鄉一帶，推其前進；一面仍設法勸說；俾在短時間內，達到會師鄭州之目的。又晉閻方面，表示與我方聯絡，在運城趙村組織辦公處，並表示獨自担任京綏方面。故我北路軍，宋總司令哲元所部，尙期待機姿勢。望即分別向中央政府陳述，爲要。

賀劉鎮華就職電 十六年四月二十一日

巧電諷悉。同志文武兼資，才識俱偉。辛亥起義，已樹先聲；息壤有言，不渝初志。求三民主義之貫徹，慷慨誓師；會八方風雨於中州，勛猷冠世。抑歧英烈，曷勝欽遲。當此奉軍屢挫之時，正我同志會剿之候，相期努力，俾早肅清。展誦好音，特伸賀悃。

令各將領遵照編組七條辦理電 十六年四月二十一日

本總司令奉中央國民政府命，特任爲第二集團軍總司令，業於號日分別呈報，及通告就職在案。茲制定本集團軍編組及作戰使用方面，分條列示於左：（一）中央軍由第一、第三、第四、第五、第六、第十三、共六路，又獨立第五、第十、第十一、三師，騎兵衛建衡集團，騎兵第五師，騎兵第二旅，砲兵徐廷瑗旅，組成之。由本總司令親自指揮，集中靈寶、潼關、華陰一帶，經洛陽向鄭州前進。（二）東路軍總司令劉鎮華，

以第二十三、第二十四、第二十五、第二十六，共四路組成之。擬定該軍由孟津渡河，向河北京漢路方面活動。(二)南路軍總司令岳維峻，由第八路、第十二路、田生春師、猴天相師、何金昇、丑彥俊、胡景銓、張德樞、康振邦五旅組成之。集中盧氏、雒南間，經洛寧向洛陽前進。(四)右路軍總司令孫連仲，由第十四路馬克齊旅、馬斌旅、姚震乾旅組成之。集中龍駒寨、荆紫關一帶，担任保護陝鄂交通。將來張耀樞師，開到鄧縣內鄉一帶，擬令編入該軍，經南陽向鄭州前進。(五)左路軍總司令徐永昌，由第十五路及第九路之一部組成之。由陝北磧口渡河，經太原出娘子關。(六)北路軍總司令宋哲元，由第七路及獨立第一、第八、第二十二、三師組成之。集中指定地點待命。(七)其餘未動員各部隊，均着在原防加緊訓練，候令出動。除呈報國民政府外，仰即分別遵照，此令。馮玉祥馬。

令孫良誠等組織七個方面軍電 十六年六月十二日

鄭州孫總指揮良誠同志，靳總司令荇青同志，新鄭許昌探送方總司令叔平同志，寧夏宋總司令哲元同志，藍田商州一帶探投岳總司令西峯同志，西安于總司令右任同志，蘭州劉總司令郁芬同志，鑒：查軍事委員會規定集團軍之編制，每集團軍下，應有方面軍之設置，並應遵照組織，以符定制，而利作戰。茲在本集團軍下，設置七個方面軍，叙列如次：(一)第三路總司令孫良誠所部，着編為第二集團

軍第一方面軍，孫良誠爲總指揮。(二)保衛軍總司令靳雲鶚所部，着編爲第二集團軍第二方面軍，靳雲鶚爲總指揮。(三)第一路總司令方振武所部，着編爲第二集團軍第三方面軍，方振武爲總指揮。(四)北路軍總司令宋哲元所部，着編爲第二集團軍第四方面軍，宋哲元爲總指揮。(五)南路總司令岳維峻所部，着編爲第二集團軍第五方面軍，岳維峻爲總指揮。(六)駐陝總司令于右任所部，着編爲第二集團軍第六方面軍，于右任爲總指揮。(七)駐甘總司令劉郁芬所部，着編爲第二集團軍第七方面軍，劉郁芬爲總指揮。除已呈由國民政府軍事委員會議決照准外，合行令仰即日遵照辦理。任命狀另發。馮玉祥。文。

#### 告劉鎮華中央軍及本軍部署情形電

十六年四月二十四日

號電奉悉。按無線電所得消息，乃敵方造謠，毫不足信。此間前日接漢口電稱：國府已下討奉命令，區分全部軍隊，爲兩集團軍。特任蔣介石爲第一集團軍總司令，祥爲第二集團軍總司令。第一集團軍統四方面軍：第一方面軍總指揮何應欽，第二方面軍總指揮程潛，第三方面軍總指揮李宗仁，第四方面軍總指揮唐生智。每方面兵數五軍至七軍。總預備隊總指揮朱培德。第一方面前敵總指揮爲白崇禧，第二方面前敵總指揮爲陳調元，第四方面前敵總指揮爲靳雲鶚。並令唐生智所部，於本月十五號

以前，集中汝寧駐馬店一帶。第三方面已達蚌埠；第一第二正在銜尾由津浦線北進。囑我軍即日出關會師。並令閻百川同時出兵抄敵後路等語。祥即於昨日遵令，就第二集團軍總司令職，將本集團軍編組，並部署如下：（一）中央軍直轄六路又三師，騎兵四旅，砲兵一旅，由祥親率，經靈陝洛陽向鄭州前進。（二）吾弟任東路軍總司令，直轄四路，擬請由孟津渡河，繞攻京漢路鄭州之後方。（三）南路軍總司令岳維峻，直轄兩路又兩師及五旅，集中維南，經盧氏洛陽前進，已令開始動作。（四）右路軍總司令孫連仲，直轄本路及三旅，又漢中張耀樞師，集中龍駒寨荆紫關一帶，經南陽向鄭州前進。左路軍總司令徐永昌，直轄本路及第九路之一部，由陝北假道晉境，出娘子關，攻敵後路，大部均已過河。（六）北路軍總司令宋哲元，直轄第七路及三獨立師，集中寧夏石咀子，待令出發。以上六條，爲我集團軍出動部隊部署情形。至於閻同志方面，早有協議，我方兵至洛陽以東，伊即在敵後方發動，情志堅決，毫無變更。中央各部軍隊，均已節節出發。應請我弟從速部署作戰，爲要。

令各部隊用人須循正軌電 十六年六月廿四日

我軍自十三年以來，關於賞罰升降兩項，時有不當之處。查賞罰升降，爲軍中用人大政，理應切實講究，不能稍有疏忽。鹿總司令鍾麟，前在北京時，常以軟弱不合兵格者升司書，由司書而排長連長，或

由司書而升副官。孫總指揮良誠所任用之謝天祥一員，由兵士而司書，而排長，而軍需軍械。此次又復委爲開封煙酒公賣局長。錯綜混雜，不循正軌，殊屬冠履倒置，賢愚不分。非特無以循名督寔，抑且不足激勵羣衆。以之辦軍隊固不可，以之辦地方事尤不可。嗣後帶兵軍官如排長連長等，以由正目出身，或由正式軍事學校出身者爲正當。凡未當過正兵正目者，一概不准充連排長。此次軍事政治學校學生畢業以後，猶令人伍當兵，其餘更應嚴格，自不待論。合行令仰切寔遵照，自經此次通令以後，如再發生上項用人不當等情事，一經查出，定行嚴辦。并着將奉到此令日期電覆備核。此令。

通令隨時呈報人馬槍械數目電

十六年六月二十六日

查人馬槍械數目，及官兵之升調革補，均屬軍中要務，關係統計整理各事，必須日日查考，隨時呈報，方能有確切之調查。惟自作戰以來，因軍事龐雜，無暇及此，未免擱置。爲日既久，遂致於械彈之充否，兵力之多寡，以及編配整頓各情形，均難統計。不徒影響作戰，抑且害及兩紀。惟查騎兵第五師趙師長守鈺，雖當軍事旁午之際，猶能對於一兵一夫一彈一械之微，或詳報無遺，或先期請示，足徵辦事認真，殊堪效法。刻值休養補充，對於類此各事，亟應切實整理，詳密陳報。尤應十分重視考查，以期整頓爲要。

通令發給離職官兵執照電

十六年六月二十六日

凡本軍官佐兵夫，因傷因病離職，各該管長官，應隨時給與離職執照，叙明事實。自後如無此項執照，不論原係何師何旅，概不准重行錄用，致干查究。

通令設置副軍師旅長電 十六年八月二十四日

國民革命，日益進展，自旅長以上各高級軍官所擔之任務益重。且經戰既久，遇有傷亡疾病公差及別項事故，往往主持無人，貽誤軍事，實匪淺鮮。茲遵照中央軍制，自旅以上至師軍方面軍，各設副總指揮、副軍長、副師長、副旅長一員。平時則佐理軍務，遇有特別事故，即可代理主官主持一切，不至倉皇無主，致滋貽誤。其階級與主官並行，所屬各官兵應一致服從。凡發行公文，並由其副署，以便襄贊。除分別辦理外，望即轉飭所屬一體遵照。

告劉鎮華免靳雲鶚職詳情電 十六年九月六日

前在徐州，兄與蔣總司令會商解決山東辦法，兄力保荐青與弟，皆可擔任，祇因荐青魯人，是以決定先調荐青。並議俟該部出發後，由介石同志，與以接濟補充。乃蠢電調前赴濟寧方面，荐青竟以無款為辭，當經四次撥給五十四萬元，另畀現款十萬元，冀早開拔。此時魯南兗州臨城間，正在劇戰。膠東陳以葵同志，義師亦起。荐青一出，魯事即可不成問題。詎料久無音信，致誤良機。不得已復畀以山東宣撫

使，並令節制魯南各軍，以一事權。而荐青仍遲遲以款彈不足對，乃復撥給款彈各十萬，願出發日期，依然渺茫。我魯南軍隊，遂以勢孤受挫，致失徐州。至此始按前議，改請吾弟担任援魯總司令。雖吾弟慨任鉅艱，提師出發，已難爲力，可爲浩歎。在初兄意，荐青容有困難；及後乃知其因兄以命令調動爲不合法，致負氣作色，並怪兄事前不與商量。兄以荐青素性好大，既不相諒，祇有深自愧汗，爰派信使前往解釋，處處自責，事事相商，而荐青終不開拔。及後傳有徐州克復之信，荐青乃遣安軍長俊才來此，表示獨力解決魯事，惟希望出發時，與以款彈各兩萬。兄當一一認可，請其放心，決不使稍感困難。不料安君返滬，而出發音信，又復寂然。荐青與兄老友，兄因不敢以部曲相視，既不出發，即可作罷，何必過強。詎意荐青倒行逆施，不可思議，竟勾結孫傳芳、張宗昌，陰謀反動，秘約以蘇皖歸孫，直魯歸張，北京歸奉，荐青佔豫。並定本月十日與張宗昌裏應外合，夾攻我軍。一面運動許昌、臨潁、長葛、潞河各縣紅槍會兩萬餘人，先擾豫省。在漯河大集會時，荐青當衆演講，詆兄毀兄，無所不至；並當場散發印刷品，聲言必將兄打倒，顯明與兄爲敵。並囑使李振亞進兵密縣，冀截斷隴海路線；同時濟寧之敵，日見逼近。查郟城有孫張代表，常川駐在，證據確鑿，無能爲諱。近更變本加厲，扣留鄭漢往來列車，情跡顯著，益復無所忌憚，破壞革命。若再姑息容忍，必致危害黨國。蝮蛇螫手，壯士斷腕。當斷不斷，反受其亂。處此局勢，不得不拋却私誼，忍

痛一割，以顧大局。不得已於魚日免荐青職，以馬軍長吉第繼任，秦軍長德純副之。荐青與兄相處有素，偷能翻然覺悟，仍當互相提攜，以共盡力於革命事業也。所有始末情形，吾弟諒已深知，特再縷陳苦衷，請轉告所部將士，並賜教益，無任切禱。

委馬吉第秦德純爲第二方面軍總副指揮電，十六年九月六日

許昌馬軍長桂府同志，遂平秦軍長德純同志鑒：靳雲鶚益次抗令不遵，貽誤戎機，陰結敵人，肆謀反動，業經免職。茲任命馬吉第爲第二方面軍指揮，秦德純爲第二方面軍副總指揮，仰該總副指揮，即日就職，率領所部，駐柘城鹿邑待命。該總副指揮，須知身爲國家將領，應以黨國爲重，個人爲輕。毋以情誤法，勿以私害公，謹守軍紀，効忠黨國。本總司令一律以手足相待，決無岐視。並曉諭部曲，咸明此意，副余厚望。仰即遵照，並盼電復。

令免靳雲鶚職電，十六年九月六日

第二方面軍總指揮靳雲鶚，違抗命令，貽誤戎機，勾結賣國軍閥，及各處潛伏匪徒，蓄謀反動，逆跡昭著。若再曲予包容，必將貽禍黨國。靳雲鶚着免去本兼各職。其第二方面軍總指揮一職，著由馬軍長吉第升充，並令秦軍長德純爲副總指揮。該員自此次免職以後，應即閉門思過，力改前非，仍當念其前

勞，隨時錄用。幸勿怙過不悛，終身莫遣，致負本總司令曲予矜全之意，是所厚望焉。

### 令鹿鍾麟等編制鋼甲車電 十六年九月十日

茲規定每鋼甲車一列爲一隊，每隊設隊長一員，統率一列車之事。即以現有之鋼甲車，分爲平等隊，自由隊，博愛隊等等，合爲一團，劉團長自珍總其成。該團長應速親來，以便面告一切。

### 呈報中央改組各方面軍電 十六年九月二十二日

洛陽無線電拍南京石廟口劉總參謀長菊村弟，熊總參議哲民弟，譚呈國民政府軍事委員會鈞鑒：竊職軍各部隊，自會師鄭徐以後，即遵照中央所頒軍制，改組爲各方面軍。如次：（一）第一方面軍總指揮孫良誠，轄第三、第四、第五、第二十二、共四軍。（二）第二方面軍總指揮孫連仲，副總指揮閻得勝，秦德純，轄第十四、第五十九、第二十三、共三軍。（三）第三方面軍總指揮韓復榘，副總指揮張聯陞，轄第六、第三十八兩軍。（四）第四方面軍總指揮宋哲元，轄第七軍及其所部四師。（五）第五方面軍總指揮岳維峻，副總指揮鄧寶珊，轄所部五軍。（六）第六方面軍總指揮石敬亭，副總指揮吳新田、井岳秀，轄第九軍、第十一軍、第十六軍，及駐陝各師旅。（七）第七方面軍總指揮劉郁芬，轄駐甘各師旅。（八）第八方面軍總指揮劉鎮華，副總指揮鄭金聲，轄其所部各軍。以上各方面軍，自編定後，正值黨國多故，該

總副指揮等任事至今，作戰已久，於指揮系統，兵力配合上，極稱便利。敬請核與任命，明令發表，以重職責，而資策勵，不勝待命之至。

請梁壽愷力疾視軍電 十六年十一月十一日

蒸電誦悉。同志歷年苦戰，勞瘁已極。然革命未竟全功，大慙猶肆猖獗，尙非吾輩休息時也。前以同志屢請暫息，深念病軀周旋，困苦艱難，良覺不忍。姑許舉人自代。繼而思之：臨敵易將，兵家所忌。大戰在前，吾兄其爲黨國，力疾視軍，共除頑敵。身旣許國，病於何有。昔韓弘與力疾從軍，吾人服膺黨義，其可不必以此自免乎。所請以韓副軍長占元自代一節，應毋庸議。特復。

令陝甘各將領嚴緝田玉潔電 十六年十一月十一日

黃得貴、韓有祿，兩逆受張作霖、張宗昌委任，擾害秦隴，荼毒地方，企圖破壞北伐後防，搖動革命陣地，極惡窮兇，罪在不赦。本總司令除暴安良，責無旁貸，爰整師旅，分途痛剿，原期掃穴犁庭，除惡務盡。乃該田玉潔，竟敢公然收其餘孽，圖謀不軌，實行反革命之行爲。查該田玉潔，梟獍成性，久蓄逆謀，盤據三原，龐然自大，招收叛逆，魚肉人民。及第六軍奉令開拔出關，路經三原縣境，竟視等仇敵，拒絕入城。本總司令寬大爲懷，原不惜曲予優容，冀其改悔。乃竟變本加厲，收納黃韓，陰謀叛逆，顛覆黨國。似此禍國殃

民殊屬罪無可道。着將該田玉潔十一軍軍長職，即行罷免，遺缺以第十一師師長馮毓東補充。並一體嚴緝田逆，務獲究辦，勿任倖逃爲要。

通令將新兵另行編制訓練電 十六年十二月二十七日

近來各部隊補充之新兵，多混于舊隊，立即發槍，隨同作戰，固可稍壯軍氣；然是等新從田間招來之兵，其知識必不足，其技能更缺欠，且分子複雜，良莠不齊，以之作戰，決難堅忍沉着，殺敵致果。若不大加訓練，強使赴敵，勢必千里之堤，潰于蟻穴，危險曷堪設想！特此嚴令所有新兵，務另外編制成團或營連，不得使參混于舊隊中，庶教育既甚方便，使用尤能應手。望即遵照切實辦理具報爲要。

令石敬亭等速籌辦教導團電 十七年一月二十一日

鄭州劉總參謀長菊村弟，鄭州洛陽探投石總團長敬亭弟，西安李參謀長興中弟鑒：查本軍人材，極感缺乏，四方羅致，極爲不易，惟有自己趕緊培養，以應急需。無論如何窮困，即甚至于衣不蔽體，食不果腹，皆屬可行；獨于教育費用，決不能省。茲着財政司，撥給教導團經費兩萬元，交由石總團長，趕緊將該團設備完全，速辦真辦，努力籌備。何日可以開學，望即呈報，屆期余當躬親赴洛察看也。

通令添設副連長電 十七年一月二十一日

查連長爲親兵之官，關係重要。往往不幸傷亡，指揮即感困難。着每連添設副連長一員，由各主官迅速由排長中選拔具保。又各副軍長，副師長，副旅長，副連長等，其階級雖與正者同，惟階級章之黑屋均應改用白色，以示區別。仰即轉飭遵照，迅速辦理爲要。

通令不准沿用顧問參議諮議等項名目電 十七年一月二十七日

本軍努力國民革命，力圖政治刷新，而刷新之惟一要着，必須國無曠官，使公家無冗員，官無曠職，而所司無廢事。庶幾凡百事務，無一不改良，無一不進步，則蒸蒸日上之中，政治自有刷新之望矣。近查各機關暨各部隊，往往任意設置閒散人員，甚至有顧問參議諮議各名稱，徒膺虛名，無補實際，殊與革命精神有碍。茲規定各總指揮部各軍部，應添設人員之名稱及額數，分列如下：（一）各總指揮部准設參贊四員。（師旅長階級各二員）（二）各軍部准設參軍四員。（旅團長階級各二員）此外無論何機關，何部隊，概不准沿用顧問參議諮議等項名目，位置閒員，以示限制。除分行外，仰即飭屬一體遵照，爲要。

馮玉祥感。

令前方各將領派員參與新鄉會議電 十七年六月十三日

茲擬召集參謀軍務聯席會議，着各總指揮部及獨立師，關於歷次作戰，各部隊官兵陣亡受傷病

亡等項人員數目，及消耗彈藥軍械損失數目，並所獲戰利品各種械彈種類數目，分別迅速列表，並各派參謀長或主任參謀，及軍務處長或軍務主任，務於六月二十日以前，攜帶前來新鄉與會。並將出席人員姓名，預行電告，爲要。

通令委任鹿鍾麟劉郁芬爲前後方總指揮電十七年七月二十一日

北伐告成，由軍事時期，而進於訓政時期。關於本軍全軍各部隊，亟應有專員負責分轄，以便整頓。茲規定如下：（一）在陝甘兩省駐紮之部隊，統歸劉總指揮郁芬管轄，及負責整理。（二）在河南山東及現在直隸境內前方作戰之部隊，統歸鹿總指揮鍾麟管轄，及負責整理。仰即轉飭所屬分別遵照辦理，並報告備核。

通令派鹿鍾麟劉郁芬爲勦匪總司令電十七年八月二日

照得治軍之道，固以紀律爲先，而控馭之方，尤以統系爲重。統系明，則如身之使臂，臂之使指，運用靈活，指揮如意，方能收戰勝攻取之效。本總司令前爲事權統一起見，以鹿總司令鍾麟爲豫魯剿匪總司令，豫魯軍隊均歸其指揮。劉總司令郁芬爲陝甘剿匪總司令，陝甘軍隊均歸其指揮。曾經通令有案。刻因于役京師，不克與官兵時常見面，爲此重申前令，所有豫魯軍隊均歸鹿總司令鍾麟節制，陝甘青

甯軍隊，著統歸劉總司令郁芬節制；以一事權，而明統系。除通令各省駐軍遵照外，仰即認真訓練，勿稍懈弛，是爲至要。

向中央政治會議陳報二事電 十七年八月二十一日

竊按目下國內軍事，有極可顧慮者兩端，謹分條列陳於左：（一）北平方面，軍事情形，至爲危險。白總指揮崇禧，歷電報告困難，並請辭指揮前敵軍事之責，其間爲難情形，必有不能盡述者。查現在北平方面，駐軍人數衆多，統系又極複雜。有一集團軍者，有二集團軍者，有三四集團軍者，又加以新收之衆，其統兵將領，如白崇禧、方振武、陳調元、劉鎮華、徐永昌、徐源泉、傅作義、商震等，皆名位相埒。既無明令規定統一指揮，各部隊調赴期會，即難齊一。軍事成於一，敗於二三。唐九節度之師，潰於相州；李光弼、郭子儀，皆名將，然以指揮不統一之故，竟同陷於敗挫，而無法自救。今日北平方面各軍之情勢散漫，較之唐相州九節度之不相統一，且又過之；實屬危險萬分，應請設法補救。（二）山東方面殘敵，迭奉蔣總司令面諭及電令，責成玉祥統籌辦理，責掃清該省殘敵之責。但山東境內，軍隊駐紮極多，統系各別。關於統一節制，既未有所規定，則軍事即無法整理，作戰更困難實多。究竟如何之處，除電請國府軍委會蔣總司令核示外，一併報陳鈞會鑒核。以上兩條，關係軍國大計，心所謂危，又以責任所在，未敢緘默，特電陳

告所核示祇遵。

通告派員點驗人員槍械馬匹電十七年八月二十六日

現當大戰之後，軍隊亟須整理，茲分項規定如次：（一）派鹿鍾麟爲全軍點驗人員槍械馬匹委員長，劉郁芬爲副委員長，切實點驗各部隊人員槍械馬匹等項。如有一切切實，保存得法者，重獎之；設有虛冒及保存不力，喂養不周者，當以軍法從事。（二）關於學科之考查分三項：（甲）曾胡治兵語錄，中山語錄，精神書三書，各官兵務必努力研究，務求能背誦，能瞭解，茲派曹總監浩森，郭副委員長春濤，赴各部隊切實考查。官長以一人爲單位，兵士以一連爲單位。（乙）派鹿總指揮鍾麟，吳處長錫祺，考查各部隊刺槍射擊劈刀三項。（丙）派孫總指揮良誠，虞處長典書，考查各部隊體操跑欄阻兩項。以上各項點驗考查人員，均於九月十日以後出發實施。在是日以前，仰各部隊切實認真準備。成績好者，除特別獎勵外，並從優給賞。成績劣者，則從重懲罰，決不稍寬。仰即轉飭所屬各官兵，一體切實遵照。

通令不准留編年齡幼稚兵士電十七年八月二十七日

頃奉軍事委員會敬電開：查軍隊作戰，首重精神，士兵精神，基於體力。前見各部隊招募士兵，間有以幼稚兒童，身材弱小者，濫竽充數，殊背整軍經武之道，曾經本會通電限制在案。茲值各部隊縮減軍

隊，汰弱留強，恐仍不免有將幼稚兵士，再行編入情事。茲特明白規定：所有編留之現役士兵，應擇其年齡在十八歲至二十八歲，身材在一米突六十生的以上者爲合格，即希飭屬一體遵照，等因。合再轉電，仰即轉飭所屬，切實遵照，並加考查爲要。

通告全軍認真縮編電 十七年八月二十九日

余應中央執行委員會之召，即日晉京。所有駐魯豫陝甘各部隊，業經分別電令，責成鹿總指揮鍾麟，劉總指揮郁芬，節制整理在案。當此舉國裁兵之際，各將領務須澈底明瞭，重在實際，不尙虛僞，一本非裁兵不能救國之真意，認真刷洗，切實裁併。須使練一兵，能得一兵之用；編一師能有一師之力，方足表現我輩革命軍人之真精神。萬勿徒尙虛名，無補實際也。特電遵照。至開封政治分會，及河南省政府主席職務，仍由鄧委員哲熙代折代行，並告。

呈報國府岳維峻部自由行動不聽編制電 十七年九月十二日

竊查職軍第五方面軍岳總指揮維峻，自去年五月率部由陝南東出荆紫關以來，以所部分子複雜，逗留於襄樊葉苑之間，遲迴不進。迨平津克復，北伐完成，玉祥因將所部，切實裁汰，以符中央縮編之令。一不追其逗留抗命之罪；二不問其勾燮作亂之罪；無他，以其爲國民軍之同志也。故電令岳總指揮

維峻，將該部縮編爲兩師；該總指揮，當已覆電遵辦。既而其部屬張萬信、姜宏樞、李振藩、田生春等部，因軍紀凌亂，在鄂北譁變，被第四集團軍包圍繳械；該部因又減少萬餘人。乃復電令其改編爲一師，以鄧寶珊爲師長，該總指揮即可前赴中央，或來河南省政府供職；又一面派職部副官長許驥雲，面達此意。該總指揮初本表示服從，繼復請改編所部爲六旅；正在往返電商之際，詎該部突然離駐馬店東開，據報將入皖境，究竟何往，至今未得確息。伏思玉祥遵照中央命令，按一定標準，儘量減裁。該總指揮所部人數槍數，本屬無多；又加以老弱及不良分子，居其大半，即一師之額，亦有未足。今該部忽竟自由行動，不聽編制。爲此謹將前後經過，肅電奉聞，究應如何之處，伏乞鑒核示遵。

通令切實裁編軍隊電 十七年九月二十一日

我國近來軍隊龐雜，軍費浩繁，以致民窮財盡，疲於供應。此次裁編軍隊，即爲減輕人民負擔之意。現當着手實行之際，各將領務須細體此旨，努力整頓，抱定精兵主義，切實編併。每營至少要有五百人，槍械須在四百枝以上，所有冗員弱卒，一律裁汰，不准因循敷衍。內部不加革新，不惟虛糜餉糧，一旦有事，必至貽誤戎機，關係綦爲重大。其編餘官佐，應送洛陽上學者，即速送往，以資造就。裁汰老弱，應分別資遣者，即應早日送走。仰即切實遵辦具報爲要。

與薛篤弼論岳維嶸部改編辦法電十七年九月十三日

號馬兩電悉。介公意岳部仍按原定辦法，由鄧寶珊同志改編一節，余極贊同。惟岳部將領，桀驁不馴，西峯已失指揮能力，能否俯首就範，恐尙未可知耳。岳部在石家莊之兩旅，及遵令開汴之賈自溫旅，均已改編就緒，並由他部撥款補充，以示優異。余惟誠待西峯，西峯乃遽有異動，誠憾事也。便謂將弟詳陳介公，爲要。

再令切實縮編軍隊電十七年十一月五日

本軍自縮編以來，雖經厲行裁減，而餉糈所需，仍極拮据。加以豫陝甘三省亢旱成災，民困已甚，籌措款項，萬分困難。而中央政府方面，又不能源源接濟。全軍數十萬官兵，不但不能發餉，並維持日常生活，亦爲萬難之事。因此之故，各將領務須深體此意，將所部多多切實裁汰，以減輕人民負擔。刻下業已縮編之部隊，應再就老弱幼小及不安分者，切實淘汰。其有逃亡及撤差之空額，概不添補。必須在「要少要好」四字上，特別注意，使國家養一兵，得一兵之用。此即所謂兵貴精不貴多之意也。望各切實辦理，並將辦理情形隨時具報，爲要。

通令取精兵主義電十七年十一月十六日

本軍迭令縮編，並嚴禁招補在案。當此國家財政萬分艱窘，民生計萬分困苦之際，必須養一兵得一兵之用，並使精兵主義，深映於一般官長之心目中，刻刻不忘。目前最緊要之事，爲：（一）所有革逃死亡及因故出缺，概不准補人。（二）無論已縮編未縮編者，均應隨時查考，刷洗淘汰，務要求精求少。（三）務要多方搜尋學識兼優之訓練官，拚命教育，方有進益。（四）機關槍及砲之效力最大，須設法增加；對於射手之養成，及器械之保管，尤要注重。（五）官兵多多練習瞄準，及實彈射擊，若能彈不虛發，一連一營，可抵一團一旅之用。（六）地雷電網，及各種電器科學，將來作戰用處最廣，應多多練習講究。（七）完全注重戰鬪教練，攻擊追擊退却各動作，要多作多講，用長時間教練，萬不可徒作無用之操練，求形式上之好看。各將領能於以上各點，躬親倡導，努力進行，方不致使軍隊腐化，悞國悞民也。仰即飭屬凜遵，是要。

通令切實裁汰電 十七年十一月十八日

查本軍官兵，苦戰連年，餉精困難。現在軍事告一結束，對於全軍餉項，自應通盤計畫，以資分配。惟按現在收入計算，每月非再增加收入八百萬，難言關餉。而環顧地方人民困苦流離，萬難再事羅掘。刻下惟一辦法，祇有確遵中央縮編之命，於無可裁減之中，再行極力裁減，以維現狀。茲再通令辦法如下：

(一)無論官長目兵，遇有缺額，不准再補。(二)所有火夫，概行取銷。(三)須由各師旅長，半月點名一次，老弱者極力裁汰；俟無可再裁之後，再恢復按月點名之規定。以上各事，均爲切要之圖，仰即切實進行，勿稍因循，是爲至要。

通令依據冊籍切實整理電 十七年十一月三十日

大戰之後，軍政各端，亟應整理。欲求軍隊走上軌道，必須由注重各項冊籍入手。所有人員馬匹軍械各種表冊，以及軍需簿記賬目報銷等項，均須切實整理，統按規定辦理，然後行政經理各端，方可有所依據。必須行政經理各端，入於正軌，方可稱爲國家正式軍隊。此事萬分重要，應由各級長官，負責督飭辦理。除飭軍政處，印發各種冊籍表式，以資一律外，望即飭屬一體遵照，爲要。

令各師長裁汰老弱電 十七年十二月十六日

國家養兵，原爲捍國衛民。兵強則國強，兵弱則國弱，此爲不易之理。本軍歷年作戰，補充太快，未能切實整頓訓練，以致軍隊風紀日壞，士兵體力不充，危險萬分。現值全國縮編之時，亟宜拚命刷新，裁汰老弱，以副國家養兵之旨。鹿總司令鍾麟，程師長希賢，自奉令以來，整頓所部，極爲得力，裁兵認真，大有進步，殊堪嘉尚；着各記大功一次，以示鼓勵。各師長帶兵有年，須知兵在精而不在多，要少要好。國家有

好軍隊，乃是國家之福。望深體此旨，努力整頓，是爲至要。

任命石敬亭爲師長電，十八年一月十一日

大戰告終，各部隊應積極整頓，努力訓練，以免日見廢弛。兼第二十師師長韓復榘，已調任河南省政府主席，政務繁多，實難兼顧，韓復榘着開去師長兼職。茲任命石敬亭爲第二十師師長，仰將全部開赴洛陽，竭力訓練，俾成勁旅。除任命狀由汴頒發外，仰即遵照，尅日分別交接，並將交接情形具報爲要。

通令整頓馬匹電，十八年一月一日

現值整頓軍隊之際，無論人員馬匹，均應切實汰弱留強，期成爲國家有用之軍隊。用特通令各該部，隊凡所屬之騎兵、砲兵，着由該管長官查明所有馬匹，壯而能用者則留之，老弱不堪用者則賣之，以充虛費餉糈。除分令外，仰即切實遵照，並將辦理情形具報爲要。

通令填發護照應註明限期電，十八年二月廿四日

近查各部所發護照，往往祇填限回日或到日繳銷等字樣，而不限定日期，致時發現冒名借用情事。亟應切實取締，以杜流弊。爲此電達各部，嗣後填發護照，務須註明限期。其定期在三個月以上者，並應附粘領照人二寸像片，以便稽查。仰即遵照爲要。

通令舉辦教導團射擊隊電 十八年三月十四日

茲有二事，亟應舉辦：（一）軍士教導團：查頭目爲軍隊之基礎，必須嚴加訓練，以期養成下級幹部；應於每連中挑選頭目一名，組織之。（二）射擊隊：查射擊術極關重要，若不能精熟準確，直是虛耗子彈。着各該師每師組織射擊隊一隊，每隊百人，每人每日儘入粒子彈射擊。以上二隊，凡未成立者，應即成立，專歸師長管轄，由全師營副團副中擇優派爲隊長，提起革命精神，認真實行。並將辦理情形具報，爲要。

通告各部隊成立編遣辦事處電 十八年三月十六日

本總司令部遵照中央編遣會議議決，已於十五日撤消，並於十六日成立第二編遣區辦事處。所有各部隊及各軍事機關，在三月十五日以前領借款項，以及服裝，仰即作一結束。其餘存之款項、服裝及各項軍需物品，應於十六日分別移立新賬，仍須接續辦理。並將移過數目，分別具報備核爲要。

通令改訂各師番號電 十八年五月二十日

所有各師番號，應即分別改訂，以示一律。着將李興中師改爲第一師，梁冠英師改爲第二師，程心明師改爲第三師，魏鳳樓師改爲第四師，石友三師改爲第五師，張自忠師改爲第六師，田金凱師改爲

第七師，張維靈師改爲第八師，馮治安師改爲第九師，張允榮師改爲第十師，吉鴻昌師改爲第十一師，孫連仲師改爲第十二師，龐炳勳師改爲第十四師，馬鴻逵師改爲第十七師，井岳秀師改爲第十八師，馬鴻賓師改爲第二十二師，席液池師改爲騎兵第一師，鄭大章師改爲騎兵第二師，趙席聘師改爲騎兵第三師。各師均按三旅制，旅號依次排列，如第三師轄七八九旅，餘依次類推，缺者空之。團號各旅均仍按一二三團編制。望即遵照，爲要。



# 馮玉祥軍事要電彙編

## 卷八 軍需

駐防信陽時向中央索餉電十年五月廿一日

職旅糧秣告罄，迭電請領，迄今未蒙明示。現在兵丁呼飢，騾馬就斃。伏思大總統總理為全國軍人之領袖，亦曾親總師干，彼時固未聞有一年不發兵餉之事。玉祥夙緣旃幟，亦未承不發餉之明訓。今以無餉而養兵，試問從來有此辦法否？且兵士尚可責以大義，令其顧廉恥，重名譽，甘心餓死，以報殊恩。然若騾馬非能言語之物，胡可以責其重名譽顧廉恥以自效？伏乞大發慈悲，速賜撥濟，則騾馬有生之年，當感大德於不朽。

駐防陝西時向中央索餉電 一 民國十年

陝省財政，困難萬狀，叠經電稟在案。頃得探報：陳樹藩反攻長安，已見動作，而勾結岐鳳之郭堅餘黨，暗來關中腹部各地，有事則起而內應，無事則乘間竊掠，擾害閭閻，純以土匪行為，使陝境永無宵息。為主義。我軍餉費全無，兵有饑色，派兵剿辦，動則用款，坐視擾亂，為害匪淺。陝匪不能早日肅清，則陝局

不能早日統一，陝局一日不統一，則財政愈難整理。財匱匪衆，民困兵饑，其危險有不堪設想者。切盼眷念陝局之危急，速籌數十萬餉費，以救目前之困。先清郭部之匪，無使滋蔓，以爲陳逆利用之資。腹部之匪廓清，用全力以直搗漢中，陝省前途，庶幾有考。總之陝省財政，久已羅掘俱窮，我軍兵士年餘無餉，夙夜焦思，其危險重大，莫過於此。萬請迅速設法維持，以救倒懸，不勝盼切待命之至。

駐防陝西時向中央索餉電二

陝省兵餉缺乏，士卒枵腹，各將領奔走撫慰，日無暇晷。陳樹藩退居漢中，正謀北進，軍事吃緊之際，軍中有絕糧之憂，此軍事之可危者一。省垣金融恐慌，達於極點，富秦銀票，每兩只合大洋八角，滙復日低落，錢行數百餘家，一律感受困難，銀根愈行緊迫，漢中榆林兩屬之三十餘縣，除附近省垣十餘縣外，其餘各縣，縱有少數收入，早爲該縣駐軍撥用，我軍餉項，遂致籌無處籌，借無處借，此財政之可危者二。陝省大亂連年，元氣斷喪殆盡，喘息未定，瘡痍未復。加以各方軍隊星羅棋布，偶有開拔調遣，車馬取之於民，糧秣取之於民，一切軍中所需零星物件，無一不取之於民，其他水雹地震水災盜賊之害，層見叠出，嗟哉秦民，誰能堪此，此人心之可危者三。綜茲數端，均屬目前險狀，維持補救，刻不容緩。伏望迅予籌撥鉅款，以解眉急，急不擇言，伏維諒察，臨電悚惶，無任盼禱。

駐防南苑時向中央索餉電 二十二年五月廿七日

大總統鈞鑒：接奉暗個兩電，敬悉鈞座對於職軍欠餉，已蒙飭院迅速籌撥，感荷之私，深銘肺腑。惟職軍欠餉太多，異常窮困，目兵之枵腹難堪，且夕之斷炊可慮，情同涸轍，危若倒懸。務祈鈞座格外關垂，早日撥發，以資接濟而救燃眉，不勝馨香禱祝急切盼仰之至！

駐防南苑時向中央索餉電 二十二年五月三十日

國務總理鈞鑒：竊玉祥所部各軍，以數萬之衆，駐紮近畿，餉糈莫繼，困苦情形，曾經迭電籲懇，俯賜維持；自應靜候，不宜再事瀆請。惟職部官兵，無火無炊，即在目前，既羅掘之俱窮，復籌維以無計，再無接濟，委實難支，一再瀆陳，勢非得已。伏乞我總理督飭財政陸軍兩部，迅予籌撥，勿再延緩，俾應急需而維現狀，臨電不勝切急！

駐防南苑時向中央索餉電 二十二年五月三十一日

國務總理鈞鑒：竊玉祥所部各軍餉項，積欠已多，米糧菜蔬，無款購辦，曾經電陳聽聽，並懇俯賜維持，諒已仰邀鈞鑒。查職部以數萬之衆，駐紮近畿，既不可一日無糧，復不可一日無款。現在款既告罄，糧無隔宿，再無接濟，勢將斷炊。玉祥忝縉軍符，親此情形，能無焦急，不得已再行瀆請，伏乞轉飭財陸兩部，

迅予撥發，俾救眉急而維現狀，不勝迫切待命之至！

令劉郁芬籌備服裝糧秣電 十五年九月廿一日

蘭州劉督辦郁芬鑒：查本軍此次物質上損失甚重，現正力圖補充軍械及電料化學物品。惟服裝糧秣現款，須在甘省多籌，如皮衣須四萬身，鞋襪須八萬雙，其他如米麵麩料現洋布料等項，均賴充分接濟。甘省究能籌辦若干，請弟多方精密查明，務即設法迅速預備，並盼早日詳細電覆。此事關係根本，千萬切實辦理，至盼至要。

令劉郁芬速送款項軍裝電 十五年九月三十日

感電誦悉。上海匯兌之款，既已與蘭商安定承匯手續，先匯二十萬元，甚好。望速照辦。承匯字號，及在滬如何交款，盼即電示，以便逕電曉東菊村接洽。至棉衣二萬套，及弟籌措之款十萬元，連同皮衣鞋襪，因候用孔急，盼飭即日裝運，趕程解到。由蘭至寧，請隨從酌派官兵押令來五，道途不靖，以多派官兵為宜。上岸需用車輛，已飭預備。在磴口甯夏間採辦處屯積之麥米豆三十萬斤，應暫存原處備用，為禱。

令劉郁芬等趕速製備皮棉服裝電 十五年十月四日

蘭州劉督辦蘭江弟、寧夏邵道尹、蘭坡弟鑒：昨電囑備方弓兩部服裝，諒達。茲按全軍酌定補充數

目，共需棉衣皮衣鞋襪各四萬五千份。第一批由蘭所運之棉衣皮衣鞋襪等項，俟運至寧夏時，應儘先留發第五軍方部，第六軍弓部，皮衣各四千件，棉衣鞋襪各五千份；俟到寧後，即行發給，以利遠行。餘均陸續運來五，以備分發各軍。其孫師應需皮衣五千套，棉衣二千套，鞋襪五千雙；修師應需皮衣三千套，鞋襪五千雙；應俟到省，再行補充。劉師應需皮衣二千五百套，棉衣四千套，鞋襪四千雙；俟到寧夏就地籌辦補充。除以上入甘各部，共需皮衣壹萬八千五百套，棉衣二萬一千套，鞋襪兩萬四千雙外，此間部隊尚需皮衣二萬六千五百套，棉衣二萬四千套，鞋襪二萬一千雙；望即趕速製備，早日運五。至補充服裝數目詳表，交趙處長席聘帶去備查。籌辦情形如何，仍盼隨時電告爲要。

通令甘省各機關各縣速籌給養電

十五年十月十四日

爲電令事：查本軍以努力國民革命之故，轉戰經年，士卒暴骨於郊原，將領忍飢而赴命。現值隆冬將屆，朔風凜冽，兵士單衣露戍，凍澈肌膚，每一念及，心痛淚下。雖云爲主義而戰爭，犧牲在所不懼；然此種堅忍奮鬪精神，凡屬身爲官吏，誼切同胞，應如何警惕乃心，奮勉互助，乃竟有苟安舊習，因循不振，甚或貪婪無厭，苛割平民，幾不知斯時何時，所司何事。若不加以懲治，何以服衆。本總司令爲整飭綱紀起見，特派孫師長連仲，兼任國民軍全軍總軍法官，凡屬道尹以下各官吏，如有貪贓收賄不職等情事，一

經查明確據，即予拿辦；分別輕重，槍決禁錮，以昭炯戒！至此次本軍陸續入甘，所有經過各縣，沿途兵站，務須星夜趕辦，供支一切。即鄰近各縣，亦應悉力幫助，無分彼此。餉糈萬急，應由全省各縣儘力籌濟，不可拘泥常法，藉口塞責。除分行外，合亟令仰該縣遵照，勿稍遲延。

告劉郁芬官兵困苦情形電 十五年十月十七日

查我軍自轉進以來，屯集荒瘠之區，當敗軍之際，值危難之間，物質上之損失，異常鉅大。至於今日，死亡者未葬埋；殘廢者未痊愈；傷者，無人診治，無藥調治；而未傷未死者，又無衣無食。當此塞外秋寒之際，朔風凜冽，霜雪紛飛，露宿官兵，一層單衣，猶且破爛不能盡體，更無論帽與鞋襪。每一念及，心爲之碎。革命事業，貴在努力奮鬪，苟不安爲培養整頓，誠恐朝氣日益消沈，更何能望其進步。故補充軍需，實爲今日最要之圖；而補充之地方，非吾弟在甘力任其難，別無他法。以上係此間困苦實在情形，吾弟想尙未悉其詳，特以奉告，俾知真況，是所至禱。

令劉郁芬速製皮衣運送五原電 十五年十一月十八日

寒電悉。甘省近來，交通阻滯，布料缺乏，辦理服裝，不免困難。此種情形，兄所深知。現因天氣寒冷，緩不濟急，已在綏包兩處，趕做棉衣陸續補充。由蘭所運之棉衣二萬套，除在寧發給方劉兩部外，下餘一

萬餘套及款項，須多派官兵押運來五。又擬馬日起運之小皮衣一萬件，棉衣二千件，大皮衣三百件，併望速運來五。約計棉衣數目，當可敷用，吾弟可不必再作棉衣。惟請再速製皮衣四萬五千件，早日起運前來，以資禦寒，而利戎機。現在吳孫失敗，時局日趨佳境，我軍一到潼關，此間即可進展；若無皮衣，何能作戰？時機緊急，稍縱即逝，愈速愈妙，並盼電復。

令劉郁芬等籌辦米麪接濟軍食電 十五年十一月二十二日

我軍在西安作戰，官兵異常勞苦。聞因給養缺乏，皆食小米稀粥，殊深焦急。望速由平涼長武一帶，百般設法籌辦米麪，星夜向前方源源輸送，以資接濟，而恤兵艱，千萬千萬，並盼電覆。

請于右任徵發米麪以恤兵艱電 十五年十一月二十二日

三原于總司令右任，乾州鄧總指揮寶珊兄勛鑒：現時前線官兵，與敵激戰，異常勞苦，自應格外矜恤。乃聞每食僅恃小米果腹，飢腸輾轉，尚須苦撐；此不惟不足增加奮鬪之力量，且亦不合同甘共苦之精神。務請同志在三原乾州與平各處，百般設法徵發米麪，以及其他給養材料；並在咸陽附近設立大規模之兵站數處，以免各官兵困苦飢餓，是所至盼！弟即日西行，並以奉達。

令劉郁芬籌款送陝接濟軍用電 十五年十一月二十三日

據孫總司令良誠電，我作戰官兵，異常勞苦。陝中將領，意見不一。所有一切給養，無處可籌。萬分困難。務請我弟迅籌現款十萬元，送至前方，以濟眉急，是爲切要。

告孫良誠等已專人籌辦款項糧秣接濟電十五年十一月二十三日

咸陽孫總司令良臣弟，馬總司令少雲弟，方總司令叔平兄，劉師長汝明弟，孫師長連仲弟，鑒：前方官兵勞苦，給養困難，遠道聞之，深爲焦灼。刻已飛飭劉總司令籌措款項，並由長武平涼一帶輸送米麵，接濟前方。一面派平涼孫道尹福田，兼任前方兵站總監，尅日移駐乾州。所有前方接濟一切事宜，均歸其完全負責辦理，特電查照。

令鄭金聲等運分軍裝電十五年十一月二十三日

包頭鄭總參贊振堂兄，張處長允榮弟，徐軍長次辰兄，石總司令友三弟，韓總司令復架弟，陳總司令希聖弟，魏總軍需官宗晉弟均鑒：據王旅長玉亭養電稱：由甘運來二、三兩批服裝，業已抵臨。惟河水結冰，船筏不能行走，現已卸存河北岸茂義成院內待命，等語。查黃河初凍，結冰常薄，已電飭撞冰前進，不知能否如願？倘船隻實不能行，此項服裝分配數目表，已寄交魏總軍需官宗晉查照，屆時由各部就近赴臨取運。其餘大皮衣一千八百件，小皮衣一萬件，棉風衣一千二百件，棉衣一千一百套，布鞋三千

二百雙，均應運包分發。惟此間車駝缺乏，應由各軍按照應領數目，用自有車輛，或在包徵發車駝，派員專責之隊伍，到臨接運，以期迅速。其開拔各部隊，可俟開至臨河時再領，特達。

令李鳴鐘劉驥請國府接濟款項電 十五年十一月二十三日

查本軍經濟困難，物質缺乏，已達極點。此次援陝各軍，陸續前進，除孫總司令良臣所部，已與敵激戰十餘日外，現加入前線者，有馬鴻逵師，劉汝明師，孫連仲師，方振武軍，均在西安城下鏖戰。敵我兩軍，均增數倍。而馮治安師，韓占元韓德元師，韓復榘一路，亦正在陸續前進，需款之鉅，難以言狀。務請我弟切懇國民政府，將近兩期接濟之一百四十萬元，火速設法領滙，以濟眉急。並請國民政府源源接濟，以免困難，是爲至要。

令劉郁芬速籌克復西安賞款十萬元電 十五年十一月廿八日

竊午感未感辰三電均悉。嵩匪潰敗，長安解圍，無任欣慰。所有此次援陝官兵，勞苦功高，前曾懸賞十萬元，應速照數發給，以資鼓勵。望飛速籌湊。茲派李參謀長興中，前赴長安犒軍，先到蘭州領取此款，即日送交孫總司令良臣，方總指揮振武，查收分發。並將籌齊解送日期電覆，切盼切要。

請廣州國府接濟軍餉電 十五年十二月三日

包頭張處長允榮弟鑒：茲致譚組庵一電，請抄密稿派人秘送，文曰：廣東國民政府譚組庵同志，並轉諸同志勛鑒：迭上函電，想達左右。國民軍現已解除長安之圍，追擊部隊已過渭南華陰，即當佔領潼關，預備會師中原之計劃。現以軍事言之，誠屬良好現像；惟經濟物質問題，實與軍事有密切之關係。國民軍自去冬討奉之役，始爲楊村天津之戰，次爲滄州灤州大沽之戰，又次爲北京附近黃村之戰，均與強敵作劇烈之戰爭，屢次損失傷亡，殆不可以數計。而南口之役，戰期三月有餘，戰綫自多倫至雁門，長達千有餘里，損傷之多，尤難縷數。卒以敵人三倍於我，物質無法補充，不得不自動轉進。同時，張兆鈺、孔繁錦等，進攻蘭州，當極猖獗時，逼城不過二十餘里；經劉郁芬總司令死戰力追，乃得收復平涼天水。而第二三軍自豫出關，被圍於陝者，已逾半載；此次遠道馳援，連下汧隴、寶雞、鳳翔、興平、咸陽、三原、富平等處，即與嵩匪鏖戰於西安城下，凡三十餘日，始得解除西安之圍。且陝省自今歲四月間，即受嵩匪蹂躪，在野者村舍爲墟；在城者羅雀掘鼠；其因飢餓而死者，枕骸相望。以我一二三五六軍之衆，不下三十萬人，臨此荒瘠之地，不特不能就近籌取給養，且須待糧賑濟；近於無可設法之中，仍須撥現洋二萬元，由于右任同志辦理急賑，以免陝中人民無有嗷類。至於赴援之部隊，由包頭而寧夏，而平涼，而西安，道路之長，不下二千里，沿途沙漠，水草稀少，人烟寂漠，又多風雪，即屬坦行，亦覺艱難；何況強敵在前，尙須奮

鬪？每念現時血戰之官兵，無食無衣；以及以前傷亡之袍澤，未醫未埋，不禁肝腸寸斷。況所負使命，不過實現什一，仍應努力進行，報效黨國。似此情形，經濟問題之解決，實爲目前萬分緊要之事。回憶南口覆轍，誠恐因此牽及大計，致使革命之時間延長。是以特電再陳，務請國民政府，將已允撥之款，火速滙來；以後仍予源源接濟，以救眉急，是所切禱。玉祥現次宵夏，即當馳赴前方；南中情形，并盼電告。

覆聞承烈勿畏難電 十五年十一月三十日

包頭聞總監承烈弟鑒：艷電陳述艱苦各條，閱悉。查困苦艱難，爲吾人所應受，所願受者，須打破一切，從無法中設法；萬不可只說難，只說不好辦，絲毫無補於實際，望勉之！此覆。

請譚延闓徐謙接濟軍餉電 十五年十二月四日

包頭張處長允榮弟鑒：茲致廣州譚組庵徐季龍兩同志電文各一道，望設法分送爲要。（一）廣州國民政府譚組庵同志，並轉諸同志勛鑒：玉祥回國以來，積極努力革命工作。對於軍事方面，刻已解西安之圍，不日當親率大軍，東出潼關，與北伐諸軍，會師中原。但西北地廣人稀，貧瘠萬分。合一二三五六軍之衆，人約三十萬，給養困難，已達萬分。渴望諸同志源源接濟，俾將士無慮飢寒，努力革命。將來南北合勢，即不難將革命之障礙，一鼓蕩平，而竟革命之全功也。臨電神馳，不勝企禱。弟馮玉祥支。（二）廣州

徐同志季龍兄鑒：我軍於九月杪奠定平涼後，即實行援陝，轉戰而前，於上月中旬，連克乾州邠州而至咸陽。時劉鎮華圍困西安之兵，約五六萬。我軍即從速集中兵力，於二十四日施行各路總攻擊，及二十七日日上午四時，遂將敵軍完全擊潰。現已分道追擊，前鋒已過華陰，師行順利，至爲革命前途喜。惟西北地瘠民貧，陝西一省，歷年重遭兵燹，其痛苦實不堪言。目下我軍合一二三五六軍有三十萬之衆，無衣無食，飢寒交加，尙復荷槍苦戰，忍痛奮鬪。弟忝爲統將，觀此情形，寢食不安。敬懇我兄與同志諸公，設法接濟，俾全軍將士，恩懷挾纊，努力革命。將來東出潼關，會師中原，革命之障礙，當不難一鼓蕩平也。不勝企禱之至！弟馮玉祥支。

請南昌國府與中委會速撥協款電 十六年二月六日

迭電歷陳此間困難詳情，計均得達。甘陝兩省，素稱瘠區。本軍自南口轉進以來，服裝糧秣，全由甘肅一省支給，捉襟露肘，殆不堪言。近因力解西安之圍，僅關中一道，已集大軍十五六萬，加以及其他各部，統計全軍三十餘萬之衆，即以火食一端而論，所費已屬不貲。況西北苦寒，禦冬之服裝燃料，需款尤爲大宗乎？竊查兩省經濟狀況，陝則自顧不暇，尙待挹注。甘猶一杯之水，難救車薪之火。況此淺杯水，業已無存。是則本軍財政一端，已達水盡山窮之境，倘不早想辦法，勢將油盡燈滅。務請速將前定之款，撥

滙此間，並請以後每月接濟。至目前急切之需，至少在二百萬元以上，尤祈儘力接濟，以救眉急。此間財政，現正極力整頓，將來稍有辦法，即當撥還。特電飛陳，佇企電復。

令劉郁芬于右任等不准徵發糧草電 十六年二月十四日

查革命期間，以軍民合成一體爲最重要之事。前因軍糈無着，軍費萬難，以致四出硬徵糧草，長此以往，必至民怨沸騰。至各官兵，日在與頑敵作戰，九死一生之中，不特終年不見一文，抑且食不果腹，衣不蔽體，不速設法，又必至軍心離散。夫至軍心離散，民怨沸騰，試問將何以作革命之武器？又何軍民合一之可言？每念及此，焦灼萬分。故目前最重要之事，即須不再徵發人民糧草。所有軍用給養，全用現款，或紙幣購買。倘以用費過多，難籌鉅款，則不能不用變通行權辦法，即由各省發行軍用票各一千萬元，指定以明年全省各種收入，作爲保證基金，以堅信用而利流通。既免紛擾民間，復不貽誤戎機。萬請諸同志，念國事之日非，痛政治之腐敗，亡國滅種，即在目前，自非革命不足挽救滅亡，而革命之事，又非得兵心與民心不可。關係如此重大，務希星夜進行，萬勿稍事宕延，致滋貽誤，是所切盼。何日辦成，迅盼電復。

請武漢國府維持原案按月接濟電 十六年二月十五日

玉祥虞日來潼關，慰勞將士，察看陣地，並沿途檢視部屬，及各種政治工作，俱堪爲黨國告慰。惟苦戰經年之後，甘省已羅掘俱窮，陝省尙需款挹注。現僅關中一道，沿駐大軍十五六萬，軍無隔宿之糧，馬無盈槽之秣，給養困難，已達萬分。顧西北已十室十空，不堪徵發。不得已而轉購糧秣於山西，又無從籌此鉅款，此真全軍之生死問題。望諸同志特別重視，速予救濟，否則有碍革命前途，殆難想像也。據昨晚諜報：張作霖所部在新鄉附近，與吳佩孚所部王師開火，豫中軍事局面，將起大變化。劉鎮華派來代表，願改爲國民軍駐豫軍總司令，俟機發動。閻錫山亦先後派來代表，均與我方有適宜之商訂，現在此事秘密。客觀的革命軍事條件，可稱完全成熟。但本軍急待補充，又不知中央對於全部軍事計劃如何？殊爲焦急。刻已派孫連仲率兩師駐紮關武關一帶，辦理與中央方面之交通。盼在最短期間，即有大批接濟；並請維持按月接濟本軍一百萬元之原案，萬不可少。此間黨務及政治工作，在去年九月十七日以後，即猛力進行，已組織各級黨部及政治處，現在頗有成績可觀。最近郭春濤諸同志來陝，始悉中央尙毫無聞知交通之難如此。以後應雙方大爲注意，以免諸事阻滯，是所切禱。特電奉陳，至盼迅復。

令劉郁芬禁止軍隊無價徵發糧秣電十六年二月二十日

查陝省軍隊，多向人民無價徵發糧秣，以致兵民交惡之事，時有所聞，殊與革命前途，大有不利。茲

已明令此間軍隊，所有給養用款，以後均由財政委員會，按月籌撥。官兵每人每月食糧及菜，按四元五角發給，並酌發辦公費若干。所有應需糧食，即由軍隊自購，不准再向人民無償徵發。其燃料柴草，仍准暫由各縣署或兵站籌備供給。在甘軍隊，如有無價徵發糧秣情事，望即通盤籌畫，迅令停止；改用現款購買，以輕民累，兼以融洽軍民間感情，是爲至要。如何辦理，並盼電覆。

令宋哲元等籌購糧秣準備直下包頭電 十六年二月二十八日

現浙滬已下，豫局變化，我軍即須發動。擬以門致中路，石友三路，韓占元師，張維靈師，佟凌閣師，馬鴻賓師，及甘肅各鎮隊伍，共八萬兵力，由宋總司令哲元率領，分水陸兩路，直下包頭。務即多雇民探，尅日前往臨河義旗一帶，先打前站；即在各該處籌購八萬人馬糧秣，以資供應。此事着儘先辦理，並須多印文告，大張旗鼓，以壯聲勢。除分電吳知事瑞芝外，請弟等竭力火速照辦，並盼將辦理情形，飛電具復，切切至要。

擬定折補棉袍辦法電 十六年三月二十八日

各部隊拆補棉袍辦法，應由主官親自會同各營軍需長，各連連長，親往各棚一一檢查，某件應補縫，某件應拆洗，某件應添棉花若干，應添布若干，全棚連營共計需棉花及布各若干，然後由路或師部

照數發給，切實採補。用款報領，務要結實，萬不可籠統平均分配。

通令慎選軍需人員電十六年四月九日

查軍需人員，責任重大，理應慎重選拔，多加精擇，庶可裕軍食而杜弊端。乃查各部隊長官，竟有以入伍未久，毫無經驗學識之人，委充軍需官長者；或因一向隨從連帶同升，或屬同鄉親戚，信爲可靠；流弊所極，實足貽誤公事，害及本身而有餘。如近來所發生第二師軍需長劉文明，因嫖賭虧款槍決；第四師軍需官孫如銓，因吸大煙撤差嚴押等事，即其明證。須知軍需人員，不僅貴通文理，能畫算；尤須品行端正，志趣清廉；且確久歷戎行，經驗宏富者，方可錄用。自此次通令之後，仰各部隊對於軍需人選，務必特別慎重，不准隨同主官進退，如同私人。並注重考查訓練，勿得稍事疏忽，爲要。

通令嚴禁將公款或通融挪借公款電十六年四月十一日

查我軍對於款項清廉自持之將領，如宋哲元之砥礪廉隅，孫連仲之一文不私，毫不爲少。然於公私之界，亦間有不十分注意者。疊據確報，各師旅團營主官，多視公費爲私人用款，當用者亦不發給。而軍需人員，亦竟以各主官私人自居，任其支取，不予限制；甚至舞弊多端，彼此互相隱瞞等語。查我軍努力國民革命，各官佐必須潔已奉公，廓清積弊，掃除貪婪，方可完成使命。刻值財政奇窘之時，對於辦公

費用，固宜萬分節省；惟當用者，即須核實支付，以免辦公人員，感受困難，何得視為私有，斬不開支，而各軍需人員，尤須清廉自持，不得通融挪借，濫混舞弊。須知餉項艱難萬狀，而民間疾苦已深，籌措維艱。各官兵夙夜辛勞，衣食尚虞不給，而各主管及軍需人員，若猶藉公濟私，舞弊肥己，實屬不明大義，違背革命犧牲之宗旨。嗣後各級主管，以及軍需人員，務必體念時艱，對於公費，須按正當用途支付，分毫不得挪作私用。每值月終，並將用途公開，通傳所部，以昭大公。自經此次通傳後，倘查有仍將公費視為私款，不按正當用途支付，抑或有挪用及舞弊情事，一經查覺，或經人告發證實，無論多寡，一律以軍法從事。除分電外，仰即飭屬一體遵照。

令宋哲元官兵伙食准如所擬辦法辦理電 十六年四月廿六日

查此間由四月一日起，各部隊官兵伙食，每月每人統借給洋六元，著自購辦；前電該路亦照此規定辦理。現寧屬既糧款兩難，每月官兵伙食，准如該總司令所擬數目，先行試辦。但現值革命積極進行之時，官兵苦戰奮鬥，不遑寧處，決不可使之太苦，致碍工作。尚希查照當地生活程度，斟酌辦理，為要。

詰韓復榘等勿令士兵下鄉採購糧草電 十六年五月八日

乾縣韓總司令復頌，平涼石總司令友三同志鑒：現在軍隊正在整頓訓練時期，關於應用戰術，政

治工作，與軍紀精神，謹授不遑。若派官兵下鄉購運糧草，不但耽誤訓練，且恐擾及人民。查各部近因下鄉購買糧草，時常發生騷擾情事，殊屬不妥。已分電各縣縣長，設法代買，供給軍用。該司令務必飭屬會同駐在地方縣長，組織採購糧草機關，分途購買，萬不准令兵士自行下鄉，致滋事端。除分令各該縣長外，仰即轉飭所屬，一體遵照。

呈國府報告困難情形電 十六年六月十六日

茲有應行呈請事項數條，謹分陳如左：（一）此次軍事會議，以北伐軍事，亟須繼續進展，軍實補充，自非採購國外軍械，不足以獲勝利而制頑敵，當決議由玉祥積極備辦。茲派劉處長驥，在漢負責辦理，並請指示進行，務期迅速購運，以利戎機，免誤黨國。（二）玉祥所部，自南口苦戰以來，歷經沙漠邊塞，轉戰陝甘，削平軍閥餘孽，剪滅殃民匪寇，忍凍忍飢，以至今日，艱苦之情，達於極點。陝甘素稱貧區，加以大兵之後，財政既未完全統一，羅掘又屬久已告罄。目前大軍雲集，中州戰事，且夕發動，在在需款，莫展一籌。伏乞迅即先發軍事補助費洋三百萬元，以紓燃眉之急，免陷僵絕之境。（三）連年羣寇摧殘職部，無所不用其極。去歲京津綏察不得已之轉進，外受頑敵之壓迫，內受交通系餘孽之危害，物質喪失，不可勝言。既無法輸運，又無從補充，凋敝困難，直同乞丐。雖玉祥日以刻苦奮鬪，互相策勉激勵，尙未

激成變故；惟以無米爲炊，捉襟見肘，午夜靜思，憂痛如焚。特派魏軍需處長宗普，趨赴鈞會，瀝陳經過，與迫切需要之補充。敬乞詳令報告，俯予迅速設法，俾早解除痛苦，而免日趨險惡之途。（四）前奉命令，將靳總指揮雲鵬所部，歸玉祥編制指揮，業將該部編爲職部第二方面軍，並呈報在案。所有該部前經政府定撥一切接濟軍費，此後請即交由玉祥轉發，以便統籌，而明統系。以上四項，均屬重要，除令劉處長驥，魏處長宗普，即日由鄭起程前來陳述外，謹先電陳，仰懇垂察，悉准設法規定，俾得遍沾黨國之福澤，早成革命之全功，臨電迫切，祇候示遵。

請國府設法接濟電 十六年七月一日

漢口中央執行委員會國民政府鈞鑒：沁電敬悉。鈞會垂念革命將士德意，至爲感仰！惟豫省凋敝之餘，河北尙非我有，財政艱窘，一籌莫展，無論如何整頓經營，在三個月內，斷無收入可言。玉祥所部，久處孤危奮鬪之中，轉戰萬里之遙，歷時兩年有半，僅供饘粥，未獲一餉。玉祥雖以吃苦耐勞，同甘共苦，與全軍將士，互相勉勵，然衣食械彈，均感窮乏，又何恃以與頑敵作持久戰。伏乞格外體念，迅予設法，以濟眉急。至于繼續北伐，玉祥與所部將士，効命黨國，生死赴之，自當積極進行也。

再請國府設法接濟電 十六年七月四日

頃聞劉處長驥由漢來鄭，得悉鈞會垂念革命將士德意，有加無已，黨國宏施，實深感戴！玉祥所部，刻已集中蘭封考城一帶，繼續北伐。先遣隊鄭軍長大章所部，業已佔領曹縣菏泽定陶等處。大名一帶，亦均響應，高揭青天白日旗幟，軍事順利，甚屬樂觀。惟財政一項，仍極竭蹶，購買糧秣，尙無辦法，發薪發餉，更談不到。雖革命原屬天職，但枵腹究難作戰。茲囑劉處長驥即返漢，代赴鈞會報告，至祈俯察，迅予設法，以濟眉急，而利軍行。並請隨時指導，無任仰禱。

請國府設法接濟餉械車輛電十六年八月一日

牯嶺汪主席精衛同志，請交劉代表菊村，譯呈中央執行委員會，國民政府軍事委員會鈞鑒。玉祥謬膺重寄，待罪中州，建樹毫無，慚疚無似。謹將所部最近困難情形，縷陳如下：（一）河南現駐軍隊，計靳總指揮雲鵬所部，自稱十二萬。劉總指揮鎮華所部，自稱八萬。梁軍長壽愷所部二萬。任軍長應岐所部三萬。東路鹿總司令鍾麟所部二萬餘。方總指揮所部三萬。岳總指揮維峻，暨樊總指揮鍾秀所部三萬。孫總指揮連仲所部七萬。以上各部，已達四十萬人。此外孫總指揮良誠所部，暨將由陝西陸續出關各部，尙不在內。此皆係轉戰勞苦之師，或正在前方與敵鏖戰，或正在准備運至前方，困苦情形，匪可言狀。（二）財政情形：陝甘兩省，夙稱瘠區，去歲以來，大軍陸續過境，籌辦糧秣接濟等項，羅掘已空。各該省既

有駐軍，又值剿匪，所費已屬不貲；且財政至今，仍未統一，軍政費用，支絀異常。豫省久經張吳等部騷擾，十室九空，加以交通停滯，更無收入可言。至一切物質上之補充，向由外省輸入，土產糧秣，亦不敢用；但困限於財力，均屬無法購辦。計在豫各部隊給養，月需四百萬元。統計全部，或兩載又七個月，或一年有奇，均未發餉一次。衣服襪襪，無從更換；彈械缺乏，無從補充。凡此困難情形，應請鈞會俯督迅予設法者，約有三端：（一）此間河北豫東各部隊，日與頑敵激戰，現正陸續調集兵力，加入前線；惟子彈缺乏已極，多有每兵不過數排，少者每兵僅二三粒，有槍無彈，何異徒手；以之作戰，危險奚似？此子彈爲軍中命脈，應請迅予補充者一也。（二）現在氣候漸寒，而前方作戰將士，日夜暴露於風雨霜露之下，悉無棉衣；其因受寒冷而病而死者，日有數起。至用兵之先，亟須充分預備糧秣給養，飢兵凍卒，萬難應戰。此間各部，連日請領服裝接濟費者，多無以應。舉手困難，萬分焦慮，此應迅予設法接濟者二也。（三）前在襄樊圍擊吳佩孚者，有孫連仲、方振武、岳維峻等部，合計十餘萬人，均須調集前方；現已集結京漢鐵路一帶。顧路局車輛，不過四列，每列每次只可載運千人。運輸靈便，爲行軍最要急務；似此緩不濟急，貽誤何堪？想現武勝關以南各站，車輛機車甚多，尙無急用，此應請迅飭撥給運輸車輛，以利軍行者三也。以上所陳，俱係迫切實在情形，伏請鈞會垂念將士艱危，軍事緊急，先予籌撥七九六五子彈二百萬粒，軍費三百萬



正積極進行，余於本日親巡前線，行次開封。劉總司令鎮華，情願率部進攻濟寧。雖軍隊素質稍遜，而意志則極堅決。該部子彈給養，衣服款項，樣樣缺乏，屢求補充。我軍困苦，已達極點，各部平日餓粥不繼，苦吃苦用，因屋舊軍，尙能苦撐，惟新附各軍，教練無素，陪我受苦，談何容易？倘對所請子彈衣服款項，無以應付，勢必轉生怨懟。此不特劉鎮華一部爲然也。除將此情逕電汪唐李何譚白朱諸同志外，望吾弟就近設法，請撥給養以濟眉急。張宗昌於大名方面，增兵四個整師，有沿河南犯之勢。京漢方面，奉軍有壓迫普閻讓防來攻之訊。我軍擬於河北取守勢，積極分攻徐州濟寧，日內即可實行。深望津浦方面友軍一齊進展，並望接洽爲要。

告李烈鈞由徐引退苦衷電 十六年九月十一日

連接南京上海友人電稱：滬寧同志，對於弟部，因徐州事件，不免誤會，致滋疑慮。聆悉此情，不得不將內部實況，瀝陳於吾兄前，以求諒於諸同志焉。弟部自在津浦線作戰後，元氣大傷，毫無補充。南口戰起，以第一部分對奉吳，長江以北之兵，對我作戰共八閱月，死傷之多，銷耗之鉅，可想而知。後由南口轉進，狼狽之極，至於撞車，種種顛沛情況，豈特棄甲拋戈而已耶？除弟由莫斯科歸來，帶有三民主義革命精神外，可謂一點無有增加，只是損失而已。我兄之所知也。甘省擊破孔張，西安擊走雪亞，得在陝省稍

事整頓；但六千餘里之行軍，所經又皆風雪苦寒沙瘠不毛之地，官兵衣履糧餉，俱極匱乏。僅就凍傷官兵一項而言，現在手足均無，養於寧夏平涼者四百餘人，其餘困難，概可想見。河南奉靳戰起，未能乘機動兵東出，一因此時中央正起爭機，恐軍隊東出，而京漢津浦未能北進，則兵入陷地，易出難歸。二因後方不靖，在甘省則黃得貴、韓有祿正在負隅；在陝省則吳在甫、井在北，依舊夾峙；所恃以爲交通者，惟關中道一線耳；猶復時有匪徒截劫之患。後至奉軍將達武勝關，革命根本之地，行將搖動，大局危急太甚，不得不出兵決死一戰，破洛襲鄭，得以勝敵，非援唐也；爲顧全武漢革命根據地也。後慮吳佩孚復起南陽，乃命孫方共進，始得消滅解決。於是河南有五十萬大兵，皆來掛我旗號，不聽命令，不聽調遣，有款有衣，即稱之爲長官；否則，即雞犬亦不如矣。靳雲鶚自號十一萬兵，每月只伙食一項，需款三十七萬；劉雪亞云所部八萬，月需二十八萬。任應岐以三萬人，佔去八縣；高桂滋以二萬人，佔去六縣。其他若梁善愷之二萬，方振武之五萬，或屬久戰之國民軍，今日歸來，疲乏過甚，或相隨數千里遠，作戰出力不少。顧皆無款無衣，遂致退有後言；如此動員令下，而不動者有之；令其去東，而赴北者有之；更因黨潮所波及，受他方之秘密運動，而來監視者亦有之。若李振亞部二萬，駐於禹汝密縣一帶，逼近隴海路線。靳雲鶚全部，屯於肘腋之地，將抄我軍後路。弟之數萬基本軍，分散於襄樊南陽鄭洛一帶，有討吳完畢而未歸者。

有在同州圍攻麻振武者，有在平涼剿黃韓者，有在鄭汴洛處於瘡長路者，有在河北及曹州與敵對峙者。既無餉項，又無服裝之基本軍，已苦到萬分不忍言之地步。而斬之十二萬，劉之八萬，任之三萬，要子彈，要款項，有則開拔，無則不動。若斬雲鸚發三十萬，不動，發五十萬仍不動，非但不動，且與敵勾結而謀我矣。情形如此，自保尙且不能，何能以大力攻徐乎？乃在無法之中，找得王鈺鏊、王鴻恩、常好仁、李元藻，各師一萬餘人，加以楊虎城之八千，合約二萬餘衆，命鹿鍾麟統以攻徐。三戰而至九里山，因子彈太乏，即退而引次碭山馬牧集之間，劉堤圍一帶，今尙在此線相持中。鄭大章騎兵軍，號爲六千，進佔濟寧，以子彈不繼而退。已往事實如此，乃力不足，非不爲也。只求諸友原諒，弟惟有抱愧萬分而已！豈敢云現在仍在不得了之境耶？向所蘊結於中，而未肯言者，今盡情披訴於吾兄之前，祈便中婉爲諸同志言之，毋任拜禱。

請財政部長孫科設法接濟電 十六年九月廿六日

黨國統一，首賴賢勞，翹首勛勤，至深慶幸！比者中樞新造，同志綜筭度支，以駕輕就熟之才，爲利國福民之政，曷勝欣仰！祥愧譴陋，莫補時艱。敵部饑兵轉戰，久荷關垂，而豫中係首先應戰之區，駐軍不下四十萬，俱在北伐前線，日夜奮鬪，凍餒交加。當此繼續討伐奉魯軍閥之際，索款索衣，請糧請餉，絡繹不

絕，無法支付，舉手困難，至深焦灼。敢請同志，垂念前方將士，同爲革命犧牲，俯賜設法，以救燃眉，實深跼禱。臨電神溯。

請國府速撥餉彈電

十六年十月十日

陽電奉悉。此次明令北伐，弔民伐罪，北方民衆，無不額首歡騰。玉祥總領偏師，義無反顧，謹當遵命前驅，報效黨國。承念所部餉彈缺乏，尤即賜撥款項一百萬元，並籌發子彈若干，仰見體念周到，不勝感激。惟現當大戰之際，待用孔亟，敬懇速賜撥給，俾利戎機，實深感盼。

通令不得擅提路款電

十六年十一月十一日

本軍餉源，現以鐵路收入爲大宗，服裝之購置，用品之補充，多賴維持，關係至鉅。各車站所收路款，凡駐在路線附近軍隊之將領，均須一體保護。無論何人，非經請示許可，由本總司令通知許運輪司令遵辦者，概不得擅提分文，以維財政，而免紊亂。仰即一體遵照，是爲至要。

令各部隊查報舊有皮衣數目電

十六年十一月二十八日

爲要。  
本年皮衣，購製維艱。該部舊有大小皮衣，已否修補，望速詳查確實數目，分別電復，以便設法補充。

令宋哲元過之翰籌設倉庫以裕軍食電 十六年十二月十三日

行軍首重儲糧，轉運尤賴專責。我軍轉戰經年，前入豫時，已於潼關陝州分設倉庫兩處，就地廣籌，轉輸接濟。惟陝豫路線甚長，又無鐵道，運送極難。茲爲力謀便利迅速計，擬在咸陽再添倉庫一處，凡附近之醴與涇原乾武扶盩等縣之糧，均着運歸咸陽倉庫。其距潼關較近之二華朝荔一帶等縣，仍着歸潼關倉庫收儲。至陝州一庫，則由此間直接籌辦。綜計以上各庫，除照常運送外，每庫須常存麥一萬五千石，以備急需。事關軍食，應由兩同志負責認真，迅速照辦，並將辦理經過情形，隨時電報查考，至要至盼。

通令節用糧秣電 十七年一月二十四日

糧秣爲軍隊命脈，關係至爲重要。我軍人數十萬，日食萬金，悉仰給于人民，飲水思源，應知來處不易。茲再嚴申誥誡，望即嚴飭所部，對於糧秣，須切實節儉，毋得浪費。每人每日食糲，按照一斤半之數具領，不准多報人數，并不得擅自變價，或以麩換餼，致有不足果腹之虞。應嚴飭所屬，切實遵照辦理，並須多加考查爲要。

通令前方進展部隊籌集糧秣辦法電 十七年二月十五日

糧者兵之大事，兵不能自耕而食，故無論後方前方，皆須取諸百姓。若在前方者，盡仰給於後方，則千里運糧，難保無缺乏之時。茲特規定運籌糧秣辦法于次：（一）沿鐵路進展之軍隊，由後方輸送之；但前方係富饒地域，仍須設法籌辦糧食，積貯倉庫。因鐵路交通，難保萬一不生障礙。（二）離開鐵路二百里以外進展之軍隊，勢不能不仰給于地方。現金充足時，即以現金購買，不能專仰後方之輸送。倘現金不足，則由軍隊最高級長官及兵站，與地方官妥商辦法籌集之。（三）軍隊就所在地籌集糧秣時，須竭力設法喚起民衆，使知道賣國軍閥，係賣國押款，故錢多，能買糧。我革命軍，犧牲生命，救國救民，故民衆須忍一時痛苦，謀永久幸福，此義應廣爲宣傳。尤須竭力注意籌集糧秣之方法，不可使有不良分子，從中舞弊。以上三條，各將領各兵站人員，務宜認真辦理，爲要。

通令不准擅在甯漢等處購買物件雷 十七年三月六日

查近來各軍，紛紛派員前赴甯漢等處，購物運物，若不嚴加取締，流弊曷堪設想。茲條示此後購物辦法如下：（一）所有各方面軍或各軍各師，派員赴甯漢等處購物者，應將所購何物，領款若干，物件用途，及派員銜名，詳細呈報本總司令部，經查明許可後，發給本總司令部護照，方爲有效。（二）購辦人員到達甯漢以後，應向本軍辦公處，呈報購物情形，並呈驗護照，由辦公處電陳本總司令部查明証實後，

方准購辦。(三)凡不合以上二條者，該辦公處，不得代辦裝車各事。(四)購辦人員，在寧漢地區以內，不能逕向該處交通機關，直接交涉裝運物品之事，非經由本軍辦公處代辦者，一概無效。此條應由辦公處，通知各該處鐵路局或轉運公司，查照辦理。(五)物品起運之時，應報告本軍運輸司令部，轉報本總司令部備核；否則，一經查出，即作私運辦理。(六)所有本軍派赴甯漢各購物人員，須一律嚴守軍紀，不得有嫖賭吸煙，私販私賣等事；如查有不守軍紀者，即按軍法辦理，決不姑寬。仰即通飭所屬，一律遵照辦理，毋違此令。

請譚延闓等轉請國府協助戰費電 十七年四月十一日

弟部繼續北伐，河北各軍，自微日起，開始攻擊，齊佳兩日，我軍擊潰敵于漳河附近，俘獲甚衆，刻正在追擊中。魯西各部，亦于陽日起，分向魚台金鄉鄆城前進，限銃日以前，進至濟寧南旺之綫，與介公津浦綫正面之師，會于鄒縣泰安。惟大戰業已開始，而戰費猶無著落，弟之焦慮，與日俱深。竊念此次作戰，實爲我革命軍生死成敗之最後關頭，亦即我國運興亡隆替之最大樞紐。張作霖憑藉東北三省膏腴之區，補充數月，對外出賣路礦，對內橫征暴斂，加以梁士貽等之助桀爲虐，所籌戰費，足支半年，觀其傾巢來犯，實有作持久戰之決心。而弟部則數年不發一餉，自五原誓師以來，轉戰萬里，饑寒交迫，窘苦

情形，難以筆述。幸賴主義灌注軍心，官兵粗明大義，用能團結堅固，維繫至今。此次戰役，弟部担任濟甯大名磁州三面要衝，戰綫延長數百里，戰期最少兩三月，各官兵縱能體念國艱，不問餉糈，不顧父母妻子之仰事俯畜；但一切關於工事、交通、醫藥、伙食等，必要之戰時臨時費用，有關勝負全局，萬不能不籌得一最低限度之數目，以應急需，俾官兵能以安心殺敵，少紓顧慮。弟部駐防之豫陝甘三省，原係貧瘠省區，連年兵燹天災，人民流亡載道，金融枯竭，已達極點，且財政尙未統一。就河南言，豫南尙駐有樊鍾秀任應岐等隊伍。就陝西言，漢中歸吳新田駐防，榆北歸井岳秀駐防，皆就地取食，涓滴之微，未納省府。甘肅雖情形較好，然亦多難言之隱。三省財政狀況，既如此窮困複雜，平時已屬一籌莫展，更有何力以供此鉅額戰費？惟有請中央賜撥稍鉅數目，以資接濟。弟寸功未立，輒索鉅款，問心殊覺難安！惟西北各省奇貧，戰費實無從出，倘隱忍不言，貽誤軍事，負罪更深。兩公主持中樞，老成謀國，弟部痛苦，知之最切，敬祈特別關垂賜助，曷勝厚幸！

通令對車馬夫領用草料務須特別考查電 十七年四月十八日

查本軍馬匹，暨運輸大車牲畜，爲數甚夥，所需一草一粒，均係人民血汗，來處甚爲艱難，用時自宜保量。况連年荒歉，值此大軍雲集，已有供不應求之勢，尤應撙節愛惜，以期物歸實用。乃查本部各處及

各部隊對於草料一項，竟任馬夫車夫，隨意拋棄，狼藉不堪；各該管官長，置若罔聞，毫不加以管理，既傷公德，尤非恕道。我革命軍人，處處以愛民爲主旨，此項情形，殊屬不合。爲此令仰各軍師轉飭所屬，嗣後對於車夫馬夫，領用草料，務須派定負責專員，勤加考查，妥慎管理。愛惜一分物力，即減少百姓一分負擔，而於無形之中，自得民衆一分幫助。倘再查有任意浪費草料，毫不經理情事，定行重懲，決不寬貸！其各凜遵。

規定臨時給養維持等費辦法電十七年六月廿日

本軍部份擴大，人數衆多，僅給養一項，月需已達二百萬元，服裝雜費，尙不在內，竭盡三省財力，猶虞不給。各官兵轉戰數千里，拚命殺敵，兩年以來，僅能吃飯，未得一餉，艱苦情形，言之痛心。司財權者，千方百計，籌得款項，撥交兵站，購辦糧秣，輾轉輸運，領發稍不經心，糜費實多。茲特改定維持方法五條，暫行試辦：(一)官佐日兵夫給養折價，每人月給火食洋五元；騾馬每匹月給馬乾洋八元。(二)官佐維持費上級月給三十元，中級月給二十元，下級月給十元；正付目月給二元；兵夫月給一元。(三)柴價每人月給三角；公雜費按部分大小照以前規定支給，實報實銷，不得超過。(四)各軍請領維持費，人馬必須核實，不准浮領一份。官長乘馬，不得超過編制數目，以節糜費。(五)前方作戰部隊，仍由兵站代辦糧秣。

應需款項，由總部軍需處撥給。其官兵菜錢，均照一元五角支領；維持費遵照前項規定發給。以上五條，係就豫魯陝甘財政情況，儘量籌款先行試辦，一俟款有充裕，再行酌加維持費。自七月一日起，兵站即停發給養，各軍長官，對此辦法，須預籌備。嗣後軍需人員，領款務須注意核算，藉濟時艱而撐危局。除飭本部軍需處兵站總監部，分別籌辦外，特將改定辦法電達，仰即轉飭所屬一體知照，爲要。

規定豫陝甘魯等省協濟軍餉辦法電 十七年六月二十日

本部前以財政艱窘，曾經規定協濟辦法，分令豫陝甘等省，分別担任解送在案。終以西北地方瘠苦，未能如額籌解，以致各官兵備受困苦，言之傷心。現在大局略定，若不厲行規定辦法，實不足以資維持而慰軍心。按本軍駐在直魯豫三省境內部隊，維持火食，以及公雜各費，按最低限度計算，每月約需洋二百四十萬元。茲依照各該省收入狀況，平允分攤：計河南一百四十萬元，陝西四十萬元，甘肅三十萬元，山東三十萬元，統由七月一日起實行。其陝甘兩省原駐部隊，均照號電規定辦法，由各該省另行籌發，並報告備案。除通令全軍遵照外，合亟電令該主席廳長，無論如何困難，必須按照規定分配數目，於每月十五日以前，解送來部，以資分發，萬勿延宕，爲要。

通令籌設軍米局等事電 十七年六月二十四日

查本部規定停止給養，改發火食及維持費辦法，業經通令自七月一日實行。惟以軍隊分防各地，情形或有未同，困難因之不免，亟宜另定相當辦法，藉資補救。（一）由兵站總監部籌設一軍米局，採辦米麩料柴草存儲；如各軍防地購辦給養困難，可向兵站領取，交給價款。（二）在直隸境內者，暫作前方，給養仍由兵站供給。在河南境內者，則爲後方，著一律按照規定發給火食費。各軍調防剿匪，即著以火食費自辦給養，不准再向地方索供。（三）普通兵站，應即縮小範圍，結束賬目。至豫省內各重要兵站，可暫存在，俟上項辦法施行稍久，確無窒礙時，至七月十五日以後，再行酌量裁併。（四）陝甘二省駐軍，應照前電辦法，各自斟酌情形辦理。（五）本部組織點驗委員會，每月分頭點驗各軍人馬數目，如查有以少報多，浮冒虛領者，即按照尅扣軍餉罪，嚴厲懲辦。以上各條，合亟電令各該長官認真實行，以資救濟，而免疏虞，切切此令。

復熊斌請求中央一律待遇電 十七年七月六日

我軍艱窘困苦，不可終日，以後財政方面，必求中央須本「一律待遇」四字，方能維持下去。望弟與子良等，在京努力爲之。至裁兵問題，我方早有準備，只要款項到手，無時無刻，不可實行裁減也。特復。

請國府俯念西北荒歉飢軍待食迅撥軍餉電 十七年十一月廿三日

豫陝甘三省，連年浩劫，民困已深。今歲自春徂秋，雨澤稀少，二麥不登，五穀荒歉，糧價騰貴，民情惶恐。各項稅收，因而頓減；截至本月，財政已陷於毫無辦法之地步。頃據各該省迭電報告，因收入銳減，本月份軍費，萬難籌辦，僅就全軍火食而論，已經不敷分配。玉祥籌維再三，焦慮萬狀。爲此電懇俯念數十萬飢軍，延頸待食，迅賜籌撥鉅款，以濟軍食，而解倒懸，不勝迫切待命之至！

規定領用食麵每人日以斤半爲限電 十七年十二月十三日

查各軍在兵站領用糧秣，向無嚴格規定；若不亟加限制，流弊何堪設想。茲特規定每人每日食麵以一斤半爲限，務須按照實在人數領用，不准虛報，希圖多領。除令飭兵站遵照，並派員秘密查外，仰即轉飭所屬，一體遵照辦理，爲要。

請孫科飭平漢路局清解協款電 十八年一月七日

前因平漢路局協款，積欠太多，飢軍嗷嗷，屢催罔應，敵部軍需處迫不得已，乃出於派員守提一舉。弟在京時，曾經電令制止；今晨抵汴，復面詢敵部軍需人員，據云：已遵電將守提委員撤回，等語。惟念革命軍人，死者既毫不得撫卹，生者又久不名一文，事之傷心，孰過於此。務請我兄電飭該路局長，迅將應解敵部協款，依限清解，勿再拖延，以慰軍心，是爲至盼。

派石孫劉宋韓鹿秦等七人爲查賬委員電十八年一月十一日

新年初過，舊歲將至，所有各事，均應清理。而本軍歷年收支各賬，尤應澈底清查核對，以免混亂錯誤。茲派弟等七人，爲本軍查賬委員，由石總參謀長召集，如有不能親到者，准派代表。本總司令自五原誓師以來，除日用火食以外，對於本軍及地方，均未支用一文。誠以一草一粟，民脂民膏，吾輩旣以革命相號召，詎容重蹈軍閥覆轍，舞弊營私，形成革命對象。至望特別注意，細心查考。此事關係重要，務須萬分認真，從速查報，以便宣布周知，至要至囑。

通令規定每月公費及醫藥掌韁各費電十八年二月二十三日

查各部隊公費及醫藥掌韁各費，時因編併增減關係，分配不能一律，茲特從新規定，以期劃一。

- 一、公費：師部每月六百元，旅部貳百元，團部一百二十元，營部一百元，連部拾四元，獨立連三十元，騎兵師部四百元，旅部二百元，團部一百元，連部四十元。
- 二、砲費：野重砲每月五元，山砲三元，迫擊砲及機關槍各壹元。
- 三、藥費：師醫院貳百元，旅醫院壹百元，團醫院六十元。
- 四、掌韁：每匹驛馬月給五角，步兵兩個月發一次。以上各節，仰各該師旅長，按照現有部份，自三月一日起，查照上開數目，核實具領，爲要。

通令入關部隊應每人攜帶六日以上糧食電十八年四月十三日

查十六年五月，我軍出關，參加北伐，維時財政困難，給養缺乏，孫良誠部官兵，均自帶十日八日之糧食，以資食用，其堅忍耐勞精神，殊足敬佩。茲者，時局緊急，我軍因環境關係，即將西退入關，惟查陝甘連年災旱，給養困難，所有各部隊西開時，着各自攜帶六日以上之糧食，倘無命令，並不得擅自食用，以濟緩急，是爲至要。

請蔣中正俯念軍民交困逾格矜全電十六年四月二十七日

謹查第二編遣區辦事處，自奉命成立以來，所屬各部，裁弱留強，極力淘汰，現在綜計，尙餘官兵二十七萬餘人，盡屬精銳，堪以衛國。惟餉項困難，當已早邀洞鑒。加以年來豫陝甘等省，災情奇重，人民皆以草根樹皮爲食，實無法再向民間籌款。軍民交困，至此已極。現屆暮春，官兵尙多穿著棉衣，糧秣等項，既不能向民間徵發，又無款向各地採購，左支右絀，實難支持。所有上項困難，已由第二編遣區正副主任鹿鍾麟石敬亭迭電陳請。玉祥養痾華嶽，無力兼顧，更不應再事煩瀆。惟以各部隊衣食所關，迫不及待，紛紛來此陳請，玉祥應付乏術，目擊心傷。因思此數十萬健兒，皆曾追隨我公，効命疆場，且素稔我公惠及袍澤，有加無己，決不忍忽然置之。謹再迫切上陳，代爲請命，擬請逾格矜全，嚴催財政部軍需署提

前撥款，俾維持現狀；則數十萬官兵，感恩奮發，當更逾於曩昔也。臨電無任懇悃之至！

令傅正舜酌發各軍維持費電 十八年四月二十九日

省電請示本月份維持費，可否仍按上月規定之數目發給等情，已悉。查陝甘二省駐軍，從來未發過維持費，困難情形，可以想見。茲着由總部於本月收款項下撥給陝甘二省各十萬元，以資維持。所餘之款，如足上月所發之數，即照發給；否則，不妨稍減。但撥給陝甘兩省之款，非速撥不可。此復。

令劉郁芬等速籌軍餉電 十八年五月四日

查本軍食糧，業已議定辦法。其各部本月份公雜各費，及目兵菜錢，總部收入毫無，迄今尚無着落，倘不事先籌畫，必至臨時誤事。今年陝甘甯豫，旱象已成，民生疾苦，時在念中。惟爲維持全體，免釀意外計，不得不含淚忍痛，按省區之饑瘠，與財力之豐齊，酌略攤派，藉資挹注。茲派定陝西省籌二十五萬，甘肅五十萬，寧夏二十五萬，豫西各縣十五萬。或催收從前積欠捐稅，或婉向當地商戶暫借，如何籌畫，着自斟酌。統限一個月內，陸續解交總部軍需處，以便即給各部應用。在民間爲太倉一粟，僅傷毫末；在本軍則集腋成裘，便獲保全。仰即努力遵照辦理，勿稍遲延，致誤軍用，是爲至要。

通告財政會議規定公雜費等項數目電 十八年五月二十九日

本軍現駐陝甘青寧及豫西一帶，全部人馬，幾三十萬，需糧需款，極屬浩繁。而西北數省，向稱瘠貧，百計經營，收入仍絀。各官長帶兵有年，倍極辛勤，值茲財政竭蹶，關於各項開支，若不通盤籌畫，規定辦法，非特漫無標準，難資遵守，且恐各級官長，無法應付。茲爲實事求是，財政公開計，特召集劉兩主席，及各軍長師長，並財政人員，開一財政會議，議決事項如下：（一）各部隊菜錢，自七月一日起，官佐兵夫每月每人一元五角。（二）公雜費，由七月份起，總指揮部一五七八各路，因統軍較少，月各發洋二千元。二三四六各路，因統軍較多，月各發洋三千元。其總指揮兼軍長者，不另開支。軍部月支一千元，師部月支六百元。（在師未編成以前者，均按此數三分之一開支。）旅部三百元，團部二百元，營部一百四十元，連部二十元。（擦槍費在內）獨立連三十元。騎兵師五百元，騎兵旅三百元，騎兵團二百元，騎兵大連一百元。特務師與軍部同，鋼甲車與團部同，唐克車與營部同。（三）醫院經費，由七月份起，總指揮部醫院，月支六百元，軍醫院四百元，師醫院三百元，旅醫院百五十元，團醫院一百元。（四）學糧及擦槍砲費，由七月份起，騾馬每匹每月各支一元，野砲費六元，山砲費四元，重迫擊砲費三元，機槍輕迫擊砲費各一元。（五）偵探臨時費，由七月份起，軍部月支一千元，師部六百元，戰時全發，平時一半。（六）目兵家鄉來人辦法，由七月份起，每軍每月最多請領洋二千元，實報實銷。（七）發鞋襪辦法，由八月一日起，每兩個

月每兵夫發洋一元，作爲鞋襪費，由軍部具領，分發自製。(八)修械所經費，由七月份起，每軍月支六百元至八百元。(九)特別黨部經費，已成立者，仍按以前規定辦法辦理。(十)增發糧數，官兵於奉電日起，每人每日增發二兩，計每人每日共發糧一斤十兩。以上十條，除俟印就另文印發外，特先電令，望即遵照辦理爲要。

覆曹浩森鄧哲熙此間軍餉請閩設法主持電 十八年六月四日

江亥電備悉。所述各條，及致介公電稿，足見百公對於公誼私交，熱心維護，無所不至；祥自無不贊同。惟數十萬饑軍嗷嗷待哺，似難忽然。擬請目前儘最低限度，籌撥若干，藉資維持，則祥去國之後，心亦可稍安矣。請弟等將此意轉陳百公，商定一相當辦法，加入致介公電中，似較妥善。至於究應如何，仍請由百公主持也。特復。

通令規定官兵借錢數目電 十八年六月二十二日

現當盛夏，天氣炎熱，各官兵或冒暑移防，跋涉山川；或整裝荷槍，昕夕辛勤；困苦異常，時在念中。茲規定借給各官兵零用數目如下：上級官佐二十元，中級官佐十元，初級官佐五元，正副目一元五角，兵一元，伙五角。其孫總指揮連仲部，並原駐甘各部隊，歸劉主席郁芬於應解總部款內扣發。駐陝部隊，歸

宋主席哲元於應解總部款內扣發。駐豫各部隊均由總部直接發給。在七月一日以前，可到潼關具領。以後，即到西安具領，望即遵照可也。

# 馮玉祥軍事要電彙編

## 卷九 軍械

通令節省子彈電 十五年十月十六日

查本軍關於節省子彈，向視爲性命根本之事，業經三令五申，務望速行設法，使各目兵人人了解，人人注意，對所編節省子彈歌中，「一彈當作性命看」一語，永記勿忘，尤應引伸一句說：「一彈當作全軍命脈看。」千萬使目兵不可亂放，不准亂放，是爲至要。

告孫良臣槍彈即日起運電 十五年十一月二十三日

皓電悉。此次官兵奮勇殺敵，備嘗辛苦，殊深惦念。給養補充，已電于右任先生，鄧總指揮寶珊，竭力設法，並電平涼孫道尹、福田，移駐乾州，專辦糧秣事件。克魯蘇砲彈二百發，槍彈三萬粒，即日先由汽車運去，以備應用。務望鼓勵士氣，猛力攻敵，俾西安之圍，得以早解，是爲至要。

覆方振武允予接濟子彈電 十五年十一月廿九日

渭南方總司令叔平兄鑒，敬電請接濟彈藥，並呈報傷亡官兵各節，備悉。官兵奮鬪苦戰，爲國犧牲，

取義成仁，蹈死不顧，忠義之氣，貫貫天日。所有傷亡各官兵，已交軍政司從優議恤，以答忠烈。關於子彈一節，前方部隊，經此劇戰，皆缺乏異常，亟待補充。惟是來源過遠，轉運萬里，不免稍有滯遲。刻已啟行在途，當趕催速運前方接濟也，祈釋念！

請國府設法接濟款械電 十六年三月二十三日

寧夏宋總司令哲元弟，飭無綫電台拍漢口坤厚里劉代表菊村同志，請分轉國民政府軍事委員會政治委員會公鑒：此間軍事，發動在即，所有大部兵力，均漸向潼關以東開拔，兵力布置，已將完畢。惟軍械財政，俱極缺乏。以軍械言，槍枝數目不敷，子彈萬分缺乏，每兵携槍一枝，多者不過挾彈二三十粒，少且有不滿十粒者。其在庫倫方面取給之械彈，爲數既屬無多，且須經兩萬餘里之路程，又屬沙漠山道，輸送萬分困難。遠水近火，豈能有濟。以財政言，陝西受嵩匪騷擾年餘，十室十空，且陝北陝南，尙未統一，而關中一道，因駐軍太多，糧秣且不易籌，更談不到財政。甘肅除地方軍隊，據地取餉各鎮外，省庫所能征收款項，已屬寥寥。自去歲南口轉進以後，大軍陸續經過，甘境供給衣食，業已羅掘無餘。況陝甘俱屬貧瘠之區，在往年軍隊無多，尙需國庫協濟，何況今日生財之源，遠遜于前，而支出者百倍於昔。緣此之故，官兵每多跣足行軍，當此春暖漸熱之際，求一更換之小衣而不可得；每日所食，僅兩次小米稀飯。

而不得飽。似此情形，舉手困難，業經屢電陳述，當此緊急時期，尤爲焦慮。務請俯念爲革命奮鬥將士之困難，並顧念革命大計之進行，勿論如何，必請多方設法接濟，並須迅速爲盼。否則，犧牲將士性命尙小，貽誤革命工作實大，執因推果，危險殊不可言。玉祥身膺黨國付託之重，久以刻苦拚命爲心，苟非萬不得已，決不再四號呼，爲黨國增憂累也。迫切陳請，伏乞垂察，不勝引領待命之至！

令孫良誠等劃一槍械電 十六年四月二日

潼關孫總司令良誠，平涼石副司令友三，乾州韓總司令復榘，諸同志鑒：查各師旅槍械種類混雜，多不一致；甚至一營中有數種槍支，關係軍事，甚爲重要。刻下駐西安附近之各師旅，已設法互相調換，使歸劃一。現印時局關係，部隊分駐各處，雖不能重新分配，但各該路所屬之各師旅，亦可按此間辦法，自行調換。雖不能盡歸一致，最好能使每旅成爲一律，補充比較容易。如何辦理，速行具報，爲要。

通令節省子彈口號電 十六年五月廿日

查子彈爲軍中命脈，作戰勝負之關鍵，全在於此。各部隊官兵，每日須由該管長官，將節省子彈要旨，詳細講解，並須每日在早起後，高呼節省子彈口號，以时时刻刻提醒，須臾不忘之意。茲規定節省子彈口號如下：（一）子彈即是命脈，（二）決不浪費子彈，（三）定要節省子彈，（四）瞄不準一定不

放！(五)必須放一槍打倒一個敵人！仰即分別遵照辦理，爲要。

覆請蔣中正迅撥械款電 十六年六月十二日

南京蔣總司令介石同志勛鑒：感電今始奉悉，有線電遲滯，竟至於此，甚歎！此間械款奇絀，我兄之所深知，亦爲我兄之所深念；承充籌撥接濟，尙請格外從速，以濟燃眉。至於中央建設需才，囑弟推荐，本軍人才，向感缺乏，本不敢妄事推轂，致貽濫竽之譏；惟以黨國用人，又重鼎嚙，已舉數員，託毛同志以亨赴宵時，代爲陳述。急不暇擇，能否當選，尙乞諸同志裁之。特電奉復。

請閻錫山撥借子彈電 十六年九月二十一日

迭承韻松同志轉達尊意，彼此提挈，協同討賊，感佩萬分！現在前線佈置既週，一俟津浦線友軍前進，即行左右夾擊，以期一鼓破敵。惟當此大戰在即，子彈補充，極關重要，此間彈藥，缺乏頗多。久聞晉廠出品豐富，請弟念同舟之誼，作將伯之助，撥給七九六五步槍子彈各一百萬粒，晉造機槍彈一百萬粒；或作價，或俟政府撥到後仍還貨，悉聽尊便。北伐利鈍，關係至鉅，不情之請，尙乞鑒諒！如有賜示，請仍由韻松同志電覆爲盼。

令吳樹榮等慎造迫砲彈電 十六年九月二十三日

鄭州吳司長樹榮弟，孝義徐監督瀛弟，開封尙監督得勝同志鑒。茲有兩事，分囑於下：（一）甘肅帶來之克魯伯老砲，現正急用，着鞏廠趕速加工修理，由徐監督竭力辦理，吳司長時刻督催爲要。（二）此次由漢口運來之七五迫砲，炸壞兩門，並炸傷士兵，其故由於迫砲彈內，製造不精，致在膛內炸裂，發生危險。應由吳司長督飭開封孝義兩廠，對於所造迫砲彈，精進改良，不准膛內再有炸裂之事。從前所造迫砲彈兩頭一樣粗者，殊靠不住，應一律廢棄，免致傷人。其一頭大一頭小者，均着一律過水磅，務慎之又慎，細之又細，不可稍忽。即仰該司長，該監督等，努力辦理爲要，切囑。

再請閻錫山借助子彈電

十六年九月廿九日

洛陽無綫電發太原閻總司令百川仁弟同志勛鑒。宥電敬悉。承允推助，與共有無，盛誼隆情，至深感謝！此間子彈，過於缺乏，又值聯兵討賊之際，鏖戰在即，急待補充。我弟敵愾同仇，兄之困難，自與我弟之困難無異，無論如何，務請賜助若干，革命前途，拜賜多矣！特電切懇，佇候好音。如小兄馮玉祥鑒。

呈軍委會械彈奇絀請予速撥子彈電

十六年十月十五日

洛陽無綫電拍南京軍事委員會鈞鑒。職軍子彈缺乏情形，業經疊陳鑒察，蒙允撥給在案。此次分三路進兵北伐，每兵所挾子彈多者二十餘粒，少只有十餘粒，各部隊請撥子彈文電，紛至沓來，皆無以

應。第一路攻徐軍隊，自蒸日至寒日，激戰五日，敵以重兵來爭，我以白刃搏戰，雖經數次擊退，而敵仍增加不已。第二路與第三路，子彈亦缺乏不堪。夫以子彈缺乏之軍隊作戰，在短時間以內，鼓其血氣之勇，尚可僥倖成功；若遇頑強之敵，相持在一日以上，其危險即不堪言狀！觀察現在敵情，非經數次大戰，尚難澈底解決。此間子彈，毫無來源，中樞困難，亦所深知；祇以北伐大事，關係至鉅，心所謂危，不敢不告，致滋貽誤。敬請於無可設法之中，迅速籌撥七九六五子彈四百萬發，分濟各軍，以資克敵，不勝盼切之至！

再請軍委會速撥子彈電 十六年十月十五日

頃由無線電機探得閣總司令所部，在京綏綫之張家口，有已佔復退消息。而太原於此四五日內，亦無電訊，軍事如何，極以為慮。按閣總司令素持穩健，此次毅然出師，獨當大敵，不計得失成敗，惟為三民主義而犧牲，大義凜然，欽仰曷極！惟敵勢猶強，未可輕視，若有差池，全局攸關。玉祥擬親率孫連仲軍、孫良誠軍、石友三軍、韓復榘軍，等主力軍十萬餘人，由河北沿京漢路，大舉北進，援助閣總司令，進討頑敵，殲厥渠魁。關於徐州方面，擬請由南京方面，與武漢諸同志，協力負其全責。惟此項計畫，關係北伐全局戰略，非職軍一方面所可決定；敬請鈞會統籌全局，核定施行，如此則用力專一，易於圖功。預料此次北伐，最少必須經兩次大戰，方能貫徹。職軍款項，亟待接濟，尚在其次；而子彈缺乏，實為作戰最大顧慮。

之點。務請鈞會儘先籌發七九六五子彈四百萬發，以應急需。事關軍事成敗，敬祈迅速賜撥，俾便應戰，毋任盼切待命之至。

覆請唐生智籌濟子彈電 十六年十月十七日

銑電敬悉。承我兄關念敵軍餉彈困苦，代爲籌策，感謝萬分！現敵軍東路與敵激戰，已有七日，審察津浦重點，敵人仍在徐州，必與南京北上之我軍夾擊，方可一舉破之。亟盼芸樵同志所部，共同向徐州北進，以期將該處敵人，即速解決也。此間得訊，張家口晉軍既佔復退，而京漢綫敵力尙厚，亦似一時未能進展。按此情形，百川同志，孤軍奮鬪，極爲可慮，應急派大隊北上援助。現大名之敵，已佔磁州，並圍彰德，惟爲數只四五百人。敵軍孫總指揮連仲所部主力，正集結新鄉，一二日後，第一步即當進解彰德之圍，後取磁州，以謀與百川同志確實連絡。此次百川同志，仗義奮發，實爲鋤除賣國軍閥不可再得之良機，而敵自知萬無生存之理，自必竭其全力，以作最後之掙扎。吾黨諸同志，亟應同心合力，與之奮鬥，方能一戰功成。私意以爲津浦線宜由南京諸同志及何芸樵同志所部，負其全責；弟部從旁助攻。弟則親率所部主力軍隊，由京漢直上，與百川同志夾擊敵軍。如此則責任分明，易於圖功，我兄以爲如何？子彈一層，極盼兄籌濟也。如何敬祈賜復爲禱。

請譚延闓等設法接濟子彈電十六年十月十九日

洛陽無線電拍南京譚委員組庵同志，楊委員幼京同志，李委員協和同志，勸鑒嘯申電敬悉。河南糜亂已久，內部顧慮極多，然猶不肯舉此告人。當此一致努力北伐之際，不知者又將疑爲推諉也。此次鹿鍾麟同志攻徐，戰爭正烈，而劉鎮華部，忽叛變兩部分，幸後方兵力尙厚，未至牽動全局，否則殆矣！現決計以大兵推進，將此等靠不住的隊伍，在戰線前後者，一律廓清，進戰乃無顧慮。百川同志，孤軍奮鬪，極爲可慮，已派孫總指揮連仲，率重兵北上，但以大兵進至石莊，協同友軍，與賊決戰，總須徐州方面無敵可慮，方可放心前進，是全局樞紐，尤在徐州軍事之速決也。子彈一事，困難萬分，請賜設法早撥，由弟另設法速運濟用，以救眉急，是爲至禱。

覆請唐生智接濟彈藥電十六年十月廿三日

養電敬悉。當此敵勢披猖，北伐正亟之際，內部又起變化，曷勝歎息！能合全力一致以向徐州，實爲弟之渴望。劉總參謀長已於昨日到鄭，吾兄教言，均以聆悉。現此間軍事情形，極爲緊張，褚玉璞聞已至歸德，張宗昌則在濟寧，似有傾巢來犯之勢，連日在開封以東大戰，勝負未決。子彈及火藥，困難萬分，承兄慨濟，無殊涸轍蘇餉，感盼萬分！敬祈迅賜撥交張處長壽桐，以便速運前方應用，毋任企禱。餘囑張處

長轉陳，敬復。

請李宗仁等接濟子彈電 十六年十二月九日

上海李總指揮德鄰同志，白總指揮健生同志，漢口程總指揮頌雲同志勳鑒：徐州附近，殘敵聚集，尙待剿滅；連日晉軍催援甚急，又須以東進之師，抽調北攻。目前最感困難者，即子彈缺乏，後方貯存已空，補充不易。在此千鈞一髮之際，切祈設法幫助接濟，俾前方各軍，得以乘勝前進，無所顧慮。揣此，即盼覆示。

請國府扣留張宗昌由德購運槍彈電 十六年十二月十二日

頃據職部張總司令之江電稱：據天津來人報稱：魯張由德購步槍兩萬四千支，子彈二五千萬粒，手槍兩千支，其餘軍用品甚多，船已起程，約十日內可達青島。魯方購此，係爲反攻之用，除一面與德人鄂鄂林接洽外，請設法扣留等語。竊查張逆宗昌，日暮途窮，野心不死，以人民之膏脂，易殺人之利器，希圖再逞，重苦吾民。擬請鈞府設法扣留，減輕敵力，可否之處，伏乞鑒核。

再請李宗仁接濟子彈電 十六年十二月十五日

洛陽無線電拍上海龍華李總指揮德隣同志勳鑒：寒電敬悉，辱承援助，曷勝銘感。徐州方面，前因

石韓各軍，進攻過猛，殘敵鬻集，破城無望，旋向郝塞之線引退。現已于寒日與何總指揮同下總攻擊令，本日正將敵擊破追擊中。俟徐州下後，此間各軍，亟應改道援晉。久戰之後，子彈極感困難，尙希鼎力援助，源源接濟，俾竟全功，是爲至禱。

向國府臚陳餉彈奇絀情形電

十七年一月九日

佳午電敬悉。職部渡河北進，原欲解除晉圍，奠定幽燕，成敗利鈍，在所不計。惟以此次東路疊經大戰，損失頗鉅，迄今數月，死者無資葬埋，傷者無葯醫治；而渡河之師，每槍子彈不足三十粒，每砲砲彈不滿二十發；加以北地嚴寒，官兵均無皮衣，輿念及此，焦灼萬狀！心所謂危，難安緘默。究應如何之處，務請速示辦法，是爲至禱。

通令各將領親身檢查電

十七年一月二十一日

帶兵之事，應事事求實，不可絲毫落空，各總指揮，各軍長，各師旅長，均應切實注意。檢查兵士，檢查騾馬，檢查病人，檢查醫葯，檢查槍砲，檢查子彈，檢查技藝，親身查考，萬不可只與自己司令部中人相處，不與兵士見面。近閱韓總指揮復稟，石軍長友三，疊次報告，每日均親身檢查軍隊；此乃深得帶兵之法，各級官長，均須摹效。又於檢查之時，須多攜帶隨從人員，關於兵士騾馬病人醫藥槍砲等事，均須分項

指定專員担任，以專責成，而免遺漏。至關於檢查所見缺點，及應改正辦法，即須印成傳單，傳知所部，切實遵辦。以上所示，仰即遵照切實辦理，並將情形隨時報告，爲要。

### 通告軍械會議決八事電 十七年一月廿九日

查槍砲子彈，爲勝敵之利器，亦本軍之性命，亟應愛護珍惜，惟恐不遑。並對於使用此槍砲之特種兵，要特別訓練，以增益其技能，藉發揚武器之效力。茲經本總司令招集各部隊軍械人員，到部會議，由各處與會人員，分別條陳意見，呈請核閱。茲擇其極有價值，亟應注意實行者，分告如下：（一）查各部官兵，對於槍砲，多有損傷，或遺失刺刀探條，與他項零件等情事，該管官長並不追究其損壞遺失之故，而予以懲罰，殊有未合。此後如有損壞或遺失槍械及零件者，着由各主管查明具報，以便分別懲辦。（二）各部兵士，于臥倒時，不知將槍口離地，常使土沙侵入槍口，至發槍時，子彈行到槍口，因受沙土障礙，往往使槍口炸裂。（三）凡擄獲敵人槍砲，概不准任意卸用槍門砲門及其他零件；各主管于作戰後，應施行細密檢查，違者重辦。（四）各部槍砲，最好以軍爲單位，規定某師用某種槍砲，自己調換，俾歸劃一。（五）各部隊如存有某種槍砲彈，而無某種槍砲者，應送繳總部軍械司，以資分配。（六）每次戰鬪後，究竟獲得敵人槍砲彈藥若干，自己消耗若干，均須詳細呈報。（七）各部隊于作戰時，對於

砲彈，須格外講求節省。(八)各部隊主官，對於特種兵(即機關槍射擊)要特別講求訓練，以增長其技能。以上各條，俱關重要，除另文特傳外，仰即轉飭所屬，切實遵照辦理，爲要。

通令應注意五事電 十七年三月七日

查所有軍械彈藥，皆係民脂民膏；各將領須知愛惜物力，節省彈藥，即是直接增厚我軍之實力，間接減少民衆之擔負。況在財政支絀，原料極艱之時，尤應萬分撙節，不可浪費。茲將應注意事項列下：(一)近來各軍送修槍械，多屬遺失或碰壞者；推原其故，皆係官兵視槍砲爲鋼製，隨便碰摔所致，應特別再三教育。(二)砲位臙瘁數門，皆因一時發射過多，或駐退管缺油毛病。(三)關於軍械人員，均須責成負責，並不時加以訓問考查，以免疏忽職守，事出意外。(四)槍械均係公家重要物品，每逢月報，要將實有數目填報，萬勿分私有公有之別，要知全係公家物品。(五)查各軍由總部軍械司領去物品，多有存儲留守處，未運送前方應用者；前方缺乏，而後方存儲，應特別注意。嗣後具領以後，即應速運前方，不得再事存儲，免生意外。以上五條，望特別注意。合行電令仰飭所屬一體遵照，爲要。

令吳沆等研究預防毒氣方法電 十七年三月十八日

頃據丁春膏電稱：據陳琢如之弟陳起面稱：前在晉軍充參謀時，奉軍曾施放毒瓦斯數次，劇受

創痕昏暈者，當服酸菜水即愈。又以鹽水浸棉花曬乾，作防毒護口套，亦可避毒，等語。查敵人最畏我軍戰而不勝，必下毒手，似亟應謀所以預防之方等情。據此，查敵軍不講人道，一旦勢窮力促，難保不出此種卑劣手段，以圖一逞。着該總監即協同化學會人員，妥為研究，速擬防護辦法具報，以憑核奪施行，爲要。

通令注意八二迫擊砲彈三種弊端電 十七年三月廿一日

據王監督子祥報告，屢經試放八二迫擊砲彈，結果發現須以紙包裝白炸藥，並用黑炸藥圍護，力量頗大。間有發生危險者，綜其弊病，約有三端：（一）以前所裝之迫擊砲彈，爲求速效，未用紙包。（二）砲彈螺絲蓋，不免鬆懈。（三）砲彈上或有沙眼之弊，亟應改良，以求適用。至送彈藥，或裝棉花藥一兩四錢，或裝無烟藥二兩二錢八分，其射遠距離，均係二千七百米達等語。查王監督研究迫擊砲彈，何種有利，何種有害，確爲實地試驗所得。務望各部主管，督飭各迫擊砲團長營長等，一律注意，以求進步，而免危險，是爲至要。

令鞏縣兵工廠監督吳瑞芝悉心研究造槍方法電 十七年四月十日

查槍械彈藥，實爲軍中命脈，其製造之精粗良窳，影響於軍事之勝負者綦鉅，關係重要，豈容忽視！

查該廠新造之七九步槍，經本總司令親自試驗，其中因撞針短，或發簧弱，不過火者，五槍之中，竟有兩枝。餘如槍械大小不同，關開不便，以及發射以後，彈殼不能退出諸弊，指不勝屈。且各槍射擊四五發後，槍身即熱度甚高。凡此種種弊端，設在前方作戰之際，發現貽誤大局，何堪設想。該主管製槍廠廠長，顯預敷衍，殊堪痛恨，着即撤換，以儆效尤。該監督督查不週，督率不力，着記大過一次，以示懲儆。所有試驗各槍之號碼，另單列示，着即悉心研究，以求進步，勿得再事粗疏，致于咎戾。切切，此令。

請軍委會再發步槍子彈二百萬發以應急需電

十七年四月廿四日

此次奉命北伐，河北魯西同時並進，激戰兼旬，尤以北路為極猛烈，因而消耗彈藥，為數至鉅。頑敵雖經挫敗，實力並未十分消滅，非再經幾場惡戰，不足驅出關外。尤非有大批子彈，不足濟此宏願。綜查前綫各軍，每兵子彈最多不過三十粒，若不再予補充，恐將無法應敵。每念及此，非常焦灼。萬懇鑒此險狀，准予再撥步槍子彈三百萬發，以應急需，而壯士氣，不勝切禱，仍盼賜復。

通令輸送彈藥必派妥人及兵護送電

十七年四月廿六日

我軍彈藥，來路艱難，疊經通令各部隊萬分節省。而對於輸送彈藥，尤應萬分謹慎，嚴密保護，絕不可稍存大意。茲查第八方面軍，由道口起運彈藥，行至濮陽城北疋疋廟地方，突被敵人騎兵截獲焚毀。

雖云爲數無多，粗心疏忽，實屬太甚。嗣後發給各軍彈藥，無論由鐵路或陸路輸送，必派老誠可靠之人管理其事；無論如何，至少並須派三十人以上之兵力，保護押送，萬不可稍涉大意，致生危險。此事關係太大，各將領務必嚴飭所屬，特別注意，千萬千萬！

通令詳報各種軍械得獲損失消耗等數日電

十七年六月廿四日

爲令行事：現當京津底定，軍事告一段落，各軍槍砲彈藥，亟應整頓補充。查近二月以來，各軍在前方作戰，或在後方剿匪，所有得獲損失消耗，及歸併調撥數目，均未具報；對於籌畫補充，殊感困難。爲此令仰各軍，將所有槍砲彈藥刀矛雜械，務須切實調查，分作得獲消耗新領現有各項，以師爲單位，詳細列表呈報，限于七月五號以前，逕送鄆州軍械處，以資查核。嗣後仍須依照規定軍械月報辦法，繼續辦理，萬勿間斷，是爲至要。切切，此令。

覆報軍委會查辦運藥失慎情形電

十七年九月廿九日

感電奉悉。職部在京運藥人員失慎，致傷人民，並毀房舍。該員等辦事疏忽，業已分別嚴予懲處。押運員王忠誠、魏守義二員撤差訊辦；軍械處長陳萬青，駐京辦公處處長熊斌，各記大過一次。至所有炸斃之人民及警士，各給撫卹費二百元。傷者分別輕重，重者一百元，輕者五十元。震倒之房舍，當查明估

價，酌給賠償。除飭熊處長斌分別辦理外，謹電奉覆，敬祈鑒察。

令李興中等會商挑選軍械學員電 十八年一月十七日

查軍械保管，至關重要，司其事者，必須具有保管之知識，始能保持安全。鞏縣軍械學校學員，爲數過少，連現有者，必須補足貳百名，切實訓練；尤須挑選優秀分子，俾收事半功倍之效。着由李副監與中，召集尙處長得勝，吳監督瑞步，會商辦法，迅速進行。並將辦理情形，具報查考，爲要。

通令注意保存彈藥電 十八年六月十二日

彈藥保存，極關重要。歷年每當作戰之際，時有彈藥失慎之事，貽誤軍事，莫此爲甚。如最近漢陽兵工廠子彈庫，及南京造幣廠之失慎，馬鴻逵部彈藥，在鄆州兩次失慎，均係保存不慎所致。現在我軍，亟須另定妥當辦法：一、當駐軍時，最好挖掘土洞存儲，且須分存多處。二、行軍時，搬運須特別慎重。三、各部隊均須指定專責人員保管，各主管尤應不時查考。四、無論何時，須有保護彈藥部隊監視，絕對禁止閑人接近；一方預防危險，一方注意潮濕，並須特別注意奸人從中破壞。以上各節，望即遵照，並轉飭所屬，由各級主管指導軍械人員，隨地隨時分別擬定辦法，妥慎保存，爲要。

# 馮玉祥軍事要電彙編

## 卷十 軍醫

令薛篤弼配製暑藥電 十六年五月二十一日

西安薛委員長子良弟鑒：現值溽暑薰蒸，軍中亟宜備置暑藥，以防時疫。潼關藥物缺乏，貨劣而價昂。請在西安揀選上好藥料，將紅靈丹、人馬平安散、痧藥三種，各配製六十兩。並每種撥給岳西峯部十兩。其餘每種五十兩，即派委員速送潼關應用，愈快愈好，免使患難弟兄，沾染疾疫，致減少戰鬥力量。至要。

令各將領注意檢查井水防敵投毒電 十六年五月二十四日

據劉總司令汝明電稱：捉獲麻逆所派專往井中擲毒之人一名，隨携有斷腸散一品，能令人吃之立死；並供稱派有二人，請通飭注意，等語。查行軍駐軍，井水必須檢查，井台必須派崗，陣中勤務，特別記載，關係至為重要。望即切告值日官兵，及軍醫人員，十分注意此事，並嚴緝投毒之人。於新佔領之地方，尤為切要。

令各軍速設前方醫院電十六年十二月十二日

查各軍傷兵，如統歸總部醫院治療，恐有不週，且時延期。各軍應速自設前方醫院，每院約容五百至千人左右；各旅團營隊所附軍醫，仍分任救護招待輸送等責，庶免傷兵痛苦。至醫院公費，由總部軍需司發給；藥械由軍醫司補助。其餘一切設置，統照衛生監部傷兵各院辦理。

通令躬親慰問士卒疾病並注意二三事電十七年一月二十四日

查吾國外受帝國主義之侵略，內受賣國軍閥之搜刮，以致國困民窮，財政日窘；本軍餉源，亦因竭蹶。各將領帶兵唯一之道，祇有對於士卒之困苦疾病，常親慰問，冀其精神上稍得舒適，方能使効命疆場，撲滅敵人。曾語有云：求將之道，在有良心，有血性。又胡語云：古來名將得士卒之心，蓋有在于錢財之外者。又云：軍中須得好統領將官，好統領將官，須得真心實腸是第一義。各士卒之罹染疾病，均以主官之事前防範與否為准則。故同屬一軍，其致勝敗之由，與病號之多寡，有莫大之關係焉。我軍此次北伐，與殘餘軍閥作最後之奮鬪，亦即國民革命行將成功之際，各級將領極應設法集中兵力，以備一致殲敵。故後方各傷病兵醫院，已經治愈者，務須從速領回，加入前方作戰。曾語有云：兵略之取攻勢，固也；惟必須兵力雄厚。昔普法戰役，法人國境之師，動員雖頗迅速，而以兵力未能悉集之故，遂致着着落後，陷

于防守之地位，可爲殷鑒。又我軍歷年戰爭，對精神教育，缺乏充分訓練，紀律因之日益廢弛。各官兵得花柳病者，在所不免；各醫院醫務人員，宜拒絕診治，並不准收留住院，免致傳染他人。茲將各級長官亟應注意之三事列下：（一）對輕重傷病號，須至後方查考，並慰問一切；其已經治愈者，立即令回前方工作。（二）現在已達春季，須慎防各病發生，以免減少戰鬥力。（三）對官兵之得花柳病者，非僅不准各軍醫人員與之診治；且令據實報告，立即開除，不准留用。仰即遵照辦理，是爲至要。切切，此令。

通令前方各將領添補擔架與醫務人員電

十七年一月二十四日

我軍現正積極北伐，以與軍閥作最後決戰。肝腦塗地，流血殺敵，固爲革命軍人本分。然戰線之上，救護之方，在在均須預先籌劃，期臻完善，庶受傷之武裝同志，得以隨時獲得救護。本總司令對於傷官傷兵，因其爲革命犧牲，倍加推敬，倍加愛護，力所能及，無不盡量設法。查擔架器具，與擔架隊員，在作戰之時，實施救護，最關重要。現在各軍所有之擔架，殊嫌太少，不足以供臨時之需要；大戰在即，添補不宜稍緩。茲規定每方面軍，須有擔架百付，每軍須有擔架六十付；其捆紮醫藥人員，亦應即速增添。至添補擔架及人員辦法，望各逕與本部軍醫司切實籌商辦理，愈速愈好，至要至要。

通令檢查官兵有無花柳雜病電

十七年一月二十日

查本軍年來，因行軍太遠，作戰太久，一切軍紀風紀，整頓太差，以致官兵身體，不甚康健；或被傳染各種雜症，甚至有沾染花柳梅毒者；調治稍遲，即成不治之症，危險奚似。時當春季，陽氣上騰，百病突起，必須認真查驗，一則可以豫防，一則可以速治。宣傳處，政治處，並須特別注意，搜集各項材料，照像繪圖，廣事宣傳。各營連均須擇地將宣傳品粘貼滿壁，使官兵一見，知所警惕，以免再犯。茲定於本年二月十五日起，至廿五日止，為各項病症，及花柳病，預防運動期；屆時舉行大會，分頭講演，並刷印各種傳單，痛言其中弊害，使人人知所畏懼。至檢查花柳病，須先從總司令部，暨各總指揮部，各軍師旅部官佐開始檢查，分別醫治。如查得有生花柳病者，即將其生病之處照像，照像以後，一律開除，禁閉醫治；俟其治愈，如能悔改，再行呈請錄用；無論官兵，一律如此辦理。此後每二個月檢查一次，有花柳病者，即行開除釘鍊監禁，以示警懲。仰即遵照辦理，並將辦理情形，詳細具覆，為要。

通令呈報軍醫出力人員以便核獎電 十七年二月二十六日

現在革命勢力與反革命勢力正作最後決戰之際，革命勢力增一分，即反革命勢力減一分，亦即革命成功早一日，故對革命勢力，必須竭力維護。此種維護之責，固屬於主官；而軍醫人員，實亦共同分擔。軍醫能盡職守，能努力奉公，平時之種種預防疾病，收效宏大，姑不具論。即如戰時，受傷官兵，如得其

多方醫治，迅速痊癒，便可繼續執行作戰職務，增加戰鬥力量，關係之大，莫逾於是。查去年東路之役，歷時三月，大戰五次，我軍完全勝利，俘敵四萬，奪獲鋼甲車五列，其他戰利品不可勝算，此皆將士努力之良果。唯以迭經劇戰，白刃相接，血肉相搏，受傷官兵，前後共計萬人。當因軍醫人員，深明革命真義，積極醫治，迄於今茲，業已十愈八九，僅餘傷病官兵二千餘人，不日即可完全治愈。似此努力工作，俾戰鬥力量，不至減損，革命勢力，日益發揚，篤念勤勞，殊堪嘉尚。除軍醫監楊懋，軍醫司司長繖文龍，副司長胡蘭生，參事馬瑛，業已頒發革命獎章外，所有各該部隊軍醫出力人員，仰即分別轉飭查明，呈報核獎。並對於軍醫事項，切實注意，毋稍疎忽，切切此令。

#### 通令掩埋陣亡病故官兵電

十七年七月十六日

查現在天氣已熱，瘟疫堪虞。所有我軍前方陣亡及後防醫院病故之各官兵，無論有無本軍義地，均須即時掩埋，至六尺深，俾各烈士得以入土安身，且免發生疫病。仰各部隊各醫院，即行遵照辦理，是爲至要。

#### 通令對服裝應在補好洗淨四字上努力電

十七年七月二十三日

查軍服爲觀瞻所繫，關係衛生，尤爲重要。近查各軍將領及軍醫人員，對於服裝之保存穿著，多不

注意，以致官兵服裝，污穢破爛，殊乖衛生之道。爲此通令各軍，無論服裝破爛與否，均須在補好洗淨四字上努力，然後着用。現各軍中以韓復榘部服裝爲最整潔，以洛陽各級教導團爲最次。嗣後各級官長，及軍醫人員，務必刻刻注意，隨時查考，是爲至要。


### 通令舉行大規模掃除運動電十七年十二月十三日

我國人對起居飲食之習慣，素無衛生訓練，社會公共衛生，更不講求，全國城市村鎮，但有人跡之處，無不藏污積垢，蠶涸比比皆是，致不能保持民族固有之康健，而以東亞病夫見譏於世。願猶驕慢自大，放誕自縱，目光短隘，思想幼稚，自居爲東方精神文明之中心，不屑虛心下氣，舍己之短，學人之長。海禁開放，迄今已八十餘年，除訂下大批亡國滅種之平等條約而外，所受科學的洗禮，微乎其微。較之東鄰日本，勇於接受西方科學文明，以躋富強，吾儕老大民族，誠應愧死。孫總理嘗云：一切真知特識，無不從科學中來。今欲謀實現三民主義，達我國家完全之獨立自由，必先求全民族生命健康之恢復，與科學的衛生訓練，此誠屬目前第一要務也。國民政府有見及此，特設衛生專部，以總其成。定於十二月十五日舉行全國大掃除，此舉所含意義，至爲重大。望即轉飭所屬，一體遵照中央明令，屆期分別舉行大規模之掃除運動。從是以後，吾人應即痛改前非，舍己之短，學人之長，即以此日爲精神上滌瑕盪穢

之紀念日，是爲至要。

通令注意衛生電 十八年一月三日

我國社會，缺乏衛生訓練，以致民族健康，一日不如一日，危險孰甚。我輩革命軍人，必須痛矯此弊，營房內外，須勤洒掃；官兵衣服，須勤洗滌；並須常常舉行檢查。使每一官兵，均能了解衛生之真意義，起居飲食，秩然不紊。無論何時何地，令人一見，即肅然起敬，均知其爲清潔整齊，有禮有威之君子之勇士之真革命者，以期挽回民族健康，洗雪病夫譏諺，是爲至要。



# 馮玉祥軍事要電彙編

## 卷十一 軍運

規定各軍每連大車不得過兩輛電十六年三月二十一日

大戰在即，一切準備，刻不容緩。各部隊使用大車，每連不得超過兩輛；其師旅營部及彈藥隊運輸隊等，亦必力求限制；似此既可節省冗費，且不重擾人民。其無車馱者，亦應積極籌備他法。至對裝載方法及重量等，務應詳密計劃，免致雜亂，而防軍事，是爲切要。

令平涼各縣備牲畜輪運軍需物品電十六年五月十七日

平涼、涇川、長武、邠縣、乾縣、咸陽、長安、臨潼、渭南、華陰、潼關，各縣長均鑒。現值軍事時期，軍需運輸，至爲重要。查由平涼至潼關，路線過長，天氣漸熱，車馱轉運，自甚困難。惟當此革命猛進之時，軍事日有進展，所有各種接濟，自非迅速輸運不可。茲爲迅利戎機，兼恤民艱起見，特令沿途各縣，分備牲畜，更替馱運，庶免人馬過勞，致多病斃。爲此令仰各該縣速籌車馱，以便交換轉運。所有換運辦法，即按縣輪轉。如由平涼輸送，達涇川時，即交涇川轉送長武，依次接運；妥爲認真保護輸送，不得稍有疏虞，而免發生意。

外。事關重大，各該縣長，務須切實辦理，毋得玩忽，致誤戎機。並仰將籌劃辦理情形具覆，至爲切要。

通令鐵路車輛均歸兵站管理 電 十六年五月二十四日

據報，火車車皮，均被前方部隊派員押守，後方留守物品無法運輸，秩序極爲雜亂，等語。查火車到陝，應先將糧食子彈運送前方，以應急需。如各自爲政，彼此爭運，不但妨碍運輸，且易發生危險。所有車頭車皮，着概歸兵站總監部負責管理；如各部隊需車時，須與兵站總監部接洽，聽候分撥。前在京綏路時，因不守車道規章，死傷人數不少，各將領當能記憶也。除特令前敵總執法負責維持此令實行外，仰即轉飭所屬，一體遵照。

通令規定火車管理運輸五項電 十六年五月二十四日

茲爲保全官兵性命，圖求革命勝利計，關於火車管理運輸事宜，制定下列各項，希即嚴令所部，一體遵照。（一）所有車頭車皮，均交兵站總監部管理；各部如有需運物件，須與該部接洽聽候分撥。（二）開車、停車、掛車、倒車，均由隴海路各車站站長負責辦理。（三）無論係何部隊，未得兵站總監部許可，不准私行佔用車頭車皮。（四）無論係何官兵，不准強迫車務人員開車停車以防危險。（五）着由張總執法之江，嚴密查考，如有不遵功令，強行佔車開車者，准以軍法從事，就地槍決。兵站人員及車站人員。

如有放棄職守，不負責任，或營私舞弊者，亦應從嚴治罪。要知我軍往年佔車，因至遺誤運輸者，不止一事；因撞車而致損失生命者，亦不止一次。前車可鑑，安能再蹈覆轍？故不得不嚴申約束，望各凜遵。此令。

#### 通令開駛火車須聽路員指點電

十六年七月十一日

查行駛火車，乃專門學識，非有站長及路上各職員之指點，未有不發生危險者。去年在京綏路上懷來天鎮大同等處，疊次發生撞車慘禍，其原因皆由於各帶兵官副官傳令兵等不明道理，爭欲先行，不經站員允許，便爾勉強開車，馴致禍變爆發，無辜官兵，慘遭犧牲，械彈車物，同為灰燼，追念往事，實堪傷痛。嗣後運輸軍隊，及出差各官兵，如能無須坐火車者，即不必坐車。不然，便須處處聽站長及路上各職員招呼，不准率行己意，鹵莽從事，用期弭患未然。如有膽敢違玩，定以軍法從事。此實保存官兵性命良法，除飭員隨時查考外，望即轉飭所屬官兵，一體遵照，是為至要。

#### 通令實行乘車五條辦法電

十六年七月二十二日

查火車運輸，極關重要，無論何項人員，均應一律維護，以重交通。茲規定乘車應守五條如下：（一）軍隊開拔，非有特令允許，不准用火車輸送。如必須用火車輸送時，一經到達目的地，便應即將車輛交還運輸司令部，不准滯留。（二）關於開車等事，須聽站上人員指揮；無論何人，不得強行逼迫開車，以免

發生危險。(二)軍人只准乘軍用車，惟仍須持有旅長以上主官給與之辦公證。(四)便衣軍人須持有本總司令所發之執照，或自行購票，方准乘車。(五)普通人須一律購票，方准乘車。除飭各地高級軍官，親身嚴密查考外，望即轉飭所屬，一體切實遵照。並由交通司令王學智將此令遍貼各站，俾衆周知，爲要。

通令不准擅用火車輸送電

十六年七月二十四日

軍隊行動，除萬不得已時，不准用火車輸送，藉以習勤練苦。在此車皮少，機車更少之時，以步行爲根本辦法。務密令各級官長，明白此中利害，切實奉行爲要。

令許驥雲聯絡鐵路人員以利交通電

十六年九月十六日

現當作戰之時，運輸最須靈便，故非鐵路交通不可。對於此事，請萬分小心。務須與鐵路上各級人員，多見面，多聯絡好感。對於鐵路工會，須撥多款幫助。對於工會所有困難，須百般設法幫助，使其樂於從事。則運輸自易靈便矣。此事關係重要，特電切囑。

通令不准擅佔車輛電

十六年九月二十七日

凡沿鐵路各站駐紮軍隊，應幫助站上人員，力求潔淨，以重衛生。並應與地方民衆及鐵路人員，聯

絡好感。所有站上機車車輛，一概不准擅扣使用。當作戰時，關於彈藥一項，准其儲於車內，以便隨時掛走。其餘各軍需品，均不得預事存藏，庶可多騰車輛，運客運貨。我軍困窮已極，衣食之源，半在於此，各將領尤須體念此意。故凡運兵車輛到達目的地時，須即刻卸下，將車交還運輸司令部。非至萬不得已，不可隨意呈請專用機車。各總副司令指揮軍師旅長，尤須親身到站考查。須知凡事斷非徒恃一紙空文，往下一傳，即能辦到，必須口到眼到身到，方可牢靠。如查出部下有不遵功令者，尤須嚴懲，以示儆戒，而肅軍紀。望即遵照切實辦理，爲要。

#### 通令取締佔留車輛電 十六年十月二十六日

查交通一項，關係作戰，至爲重要，尤以鐵路運輸，對於作戰勝負，關係至鉅。近年國內各戰爭，以鐵路運輸辦理失宜，因而失敗者，例證甚多。如車輛之擁塞軌道，軍隊之佔留車輛，皆足影響戰爭，鑒往知來，詎可再蹈覆轍。自取滅亡。茲特規定應注意事項如下：（一）無論何部軍隊，概不准存留車輛，無拘前線後方，均應一體遵守。（二）各部隊現有車輛，須一律交由運輸司令部調度，俟需用時，再隨時去要。（三）機車爲行車要件，更不准扣留，免致無法拖運，貽誤大局。（四）現在各部所留之機車，可即交還運輸司令部，或所設立之前方運輸辦事處，以資週轉，而便活用。以上四項，有關戰事前途綏大，合行電令。

着即轉令所屬一體遵照，主要切要。

令許驥雲等注重火車稽查員電 十七年十月三日

查豫省爲漢平隴海鐵路交貫之區，冠蓋往來，交通極便。覘治化者，往往藉旅行之視察，觀政治之良窳。火車稽查人員，關係極爲重要，自不待言。現在荏苒未靖，稽查固宜嚴密，惟言行舉動，應力求溫和平明。總期奸宄斂跡，行旅不擾，並使旅客一入豫境，車行所至，處處發現一種秩然有序之氣象，無形之中，油然而發生一種好感。稽查人員，必能如此方算盡到責任。仰即本此意旨，妥慎辦理，是爲至要。如何辦法，分條詳復，爲要。

通令不准擅扣車輛電 十七年十一月二日

查沿鐵道各部隊，所留用之車輛，無論是否裝載子彈行李及營底，均應一律掃數移交路局接收，不准擅自扣用；如有用車之處，應與路局臨時接洽，業經銜電通令在案。惟查各部隊，遵令移交，來電具報者，固不乏人，而玩忽功令，奉行不力者，亦實不少。爲此特再重申前令，仰即遵照辦理，具覆，爲要。

通令兵馬上下火車須特加訓練電 十八年四月二十四日

照得軍中動作，最貴迅速敏捷，尤貴整齊嚴肅。然苟非訓練於平時，臨事未有不舉動失宜，措置乖

方者。查士兵馬匹，上下火車一事，最關重要，因平時缺少訓練之故，往往上下車輛，秩序極爲紊亂，求速反遲，貽誤事機，誠匪淺鮮，是不可不特別注重講求。茲特規定演習辦法如下：（一）目兵多在曠野演習上下火車之動作，務做到迅速整齊嚴肅六字而後已。（二）馬匹訓練，挖溝蓋板，由寬而狹，務使馬行於其上，至不驚逸而後止。以上兩項，望即督飭所部切實訓練，爲要。



# 馮玉祥軍事要電彙編

## 卷十二 軍法

解送陳樹藩部張飛生至保定電民國十年

本省軍隊，非統兵者自行編練而成，皆係收合之衆，不知服從，不受約束。張飛生勇武善戰，玉祥深愛其才，但其部下，日肆搶擄，毫無顧忌，張亦無如之何，派兵解散，實逼處此，非得已也。惟因商民指控四十餘起，皆以縱兵殃民爲詞，不得不暫行羈押，稍平民忿，而確知飛生非樂其部下之擄掠也，特無力使之受範耳。兵之能爲國用，在遵守服從之義，陳氏督陝數年，軍政不綱，幾無一兵能守紀律，此皆陳氏之失德，非部下將領之罪。祥之羈押飛生，正預爲開悅之地，遠蒙明察，飭將張飛生送往保定歸鈞憲安置，不獨飛生感恩無地，祥亦深感曲成也。謹遵電令，當即派兵護送赴保，知關廩念，先電奉聞。馮玉祥叩。

通令在甘將領查禁官兵吸食鴉片電十五年十一月五日

查鴉片爲害，甚於洪水猛獸，稍有知識，皆知禁戒，而本軍尤痛斥非常。惟甘省夙稱產烟，誠恐我入甘各軍，逐漸沾染阿芙蓉癖，貽害將不堪設想。茲特電請轉飭各部，一體嚴密查禁，如本軍官佐兵夫有

吸食鴉片者，應即槍斃。並須切實申誡，多方偵察，是爲至要。

令宋哲元許驥雲旅行軍不整記過一次電十五年十一月二十四日

養電悉。查周永勝旅，行軍紀律尙好，殊堪嘉慰。惟許驥雲旅，軍紀不整；足見該旅長未能親自督查，隨時改正，有虧職守；着准記過一次，以示懲儆。

通告將兵站長劉建寅槍決電十五年十一月二十六日

查兵站爲軍食惟一命脉，膺斯職者，應如何束身自愛，潔已奉公，俾糧秣無缺乏之虞，地方有其蘇之頌。乃李崗堡兵站長劉建寅，不思盡職，竟敢故違禁令，任意騷擾，強佔有夫之婦，敗壞軍紀，莫此爲甚。我軍自失敗以來，創鉅痛深，正應積極整頓，莠草不芟，劣馬不除，不特無以對國家，無以對人民，抑且貽害團體，流毒無窮。況該站長自民二入伍，迄今已十餘年，軍中禁令，素所深悉；乃在本總司令就職之後，竟敢如此胡爲，弁髦法令，可惡已極。即於本月二十六日將該劉建寅在磴口執行槍決，以昭炯戒，而肅法紀。仰即轉飭所屬一體知悉。

通告已將冒充官長之張維新槍決電十五年十一月二十七日

本總司令於念五日生抵磴口，查有張維新者，竟敢冒充長官，自稱陸軍少將，刷印銜片來見，並到

處招搖，勒騙民財，曾經拘訊，供認不諱。似此胆大妄爲，惑不畏法，殊堪痛恨！若不從嚴懲辦，何以儆惕效尤？若將該張維新即日槍決，以昭炯戒。查我軍努力革命，軍行所至，亟應嚴明紀律，用慰民望。仰各部長官，隨時隨地，從嚴整飭，認真查究，萬不可稍存姑息，貽誤大局。並須對所部不時耳提面命，詳加誥誡。須知軍法無親，有犯必懲，幸勿以身嘗試，是爲至要。

令佟凌閣整頓軍紀電 十五年十一月二十七日

查軍隊無論到何等地方，非有紀律，不能存在；必有紀律，而能愛民者，方爲真正軍隊。據報此次我軍行軍，以修師紀律爲最壞，沿途騷擾，無所不爲。該師長平時頗能表率，何以此次竟壞到如此地步？使我不禁落淚傷心。現該師已開到省城，應即竭力刷洗，認真整頓。須知在十六旅時，待官兵之情形如何？紀律如何？藉資猛省。如此後該師紀律，仍不能日見起色，當惟該師長是問。再該師旅長谷良民、劉兆祥身臨戰陣，頗稱勇敢，祇以不學無術，約束部隊，未免太差。現既升任上級軍官，當以愛惜名譽爲至要，舉凡言語動作，均須日進文明，方足表率部屬。至拔除官僚習氣，斬斷虛假惡根，尤爲至要。至要！特囑遵照。

請于右任轉達在陝二、三兩軍整頓軍紀電 十五年十二月四日

咸陽西安探投于總司令右任同志，轉二、三兩軍各將領同志均鑒。迭據陝民稟稱，嵩匪禍陝，備極

慘酷，秦民何辜，遭此荼毒！遙望關中，悽然淚下。我國民軍向以民衆爲前提，以救國救民爲己任。現嵩匪雖已敗潰，長安雖已解圍，而滿目荒涼，瘡痍未復，休養生息，善後待籌。凡我同志將士，應知和衷共濟，謹守法紀，用期昭蘇民生，爲國自愛。惟以道途既遠，耳目難周，劣馬害羣，恐所難免；以除暴者爲暴，以救民者害民，事之傷心，孰過於此！本總司令前與各同志將士約：當西安未解圍前，在陝軍隊，所有不法之事，接勢原情，概不追究；及解圍後，軍事已漸就緒，自應嚴整紀律，約束部屬，以符弔民伐罪之初衷，而完革命軍人夙志。望速轉達李虎臣、楊虎臣、衛定一、田玉潔、張萬曾、侯天相、黨玉昆、姜宏模、楊師陸、黨海樓、丑秀珊諸同志知照。本總司令日內赴陝，當密派人員日出訪查。如果紀律嚴明，秋毫無犯，即爲良好軍人，必予以逾格獎拔，充分接濟，藉資鼓勵。倘有故違禁令，仍事騷擾，即取一草一木，亦必嚴行懲辦，以昭炯戒。國民軍必須成爲一紀律嚴明之軍隊，方能肩負救國救民之重任也。言出法隨，決不寬貸！用特電告。

通令不准佔駐學校電 十五年十二月二十日

查學校爲養育人材之地，保護獎掖，惟恐不及，遑云摧殘。我軍既負國民革命重任，無論駐軍行軍，自不應佔駐學校房舍，以免士子輟學，有傷元氣。特此通令各軍，嚴行遵照，是爲至要。

通告槍決執法營連長崔海龍電 十五年十二月十一日

查總司令部執法營，由五原徒步來寧，當行至臨河時，該營二連連長崔海龍，竟將吳司令瑞芝之馬，強行拉去，據爲己有；迭經查找，竟不退還，反將鬃尾剪去，改換鞍轡，藉圖隱蔽；次日出發，經該司令查見，始行牽回。查軍行所至，不准擅拉牲畜，早有禁令通告在案。乃該崔海龍身爲軍官，玩視禁令，行同強盜；對於本軍軍官，尙且如此；對於人民，又當如何？況身任執法營官長，知法犯法，尤堪痛恨！着將該崔海龍，即行槍決，以伸大法，而昭炯戒。該營前營長王錫春，約束不嚴，本應嚴懲；姑念陣傷未愈，着格外從寬，嚴加申斥。總軍法官張吉墉，教育無方，亦一并申斥。再行軍不但不應擾民，還須以實行助民愛民爲本；能使我軍過處，鷄犬不驚，卽是真正愛國，真正愛民。多助之至，天下順之，勝敗之機，卽決於此。現我軍正在陸續行進之時，各將領務要關心民瘼，詳查所屬，必做到「有犯必懲，無民不頌」地步，方可配稱爲革命軍人也。此事關係甚大，務請三復，爲要。

通告便衣稽查袁存德詐欺取財執行槍決電 十五年十二月十日

冒充官長，固犯刑章，恐喝取財，尤干厲禁。乃查有第四師十一旅便衣稽查袁存德，於該旅旣經開拔之後，竟復逗留寧夏，連宿娼寮，在金海下處，託言稽查軍隊，用言語恫喝，剝人棉袍；又在永合下處，冒充營長，詐人手錶。似此種種，殊屬胆大妄爲，惡不畏法；着按軍法處以死刑，於本月十二日執行槍決，以

肅軍紀，用昭大戒。仰即轉飭所屬，一體知之。

令鄧金聲緝拿黃克德等電 十五年十二月廿五日

迭據報告：黃克德等，對於軍械子彈，及重要款項，均有不清楚情弊；現在並有破壞我軍團體之事實。聞伊二人尙在綏遠附近，望即派人密緝誘拿，押解來寧，以便對質。案關軍事要犯，拿獲一名，賞洋一萬元。請速嚴密辦理，勿任逃逸，並交韓總司令復榘弟押來，至盼至要。

請于右任鄧寶珊轉告二三軍力求自新電 十五年二月三十一日

我軍以國民革命爲惟一宗旨，必當以救國救民爲事，對於民衆，須極盡其保衛之責。從前在陝二三軍中，不免有聞善稍遲，往往對於民衆，發生軌外；事屬既往，可置勿論。惟從今以後，亟須力求自新，共圖革命，方是吾黨之好同志，好手足。倘仍怙過不悛，未肯從善，則爲維持軍譽，嚴肅軍紀計，惟當另立辦法相待，決不能坐視不相匡救也。望將比旨，轉告各同袍官兵。現衛隊師韓師長德元所部五旅之衆，已至乾州，即請隨時調用。如有何困難之處，請一併示知，以便辦理，特達。

嚴禁陝軍綁票行爲電 十六年一月十日

國家養兵，原爲保民；我輩革命軍人，尤應與民衆親切結合，庶可得其援助，促成救國大事；決不容

稍有騷擾，致違主義。陝省兵燹之後，瘡痍未復，宜如何撫慰喚咻，以奠民生。乃查近日陝軍中，時有不守分軍人綁票之事，似此荒謬絕倫行爲，若不嚴行禁止查拿，誠恐天怒人怨，覆亡立至。爲此通電各軍，務請嚴申軍紀，並佈告人民，凡有軍人綁票詐財者，准人民格殺勿論；其由軍隊或地方官拿獲者，准予立地正法；其在駐軍範圍內發現上項情事者，該管帶兵官長，應連帶負責，予以處分。希即查照辦理，藉安地方，而定陝局，是爲至盼。

通令嚴密搜查奸宄電 十五年一月二十一日

現在作戰期間，無論後方前方，均須嚴密警戒，搜查奸宄。凡軍隊駐紮地點，均須於四周一二十里內外各要道口，設下放哨，嚴密盤查。凡屬軍人來往，均須問明來蹤去跡，審查護照，方能放行。如遇有便衣人帶槍，而無正式機關護照者，一律扣留嚴押訊辦，以清奸宄，而防敵間。望即分別轉飭所屬遵照，并布告軍民一體知照。

通令各部隊緝拿潛逃團附馬兆奎電 十六年二月廿五日

據方總司令振武電稱：職部前過寧夏，由馬鎮守使鴻賓，撥來營長馬兆奎，率騎兵六十名，歸職部編入騎兵獨立團，當將該員調充騎兵團團附。詎巧日夜，該團附於封鎖大荔之際，僞傳命令，潛率騎兵

二十名，携帶槍支馬匹，由蒲城東遁，經北山向寧夏逃去。除將該連附馬成福、丁良才當場追獲，擬請就地處以死刑外，並懇通令沿途駐軍一體截緝，勿使倖脫等情。查該團附馬兆奎身為官長，竟敢率隊携帶槍支馬匹潛逃，殊屬不法已極。除電復令將當場追獲之馬成福、丁良才兩人就地槍決外，仰即轉飭所屬一體協緝務獲為要。

令宋哲元門教中注意三事電 十六年二月廿五日

茲有三事，分示如下：（一）前令馬師長鴻賓，挑選好槍好馬兵士一千五百名，開至平涼，聽候調遣。現已挑齊否？出發否？除令該師長迅即遵辦外，希催促出發具報。（二）寧安堡一帶過於空虛，已令趙師長守鉅所部，迅即開駐寧安堡，以便與固原平涼聯絡。請迅令該師前往，以重防務。（三）據報告在寧部隊，有任意嫖賭等事，長此以往，不特軍隊墮入下流，且恐橫生枝節。着該總副司令認真整頓，以挽惡習。並須飭韓師長占元、馬師長鴻賓，共同負責，嚴厲查禁。如再有此等情事發生，即惟該總副司令師長等是問。以上三項，如何辦理，希即電復，是為至要。

通令駐寧夏各高級軍官整飭軍紀電 十六年二月二十六日

據確報：各該路師所部官兵，在寧肆行嫖賭，滋生事端，毫無忌憚等情。當此大敵當前，力爭存亡之

時，竟發現此等自取覆亡之現象；各該管長官，訓導不週，約束不力，殊難辭責。仰即積極整飭，認真考查嚴辦。如再查有此種情事，定惟各該管長官是問。

通令石友三嚴查擾民官兵電 十六年二月二十七日

迭據報告：該路此次南進，由石嘴子，經寧夏，達寧安堡一帶，所經之處，拉車牽畜，爲之一空；甚至搜取民財，行劫滋事；種種強橫，不一而足。商民逃走控訴者，絡繹於途。似此軍紀弛廢，擾害人民，實與匪軍何異？着該總司令迅即認真查明嚴辦，以資整頓；否則，定惟該總司令是問。特電切囑，務即詳細具復，是爲至要。

令韓占元槍決罪須先請示方准執行電 十六年二月二十七日

皓電悉：據稱該師部副官周宗善，違禁嫖賭，又復於出差之際，冒稱旅團長，招搖詐騙，業已按法槍決。等情。查官兵犯槍決之罪者，其執行手續，須先將犯罪情由，報告請示，批准以後，再行執行，業經通令知照在案。以後務當先行請示，以符章制，不得擅自處分，至要。

令宋哲元多訓多查電 十六年三月六日

冬電悉：查整飭軍紀，首貴多訓多查；其次則在執法如山，嚴行懲處。能多訓多查，則人知謹守紀律，

不敢放蕩。能對少數違犯者，加以重懲，則可收懲一禁百之效。務望體察此意，切實遵行，是爲至要。

令石友三帶兵以紀律爲體賞罰爲用電十六年三月二十二日

帶兵之道，以紀律爲體，賞罰爲用。賞罰明，則善者益勉爲善，惡者不再爲惡，部下自少過犯之人。再現在實行革命，對一切要努力整頓，對作戰要加意準備。以上三節，仰切實注意，是囑。

通告各將領對公私界限務要分清電十六年三月二十三日

查第六師師長張凌雲，因調充本部參議，由平涼來西安，將該師部人員帶來七十餘名，并槍械十三支。又查騎兵第五師三旅旅長曲受謙，因病調爲本部參議，於離職時，將目兵九名手槍七支帶出，撥交胡長海旅，旋經查覺，該旅長亦深自悔悟，即將槍械交還，各等情。查目兵爲國家服務，槍支爲國家武力，不准擅自帶走，早經通令有案。乃該參議張凌雲，曲受謙等，於交卸時，竟將所部人員及槍械，視如個人私有物，任意攜帶，實屬不知大體，玩視禁令。着將該參議張凌雲，即行撤差，并釘鎖禁閉。該參議曲受謙，姑念患病未愈，着行停職一年。各該主官今後對於公私界限，務要分清，萬不可稍有含混，致干禁令，至要。

令口口口自行詳覆有無嫖賭行爲電十六年三月廿五日

查我軍與帝國主義走狗，血戰年餘，各官兵之死者既未葬埋，傷者又無藥治，殘廢者亦均未撫卹。在此慘狀之下，我輩應如何激發天良，以求貫徹初衷，而拯此被壓迫之同胞，及次殖民地之中國。余此次國外歸來，努力革命，抱定死而後已之決心，不復料慮成敗。該總司令繞道赴包，相見之後，以爲該總司令已有澈底覺悟，是以將我共死生患難之同袍手足相付託。乃近據各處確實報告，該總司令在寧，與□□□□□□□□等，日事麻雀狎妓，及種種惡劣行爲，竟置軍事於不問。不謂該總司令墮落糊塗，至於如此之甚，試問天良何在？究竟有無其事？望即自行詳覆，不得少有朦混，益增咎也！切切。

通令劃一服裝電 十六年三月卅一日

軍隊服裝，爲觀瞻所係，清潔固當注意，色樣尤應劃一。近查本軍官佐，紫束裹腿精神煥發者，固屬極多；而褲腿釘扣，不紫裹腿者，亦復不少。參差不齊，殊背劃一之旨。此後應一律紫束裹腿，不得再有上項情事。至風衣之領，一律改用灰布，所有黑色絨領，概行禁止。務使官兵服制，除衣帶及等級記號外，毫無分別。不惟崇儉尚樸，且使目標不易顯明，臨陣免受意外，防患未然，實含深意。用特不憚瑣屑，諄諄誥誡，仰即轉飭所屬一體遵照，爲要。

令孫良誠通傳槍決軍需長劉文明電 十六年四月二日

該路二師十一團三營軍需長劉文明，因嫖賭私虧公款，業經提案訊明，將該劉文明執行槍決，并通令在案。團長吳振聲前充該營營長時，竟允許該軍需長，私售軍糧，彌補虧空；又浮冒報銷，虛報倒斃馬匹；不知自愛，殊堪痛恨！已撤差嚴押查辦。此事關係緊要，仰即通傳所部知照，以資儆戒。

語誠宋哲元等官佐如犯嫖賭以盜賣槍械論罪電 十六年四月十日

禁賭禁嫖與清匪三事，一則關於軍中紀律，一則關於地方治安，俱屬重要。惟聞駐紮寧夏營長以上各將領，除宋總司令哲元外，均係大賭大嫖，流連忘返。現我軍努力革命工作，艱難締造，正賴各將領滌除舊污，力爭上游，共匡危局；乃竟日日墮落，聞之殊為痛心。寧夏素稱安謐之鄉，向無匪患，該總司令等駐紮該地，負有保衛治安責任，竟令盜賊縱橫，殊難卸責。語云：「形端則影直。」如欲肅清匪患，須先整躬率屬，力戒賭嫖，藉資表率。倘以後再有犯賭嫖等事者，即按盜賣槍械論罪。對於土匪，亦應認真剿辦，以靖地方。仍將辦理情形，隨時呈報，為要。

令宋哲元對嫖賭二事要多講多查電 十六年四月二十四日

銑電悉。寧夏土匪遍地，百姓不得安居樂業；我軍任務所關，殊難卸責，仰仍認真勦除，以靖地方。至嫖賭二事，最易敗壞志氣，墮落人格，官兵一有沾染，即入迷途，輕則敗德失行，重則喪身破家，對於團體，

對於革命，俱有不良影響。務要時時對官兵講說此中利害，與萬不可嘗試之理由，使其畏之如蛇蝎，談之則色變，自可以人人識爲畏途，不敢涉足，而弊絕風清矣。此外尤須百般設法查考，防患未然，有犯即懲，勿稍寬宥，是爲至要。

通告獎懲旅長栗順章等電

十六年四月二十八日

迭據確報：駐隴州第九師二十六旅，軍紀嚴肅，秋毫無犯，自到隴後，撲滅土匪數股，商民稱頌，有口皆碑。該管旅長栗順章，治兵有方，人心翕服，著記大功一次。又查駐新豐鎮第十師騎兵營崗兵，動作活潑，精神甚好，足懾敵氣；駐赤水鎮橋上之第二師五旅崗兵，除攤勤務外，均手拿書本，口不停吟；該管營長胡和道，旅長程心明，俱能訓練得法，著各記功一次。又查駐瀘橋之五師十四旅二營崗兵，精神懈怠；該管營長張雲山，教育未周，著記過一次，以示薄懲。特電知照。

通令行軍要整肅以防匪徒電

十六年五月七日

查各地無論有無駐軍，而匪患在所不免。乃各部隊行動之際，常常落伍，或出差官長士兵，三三五五，負帶槍枝，絡繹於途，適示敵以疲憊之狀，而予以可乘之機，危險孰甚。況現青紗帳起，匪徒極易隱藏，大爲落伍兵士所不易防範。特電諄囑，望即嚴行查禁，切要切要。

令方振武孫良誠組織執法隊嚴申紀律電 十六年五月十二日

查軍隊乃民衆之武力，紀律爲軍中之命脈。軍行所至，必須聯絡民衆，嚴申紀律，使軍民相安，增進好感，乃能獲得助力，俾戰事進行愈益順利。此次同志等轉戰東進，所向無前，奮發有爲，殊深嘉慰！急宜乘此軍事勝利，易流驕惰之時，竭盡全力，整頓軍紀風紀。其迅速遴選軍法人員，並組織執法隊，多方維持紀律，藉慰人民對我軍之渴望，庶免軍民交惡，變生意外。二軍前在河南，聲勢不爲不盛，祇因紀律不嚴，開罪民衆，遂致號稱三十萬之大軍，痛遭人民之襲擊，一敗塗地，不能收拾。往事不遠，可爲殷鑒。務望切實注意，勿稍玩視，是爲至要。

令各部隊組織執法處電 十六年五月十二日

查軍紀爲軍中命脈，有軍紀者必勝，無軍紀者必敗，因果相因，絲毫不爽。此種利害，迭經電令各部隊，嚴切注意在案。誠以民衆被壓迫已久，亟思解放，故不問軍隊爲何，將領爲誰，但知愛之者視同一家，害之者視爲仇敵。是以近來各處紅槍會，圍攻不良軍隊，併解除其武裝者，時有所聞。此次本軍東進，河南父老，箠食壺漿，極表歡迎。「撫我則后，虐我則仇。」古人之言，誠不我欺。惟查我軍各部隊所到之處，地方民衆，亦間有初甚歡迎，繼而閉門逃避者；揆厥原因，皆由軍紀不良之過。循是以往，必致與民衆發

生誤會，革命前途，危險實甚。茲爲維持軍紀，免除危害起見，着由各路組織總執法處，簡派高級軍官一員，擔任處長；師旅亦各組織執法處，簡派中上級官担任處長；以下辦事人員，即由各路師旅選派熱心負責官佐兼充。至執法處下所附設之執法隊，各路總司令部以四十人爲限，師部以三十人，旅部以二十人，專任考查軍風紀及督戰等事。倘能認真辦理，雷厲風行，使犯罪者全罹法網，而無所倖逃；未犯者咸有戒心，而不敢嘗試；則軍紀似鐵，軍令如山，戰鬪定獲勝利矣。此外並須督飭政治人員，努力宣傳，喚起民衆，互相聯合，使我軍完全民衆武力化。多助之至，天下順之！又何慮不能撲滅反動，完成革命？此事爲根本要圖，存亡關鍵，事在必行，幸勿稍忽。仰即轉飭所屬，一體遵行，并將組織執法處情形，具報覆核，是爲至要。

令孫良誠懲辦弄槍走火排長曾志業電

十六年五月十六日

查第三路第五混成旅二團一營一連排長曾志業，於本月三日午後三時，在華縣打站，因玩弄步槍走火，誤將本連司務長楊緒春左大腿擊傷，後經送至駐潼軍醫院診治。查該排長玩弄槍械，走火傷人，實屬疎忽已極！着由該總司令將該排長曾志業，就近交陝縣縣署執行監禁兩年，以昭懲戒。該管團長郭振忠，營長曾繼瑞，連長孫進寬，着各記大過一次。仰即通傳所屬各部隊一體知照，嗣後對於槍械，

務宜特加小心，是爲至要。

通令不准隨意坐車電 十六年五月十六日

查軍隊行軍，無論如何勞乏，均須保持威武精神，不能隨意坐車，致呈一種萎靡氣象。即長途押送空車，亦祇可輪班休息，萬不能同時均坐車上，置牲畜於不顧。乃查第九師此次由西安開至潼關，官兵多數坐車，致上下坡時，車幾拖拉不動，亦不肯下；此種萎靡氣象，殊屬有失軍人身分。又查四十一旅傳令兵張俊修帶空車赴兵站領草，本人原坐車上；後見河南逃難百姓數名，饑餓不能行動，遂下車讓給難民乘坐；此種愛民熱忱，實堪嘉勉！以較第九師之兵，優劣相懸，何啻天淵？其主管平素教育成績，可見一斑。此事雖微，在民衆方面，所受之感想却甚大，切宜特別注意。仰即轉飭所屬，一體知照爲要。

復西安省黨部處理鄂縣事變經過電 十六年五月十八日

刪電敬悉。鄂縣事變，自當澈底查究。茲將令行于總司令右任、鄧副司令寶珊電文，抄寄如下：師長何毓斌，派兵四出逼糧，屠殺民衆，釋放土匪，並將縣黨部包圍搜索，種種不法行爲，實屬大干法紀。該師長何毓斌着即革職留任，令赴軍前效力，以觀後效，務速離開現駐地點，並飭該師長，迅即查明殺人官長，及開槍士兵，押解到省，交由該總副司令等，嚴行訊辦。至死傷人民，亦由該總副司令等，派員調查，從

優撫卹，並將辦理情形具報備查，是爲至要等語。即請督照。

令張之江認真維持軍紀電 十六年六月三日

查軍隊以愛民爲第一要義，然非有良好軍紀之軍隊，殊不能舉愛民之實；而欲軍紀良好，則非認真獎懲不可。該總執法馳赴前方旬餘，關於維持軍紀風紀及督戰等事，未據來報，豈前敵無一可糾察之事，無一可獎懲之人耶？仰該總執法務任勞任怨，認真辦理，勿稍鬆懈。並將在前敵獎罰及督戰情形隨時具報爲要。

復張之江嚴行查辦財政人員電 十六年六月二十二日

皓電悉。查辦理財政人員，但有一文錢舞弊行爲，即當從嚴槍決，本總司令已一再通令誥誡在案。偷兵站總監部，竟有如李炳璇所稱，以票換現，賬款不符情形，必須依法嚴辦，毫不姑息，望即嚴行澈究，務使水落石出。並速通令各軍兵站軍需人員，重申誥誡，偷敢藐視法令，舞弊弄巧，決盡法懲治，毫不姑寬，以儆效尤。至所請遴派軍需大員澈查一節，容即派員前往，惟在未派以前，仍由該總執法負責辦理爲要，此復。

令靳雲鶚撤押違法刑訊人民之營連長電 十六年六月二十三日

據開封人民王小柱稟稱：其父保三在開封地方審判廳判處徒刑兩個月，刑期屆滿，於本月十九日，被十五師五十七團二營營長劉萬選，強提至家，嚴刑拷打，勒索洋三百五十元等情。當經執法處，拘傳營長劉萬選，連長翟朝聘，護兵馬鳳祥，趙春祥，并民人王保三等到部審訊。據劉萬選供稱：因前二三月間，家中被盜，特由前線請假九天回家追贓，由地審廳提出王保三、湯玉銓二名，刑罰追贓，逮捕收買贓物之人民楊鎮中，罰洋一百五十元，劉德成罰洋五十元。質之連長翟朝聘，護兵馬鳳祥、趙春祥等，供復相同。檢驗王保三，遍體帶傷甚重。惟湯玉銓一名，據連長翟朝聘稱：已押十五師留守處。經派隊往提，不見湯玉銓下落。但據留守處賈云貴云：湯玉銓已不在處，言語支離，顯係故意隱匿。復傳被罰之楊鎮中、劉德成等到部質訊，供認被罰洋數目相符。查湯玉銓經開封地方審判廳判處十個月徒刑，王保三判處二個月徒刑，有判決書可證。該營長劉萬選，失物追贓，應向地方廳接正當手續辦理，竟敢強提押犯，在私寓刑訊，並逮捕人民楊鎮中、劉德成，任意科罰，殊屬大干法紀。除將營長劉萬選，連長翟朝聘，護兵馬鳳祥，趙春祥，送交開封地檢廳看守所管押，其隨身攜帶之手槍兩支，軍衣等件，暫存執法處，並將王保三釋放外，所有劉萬選，翟朝聘，賈云貴等，着一律撤差，嚴重懲辦，以儆不法，而肅軍紀。並將辦理情形電復，爲要。

通令不准收用投効官兵電 十六年六月二十三日

查本軍自去年南口轉進，各部隊落伍官兵，既已投入奉魯軍中當兵，曾與我軍爲敵，而復來本軍報効者，一律不准收用，並規定自本年五月一日起，如有此類官兵來投者，即行嚴辦。曾經電令各部隊知照在案。乃此次克復鄭州，許長林師竟有收編此類官兵情事，殊屬玩視命令，異常疏忽。該師長許長林着記大過一次，以示懲戒。所有收編之此類官兵，着即開除，不准留用。須知此種官兵，既經敵人收編，其墮落已不堪言狀；若猶收留軍中，其害將不知伊於胡底。各部隊如有收留此類官兵者，務必一律開除，以免後患。否則，一經查出，定予嚴重懲辦。仰即轉飭所屬，一體知照，爲要。

通令不准乘坐票車電 十六年六月二十五日

查每列客車上，均特掛有軍用車，既可便利軍人，復不擾及商民，用意至善。自軍興以來，軍人往來頻繁，此例漸壞。馱致車中異常擁擠，商民多不得上，甚有守候多日，猶不得行者，殊失維持交通，便利商民之意。茲特派王交通總監學智爲辦理交通專員，嗣後每次票車，均着掛軍用專車一輛，以備軍人乘坐。倘無特別事故，概不准再坐票車，以擾商民。爲此令仰即轉飭所屬一體凜遵，勿干咎戾，切切此令。

通令軍人非有乘車執照不准坐車電 十六年七月十八日

查京漢隴海兩鐵路，軍人乘車，異常複雜；長此以往，風紀敗壞，何堪設想。茲制定長期及短期軍人乘車執照兩種，各該高級司令部，務於七月以內，派員來洛領取，分發所屬；自八月一號起，凡本軍官佐兵夫，因公往來京漢隴海兩路者，必須持有此項乘車執照，方許坐車。否則，不論何項軍人，准由查車官長，拘送執法機關懲辦，以昭炯戒，而利交通。仰即轉飭所屬遵照，切切，此令。

通令不准接眷至營與在營完婚電

十六年七月廿日

查現在正與頑敵作戰之時，我軍北路追敵，已達磁州；東路在曹州一帶；南路在南陽一帶作戰；後方又在包圍同州作戰；槍林彈雨，辛苦異常。爲民請命，吾人天職。凡我官兵，均應誓抱大敵未滅，何以家爲之決心，努力奮鬪，患難與共，以期一舉殲滅，肅清中原，方不愧爲革命軍人。乃不謂各官兵正在應戰之中，而我軍駐紮豫陝一帶之各部，竟有要挾家庭，送妻完婚；甚有寄函家中送眷來營者。各主官亦希圖見好部下，不加制止；殊屬不明大體。爲此通令各部，仰即轉飭所屬，不准再有上項情事。倘仍有接眷來營，或送妻完婚者，一經查明，定行撤差驅逐出營，絕不寬貸。須知革命尚未成功，正我輩臥薪嘗胆之日；詎容燕爾新婚，樂爾妻孥，致減銳氣，務仰深體斯意，堅苦奮鬪，俾國民革命早日完成，是爲至要。

通令不准佔住民房電

十六年七月廿五日

查行軍之道，惟不擾民，而後始能得民心；亦惟能得民心，而後始克收勝利。不擾民之真精神，第一即在「凍死不入民宅，餓死不取民間一草一木」，迭經本總司令集合官兵詳為講解，並通令一體遵行在案。乃近查各部，實力奉行者，固屬甚多；而陽奉陰違者，亦所不免。為此重申前令，嗣後部隊如有開動，應各攜帶糧秣。軍行所至，務須選住廟宇，或舊日官廨；如無此項房舍，即樹林蔭蔽之所，光天皓月之下，亦未嘗不可露宿。萬不准佔住民房，私入民宅，致滋紛擾。自此次通令之後，如再有佔住民房，及擅取民物情事，一經查出，無論官兵，即行槍決，決不姑寬。其各凜遵勿違，此令。

通令嚴重注意投効人員並不准在營留宿親友電 十六年九月十八日

現當作戰時期，所有逃兵遊勇敵探等，亟宜嚴密查拿。並對於營盤附近之閑雜人等，亦應力加驅逐，以防奸宄。所尤當特別注意者，為敵人派遣間諜，假投効或藉尋親訪友之名，浮住營中，刺探我軍機密；而各該管將領，猶屬茫無聞知，此實為極大危險之事。仰即轉令所部，務要查照前令，對於投効人員，無論新隊或舊部，一併嚴重注意。並嚴令所部，無論親友，均不准在營中留宿。對於各官兵郵電之往來，更須認真檢查，用杜隱患，是為至要。

通令不得藉端佔據學校電 十六年十一月十二日

革命工作，端賴人材；人材之興，全憑教育。故學校爲培植人材之薈，亦實革命策源之地；若不竭力維護，殊碍革命前途之進展。爲此通令各軍，對於興學育才之旨，務要明白認識。嗣後無論駐軍行營，均不得藉端佔據學校，致碍教育進行，有乖革命主旨。仰即嚴飭所屬一體遵照勿違。

通令各將領戰後應嚴查嚴辦電 十六年十一月十六日

革命軍人，爲主義奮鬥，爲黨國犧牲，謀羣衆之利益，求全民之解放，萬不可稍有自私自利之心。若見利忘義，只知貪財，不知殺敵者，兵少固敗，兵多亦敗。故無論攻城或野戰，於城破或戰勝時，決不准隨便搜索，或拾取敵人遺棄之錢財馬匹及一切物品，予敵人以有利之機會。戰勝後各主官，對於所屬官兵，要有詳細之檢查，所得敵人一切戰利物，即細至一絲一線，一草一木，亦須報明所得來歷，悉數交出；由各官長分別種類，應繳者繳，應變價者變價後，或置買共用物件，或均勻分給各目兵夫，秉公處理，利益均沾，萬不許一人獨得獨佔。其有隱匿不報，或報而不盡，希圖肥己者，一經查出，不問多少，即時槍決。如有於破城或戰勝時，假借搜索敵人之名，擅取民間一絲一線，一草一木，一經查明，亦即槍決。如是庶可使人人皆知貪利之害而遠利，方能成爲仁義之師，方能成爲真正革命軍人。若無此種辦法，勢必致一到陣地，人人皆存一發財之念，只求得利，只求得財，無人肯犧牲，無人肯殺敵，兵雖衆多，亦未有不

歸於覆敗者。此事關係極重極大，各官長務常集合所屬官兵，詳細解說。每於戰後，均須嚴查嚴辦。若各主官遇此弊端，置而不問，優容姑息，以爲可以要結兵心，即是大錯，必貽大患也。切要切要。馮玉祥統。

### 令劉汝明對所部分別記功記過電

十六年十二月十日

查戰事之勝負，全視戰前之訓練考查，是否細密以爲斷。本總司令東日親赴蘭封視察，查得該軍馬旅長玉田部，團旅長尙元部，動作精神，均極活潑雄健；足徵該旅長等平素苦下身段，督察部屬，殊堪嘉慰。着各記大功一次。至李旅長增志所部官兵，刺槍劈刀，戰鬪教練等，都太差池，毫無精神；着將該旅長李增志，降爲代理；並限一星期內，從速認真訓練。本總司令定於本月十日，再親檢閱，倘再無進步，定將該管旅長，從重懲罰。又該軍騎兵團，均將馬匹拴於樹上，致將多數樹皮啃壞；且兵士精神亦不好；該團長毫不過問，殊屬有虧職守，着將該團長胡和道，記大過一次。該軍長劉汝明，教訓無方，從事敷衍，着權記過一次，以示薄懲。特電知照，仰即轉飭遵照，爲要。

### 令萬選才勿以私情廢軍法電

十六年十二月十一日

蒸電備悉。昔武侯泣斬馬謖，不敢以私情而廢軍法。誠以治軍者，必須私情爲私情，軍法爲軍法，方可雷厲風行，全軍肅然，蔚爲節制之師。否則，便不能成爲軍隊也。此復。

通令沿鐵路駐軍將無軍長以上護照乘車或違反軍紀者扣留電十七年一月十五日

查各官兵非有軍長以上護照不准乘坐火車，業經通令在案。近查各部隊官兵乘坐火車，多未持有軍長以上護照，亦有雖帶護照，僅係師旅長填發，殊不合規定原案。且此項官兵，因在車上服裝不整，甚或有吸食紙烟，及違反各項軍風紀之行爲，經本部查獲者，不一而足。若不嚴加整飭，則軍紀廢弛，貽禍實有不堪設想者。仰即趕派得力人員，帶同可靠官兵，對於所駐各車站，嚴行稽查，倘查有未持軍長以上護照乘車，或違反軍紀者，即行扣留，以維軍紀爲要。

通告撤押營長郭明義等電十七年一月二十二日

據十三軍軍長劉驥元電稱：據郟城童師長王振蒸電稱：該師六十九旅一營一連付目劉振海等廿四名，拐帶步槍廿四枝，手槍一支，刺刀子彈等項，於蒸日潛逃，除派隊嚴緝及將該營長郭明義撤差，連長撤差嚴押外，並自請處分前來。據此，查此項逃兵，醞釀想非一日，該營長郭明義等，事前毫無覺查，事後未能弋獲，實屬咎有應得，既經該軍長撤差嚴押，姑免置議。該管師長童玉振，教育無方，致生巨變，着記大過一次，以爲泄沓誤事者戒。所有已逃日兵，着查明原籍，派員速拿，務獲究辦，以肅軍紀爲要。

令石友三嚴辦言語粗暴兵士電十七年一月二十三日

據薛廳長篤弼電，據徐行政長維烈寒電稱：昨有軍人數名，來署接洽事件，始則言語粗暴，繼則欲將縣長提出，勢將用武等語。查我軍現在努力革命，處事待人，均宜文明。該軍人言語舉動，如此粗野，深堪痛恨。仰即查明嚴辦，以肅軍紀，爲要。

### 通令許長林不知考查記大過一次電十七年一月二十五日

本月廿一日早八時，本總司令親到新鄉車站視查，見有第九師由鄭開到兵車一列，經查得其缺點如下：（一）雪夜寒天，人馬凍餒，該師長並不親到查視，速令掃地休息，僅派人到車站一看，殊屬不知體恤兵艱。（二）所帶百姓車輛牛馬，喂養不周，其中疲瘦待斃者，亦不放還，亦屬不知體恤民艱。（三）隨車不載彈藥，滿載菜蔬，所帶之饑與鞋，亦不發給兵士，又屬不知輕重緩急。（四）轎車不留後載運傷兵，顧乃載至前方，備各官長自用，未免官氣太重。（五）兵下車時，毫無秩序，亦屬不講風紀。以上各節，該師長許長林，不知攷查，殊難辭咎，着記大過一次，以示薄懲。仰即飭屬一體知照。

### 通令取締冒穿軍服電十七年二月一日

查軍隊服制，所以資識別，明系統，關係重要，固不容僭越，尤不得冒濫。乃查近來去職或被撤差之官佐兵夫，竟仍穿着軍服，不特混淆服制，且易滋生事端，殊屬不妥。爲此嚴申禁令，嗣後凡非現役人員，

在職官兵，一律不准穿着軍服。除嚴密查察外，仰各轉飭所屬，一體知照，是爲主要。

通令應恢復十六旅時之軍紀電 十七年二月一日

官兵要謙和，要愛百姓，要恭敬老人，要幫助民衆。必要作到如十六旅時的軍紀爲要。仰飭遵照，並電復。

通令注重軍紀電 十七年二月三日

查民國以來，許多能戰之軍隊，相繼敗滅，非餉精之不足，械彈之不精，實由於軍紀廢弛之故。仰各主官，均應警惕，引爲殷鑑，并以喚醒所部，爲要。

通令北進各軍嚴守紀律電 十七年二月四日

我軍前此駐紮北京，以及作戰，聲譽揚溢，人民愛戴，實由各官兵嚴守軍紀所致。此次北進部隊，務各益加奮勉，以維令名，爲要。

通令注重軍紀電 十七年二月五日

查軍隊之優劣，在乎紀律之嚴否；紀律之嚴否，在乎軍法人員之是否盡責。是以欲有優良之軍隊，固須有嚴整之紀律，尤須有鐵面無私之軍法人員，爲之維繫督責。查我軍歷年轉戰，每至一地，人民無

不歡迎；每一交戰，敵人無不潰敗；推原其故，並非我軍之人數衆多，糧餉充實，器械精銳，實由我軍之紀律整嚴，有以致之也。現各路進展，極爲迅速，而久經戰事，軍紀廢弛，在所不免。非賴執法如山，何由令行禁止？仰各主官，對軍法人員之恪盡職守者，應予優獎。其奉職不力，有虧職守者，亦應即予撤懲，不得稍事敷衍。此爲性命根本之事，務望用全副精神，努力整頓，以期軍紀嚴肅，軍隊進步，革命精神，日益發揚，是爲至要。

令許驥雲懲辦蠻橫無理之稽查員兵電十七年二月七日

查本月二日隴海六次票車，行至黑石關站時，有該部運輸第二大隊第九中隊司務長宋文淵，帶領押車之稽察兵袁春風一名，因檢查商人張霧台煙土，發生口角，該稽查兵，竟當衆將該商人毆打一掌。似此蠻橫無理，實屬干犯禁令。仰將該袁春風依法懲辦，以儆效尤。該司務長宋文淵着即撤差，並仰將該管隊長查明記過，以爲教育無方者戒，是爲至要。

令孫連仲注意軍紀愛民二事電十七年二月十日

該總指揮等，應將甘肅反動部分，迅速辦理清楚，不准稽延。孫總指揮應即督飭所部，飛速前進，不得稍事逗遛。尤應竭力注意者有兩事：一軍紀，二愛民。軍紀者，即各級官兵，節節服從，如身使臂，如臂使

指，不准稍有含糊。愛民者，即所過之處，秋毫無犯，鷄犬不驚，百姓均安居樂業。望即遵照注意努力，並將迅速勦平反動情形，速速報告備核。

通令整頓軍紀電 十七年二月十五日

查軍紀爲軍人之第二生命，亦軍隊之惟一命脉，維持稍一放鬆，遺害輒至無窮！與念及此，不寒而慄。查本軍數年以來，因行軍作戰，爲時太久，對於軍紀之維持，不但毫無進步，反而日漸惡化。衡諸本軍既往榮譽，實爲白璧之玷，料各同志各弟兄所深悉也。推原其故，殆皆由於各級官長，太不負責，故爲放縱，以致敗壞軍紀之事，層見迭出，有如江河日下，一瀉千里。要知軍隊非個人之軍隊，全賴各級官長，克盡責任，始能維持。茲特重申前令，仰各主官對於軍紀，務須力爲講求，正己化人，從不避勞怨，勤查真辦，上著手整頓。各弟兄更須自動的覺悟，嚴守紀律，不待法繩，如此庶能挽救於萬一也。合行電令，仰切實遵行，爲要。

令張維璽准將宿娼吸烟之參謀監禁電 十七年二月十九日

蒸電悉。該參謀盧之墉，身爲軍官，竟敢宿娼吃食鴉片，不惟有玷品德，亦且大干法紀。應准撤差監禁，以示懲儆。須知軍紀爲軍中命脈，軍隊無紀律必敗。務要用全副精神，注意紀律，多派明查暗探，詳細

查考，好者重獎，壞者嚴懲。賞罰明，懲勸立。軍紀庶幾日有起色，事關根本性命，不可忽也。仰即遵照切實辦理，並將辦理情形，隨時具報，爲要。

### 令鹿鍾麟等整頓軍紀風紀電

十七年二月廿一日

疊據報告，自信陽至西平漯河，火車上及沿鐵路一帶，往來及駐紮官兵，軍紀風紀，敗壞不堪。尤以民團軍及劉汝明師程希賢師爲最甚。該師長該總區長等，約束不嚴，稽查不周，本應重懲，着從寬各記大過一次，以示儆戒。總司令鹿鍾麟，有管轄全責，既不暗訪，又不明察，視若無覩，形同木偶，實屬咎無可辭，應予嚴加申斥。自此次誥誡以後，該總司令等，應親身查察，切實整頓。所有信陽至漯河一帶娼妓，一律驅逐，不准容留一人。如有整頓無方，奉行不力者，定予嚴辦，決不姑寬。又民團軍官兵，一律不准穿着灰軍衣，以免與陸軍相混。仰即切實凜遵辦理。

### 通令農村訓練所飲食懸殊將負責人員記過電

十七年二月廿七日

查革命時代，無論何項人員，凡在革命戰線上工作，均當同一待遇，以表現革命眞精神。而革命時代之教育，尤當以堅苦卓絕，互相砥礪，養成貞固耐勞之本性，完成國民革命之大業。與從前教育，專以消磨志氣，養成奴隸性質者，斷不相同。所有教職各員，亦應刻苦自勵，以身作則，方可無忝厥職。乃查農

村訓練班官長學生，飲食狀況，大爲懸殊。官長每月伙食八元，白麵饅頭、葷素菜四盤，一火鍋；而學生所食，爲黑饅涼菜，少油無鹽，粗糲不堪入口；顯分濃厚，待遇迥殊。須知農村訓練，宜適合於農村；學生生活，固應如普通農民；而教職各員，又豈能獨享豐厚？今竟發現此種情形，不惟官僚習氣太深，抑亦開心何安？實非革命時代及革命人員所宜有。夫勤儉樸素，爲最平常之事，盡人皆知；教職各員，尙不能躬行實踐，殊有悖於革命教育之本旨。飲食起居，雖至細微，而關係極爲重大。該管處長等，充耳不聞，熟視無睹，實屬放棄職責。該前處長任右民，處長凌勉之，副處長陳已生，着各記大過一次，以示薄懲。嗣後官長學生，飲食待遇，務均一律，不得再爲岐視。應於職務上分其責任，不當於飲食上分其厚薄也。爲此令仰轉飭所屬一體遵照，是爲至要。

令宋哲元等查禁軍人自由往來電 十七年二月二十九日

據報西安潼關部隊，軍紀異常廢弛；軍人携槍乘馬，任意通過，駐軍不知查禁。似此輕忽，爲害殊深。除派軍法官前往稽查外，仰即儘先酌派負責責任，不避勞怨，認真辦事之高級軍官，協同查禁。如查有携槍乘馬，自由往來者，即行扣留，爲要。

通令師行所至須嚴密警戒電 十七年三月五日

據鹿總司令鍾麟報告：第七師第十九旅第五十六團第二營營長李書昌，此次由項城出發剿匪，到達距城約三十里之黃廟集休養，未設外哨，被土匪假裝難民闖入，該營長正在喝粥，及知覺時，又有大部匪騎加入擾亂，該營長當即受傷，營副師倬月，即率排長四員，帶一小部，退至小李莊，收容部隊，又被匪襲衝，以致全部散亂，擬請分別懲處等情。前來。查當此匪勢披猖之際，應如何嚴加戒備，以防反攻。該團長陳光然，所派非人，聞警又未設法援救，處置失當，咎實難辭。營長李書昌，事前既無偵察，臨時又不戒備，竟至受此重傷，殊屬可恨。營副師倬月，係佐理之官，應如何盡輔助之責，乃事前亦竟漫不經心，事後毫無辦法，亦屬有虧職守。除將該總司令鹿鍾麟，記過一次外，旅長曹福林撤差，團長陳光然監禁二年，營長李書昌監禁五年，營副師倬月監禁三年，以爲剿匪不力者戒。嗣後各部隊，軍行所至，無論何地，均應嚴密警戒，以備不虞，萬勿稍事大意。仰即轉飭所屬，一體知照，爲要。

通令不准擅收俘虜電 十七年三月六日

查收容俘虜一事，業經疊令申禁，不准擅予收編在案。此次調韓總指揮復架所部手槍隊，來本總司令部服務，加以考查後，內竟有在張宗昌徐源泉部充當兵士，並有在稽玉璞處當衛隊者。如此作法，不特危險太甚，直是大悖軍紀。雖因歷次作戰，傷亡過多，補充困難，爲求增大戰鬥力量，遂致從權收納

降衆情有可原；本總司令亦未嘗不可曲爲恕諒。但試細思之：此種無主義無訓練之分子，久受惡環境之支配，今因屈於我軍之威力而來降附，既非出自本心，又未長期訓練，竟爾授以武器，置諸親隨，一旦有事，小則持械投敵，大者變起肘腋，則本所以求增大戰鬥力量者，實足以養成心腹之患；本所以求補充兵額者，滿足爲敵人多樹內應耳。是以本總司令不憚三令五申，嚴切誥誡，深知若稍加一姑息，爲患之烈，必至不堪設想。凡前經送往陝甘訓練之俘虜，應着陝甘各將領負責妥籌訓練處置，分散編配。若察有不善良份子，即須別籌善法，決不能容其混跡軍中，致滋遺患。此次韓總指揮復築，擅收俘虜，匿情不報，雖屬臨陣應戰，出自便宜；究屬違犯教誡，有乖軍紀；着從寬記大過一次，以示儆戒。須知軍隊成立，全恃軍紀；從命上賞，犯命上戮。不從命者，雖有功必罰；從命者，雖有過亦必諒情曲恕。若法令不行，則將何以治軍？何以救國？自茲次誥誡之後，如敢再有違犯，定當分別嚴懲，決不姑寬。各級官長，須將疊次訓令命令彙訂成冊，置諸案頭，日必反覆誦讀。凡本總司令誥誡禁止各條，應處處遵守，不可違犯。並須約束部下，嚴密查察，即一兵一夫，至細至密之事，均須切實遵守，不可稍涉大意，致干法令。仰即通飭所屬一體凜遵，切切此令。

通令嚴禁吃烟喝酒等五事電 十七年三月二十八日

革命軍隊，爲國家謀獨立自由而犧牲，實世界上第一榮幸之事，亦爲最有價值之事。但若非真有心性，真有良心，真有志氣之軍官佐，表率一切，則萬難實現。胡文忠公有言：「營官不得人，一營皆成廢物，哨官不得人，一哨皆成廢物。」官長之賢否，關係軍事之興廢，於此可見一斑。乃近查我軍官長，違犯規章者，較前爲多，其中尤以副官軍佐及辦理雜務之人員爲甚。推原其故：一由於升遷太快，二由於訓練太少，三由於監督不嚴。是三者皆爲當今之最大缺點，若不急起補救，久之勢必用一人廢一人，辦一事壞一事，軍將不軍，違言革命。茲爲防止官長腐化起見，先揭其應行切戒者，分告如下：查吸烟喝酒，肇禍債事，最爲危險，此必須除嗜好者一也。嫖賭之事，喪檢蕩行，敗事辱職，皆由於此，此必須致品節者二也。舞弊營私，國家之蠹，社會之賊，人所不齒，此必須重操守者三也。驕而且惰，敗事之媒，小害自身，大害團體，此必須戒驕惰者四也。革命軍隊，爲民衆之武力，謀民衆之幸福，擾百姓者即反革命，此必須愛百姓者五也。以上五端，均關重要，各將領乘用人之權，負監督之責，嗣後關於用人，務要慎選慎用，多訓多練，一面董率，一面查考，不可稍有大意，稍有鬆懈。對於上列五端，務須常常集合各級官長，反覆解說，日三令五申。一有違犯，若查非出有意，情尚可原，姑准從寬辦理。倘係明知故犯，有心爲惡，軍法具在，萬無可恕，必須加等治罪，勿姑息，勿優容。並須達到日兵應遵守之事，官長先遵守之之程度，以實現革命。

軍人之真精神，養成純潔高尚之真正革命軍隊而後已。自此遵令之後，無論何部隊官長，倘再有違犯上列五事，未經該原部隊主官發覺懲處者，一經查明，不論事前犯，或現行犯，均連同主官，一併治罪，決不姑寬。其各遵照辦理，並轉飭所屬凜遵勿違！

令劉郁芬整飭甘軍紀律電 十七年四月二日

近查甘省軍隊，軍紀太差，風紀益壞，此皆由於訓練太少，與各級長官不負責任所致。須知帶兵之道，重在多訓練，嚴紀律。無紀律之軍隊，未有不害民；而害民之軍隊，亦未有不消滅者。此後對於軍紀風紀，務望各軍長官，特別注意。又各軍長官，對於軍法，太不講求。軍法人員，惟知存心見好於人，不肯嚴查，遂致紀律蕩然，無時無地，不為民害。此後對於軍法，尤望格外嚴密，勿稍疏縱。所有軍法人員，尤須隨時督飭，萬不可任其泄沓成風貽害軍民。現在甘省軍隊，已為全團體中最壞之軍隊；而各長官，亦將為全軍中最下等之軍官；長此以往，不謀改善，誰能容之！特此電令，仰即努力振作，積極整飭，為要。

令劉驥親往點驗八師認真刷洗電 十七年四月二日

此次挑拔官長，為改造軍隊之第一步，應如何十分審慎，拔一人使眾人奮勉，懲一人使全軍知警。乃張師長麟祥所選送之軍官二十名，竟太雜太亂，出乎意外；半數係新人，少半數係外軍到此不久者。

即在本軍原練之人，亦非文武兼備，智勇過人之才，何以亦得當選前來？該師長辦事太不認真，實屬糊塗昏聩。足見該師訓練太差，獎懲倒置，求固軍心，固不可得，臨敵制勝，尤屬無望！着先將該師長記大過二次，聽候查辦。該軍長劉汝明，對於挑拔官長，不親過目，即行送來，咎亦難辭，亦着記大過一次，以爲遇事敷衍者戒。查八師十師，經戰太久，均欠整頓訓練。前在蘭封時，檢閱十師各部，確不甚好，惟一切動作，尙知振奮。何以八師之壞，一至於此！殊堪痛恨。着派劉軍長驥，親往點驗，認真刷新，蔚成勁旅。仰卽凜遵辦理，爲要。此令。

通令應一反奉魯各軍所爲電

十七年四月十一日

按奉魯各軍，盤踞北京直隸山東一帶，其蹂躪人民，種種騷擾之事實，不勝言狀。茲將其最直接擾民害民而爲民衆最厭惡最痛恨者，列示於次：（一）軍隊佔據民房，使百姓無所住宿，強住學舍，使青年學子，無處求學。（二）舉動蠻橫，言語無理，人民敢怒而不敢言。（三）裁贖敲詐，架票勒贖，欺詐鄉民，明火路劫。（四）強迫人民，通用不兌現之奉票。（五）毀壞用具，以門窗棹凳爲薪，控馬於樹，使啃樹皮，放火燒屋。（六）調戲青年婦女，強姦案件，層出不窮。以上六條，實爲奉魯各軍最受人民厭惡痛恨者。我軍此次大兵北進，以掃清賣國軍閥，救國家，救人民，完成國民革命爲目的。所到之處，凡賣國軍閥，殃民害民之

事，必須盡反所爲，方能稱爲真正之革命軍人。對至細至微之小事，尤應萬分小心，不可稍有違反。須知土匪軍閥，作惡害民，是其本性。譬如垢壞之衣，著一油漬，世人亦不加深察。我革命軍人，清潔高尚，犧牲救國，若有細微不檢之事發生，譬如純白美玉，著一黑癥，舉世之人，皆將詫愕，一般愛我望我之人，必一變而爲失望，再變而爲痛恨矣。爲此剴切誥誡各官兵，無論部隊及個人所到之處，務必一個一個，各自檢點。於至細至微之事，更當刻刻警惕自省，不可有一點大意疏忽，致毀壞我全體革命軍人之令譽。各將領各級官長，尤須詳細誥誡，嚴密督察，不得瞬息稍忽。仰即切實凜遵，此令。

通令稽查人員不應傲慢粗暴電

十七年四月二十日

近來本軍軍法人員，出外稽查，往往語言行動，有失檢點，非傲慢無禮，即舉動粗暴，致使被查之人，畏之如虎，避之若浼，此不僅失却稽查本旨，亦且有玷軍譽。查稽查之設，原爲防範不肖之徒，並非對於一切旅客，皆視如待決之囚，任意威嚇。故稽查人員，必須受過嚴格訓練，稽查時間，尤須和顏悅色，細心檢查，方稱盡職，固無所用其傲慢與粗暴也。爲此令仰各該主官，務即轉飭所屬稽查人員，切實遵行，爲要。

規定各級官長處罰權限電

查罪有輕重，刑有等差；而主管處罰之權，亦各有等級之規定，均不容稍有紊亂。近查各級主管，對於處理犯罪事件，往往不分輕重，任意如刑；又復不明職權，常多逾越，殊失慎重之道。茲特規定各級官長處罰權限，暨加刑辦法八條，仰即轉飭所屬一體遵照，切實施行，以重罰權而免侵越，是爲至要。切切此令。計開：(一)營長有禁閉目兵十日以內之權。(二)團長有禁閉目兵一月以內，三等級以下官佐十日以內之權。(三)旅長有禁閉目兵三月以內，三等級以下官佐一月以內之權。(四)師長有禁閉目兵一年以內，二等級以下官佐一月以內，三等級以下官佐三月以內之權。(五)一月以內爲輕禁閉罪，不得釘足鐐。(六)過一月者，爲重禁閉罪，必須撤差，並得斟酌犯罪情形，加釘足鐐。(七)如不逾罰權內規定之期者，各級主管得先行處置，事後呈報備案。(八)其不在罰權內規定者，必須呈請上級官長核准後，方能執行。仰即飭屬一體遵照，切切此令。

### 令前敵將領認真維持軍紀電

現值革命將屆成功之日，正我軍人最後努力之時，其官努力者雖不一端，而尤要者莫過於軍紀。誠以軍隊之有軍紀，猶人身之有血脈，乃性命根本之事。本軍之所以素稱模範者在此，所以制勝敵人者在此；將來能以達到革命最後成功之目的者亦在此；此誠較之槍礮子彈，爲尤重要，不可須臾忽

者也。近查各軍對於軍紀，認真維持者，固不乏人；而漫不注意者，亦復不少。或任意拉人牲畜，或強迫居住民房；其住在各地學校教堂之部隊，更有隨便携取貴重器具者；有將門窗玻璃及陳設物品，任意毀壞者；種種無意識，不道德，敗壞軍紀之舉動，不一而足。試思北方民衆，處逆軍鐵蹄蹂躪之下，已在水深火熱之中；我革命軍人，原爲解除人民痛苦而戰，倘不力戒敵軍種種擾民之行爲，真可謂以暴易暴，又何革命之可言。本總司令爲我軍名譽計，爲革命成功計，不憚諄諄誥誡。深望我各軍各級主管，勤加講解，勤加攷查。總期官兵人人自愛，到處不犯秋毫，則不擾民，即所以愛民；愛民，即所以愛國。革命成功，即在於此。倘再查有上項敗壞軍紀等情事，定惟各級主管是問。其各凜遵勿忽，切切此令。

通令協緝賈立章電 十七年四月二十六日

據鐵路運輸司令許驥雲呈稱：據聞駐信陽車站主任賈立章，名譽狼藉，頗滋物議。當以傳聞之辭，必須切實調查；因派副官李雲瑞前往接替，將該員調回，另候任用，冀使偵察。乃該員畏罪心虛，竟於年前月底，在信潛逃，多方查尋，迄無蹤跡。擬請通令各軍警機關，一體通緝等情前來。查該主任賈立章，職司鐵路運輸，應如何敦品勵行，恪慎供職，乃竟不愛名譽，致滋物議。及撤回查看，又復情虛畏罪，就地潛逃。似此貪污瀆職，貽羞軍人，若不嚴緝法辦，曷以儆戒將來。該司令用人不當，又復不知攷查訓練，以致

運輸人員，發生潛逃情事，着記大過一次，以示懲儆。除指令限期查拿外，合行電令各軍警機關，仰即一體認真協緝，務獲歸案法辦，以肅綱紀，勿稍鬆懈，是爲至要。

令韓占元切實訓練認真刷洗電

十七年四月二十八日

層電悉。劉保全以游勇勾結官兵盜竄軍火，擬處死刑；傅事兵王士俊孫永順等二名，俱係受連長于明章指使，情節較輕，擬一并監禁；營長雷建安失查，擬記大過一次各節，尙無不合，均准如所擬辦理。在逃之連長于明章，着嚴行查拿，歸案法辦，以示儆懲。要知兵猶火也，不戢自焚。一營之中，有一二敗類，即足以敗壞全營；一師之中，有六七敗類，即足以敗壞全師。該軍長須知帶兵不易，務要從切實訓練，認真刷洗上動手，萬不可稍有大意，稍有姑息，致貽後患也。切要切要！

通令前方各將領對藉故不前臨陣退縮者嚴厲懲罰電

十七年五月一日

訓練軍險，首重精神教育，如能明白主義，自肯爲主義而犧牲。其次在賞罰嚴明，有功則賞，有過則罰；聽令者賞，違令者罰；此即補助精神教育不足之唯一方法也。今與賣國軍閥作最後之搏鬥，前敵勝負，關係黨國存亡。查此次作戰，官兵受傷不退者，固不乏人，業已分別優賞。而畏縮不前，藉故後退，或僅受微傷，即至後方者，亦竟屢有所聞。際此黨國存亡呼吸，同胞死傷逾萬，若輩既不明白主義，不惟愧對

先烈，而且危及國家；祇有執法以繩其後，庶可一掃怯懦風氣。仰該總指揮該軍長等，各派專員，負責監督；並飭執法人員，認真查察。如有藉故不前者，當重罰，臨陣退縮者，准槍決。須知捨生得生，畏死必死，望向各官兵切實申諭。蓋此事關係戰爭勝負，關係黨國存亡，萬勿輕忽看過，是爲至要。此令。

通令應功罪當賞罰明電

十七年五月廿三日

連結數十萬數百萬同志官兵爲一個整個的大團體，所以能使其不顧成敗利鈍，犧牲一切，救國救民，視死如歸，奮圖直前者，全在有真理，有是非，功罪當而賞罰明耳。若功罪不當，賞罰不明，無是非，無真理，則一切爭競徼倖，趨利避害，奸滑浮巧之風，勢將日長而不可遏，軍隊又何從能立足乎？故軍隊要好，必須有功必賞，有過必罰，處處結實，針針見血，大小不遺，是非分明。軍法人員，職責所在，固要鐵面無私，用心密切，實地查察；而各級軍官，亦個個都應該有維持真理之決心。每一個星期，每一個月份，每一次作戰，都當有應賞應罰之人員，應獎應懲之事實，毫無假借，絲毫不苟，如此作去，則軍隊自日進光明，戰守皆有可恃矣。然此時尙有不達事理者，以煦煦爲仁，以姑息養奸爲有容量；既無賞，又無罰；有罪有過者，不但不開除，不降級，卽打仗走了好久，直待本軍佔領彰德以後，甚久方來，一樣又當官長，甚至又管理從清夏平涼遠來之同志。既無特長，又無勞績；此等人員，與出生入死，冒過無數危難，立過無數功

績之人員，竟同受一樣待遇，濫收濫用，無是無非，將何以服人心，何以言真理乎？各將領其切實注意，認定真理，分別是非，賞功罰罪，不可絲毫苟且；此乃整個的團體，共生死患難，最重大最要緊之事也。千萬努力！

通令對於用人應慎收慎日電 十七年五月二十六日

查本軍風紀軍紀，自去歲以還，日見退步，推厥原因，實由用人太濫。其最著之點，有下兩端：（一）對於本軍舊部，自南口退却後，任令回伍，有到西安回伍者，有到豫省回伍者，甚有到濟甯到德州始來回伍者。不問功績苦勞，更不檢查曾否投入他軍，或流爲匪類，一概廣收濫用。以致追隨多年，勞苦功高之官兵，視此情形，積憤不平，因怨生驕，日趨淫佚，不嫖亦嫖，不賭亦賭，軍紀敗壞，職此之故。（二）對於外來軍人，來自何省？不問也；曾在何軍？不問也；祇來投効，便予收容。因其漫無考查，遂致軍閥之餘孽，油滑之惰卒，源源而來，涸跡參謀副官書記之中；此等敗類，安望革新？劣馬害羣，皆由此輩。以上二端，皆我軍軍紀風紀敗壞之由，每一念及，良用悚懼。以曾文正公之賢明，對於用人，猶曰「廣收慎用。」我輩聰明才智，遠遜前哲，慎收慎用，猶恐用非其人，况更廣收濫用乎？前鑒不遠，矯正非難，願我同志，切實留意。爲此通電各將領，嗣後對於用人行政，務須格外講求，悉心研究，要知用一人而得當，能使大家翕服；用一人

而失常，足令大家解體。應即鐵面無私，認真刷洗；如此辦去，庶幾不肖者無由倖進，善良者益知奮勉；軍紀風紀，賴以嚴肅，全軍質量，於焉純潔。仰各善體斯意，爲要。

通令禁止烟酒電 十七年六月六日

帝國主義者，以兵力侵略中國，人人得而防之。至烟捲洋酒之侵略，則以係屬無形，多不及備。故戒除烟酒，直接有益己身，間接利及黨國。各長官能切實實行，亦救國之一道也。

通令嚴拿畏難潛逃之學生電 十七年六月十七日

查各級教導團及各種學校，原爲培養軍事人材，與灌輸國民知識而設；雖當財政萬分拮据，仍不敢稍惜者，蓋爲此也。乃查近有無知學生，畏難潛逃，或回營謀差，殊屬不成事體。仰各軍如遇各校學生，潛逃回營，一律不准收用，並須嚴拿，以弭惡風，是爲至要。

通令不准干預司法行政電 十七年八月二十八日

查從前各地駐軍，抓烟抓賭，干預行政，勒索科罰，擅作威福，專制餘毒，爲國人病。現值新國初建，政尚法治，專制辦法，豈容存留。嗣後關於地方案情，着統由地方官吏，依法辦理。駐軍及各民團，不得非法干涉，及濫行科罰，以彰法治。倘仍查有以軍人而私行干預司法行政各事者，定行嚴懲不貸。此令。

通令官長帶兵貴在辦事不貴推諉電 十七年十一月二十日

查官長帶兵，貴在辦事，不貴推諉。凡部屬有何困難事件，各主官自應視同己事，負責處理，方可以收和衷共濟之效。此次軍官學校班長閻萬元，因學生武名立，不服斥責，當場爭辯，經報告隊長張思玉，乃該隊長當時雖面允申斥，而事後竟推諉不理，致令該班長一時氣憤自戕。似此辦事敷衍，毫不負責，致釀成慘劇，殊屬可恨。着將該隊長張思玉，撤差監禁一年；學生武名立監禁三年。該校長張駿，教育無方，咎亦難辭，着記大過一次，以示懲戒。合行電令各部主官，嗣後辦事，務要本照「帶兵貴在辦事，不貴推諉」十字作去。仰即轉飭所屬一體遵照，至要。

通令嚴拿游勇驅逐閑雜電 十七年十二月八日

據鹿總司令鍾麟歌電稱：今日朝會後，赴西營園視查呂師士兵住室，適有徐源泉部退伍兵張占標一名，攜大盒烟五盒入營門，該兵身着軍裝，各種符號俱無，當即盤問，言語支離，貌同土匪。查此種敗亂份子，混入營中，大則煽惑軍心，小則敗壞軍譽，危險殊甚。為懲一警百計，立將該游勇就地槍決，以儆效尤。並集合該師官長痛陳營內留住閒人之危險，以後須嚴厲禁絕。並令其將營內重行嚴查一遍，以防隱匿等情。據此，除電復外，合行電仰轉飭所屬一體知照。嗣後對於游勇逃兵，務須注意嚴拿，營房內

外間雜人等，務須驅逐淨盡，以遏亂萌，是爲至要。

通令禁止納妾電 十七年十二月八日

查本軍官兵，不准納妾，早經三令五申，懸爲厲禁在案。乃日久玩生，納妾行爲，漸所不免。以道德言，則背人道；以法律論，則犯重婚。擾亂家庭安寧，敗壞社會風俗，莫此爲甚。亟應重申前令，嚴切誥誡，以挽頹俗。嗣後各官長如有納妾情事發生，即行撤差監禁；各該總指揮師長等，負有直接監督之責，亦應受連帶處分。仰即轉飭所屬一體知照。

令石敬亭整頓軍紀電 十八年一月十二日

據報：洛陽無人查街，街上官兵頗多，有不帶徽章者；有將徽章縫在衣袋內，用日記本掩蓋者；有不帶出門証者；有牽馬到商場內遊行者；有購食紙煙者；又車站稽查人員，亦未帶水紅色臂章，各等情。似此紀律廢弛，殊堪痛恨！仰即從速整頓，是爲至要。

令宋哲元押解吸煙嫖賭之李鴻賓至汴電 十八年一月廿七日

刻據確實報告：華嶽廟兵工廠李監督鴻賓，吸食鴉片，大嫖大賭，不盡責任，並放縱部下各等情。經派員復查屬實，着即行撤差，派大員押解開封，交軍法處訊辦。該主席此後用人，務須認真考核，俾免日

壞一日也，是爲至要。盼復。

通令不准干涉司法電 十八年二月十六日

查軍人不准干涉司法，迭經通令在案。誠以人民犯法，定讞處罰，應由各級法庭，專司其事；軍人殊無干預職權，更無過問必要。乃近查各處駐軍，時有私自處罰人民情事，殊屬不合。用特重申禁令，嗣後各該部對於人民犯法，必須送交法庭審訊辦理，以重軍紀，而維法制。自令到之日起，倘再有擅自私罰情事發生，定予從嚴懲處。仰即轉飭所屬一體遵照，是爲至要。

通令檢查行李務選有智識官長電 十八年二月十六日

各處稽查人員，檢驗行旅客棧，查問固宜詳密精細，言動則應和平有禮，早經通令各部隊，轉飭遵行在案。乃查有第二十三師十旅一團六連司務長高月誠，冬日在周口坊子街，查容顧客店，因時無厲客，該員不信，竟謂窩藏匪類，肆口謾罵，並無故將茶房任東昇捆綁，經商民排解始放。似此言動粗暴，擾害商民，殊堪痛恨！除電該師長迅將該司務長從嚴法辦，以肅軍紀外，各部隊嗣後對於檢查行旅客店，務須遴選有智識之官長，遵照迭次誥諭，妥慎辦理，藉安地方，而維軍譽，是爲至要。

令孫良誠查辦擅據校址行兇毆人之自衛團隊長電 十八年二月二十六日

據泗水縣教育局長丁宸瑞暨教育協會等機關彙電稱：山東第二區人民自衛團派赴泗水招兵之隊長徐俊山，排長黃某，擅據校址，不肯遷讓，致使教育訓練班不能開課；經縣政府公安局屢次交涉，始移文廟，而又搗毀神位，任意踐踏；寒日縣督學前往婉勸，致觸兇怒，當將該縣督學捆綁毆打，遊行街市，並吊置樹上，凌辱萬端；後經各界營救，始得解釋，懇請速爲查究，以儆兇頑等情。據此，查該丁宸瑞等電稱各節，真相如何，無從洞悉。仰即速派妥員，切實調查。如果屬實，殊屬膽大已極，罪無可赦，着即依法嚴辦，並將辦理情形具復，以憑查核，爲要。

通令對被裁官兵立令回籍免釀意外電

十八年三月五日

據報：第二十七師迫擊砲團第二營六連被裁兵士齊克武，於被裁後，未即回籍，時常到本連閑談。嗣於二月五日夜間，乘全連外出演習溝壘之際，該兵士潛回連內，盜出步槍二支，擲於北城牆外。適值該師部馬軍法官帶隊夜間巡查，將人槍一併查獲，旋經訊明屬實，即將該兵士就地槍決，各等語。查禍常發於所忽，患每起於不防。該兵士齊克武，既經裁汰，不即旋里，別有所圖，不問可知。該連官兵，竟任令在連出入，毫無防範，致釀意外，殊屬疏忽已極。除嚴辦外，爲此電知各部，嗣後對於被裁官兵，務須設法令各立即回籍，萬不准在附近逗留，以免生事。仰即遵辦，爲要。

通令執法處員姚惟一抓賭詐索業將槍決電 十八年三月十日

據宋主席哲元佳電報告：該部執法處處員姚惟一，於本月二日查街時，擅入民宅抓賭，當場詐索賄洋一千元，經該處長范慶煦查悉嚴訊，並將原條原款搜出，証據確實，該犯亦供認不諱。查該員姚惟一，身充軍佐人員，胆敢搜賄詐財，罪在不赦，業於本日將該犯槍決，以肅軍紀，謹電呈明等情。據此，除電復該主席，仍多方密查文武官不法及害民之事外，合行通令各該主官，轉飭所屬一體知照，此令。

通令在火車上或鐵路旁對軍風紀尤應格外維持電 十八年三月廿九日

查火車為輸運利器，亦即各方人士來往觀瞻之地。而軍隊容儀紀律，處處攸關團體名譽，容律整肅，即全軍之整肅；容律廢弛，即全軍之廢弛，關係何等重大！乃近查各軍，每至開動移防，輒多半在火車上及鐵路兩傍，隨便談笑，任意上下，服裝不整，紀律廢弛。長此以往，不惟軍紀墮落，抑且全軍名譽遭受影響，言念及此，殊堪痛恨。嗣後各部移動，如在火車之上，鐵路兩傍各級官長，對於軍紀風紀，尤要格外維持。務使行軍所至，秋毫無犯，紀律整飭，秩序井然，使外人一望歡服，驚為紀律之師。其駐在鐵路兩傍及火車站各軍，更應提起精神，努力自愛，保持靜肅，維持清潔，用保本軍一向令譽，至要至要。

通令稽查人員應和平莊重電 十八年三月三十日

查城門火車旅店之檢查，原以杜防奸宄，搜查匪類。所有檢查人員，言語要和平，動作要莊重，查驗要細密，早經通令在案。近查開封、鄭州、洛陽、陝州、西安，各處稽查人員，往往不懂事理，不達人情，言語刻薄，動作輕佻，殊失查緝匪盜，便利行旅之意。茲將檢查時所有弊端，經調查得悉者，開列如次：（一）城門檢查，多不得法，往往過於刻薄，甚至對婦女有輕佻行爲。（二）檢查火車稽查，竟妄事干預旅客多帶行李，並勒令旅客補票，殊屬令人討厭。（三）檢查旅店，不按時間，往往在夜間十二點至三點，尙行檢查，使客人睡而復起，且傾箱倒篋，行動粗暴，致使行旅極不滿意。以上各條，僅舉大概，此外尙有種種無法無禮動作，難以備述。似此任意妄爲，前途危險，何堪設想。望即剋日查明，嚴加改正，以安行旅，而免怨聲，是爲至要。

# 馮玉祥軍事要電彙編

## 卷十三 獎卹

令孫良誠速破長安電 十五年十一月十七日

咸陽孫總司令良臣弟鑒：頃馬師已到，並催各路援軍，火速前進。惟西安之圍，一日不解，余心便一日不安。務請弟百般設法，斟酌情形，有機可乘，即猛烈進攻。倘能解西安之圍，即由本總司令賞洋十萬，以資鼓勵。特此電示，希轉飭各官兵遵照辦理，是爲至要。

告孫良誠等已派李興中携款犒賞電 十五年十一月廿八日

咸陽西安探投孫總司令良臣弟，方總指揮叔平兄，馬總司令少雲弟，並轉孫師長連仲弟，劉師長汝明弟，及各旅團營長均鑒：頃接劉總司令轉來前方報告，藉悉我軍已將嵩匪擊潰，長安城垣業已解圍，無任欣慰！官兵爲國努力，勞苦功高，殊深懸念。茲派李參謀長興中，携款十萬元，前往犒勞，交由良臣弟與叔平兄，分配發給，以資鼓勵。並望代爲致意各官兵，希益加振奮，以竟全功。前方情況，並盼隨時電告。

派李興中慰勞前方軍隊電十五年十一月三十日

西安孫總司令轉李處長興中弟鑒：前方各將士，轉戰數月，殺敵獲地，固所忻慰。惟含辛茹苦，爲國犧牲，心實難安。特派吾弟代表予慰勞各部軍隊，及看視各受傷官兵。前予在陝西省城北關外，曾購有義地一處，即告各將領凡陣亡官兵，須速依法運集該處掩葬，以慰英靈。傷者應接輕重分別慰賞，其殘廢之已愈者，即應送至平涼，以便妥加安置。用款若干，即令送去。並請將辦理情形，隨時電告爲要。

通令查報軍民傷亡損失以便撫卹償還電十六年二月九日

查各部隊歷經苦戰，所有患難弟兄之陣亡者，受傷者，殘廢者，以及有各項戰功者，屈指難數；每一念及，輒爲憤懷！應即查明呈報，以便迅速獎卹，以勸有功。又在軍興期間，民間供給糧秣，出車出馬，當不乏因軍事而受特別損失者，亦應由地方官查明，迅速開單具報，並平允估定價格，由本總司令部發給收據，以便分期發還。庶軍人不致絕望，人民不致吃虧，實爲第一要義。望即分別轉飭所屬遵照辦理，並佈告人民一體週知，爲要。

授楊彪革命獎章電十六年四月三日

努力革命，誓死不撓，保全孤城，卒退強暴。似此偉勛，應予獎彰。第十路總司令楊彪，前當長安被圍

之際，堅持保民禦寇之心，糧絕兵疲，巨時八月，激勵將士，不渝始終，斬使却利，尤爲壯烈。用能固西北革命之勢力，免頑敵得手以橫行，完此金甌，功在黨國。除迭經嘉獎外，惕彪着給予革命獎章，以昭勛勞，而資矜式。此令。

令石友三獎勵許長林等苦下身段訓練部屬各記功一次電十六年四月七日

茲據確報，該路第九師師長許長林，在涇川駐防，每日早操，及一切學術科，均是親身講授，親身督飭；又常晝夜親查，有犯即懲；是以軍紀極好，商民讚許。又該師二十二旅旅長袁德性，駐防峯店，每晨集合官佐研究政治，並督同輪流查夜，隨時改正，不稍疏懈；故能紀律嚴明，市廛不驚，軍民權洽，儼如家人等情。查該師旅長等，均能苦下身段，訓練部屬，故能軍紀嚴肅，商民稱頌，殊堪嘉慰。着各記功一次，以昭激勵。除通令外，合電知照。

獎授孫良誠勝利旗幟電十六年五月十二日

蒸電悉。本軍此次出師，其目的純在對外打倒帝國主義，取消一切不平等條約所授予外人之侵佔特權，以躋中國於自由平等。對內剷除賣國軍閥，肅清種種黑暗勢力，使中國大多數民衆，獲得解放與最大之幸福。本軍成功失敗，關係全國安危，其作戰意義，實屬異常重大。凡屬統兵長官，均應自知責

任所在，朝乾夕惕，以求貫徹用兵本旨。自予在五原就職，領導全軍，集中於青天白日旗幟之下；吾弟所部，特稱奮發。陝甘戰役，以少勝衆，迭建奇功。此次出關，尤能勇往直前，摧枯拉朽。至吾弟平時接受主義訓練，有方，行軍紀律，特別嚴整，尤有足多。故特於日昨教授勝利旗幟，以昭激勵。深望吾弟茲後益自淬勵，更求進展，務使所部，於戰績，於紀律，均爲全軍表率；俾革命事業，早告成功，是所至盼。

犒賞攻克洛陽官兵電 十六年五月廿八日

洛陽孫總指揮良誠弟，方總司令叔平兄，并轉鄭總司令大章弟，馬總司令鴻遠世兄，石總司令友三弟鑒：此次攻克洛陽，全賴各將領身先士卒，各官兵明白主義，爲大多數民衆謀幸福而奮鬥，爲取消不平等條約而犧牲；故能於最短期間，摧破強敵，克復名城，鞏固黨國根基，發揚革命勢力。功在國家，宜膺懋賞。着頒給獎洋五萬元，交孫總指揮良誠，妥爲分配。如有特殊勞績，更宜優予獎勵。此次出兵以來，傷亡各員，更宜從速調查，開單呈報，以便獎卹。仰即遵照辦理。

派鹿鍾麟慰勞前敵官兵電 十六年五月卅一日

我軍此次爲取消不平等條約，與一般賣國軍閥，拚命奮鬥，出兵不滿一月，行師千有餘里，迭下陝洛，佔領鄭州，達到會師中原之目的。悉賴諸同志官兵，忠勇奮發，忍苦耐勞，明白主義，犧牲一切之精神。

故能于最短期間，成此大功，嘉念萬分！茲派總參謀長鹿鍾麟，馳赴前方，代表慰勞，藉抒余存念之至意。特電知照。

令孫良誠官兵父母來營酌給川資電 十六年六月十六日

我軍官兵，豫籍居多，轉戰萬里，重抵故鄉，家人存問，出於至情。現雖財政拮据，不能發餉，但不能不設一救濟辦法，以安我大不安之心。孫總指揮之第一方面軍，着先撥給一萬元；手槍團每營各先撥給一千元。此款用法如下：（一）款交主要長官保存，官長有父母親來探望者，每員給與四十元至六十元，交其父母帶回。（二）目兵有父母親來探望者，每名給與二十元以上。用法實報實銷，不足再行具領。望即妥查辦理，爲要。

撥賞前敵各部獎洋十萬元電 十六年七月一日

此次大軍東征，戰勝攻取，出兵以來，未及一月，得地千里，竟於最短期內，達到會師鄭州之目的，將大河以南逆氛，一廓而清。我同志各官兵，明白主義，犧牲一切，忍苦耐勞，拚命流血，用能克殲頑敵，奏此膚功。不有懋賞，何彰勛勞？著先頒獎洋拾萬元，交孫總指揮良誠，鹿總參謀長鍾麟，妥爲分配。其餘特別出力官兵，及傷亡各同志，應迅查明呈報，以備從優獎卹，並着代表慰勞，藉示本總司令存念勛助之至。

意。特電知照。

令鹿鍾麟慰勞梁壽愷等部電

十六年七月十日

開封鹿總司令鍾麟弟鑒：對於開封駐在軍隊，茲有二事相囑，請即查照辦理：（一）梁軍長壽愷所部，留開封傷病官兵，弟須親往看視，病兵輕者賞一元，重者賞二元；傷兵輕者賞二元，重者賞四元；官長照例加倍，惟須一律發給現洋。（二）李元藻師，常好仁師，均出發在路，達到開封後，應先代覓駐所，認真點驗；以官四毛，兵二毛之譜，酌購食品犒賞；再各發衣服一套，鞋襪各一雙，須速準備。並將辦理情形，呈報備核，爲要。

令劉郁芬爲甘籍陣亡官兵建立昭忠祠電

十六年七月五日

我軍自定隴援秦諸役以來，轉戰陝豫，所向有功；甘籍官兵，尤爲奮勇。其陣亡各將士，効命黨國，忠義堪嘉，不有褒揚，何昭激勸？應即迅速詳查，從優撫卹；並着於省垣及各縣，均設立昭忠專祠，奉祀該省或該縣附近之陣亡將士；並於各通衢及公園內，建立碑亭，鐫刻全省陣亡者姓名，加誌銘跋，以慰忠魂而勸來者。餘如孤兒之教養，遺族之撫慰，亦應次第籌辦舉行。此外另電孫總指揮良誠暨孫連仲、馬鴻逵、張維璽各軍，着詳查甘籍陣亡將士姓名籍貫，造表逕送該部。我軍現在甘省招兵，此種激勸辦法，實

爲最要之端，望即迅速辦理。並將我軍對陣亡官兵種種優卹特典，極力宣傳，以期激發甘人從戎嚮義之心，爲要。

### 通令獎賞王毓棻師不住民房電

十六年七月二十五日

查行軍首重安民，而安民厥在不擾。古人軍行所至，民間不知有兵，後世論史，傳爲美談。岳家軍凍死不入民宅，餓死不取民間一草一木，故能出師勝敵。此等事體，殊堪師法。本總司令曾取斯旨，迭次通令各部隊一體遵行在案。查有六十九師由襄陽來洛之排尾車，沿途均露宿野外，無一兵一夫，借住民宅。足徵該師官兵，確守紀律，服從命令，深堪嘉許。除已賞洋千元，白麵二百五十袋，派黃旅長維綱，送往該師排尾分發外，該師師長王毓棻，帶兵有方，教導得法，着記大功一次，以昭激勸。除分令外，合行電仰該部轉飭所屬一體知照，此達。

### 獎賞吉鴻昌師佔領新鄉電

十六年七月二十五日

鄭州孫總指揮良誠弟鑒：查該軍吉鴻昌師，此次渡河擊敵，佔領新鄉，動作異常迅速，官兵無多傷亡。足徵該師長調度有方，各級軍官訓練有素。且此次戰勝，實與我軍形勢，大有關係，深堪嘉許。着賞給該師洋一萬元，在事出力之營長以上各主管，並各獎給革命紀念章一面，以昭激勸。仰即轉飭遵照，此達。

令門致中優待殘廢官兵電 十六年八月十六日

寧夏門軍長致中弟鑑：元電報告辦理優待殘廢官兵事宜，悉此爲我輩第一責任，不容旁貸。兄遠離各手足各同志，每一念及，不勝悵惘。惟盼該軍長用極誠懇之熱淚，感動各級長官，使認真愛護他們，不稍懈怠，爲要。

令席液池呈報傷亡官兵表冊電 十六年八月十七日

曹州席師長液池弟鑑：刪電報告佈防情形，及傷亡官兵姓名，均悉。王保恆忠誠勇敢，果毅有爲，此次効忠黨國，奮不顧身，竟以傷重殞命，痛悼良深。其餘傷亡官兵，統俟查明從優撫卹。望即將亡者之籍貫、里居、家族，以及埋葬情形、傷者之重輕部位等，詳填隊號，及傷亡日期地點，造表呈報，候核爲要。

令劉郁芬派定專人救濟傷兵電 十六年八月二十九日

宥電報告，對於殘廢官兵救養辦法各節，悉此項官兵，均爲吾人歷共艱險之手足弟兄，爲救國家救人民而犧牲流血，致成殘廢，不可不敬之愛之，尤須爲妥籌救濟之道。此間已任趙毓祥爲軍政司撫卹處處長，統籌辦理。甘省亦應派定專人辦理，以專責成，俾易收效，爲要。

令石敬亭格外關照受傷旅長趙鳳林電 十六年九月三十日

皓電悉。趙旅長鳳林，天性勇敢，富於決斷，忍苦耐勞，實爲黨國健將。此次受傷頗重，惦念萬分，請弟特別關照之，愛護之，俾從速恢復健全，是爲至盼。

通令保舉有勞績者以便叙獎電

十六年九月六日

我軍自五原誓師以來，轉戰萬里，亘時經年，幾無日不在直接或間接與帝國主義者及其走狗軍閥搏戰之中。凡我將士，或則指揮若定，籌策萬全，陷陣衝鋒，拳旗斬將；或則綏靖地方，保衛民衆，隊伍整飭，訓練精嚴；雖職責不同，任務各異，而爲革命努力奮鬥，堅忍犧牲之精神，易地皆然，至堪嘉尚。現值我軍舉義一週紀念，亟應選尤拔萃，優予獎勵，以示來茲。茲特規定叙獎條例如下：（一）東路軍總司令，各方面軍總指揮，及各軍長，各保舉授革命獎章者二人；師長各保舉一人。（二）每師選保十人，首二人記大功，次三人記功，餘五人傳令嘉獎。（三）所保人員，不得有官佐目兵夫等階級界限，視勳績大小，分別去取，以昭公允。（四）須將所保各人之勳績考語，逐一詳列，以憑核奪。（五）前此曾受有獎章，或記功嘉獎者，如再有其他勳績，仍可保舉；但一功不得請獎兩次，或兩人同保一人。（六）各部由最高主管彙齊於本月元日以前電呈到部，不准延期；但分駐較遠者，得逕電呈報，俾免延悞。（七）所保人員，須確著勳績，足資矜式者方可，否則，寧缺勿濫。望即遵照火速辦理，爲要。

令鹿鍾麟籌濟官佐眷屬電 十六年十月十日

該部王鴻恩、李元藻、蕭之楚、常好仁、王鈺葵各師，久駐河南，官佐多有眷屬，數月以來，食不果腹，衣不蔽體，秋寒漸厲，轉瞬隆冬，凍餓交加，何以卒歲？該總司令宜體念及此，即在其次所領之十萬元內，設法周濟，或另籌妥善辦法亦可。總之，須趕急籌辦，以厲士氣，萬不可置之不理，致軍心不固也。應如何辦理之處，請我弟密圖之，切切至要！

電前方各將領選派代表參加慰勞大會電 十六年十一月三十日

鄭州各界慰勞東路前敵將士代表團，今晨抵汴，因前方各軍正在攻擊中，不便前進，擬從權在汴垣舉行慰勞大會。凡在前敵各軍，着每師派官長代表一名，日兵代表一名參加，限十二月四日下午六時以前到齊。特電知照，仰各總指揮各軍長，轉飭所屬各師，迅速派齊，以襄盛舉，爲要。

令豫省府徵集陣亡將士遺跡送革命紀念館陳列電 十六年十月十九日

查本軍努力革命，轉戰萬里，爲時經年，肅清秦隴，奠定中原，近復再下彭城，鑿兵營郊，全賴我武裝同志，革命健兒，喋血疆場，殺敵致果。凡此殊勳，功在黨國，詎宜湮沒。用特籌設一革命紀念館於開封中山公園內，搜求各先烈遺留物品，舉凡血蹟、手澤、相片，以及各種槍砲、刀矛，皆可作爲革命紀念，昭示來

茲以彰先烈，而興觀感。除分令外，合行令仰該省政府，即便遵照多方徵集，如有前項物品，可資紀念者，着即逕寄該館查收，以便陳列。務期先烈豐功，得以表彰，革命成績，永垂不朽，本總司令有厚望焉。

令孫良誠獎勵奮勇殺敵之書記長程錫山電十六年十二月二十日

巧電悉。書記長程錫山，職司文牘，竟能臨陣殺敵，奮不顧身，攻城爬壁，爭爲先登，實屬富於革命精神，深明爲黨犧牲大義，有勇知方，良深嘉許。程錫山准予特給革命獎章，并准改補軍官，以資策勵。除革命獎章另令頒發外，仰即轉飭知照，特復。

令薛篤弼等規劃追悼大會辦法電十六年十二月二十二日

查二月一日，在汴舉行陣亡官兵民衆及殉難追悼大會，典禮隆重，意義深遠，實與訓練大會性質相同。亟宜在開會時期，對於軍事黨務政治各項，實行深切之訓練，使與會人員及一般民衆，均得到深刻之印象，增進革命之精神。至各部隊派來參加追悼人員，亦宜有所規定：如每營須來官佐各一員，每連須來排長頭目各一員，以此類推，預爲規劃。地方政府及社會團體，亦須各派代表，與會追悼。此事務須迅速規定傳知，以便各處人員，屆時到會也。

復鹿鍾麟優予撫卹鄭金聲電十六年十二月二十二日

荷電悉。鄭副總指揮金聲，臨難不屈，慷慨就義，殊深痛悼。業已送電中央，優予撫卹。所擬表揚辦法，自當採擇施行，以彰忠烈，而資勸勉。特復。

通令搜集先烈遺跡送革命紀念館陳列電 十六年十二月二十四日

自我先總理中山先生，首倡革命，潮流所至，深入人心。四十年來，我革命諸先烈，爲主義奮鬥，爲黨國犧牲，瀝血斷脛，前仆後繼。哀哀戰友，纍纍國殤，痛英魂之永逝，惜芳徽之將逝。爰於開封設一革命紀念館，徵求諸先烈及傷亡將士所遺照片，手蹟，槍矛，刀劍，嘉言，遺著，戰史，血衣等，無論鉅細，分別陳列，以資觀感，庶慰先靈。茲因開館在即，務望我軍袍澤，對於此項紀念物品，多方搜集，迅速寄贈，囊成盛舉，是爲至盼。如有寄件，即交開封省政府查收。

令前方將領呈報出力官兵，以便從優給獎電 十六年十二月三十一日

奕力革命，黨國宣勞，趁此歲序之更新，應彰酬庸之大典。此次豫東激戰，河北鏖兵，我武裝同志，出生入死，罔顧身命，與賣國軍閥，作殊死搏鬪，卓著豐功，黨國利賴，不有嘉獎，何昭激勵。望將受傷不退，及特別奮勇之各級官兵，飛速呈報，以便從優給獎，爲要。

通令具保立功受傷資深之正副日電 十七年一月二日

查我軍年來，轉戰數省，馳驅萬里，艱苦備嘗，勤勞足多。各部隊中凡具備「立功受傷資深」三種資格，而限於知識能力不足，未能升級之正副目，亟應設法酬庸，以示黨國嘉念賢勞之至意。着每旅速將具有上述三項資格之正副目，各保十五人至二十人，其附屬及零散部隊，准據實有者列保，固不得因數而濫人，亦不准人多而限數。其承保之軍師旅長，均須具二者確實之連環保結，飛速造呈，俟審核後，當設法補助其知識能力，以爲其作事之基礎。如此方符同甘苦，共患難之真諦也。

通令文武官吏赦免以前一切處分電

十七年一月五日

有過固當必罰，嚴杜效尤之風。遇機尤應矜全，用彰激勸之道。查本軍文武官吏，追隨本總司令，努力革命以來，轉戰數省，馳驅萬里，其矢志矢勤，克盡天職者，固不乏人；而自暴自棄，干違法紀者，亦所恆有。本總司令爲擁護黨國計，爲實現主義計，自不得不嚴予處分，以示懲儆，而戒將來。頃者豫局底定，各路戰事，着着勝利。默查各該官吏，均能奮勉圖功，力思補過，知非遷善，良堪嘉慰。茲值新年伊始，萬象更新，用特頒布赦令，所有各該文武官吏，因公受有降署降代記過一切處分者，着即一律註銷。其有因公獲罪，判處禁閉徒刑者，亦各分別情節重輕，酌予開釋，待以如初之誠，廣其自新之路。其各懲前毖後，力爭上流。務期反動軍閥，早日殲滅，國民革命，早日成功，是則本總司令所殷殷期望之至意也。

通令追悼陣亡將士電十七年一月十八日

茲訂二月一號，在開封舉行追悼我軍陣亡將士，及因革命死難民衆大會；是日正午十二時爲開會時間，自十二時起，各軍除戰鬥部隊外，着一律下半旗並停止工作十分鐘舉行靜默，表示哀悼；靜默後即由各部隊所在帶兵高級軍官，領導講演追悼意義，以誌不忘。仰即轉飭所屬一體遵照辦理，爲要。

通令訓導傷兵電十七年二月一日

查作戰受傷人員，係爲革命奮鬥，爲主義犧牲，至足欽敬。故受傷之時，須妥爲療治；傷愈之後，須妥爲位置。凡此諸端，均經通令遵辦在案。惟官兵自受傷以至傷愈，留住醫院，爲時甚久，或因此而沾染惡習，漸生驕惰劣性；或因此而激發精神，益增奮鬥勇氣；習善則善，習惡則惡，是宜特別注意，加工訓教，並須常將受傷官兵，集合講話，使其日有進境，庶不致因受傷而反墮落，因爲國犧牲而反不得善其後也。愛之故當訓練之，敬之故當誘導之。其各恪遵，並盼轉飭所屬一體知照，是爲至要。

獎勵張團長子厚治兵有方電十七年三月三日

頃據報告，該團隊伍整齊，訓話認真，官兵日爲民間鑿井，軍民感情甚好，等語。足見該團長治軍有方，殊堪嘉尚。惟聞前七十師編餘官佐，多在該鎮逗留，并在春和旅館，吸食鴉片。偷日久不究，誠恐官兵

與之往來，別滋事端。仰即查明即日驅逐爲要。

通令創辦今是學校培養官佐子女電十七年三月七日

教育爲國家根本大計；而個人教育子女，尤係應盡之天職。吾輩軍人，以捍衛國家爲職責，本爲國忘家之義，于子女之教育，每多不暇兼顧，以致年長失學者，比比皆是。本總司令雖無日不在軍事倥傯之中，而對此事實未嘗一刻忘懷。今豫陝甘三省軍事已告底定，軍人教育子女之事，洵屬刻不容緩。爰于洛陽創辦今是學校，專以造就本軍軍官佐子女爲職責。對陣亡及受傷官佐之子弟，另訂優待辦法，以示體恤。業派簡又文爲該校校長，現正積極籌備，不久即可開學。各軍將領，應迅即調查所屬官佐子女，按照章程，保送入學。於陣亡或受傷官佐之子女，尤宜詳加調查，勿令向隅。本總司令與辦斯校，一面爲國家造就人才，一面爲袍澤輕紓內顧，用心之苦，無以復加。務各妥慎辦理，爲要。

通令對官兵家屬來營探望者應彼此妥爲招待電十七年三月廿五日

查本軍官兵，多直隸籍，自包頭甘陝轉戰萬里，始抵河南，其父母兄弟妻子，聞信來營探望，實亦人情之常。惟是軍隊不時活動，往往家人來至此處，而軍隊適移防彼處，馴致淹滯時日，床頭金盡，欲留不得，欲歸不能，流離異鄉，殊堪憐憫。各駐地軍隊長官，若以非其部屬，便爾不聞不問，實非體恤之道，尤失

互助精神。嗣後凡遇本軍直轄各部隊，官兵家鄉來人，姑無論其屬何師旅，倘發現有軍隊移防，尋望無着等情事，應即由駐在地各旅長以上長官，負責照管食宿，或電知彼軍，或派人送往，縱或終於不遇，亦不致感困苦；用副本總司令體恤患難弟兄之至意，是爲至要。

通令仿效馬軍長鴻逵優待他部官兵眷屬電 十七年三月卅一日

前經通令各軍將領，對官兵眷屬前來探問者，應彼此妥爲招待在案。茲據馬軍長鴻逵儉電稱：頃有第五軍第九師二十五旅第一營六連九棚正兵王喜龍之母，年逾七十，前來柳河探詢其子，職遇諸途中，多方安慰，饗以飲食，並送給洋五元，該老婦喜極回家等語。查優待官兵眷屬，關係軍心，甚爲重大。馬軍長之辦法，極爲妥善。特此電達，希各倣效辦理，爲要。

通令頒發各受傷高級軍官革命獎章電 十七年四月一日

本軍與賣國軍閥歷年戰爭，經時四載，轉鬪萬里，大戰十餘次，凡天津、京畿、津南、灤州、南口、隴東、隴南、西安、潼關、洛陽、襄苑、漯河、徐州、蘭封、河北各役，其敵勢之悍，兵數之衆，器械之精，皆極其鋒銳，以與我搏；我官兵抱定犧牲之決心，奮勇殺敵，十盪十決，堅忍困苦，與敵死拚，一次戰鬪，往往血戰徹夜，經十餘日之久，爲國犧牲，一瞑不視者，每次輒數百人，或數千人，傷者至近萬，戰績之偉且大，志氣之壯且烈，一

行念及，輒欽感泣下。此固由各官兵平日修養有素，主義堅定，故能爲國犧牲，趨義不疑，亦各高級軍官，平時善於教練，戰時能爲表率所致。本總司令部副官長胡長海，副軍長周永勝，師長吉鴻昌，張印湘，董振堂，孫桐萱，陳毓耀，田春芳，田金凱，戴靖宇，蘇雨生，王和祥，趙鳳林，副師長何基鄧，王毓璋，張福善，謝會三，趙景文，王廣荃，旅長吳金堂，劉宗成，李萬相，韓文秀，李漢章，黃維綱，徐桂林，孫玉田，王霖章，梁芳起，劉成鎰，張其仁，蒲文祥，周玉安，張兆榮，齊文理，副旅長尙德成，柴建瑞，傅殿卿，等三十八員：一役之中，傷重不退，裒傷復戰，或受傷一次再次，至於三、四、次，仿諸古人，若周泰之一身癍痕，尉遲敬德之體無完膚，亦無以遠過。着各給與革命獎章，以資褒榮。各該員等，尤應常常念及自己部下官兵，忠勇奮鬪，犧牲苦戰，過去之業績，刻刻勉勵自己，並勉勵所部各官兵，益自振勉，以增加革命奮鬪之精神，達到救國家救人民之目的，是所厚望。除獎章另頒外，特此通示各官兵一體知照。

通令呈報營長以上受傷官長姓名電

十七年四月二日

本軍連年轉戰，萬里馳驅，諸將士爲救國救民而奮鬪，不惜傷殘肢體，犧牲性命，以求國家之自由獨立，仁至義盡，亟待褒揚。除陣亡傷殘官兵，業經通令調查外，其營長以上各級官長之受傷者，身先士卒，表率全軍，理宜提前懸賞，以昭激勸。着于電到十日內，迅將所屬現任營長以上官長之曾經受傷者，

詳細調查。舉凡現在險賊，賊銜姓名，受傷次數，受傷部位，戰役及地點，以及其他應注明事項，如是否殘廢，已痊未痊等項，均應詳細列表備文，專人運送本部軍政司，彙總呈閱，以憑核獎，爲要。

獎勵蔡世坤電十七年四月二十三日

出死入生，宣勞黨國，策功論勳，宜膺懋賞。第八方面軍旅長蔡世坤夙明大義，迭奏膚功，此次戰役，該旅長在河北率部進戰，身受重傷，忍死不退，督戰益急，卒能殲敵致果，踏平賊壘。昔英將納爾遜受創瀕死，猶復倚櫓督戰。該旅長如此奮勇，直可與納氏後先輝映，實屬義勇超群，不可多得。蔡世坤着給予革命獎章，並給紀念寶刀一柄，獎洋千元，用示激勸。望轉傳各官兵一體知照，此令。

獎給高樹勳等獎章寶刀電十七年四月二十六日

此次整軍北伐，自開戰以來，彰德方面，激戰已二十餘日之久，敵勢凶悍，屢次猛撲我軍陣地，幸賴諸將士奮不顧身，鏖挫頑敵。功績彪炳，宜與懋賞。第十二師師長高樹勳指揮有方，動合機宜，掃除兇殘，迭建奇績。副師長趙瑛，身先士卒，勇猛勦擊，身受創傷，血戰益力，卒能殲除強敵，克解重圍。第二十五旅參謀長范少瑛，代旅長指揮，負傷督戰，奮勇猛攻，俘敵獲械，營長侯象麟屢破大敵，宿創未愈，裹臂應戰，努力支撐，又復乘機反攻，追奔逐北。似此偉績豐功，足耀革命史冊。高樹勳、趙瑛、范少瑛、侯象麟，着各給

予革命獎章一座，紀念寶刀一柄，以昭忠勤。並着賞給該師出力官兵洋五千元，由高師長樹勳，妥爲分配，用資獎勵。此令。

獎給營長郭勤修獎章寶刀電十七年四月二十六日

此次北路激戰，敵人全力猛攻，兇悍頑強，再接再厲；我軍將士，奮勇鏖戰，努力突擊，卒能殺敵致果，克掃兇殘。功在黨國，宜膺懋賞。第五師十五旅營長郭勤修，深明主義，久矢忠勤，於賊軍猖獗之時，率領健卒，突圍襲擊，往來衝突，勇猛截殺，迭次與賊肉搏，迨受砲傷，猶復激勵士卒，血戰益酣，用能克制妖氛，殲除強敵。洵足爲軍人之表率，樹吾黨之楷模。頌念殊勳，黨國利賴。郭勤修着給予革命獎章一座，紀念寶刀一柄，以昭激勵。此令。

獎給杜光明獎章寶刀並記大功電十七年四月二十九日

此次北路敵軍，全綫逆襲，驅其豺狼之衆，竭力猛撲，兵衆械精，炮火激烈，六塔集謝莊等處，突出我陣地中央，關係全線得失，受敵環攻，危如累卵。第一軍師長杜光明，受命固守，拚命拒敵，苦戰連宵，迭殲匪衆，每值敵軍逼近，輒親率精銳，與之肉搏，殺賊盈野，飛血滿襟，猶復賈勇衝殺，獲俘奪械，勛績彪炳，黨國利賴。杜光明着給予革命獎章一座，紀念寶刀一柄，並記大功一次，以昭激勵。此令。

獎給姚北宸獎章寶刀暨洋千元電十七年四月二十九日

溯自大軍北伐，強敵驚心，乃竭其數萬殘部，猛撲冀南，妄圖反噬；幸賴我將士，奮勇犧牲，屢摧兇敵，精忠勇武，允堪嘉尚。第八方面軍旅長姚北宸，於李尚劉尚等役，率部突圍，往來抄擊，身先士卒，奮勇衝殺，面部被創，血流遍體，猶復忍痛指揮，負傷督戰；用使三軍感奮，擊潰數倍悍敵。黨國策功，宜膺懋賞。姚北宸着給革命獎章一座，紀念寶刀一柄，並獎洋千元，用昭激勸。此令。

獎賞萬選才劉茂恩等部電十七年四月三十日

此次作戰以來，萬軍長選才，劉軍長茂恩，徐師長鵬雲，均能身先士卒，堅苦任戰，迭克強敵，轉危爲安。足徵智勇兼備，指揮有方；而主義堅定，不惜犧牲，以救黨國，尤爲可嘉。萬軍長選才，劉軍長茂恩所部，着各賞洋一萬元；徐師長鵬雲所部，着賞洋八千元，望即妥爲分配。該軍長等，並各記大功一次，以昭激勸。並通令所屬各官兵，一體知照。

獎賞白家墳戰役出力官兵電十七年四月三十日

來電稱此次奉軍富雙英，率大隊及唐克軍來攻我白家墳陣地，劉連長文秀，率部抵抗，獨力苦撐，竟得最後勝利，實屬勇敢善戰，奮勇可嘉。擬請獎勵一節，應即照准。劉連長文秀發給革命獎章一座，寶

刀一口。在白家墳陣地出力官兵，着獎洋六千元，以彰殊功，仰即妥爲分配。並通令所屬，一體知照，爲要。

通令迅將應得賞號領發電十七年五月六日

此次河北大戰，自前月歌日起，至本月東日止，血戰凡二十七日，各官兵咸奮鬥苦戰，拚死犧牲，抱定有賊無我，有我無賊之決心，以故敵人雖竭盡十五萬之衆，挾其飛機重砲，種種利器，卒爲我軍悉數擊潰。此皆我各官兵奮鬥之功，實足爲我軍革命史上放一異彩也。所有陣亡重傷殘廢受傷各官兵，義烈傳於千秋，功績著於黨國，革命成功，必有酬庸。本總司令自當負完全責任，爲之辦理。其未受傷各官兵，本總司令亦刻刻不忘其赤心爲民之功績，業經分別明令頒賞。各將領務將應得賞號，迅速領發，藉示國家眷念功勳之至意。望各官兵，嗣後益加努力，不可因偶爾戰勝，致起驕惰之念。須知救國救民之責任，何等重大！決非打一勝仗，即可成功。還須再接再厲，養足力量，預備大戰，剷除賣國軍閥，用竟革命全功，是所至盼。

令宋哲元獎給趙和樹等革命獎章電十七年六月四日

世電悉。此次匪逆擾亂後方，竊據龍門，趙旅長和樹，楊營長金標，李營長德鄰，杜營長修志，均能奮不顧身，奮勇前進，卒殲巨寇，克靖閭閻。黨國酬庸，宜彰勞勩。趙旅長和樹，楊營長金標，李營長德鄰，杜營

長修志，着各給革命獎章一座，以昭激勸。仰即轉飭遵照。

通令派員參加南口追悼會電 十七年六月十三日

十五年之役，張作霖與吳佩孚，傾巢合犯我軍，我軍爲救國而奮鬥，爲主義而犧牲，與十倍之敵，拚命搏戰，自四月十五日至八月十二日，固守南口，亘四閱月，陣亡官兵，凡兩萬餘，積尸如山，血流成渠。迄今白骨縱橫，未獲安葬。嗚呼！骨肉雖寒，靈爽不昧，每一念及，無限痛心。茲着由各軍派領袖一員，各軍師旅團營部各派官長一員，每營派官長一員，目兵一名，即日前來鄭州集合，統限於本月廿五日到齊，即由余親自率領，前往南口追弔，用慰先烈。仰即遵照，並將派遣人數，出發日期，先行具報，爲要。

通令分別保獎出力人員電 十七年六月十四日

此次北伐期間，諸同志或在前方出死入生，奮勇殺敵；或在後方策畫運籌，宣勞黨國，均於炎天溽暑，努力奮鬪，與賣國軍閥，作最後之搏戰，秉承總理遺訓，甘爲主義犧牲，用能克復京津，完成使命。策功行賞，亟宜褒榮。除經另發賞金外，着再由各部隊主管，查明特別出力人員，呈報分別核獎，以彰殊勛。茲訂臨時保獎辦法如左：(甲)晉級：(一)提升，(二)仍充原職，佩帶上一級之級章，如連長帶二等四級，排長帶三等一級。(二)存記，遇缺儘先升用。(乙)革命獎章：(一)目兵夫每千名保一名。(二)初級官每六

十員保一員。(二)中級官每二十員保一員。但以上不過指定標準，仍須核實辦理。(丙)凡保晉級及請授革命獎章者，均須按照向例填表，詳列功績，於七月卅日以前，專人送到本部軍政處。陝甘兩省，得展至七月底，不得逾限。(丁)以各軍及獨立師爲調查單位，由總指揮彙送，務須切實查考，不得濫保，以昭鄭重。望即火速遵照辦理，爲要。此令。

通令頒發克復京津賞洋電

十七年十月二十日

此次大舉北伐，酣戰兩月有餘，我官兵炎天溽暑，再接再厲，卒將敵軍擊潰，京津克復，救國救民精神，殊堪嘉慰！除特別出力官兵，另案嘉獎，及對傷亡同志，另定撫恤辦法外，茲規定官長每人賞洋三元，目兵二元，伙馬夫一元。仰各該長官查明所屬實有人數，派員來部具領，分發情形，電復備核。當此財政萬分拮据，籌措極不容易，前項賞款，爲數雖微，實已盡心竭慮，羅掘俱窮。務望核實人數，妥爲分發，藉示國家體念有功之至意。仰轉諭所屬一體知照，爲要。

通令頒給革命獎章及革命紀念章電

十七年六月二十六日

溯自本軍誓師北伐，轉戰經年，諸同志効忠黨國，努力革命，出生入死，拚命殺賊，用克肅清軍閥，底定幽燕，繼總理之遺志，竟革命之全功。勛績炳耀，懋賞宜頒。所有本軍參加北伐各部隊營長以上主官，

及各級參謀長，着各頒給革命獎章一座，以示酬庸。其他二等三級以上官佐，特別出力者，准由各該管主官保請。並着頒給全軍本年六月一日以前入伍之官佐目兵夫，每人革命紀念章一枚。其頒領辦法：革命獎章應由各軍開列應得者名單，火速呈報；但保請者須另案辦理。革命紀念章，則須詳查六月一日以前入伍者之人數，迅速電呈，以便核計。望即飭屬遵照爲要。

呈國府請撫卹北伐各戰役傷亡官兵電

十七年七月一日

玉祥自參加北伐作戰以來，所部官兵，爲主義犧牲，死於槍炮之下者，屍骸相屬，綜計傷亡官兵數額：在去年五月會師鄭汴及九月肅清靳雲鶚諸役，約萬餘人；在十月十一日豫東兩次大戰，約萬餘人；本年四五月間彰德之役，約萬人；濮陽大名諸役，約三四千人；濟甯金鄉曹州諸役，約三四千人；共計不下五萬之衆。現在戰事漸告結束，關於傷亡撫卹之典，尙付闕如，不勝惘然！竊查北方各省，比年以來，爲禍國軍閥所盤踞，橫征暴斂，敲骨吸髓，中產之家，久已破產，甚淪乞丐。玉祥所部官兵，皆隸籍直魯豫陝甘諸省，出身貧寒，全家老小，咸賴養贍；一旦爲國捐軀，一瞑不視；抑或斷臂折足，終生殘廢；其父母兄弟妻子，驟失所依，待哺嗷嗷。邇來傷亡官兵之家屬，向玉祥請發卹金者，扶老携幼，相屬於途。汴鄆洛三處各聚住萬餘人，每逢玉祥外出，輒遮道環繞乞請，呻吟號哭之聲，聞之痛心，輾轉流離之狀，見之淚下。玉

祥追思各武裝同志，抱救國救民之熱忱，置生死存亡於不顧，前仆後繼，以與禍國軍閥血肉相搏，轉戰數省，伏屍數萬，用能獲得最後勝利。在死者求仁得仁，固無所怨；在生者痛定思痛，其何以堪！即使不矜其窮獨，哀其孤寡，然一念及血淵骨嶽之中，爲革命効前驅以殉之先烈，能不爲之動心耶？因亟擬分別情形，酌給卹金，以全生者之命，而慰死者之靈。祇以所駐防之豫陝甘三省，地瘠民貧，財政拮据，心餘力絀，焦急萬狀。現在北伐雖漸成功，各地猶多伏莽；且外侮與日俱增，軍備未可稍懈；用兵之處，來日正長。偷對死者之父母兄弟妻子，及傷者之本身，不能酌予撫卹；則不死不傷者，將不免顧前瞻後，傷其類而寒其心。籌維再三，維有懇請速撥大宗款項，俾便發放，庶死者以安，生者以慰，黨國前途幸甚！臨電無任禱切待命之至！

呈國府爲鄭金聲請卹典電十七年七月十三日

竊職部第八方面軍副總指揮鄭金聲，於去年十月被叛軍挾送濟南，經張逆宗昌誘降不屈，至十一月六日遇害。查該故副總指揮，忠勇性成，志切救國，最初治軍新民，目擊清政不綱，國勢危弱，居常痛哭流涕，知非推翻清室，不足圖存。遂與劉一清、藍天蔚、王金銘、施從雲、戴錫九、孫建生諸人，提倡革命，不遺餘力。辛亥之歲，施王諸人，起義濰州，該故副總指揮，時以二十鎮八十標二營營長駐山海關，奮臂響

應遙爲聲援；功雖不成，而青天霹靂，振聵啟聾，爲北方革命，樹立先聲。清廷經此一役，倉皇失措，曾不旋踵，土崩瓦解。嗣任綏遠騎兵團團長，荐升至混成旅旅長，職責彌重，其救國救民之心亦彌堅；觀軍閥之專橫，念民生之憔悴，尤深憤懣。民國十三年，玉祥與師討伐賄選，該故副總指揮毅然率隊東來，與玉祥合力奮鬪，卒以執曹敗吳。十四年討奉之役，與賣國軍閥激戰於天津等處，該故副總指揮親臨陣綫，身先士卒，迭創頑敵；我軍苦撐年餘，得以全師而退，厥功居多。十五年冬，玉祥率軍由包而隴而秦而豫，該故副總指揮仗劍相隨，輾轉萬里，日行於冰天雪地之中，意氣奮發，略無所苦。去年職軍進討張逆宗昌，第八方面軍劉總指揮鎮華，以所部防地遼闊，照顧難周，迭請派員襄助；該故副總指揮以本職統率姜明玉部進駐曹縣，詎知姜出身土匪，闇於順逆，猶欲感之以恩，化之以誠，因日爲講解三民主義，諄諄訓誨；詎料野性難馴，罔顧恩義，竟叛降賊軍，變生肘腋。迨被挾送濟南，張宗昌威脅利誘，百端勸降；該副總指揮告以向抱利他主義爲民衆謀幸福而死，死榮於生，豈肯投降，與賣國軍閥並立！侃侃而談，聲色俱厲；張逆惱羞成怒，遂敢殺心。遇害之時，猶高呼三民主義萬歲，壯烈之氣，聞者感泣。該故副總指揮二十一年以來，對於迭次革命戰役，無不奮勇參加，卓樹勳績。此次臨難不屈，慷慨成仁，凜然大節，尤足千秋。謹陳顛末，擬懇鈞府鑒其忠齋，優予卹典，以彰偉烈，而昭激勸，毋任屏營之至！

令陝甘魯各省主席派員慰賞官兵電 十七年七月二十二日

查各官兵服務本軍，努力革命，迭經大戰，倍著辛勞，致多感染疾病，呻吟床榻，情殊可憫。本總司令瘡痍在抱，固無刻無時，不為惦念也。除駐河北河南各部，已派專員慰問外，其在陝甘魯各地病號，着由各該省政府主席，派員分往，代表本總司令，親切慰問，官長每員賞洋四元，目兵每名賞洋二元，並隨時考查各軍衛生狀態，醫院情形。至各地醫院零星病號，亦亟應設法歸併，以免無人看顧，為要。

嚴令各部隊速報陣亡官兵電 十七年七月二十二日

查歷次戰役，陣亡官兵，屢經電催呈報，並派專員前往催索在案。乃迄今仍有未報來者，固因軍事繁忙，實亦各主官不明大義，視同兒戲，不肯督促所致。茲再限本月感日以前，一律送齊。如有遲誤，即惟該主官是問，輕則記過，重則撤懲。該部參謀長，軍務處長，一同治罪。務望將此事看作性命根本之事，不辦好則不吃飯，不辦好則不睡覺，庶能對我諸先烈也。切切，此令。

通令轉告各陣亡者家屬向撫卹處按章具領卹金電 十七年七月二十六日

本軍對於陣亡官佐目兵夫役撫卹一事，業早在本部設立撫卹處，負責專辦，並經規定卹金，數目如下：一等四級，一次卹金六千元；二等一級，四千五百元；二等二級，三千八百元；二等三級，二千元；二等

四級，二千六百元；三等一級，二千二百元；三等二級，一千八百元；三等三級，一千五百元；三等四級，一千二百元。正目，九百元；副目，七百五十元；正兵，六百元；副兵，四百五十元；夫役，三百元。以上所定數目，在政府未發給卹金以前，先由本軍自行辦理。雖值財政奇窘，未能悉數發給，必當酌量亡者家屬狀況，先發五分之一，至二分之一之數；其有特別困難者，尤當酌量增加。以上辦法，規定以來，早經通傳，乃各部隊對於此事，猶未周知。仰即通告各陣亡者家屬，向本軍撫卹處接洽具領，以期亡者家屬，早得撫卹，是爲至要。

呈國府爲楊耀東請卹電 十七年八月七日

頃據職部第七方面軍總指揮劉郁芬呈稱：職部參謀長楊耀東，畢業日本士官學校，歷任本軍教官團附參謀等職，咸有成績可觀。十三年天津戰役，該員躬冒鋒鏑，指揮作戰。迨郁芬奉令入甘，隨軍西來，升任督署參謀長。前年張兆錕黃得貴倡亂，逼攻省垣，天水之孔繁瑤，復乘機竊發；省中兵力單弱，形勢孤危，該員晝夜籌維，不遑寢食，隴東隴南，賴以戡定。洎後察綏大軍轉進，需用浩繁，該員尤能統籌全局，足食足兵，使民間無供應之苦，軍隊無飢寒之慮。其忠實廉勤，努力革命，有如此者。本年四月，奉命赴豫，面陳要公，不意行至靖遠縣屬之乾鹽池地方，突遇股匪百餘人，左右夾擊，該員即指揮隨從官兵，開

槍抵禦，斃匪首一名，匪衆數名。經時既久，匪徒愈衆，四面被圍，卒以衆寡懸殊，與從者二人一併殉難。旋經附近駐軍聞訊追擊，匪始奔散。當即運棺回蘭，重予治殮，藉紓哀悼。第念該員從軍有年，卓著勳勤，旋以報功之典，尤宣褒寵是錫。理合縷陳該員生前事蹟，及遇難狀況，伏乞鑒核，准予據情轉呈國府，從優議卹等語。竊查該參謀長楊耀東，生前功績，頗有足多；因公被難，情尤可憫！擬請鈞府優予議卹，賜以褒揚，以慰忠魂。是否有當，伏乞鈞裁施行。

呈國府爲田作霖請卹電 十七年八月十五日

竊查已故第八方面軍前敵總執法田作霖，秉性剛毅，素尙氣節，滿清光緒二十六年，畢業於砲兵學堂，充新建軍哨長；辛丑議和，引爲深恥，憤而上書，卒不得達。宣統二年，充北洋陸軍第六鎮第三營管帶；辛亥八月，武昌起義，與吳統制祿貞，謀據石家莊，以爲響應，事敗，吳遇害；該總執法毅然爲謀身後事，幾於不免。民國三年，以南陽鎮守使追剿白狼，凡十閱月，殲敵大半，豫民以安。民七以還，趙倜督豫，省政日非；該員遭忌去職，後遂潛居上海，與吾黨諸同志，時相往還，研讀主義。十三年，隨先總理北上。十六年六月，聞職軍入豫，即由津間道遠來，以圖効命黨國，當經任以第八方面軍前敵總執法之職。時姜明玉駐防曹縣，軍紀凌亂；該員馳往查辦，不意姜逆叛變，遂被羈禁。逆軍脅之以威，誘之以利，百計勸降，終不

爲動。維時其嗣鎮南，任河南民團軍第四軍軍長，多方營救，冀得脫險，卒歸無效，竟於民國十六年十月廿六日，仰藥以殉。查該總執法，以垂暮之年，努力革命，凜然大節，終始不渝，殺身成仁，古不多讓，昭忠宣烈，國有常經。謹陳顛末，擬懇鈞府賜予褒揚，優給卹典，以彰忠毅，垂示來茲。可否之處，謹請鑒核。

呈國府爲袁廷傑請卹電 十七年八月廿九日

查前國民第三軍師長袁廷傑，係河北省滄縣人，追隨孫禹行先生，革命二十餘年。去夏四月，與奉魯軍戰於鄭汴間者月餘，晝夜督師，積勞致病，然猶奮身殺賊，力疾周旋。迨赴漢口就療，而病已不治，行抵信陽，中途長逝，身後蕭條，家口無依。該故師長廿年革命，功在黨國，謹按撫卹條例第六章第十二條之規定，呈請鈞府從優議卹，以贍遺族，而慰忠魂，至爲德便。除另補送調查表及証書外，謹電呈請鑒核施行。

通令鄭重佩帶革命紀念章電 十七年十一月四日

查本軍官兵，凡本年六月以前入伍者，悉經頒給革命紀念章，佩帶胸前，所以資紀念，而誌不忘也。當京津未克以前，我軍官兵，轉戰數省，與賣國軍閥，拚命流血，奮鬪之艱屯，犧牲之偉大，在在足爲我輩紀念，使不能忘。迨京津克復，殘餘軍閥，次第削平，軍事結束，訓政開始，各官兵因得有相當之休息，此種

無上之光榮，璀璨之歷史，尤可藉此徽章，垂之永久，故此章之佩帶，亟應予以特別鄭重。茲規定佩帶時應注意之點如下：（一）革命紀念章之背面，須黏貼佩帶此章之本人姓名；（二）不准借與他人；（三）不准交換佩帶；（四）佩帶時，須縫綴結實，以免遺失。以上四項，希即轉飭所屬，一體遵照辦理。並須集合官兵，說明紀念章意義之重大。各該主管，對於佩帶此章官兵，並應予以優待，以示殊異。特電知照，希即遵照，爲要。

#### 通令嘉獎董文富等電

十七年十一月二十日

據薛部長電稱：頃有朝邑人來京，談及秦中近狀，謂朝邑韓城一帶，原駐陝軍，均經解散；我軍所至，紀律嚴明，民慶更生等語。以陝民不愛陝軍而愛我軍，可見民衆好惡，尚有公道，果能爲民除害，即得其同情。欣幸之餘，用特稟聞，並祈對於各處駐軍，益加勉勵，俾我軍與民衆，水乳交融，實現其爲老百姓軍隊之精神等情。據此，查本軍努力革命，原爲一般貧苦無告之民衆，謀幸福，求解放。軍行所至，自非本愛護人民，幫助人民之精神作去，斷不能得到人民歡心。此次第九師二十七旅第二團，駐防朝邑一帶，秋毫無犯，人民愛戴。足徵該團長董文富，營長許炳亞，王寶良，周明德等，帶兵有方，深堪嘉慰。着各記大功一次，並賞給該團大洋二千元。該團長董文富，團副李慕陶，各賞給皮箱一個，圖表，電燈，水瓶，駝毛毯。

一件；毛衛生褲褂一套；風鏡一付；西洋銅鑑，中山全書，各一部。營長許炳亞，王寶良，周明德，營副徐成勛，李華峯，許作善，等六員，各賞給皮箱一個；圖囊，電燈，各一個；毛衛生掛褲一套；駝毛毯一條。連長賈國卿，李景池，梁明堂，張蘭芝，張凱成，張庭訓，夏紹堂，陳英武，朱錫重，崔榮升，尹明善，鄭國璋等，各賞給皮箱一個；電燈，圖囊，各一個。以示獎勵，而資觀感。除分電外，仰即轉飭所屬一體知照，是爲至要。

令郝登雲注意管理鄭州三民主義烈士祠電十八年一月三十日

數年以來，我軍爲主義而奮鬥，爲革命而犧牲者，不知凡幾。故對烈士祠之建築，宜力求宏壯，非是不足以表忠義而資觀感。其所以題曰三民主義烈士祠者，乃用以昭示正的，指導明路，使我軍民農工，悉由革命路線，努力前進，以完成三民主義之國家；是其關係革命工作之決心，何等偉大！同志既負有管理之責，對於管理事項，務望切實負責。並着李旅長文田遇事贊助，以求妥善。至希善體此意，勿負委託，是爲至要。

頒給龐炳勳革命獎章電十八年二月一日

韓匪欲明，久稽顯戮，民衆苦之。林縣爲甚。師長龐炳勳，宣勞黨國，久著疆場殲敵之功。此次勦匪，復抱有賊無我之旨，生死置之腦後。該師長率部痛勦，指揮有方，用能直搗匪窟，肅清醜類，出民水火，奠定

豫北嘉念乃績，宜膺懋賞。龐炳勳着給予革命獎章一座，以昭激勵。其在事出力人員，准由該師長列具勳績，擇尤保請，以憑核獎。除獎章另令頒發外，望即遵照。

### 通令嘉獎石友三師官兵電 十八年三月二十七日

查石友三師，紀律嚴明，師行神速，認真勦匪，綏靖閭閻；儕輩同欽，人民愛戴，誠十八年以來不經多見之文明軍隊也。此次孫十貴王太等股匪，盤踞豫西，竄擾魯山，燒殺搶掠，勢極披猖。適值該師初回宛防，未遑休息，驟聞匪警，立即往剿，數日之間，斃匪無算，魯山旋復，餘孽潛逃，地方治安，人民稱慶。具見該師官兵，有勇知方；亦該師長訓練有素，軫念賢勞，良深嘉許。除先獎洋五千元，賞給各官兵，並着該師長，速將出力人員，查明具報，以憑分別叙獎外，合亟電令各該師長知照，並轉飭所屬一體知照，爲要。

### 令石敬亭等妥籌優待殘廢官兵辦法電 十八年三月三十日

現在統一告成，訓政開始。然痛定思痛，則我官兵之爲國奮爭，其功績誠有不可忘者；矧有斷足折臂，輾轉呻吟，殘缺終身，不能復其本來者；每一念及，輒爲愴懷。開封洛陽，現有殘廢官兵甚多，因知終身無復希望，稍不適意，便行形之言色；馴致司管理之責者，對之輒生厭惡。此乃大大不可者。望吾弟與韓主席復煒弟，鄧廳長哲熙弟，關於殘廢官兵之衣食住用四項，詳加討論，悉心籌畫，總期盡善盡美，有一

個破天荒的優待辦法，使已殘廢者忘其痛苦，未殘廢者見之欣羨，我輩寸心，方可稍慰。尤有言者，不僅對殘廢官兵如是，即對其家屬亦當盡力設法，與以種種便利；最少限度，須速為預備房舍，俾有住所。以上所述，望即剋日進行，努力辦理，並將進行方法，辦理情形，隨時電告，為要。

頒賞馬麒馬麟獎章電 十八年四月十五日

前甘州鎮守使馬麒，第二十六師副師長馬麟等二員，賦性肫誠，矢忠黨國。河州之役，匪眾四起叛亂，該員等罔避艱險，竭力宣撫，或曉以大義，而解散脅從；或參與帷幄，而贊襄戎機；亂平之後，猶復籌策善後，撫輯難民。凡此勛勞，宜膺懋賞。馬麒、馬麟，着均給予革命獎章一座，並紀念物品，派劉總司令郁芬就近代表本總司令頒發，以勵有功，並將頒發日期具報，為要。

令教養院長宋邦榮安籌教養殘廢官兵辦法電 十八年四月三十日

查殘廢官兵，均係為革命流血之健者，奮鬪精神，深堪欽佩！斷肢缺體，尤足矜恤。故對於該官兵等之待遇，必須十分講究，藉資安慰。惟聞亦有未至殘廢程度，而亦住院者，應即認真查明，交石師長另行安置。至真正殘廢官兵，亦未便令其飽食終日，無所事事，應設法教以養鷄養蜂及各種實業事項，俾將來各有職業，自食其力，庶幾廢而不廢也。望即分別切實遵照辦理，為要。

# 馮玉祥軍事要電彙編

## 卷十四 勦撫

上曹錕報告勦辦廣濟匪情電 七年三月二十八日

漢口曹官撫使鈞鑒：前因匪擾蕪春，奉王督軍電令，派鹿營長鍾麟帶混成一營前往追擊，曾電稟在案。茲據鹿營長由廣濟報稱：二十五日據探報，有匪三百餘名，蹙廣濟正北山內三四十里，因地形險惡，不便深入，遂佯言奉令開往武穴，當即星夜籌備夫役等項，旋接得力偵探報告，匪有待我軍前發，後，來襲廣濟之意；營長遂於二十六日下午三點半，率隊向武穴出發，至十里外停止；於六鐘又接探報，匪知我軍出發，乘夜來劫廣濟；當時帶步兵兩連，及機關槍兩架，暗向廣濟北方行進，至距城十里之姚婆嶺，聞前方犬吠甚急，一面布置各連，分佔山頭，一面向前偵探，果有匪人結隊前來，遂令開槍射擊，又派隊往圍其後；匪亦還擊，約戰三小時之久；至十二點時，見火起數處，命兵士猛射夾擊，匪槍遂息；天將拂曉，向前搜索，匪已逃遁無蹤，搜得雜色步槍五十九桿，子彈二千餘粒，共斃匪人二十三名；我軍兵士，受傷一名；據土人言：匪分兩股潰散，一股往麻城方面，一股往太湖方面，等情。據此，旅長遂令派隊向麻

城跟追。惟太湖方面，因係皖境，不便前進，以免誤會。特此奉聞。

令劉郁芬對於收編隊伍應注意二事電 十五年十月十六日

查張兆鈺孔繁錦所部，經我軍收編者甚多，亟應注意下列二事：（一）凡收編之隊伍，其高級長官，暫可不換。而下級官長，如營長連排長之類，率皆騷擾性成，不堪造就，必須一律更換我軍官長率領，不可游疑，免貽後悔。因不如是，便難根本整頓，防杜隱患。（二）所有老弱兵士，務須切實淘汰，以資振作。至甘省全部軍隊，除派往援陝各部隊，須督促前進外，其餘新收隊伍，亟須積極整理，開往邊界，以便何時有事，何時調用。以上二者，均係極要之事，務即切實辦理，并盼將如何辦理情形電復，是爲至要。

令門石治軍以不收土匪爲第一要義電 十五年十二月十九日

義旗門副總參謀長致中弟，石總司令友三弟鑒：接電報告查覆內蒙軍官學校被搶並善後情形，悉。治軍當以不收土匪爲第一要義；不見岳西峯之失敗乎？聚群不逞之徒而爲兵，非徒無益，且受其害。望切實注意，爲要。

詢閻錫山解決麻匪方略電 十六年二月七日

麻振武部，騷擾民衆，前竄踞回城一帶，此間各部，正在進剿之際，以尊使南處長佩蘭同志轉達我

弟意見，當即飛令前方停止攻擊。嗣後該部會派員來此，此間亦請姚同志前往接洽，幾經往返，無論如何，不肯改編。當此大軍已出潼關，倘任此等匪軍，負隅肆虐，不特爲革命大局之憂，抑亦貽地方無窮之禍。究應如何迅謀解決？吾弟對此有何意見，請即電示，以便進行，是所至盼。

令陝軍各將領不准招匪造槍電十六年三月卅一日

秦中自民六以還，增兵籌餉，不遺餘力；遂致三輔名盛之區，到處荆棘，關中禮義之鄉，遍地萑苻。迄今國困民窮，財殫力瘁，於斯已極。握兵符者，猶復私造槍支，納匪充數，實爲惑之甚者。本總司令痛心陝亂，迭電各軍，不准招匪造槍；僅按現有槍，留強汰弱，編制成軍，加工訓練，期成勁旅。乃仍有弁髦電令者，馴致財匱兵多，接濟不繼；僅着便服而無軍衣者有之，或着軍衣而不戴帽者亦有之，種種怪象，不一而足。既無軍容可稱，又無紀律可言，徒害吾民以擾地方已耳。陝西經亂既久，創痍未復，災殺荐臻，水深火熱，盼救孔亟。於此不思扶危靖亂，登民衽席，願竟擴大勢力，厲民自養。抑知匪性難馴，民警可畏，曾不旋踵，崩潰立至，往事昭然，可資鑑戒。故曰：兵不貴多而貴精，要少要好，以糜費輕而效用大也。此次派張委員長之江前往檢查，據報何師長毓斌所部，隊伍整齊，訓練甚精；考其由來，皆緣不濫收土匪所致。足徵該師長閱歷深沉，治軍有法，殊堪嘉許。着獎給該師洋一千元，即由該師長領回，酌量支配。并將該師

長何毓斌，記大功一次，以示鼓勵，而昭激勸。各該路司令及各師旅長等，歷經戰爭，經驗宏富，應知收匪造槍之勢力，萬不足恃，及早猛醒，嚴整軍紀，認真訓練，一掃從前之惡習，而增人民之信仰，黨國前途，庶乎有夥！

令石友二等認真勦匪電

十六年四月四日

平涼石總司令友三同志，并轉安師長樹德同志，徐師長長林同志，田師長金凱同志鑒：查西安至平涼寧夏一帶大路，時有三五土匪出沒，攔路行劫，擾害商旅，以致道途梗塞，行人斷絕。似此情形，若不嚴行剿除，何以靖地方，而安行旅？仰即轉飭沿途駐紮各部，選派幹探，查明匪巢，迅派得力官兵，隨時認真痛勦，務期肅清，是至爲要。

令吳新田切勿收容潰兵電

十六年四月七日

查宋有才王占元等，本屬張兆錡孔繁錦部，爲甘肅叛將，此次由吾弟准予收錄，原冀革除前失，洗心向善。乃近月以來，截獲宋有才等，與吳佩孚張兆錡勾結謀亂種種証據，該逆等又復盤踞武都等處，擾害閭閻，抗命不聽調遣，殊難與以姑息。已令張總司令維靈，遣隊進勦，俟將該部驅出甘境後，即由鳳翔東來長安集中。語云：螭蛇螫手，壯士斷腕。對於此等無軍紀害民之部隊，若與收留，非但不能資用，并

足爲盛名累。望吾弟設法堵截誘拿，將其潰兵，一律繳械遣散，萬勿予以姑息，藉除民害，而靖地方是爲至禱。

呈武漢國府軍委會商編張于兩部辦法電

十六年四月十三日

頃聞襄陽張師長聯陞，派顧問陶鳳集、團長王錦榮代表來此，接洽陝鄂間防務，及交通運輸事宜，并謂于學忠部，曾經過其防地，係因多年同事，不無私交，且于衆張寡，當時情形，實無解決之能力，而張樊兩部，在革命前，本不相容，現雖日謀接近，但以張樊合而攻于，又不無困難等語。現張師長以未能實行援樊攻于之命，對於政府方面，意甚不安。而本軍與武漢交通，及補充運輸各事，又非經該處不可。當此革命期間，爲推動全體革命進行，設法促進其完全革命化，實爲最急之圖。玉祥依此情勢，以爲最好解決之方，莫如將張師長聯陞，改編一軍，即任張聯陞爲軍長，以安其心；至對於學忠部，因渠頗知翻悔，亦擬編爲一軍，統由此間指揮，揣測再四，似不如此辦理，實不足以泯彼輩之猜嫌，維陝鄂之交通。用特陳詞，究應如何處理，伏乞迅速決定，飛示爲禱。

令田金凱周永勝限期清匪電

十六年五月十七日

西峰鎮田師長金凱弟，周師長永勝弟鑒，田師長刪電報告勤匪情形，悉查黃匪得貴，擾我後方，若

不勦絕根株，爲患終無已時。限該師長等務將該匪於廿日內，掃除淨盡；如逾期不能肅清，定將該師長等治罪，以爲勦辦不力者戒。茲爲勦辦便利起見，所有該匪踪出沒地區之地方官吏，自知事以下，均歸節制指揮。除分令外，特令遵照。

令宋哲元陳毓耀佟凌閣勦匪勿分兵力電 十六年五月二十三日

寧夏宋總司令哲元弟，平涼陳鎮守使毓耀弟，天水佟鎮守使凌閣弟鑒：軍隊駐紮，最貴團結。現當大戰之際，更不宜於分散。務使所部兵力，常在控置之中，以備緩急。轄境以內，如有小股土匪，萬不可寬然分兵去勦。祇應集結兵力於府城或大道上緊要地點，俟匪情十分明瞭後，再行圍勦，免受牽制。除電劉總司令外，特令知照，務體照此意辦理，爲要。

告田金凱勦匪方法電 十六年五月二十四日

養電報告匪情，並親往督勦各節，悉。按擊匪之道，除武力痛勦外，仍須用種種離間利誘方法。土人鄉導，親戚族人，均可利用。尤要者，須從俘虜入手，獲得俘虜以後，萬萬不可輒施殺戮，須擇其明敏有才幹者，貸其不死，收爲己用。則匪中情形，皆可熟悉，而離間利誘之法，可得而行矣。昔以岳武穆之才，平蕩楊么，尙藉王佐。若徒一味蠻勦，收效殊匪易易。此時黃匪爲我迫擊，其下不勝流離之苦，必有悔心。正是

用計之時，千萬注意及此，勤撫兼施，自好辦矣。此囑。

通令前方將領注意收撫土匪軍隊電 十六年五月二十四日

據報，陝州南十五里十八王村，有嵩匪千餘人，自稱已受我軍收編，盤踞地方，不肯開動。該匪等逼處肘腋，萬難姑息，應由韓總司令負責清理，以弭後患。查河南土匪軍隊，形同流寇，意存反側，勢弱則表示受編，時至復患起腹心；若予收錄，豈特無利，反足貽患。前方各軍進兵之時，若遇土匪軍隊，勢須收編者，第一須使不在後方，不令別成一隊；第二則宜使之遠出，萬不可令其停駐兩側。倘既不肯分散，又不聽命遠出，野心難馴，已可灼見，即應由後方續到部隊，負責清理，以消隱患。特囑。

通令前方將領不准收編土匪電 十六年六月六日

按大戰之時，收編潰兵土匪，原為一時權宜之計；若不切實注意，貽患必至無窮。嗣後非有特令，一概不准收編。其已收編者，均著由韓總司令復架，在洛陽認真點驗刷洗，以資整理，而清後患。特電遵照。

令高桂滋等痛勦商邱附近土匪電 十六年六月二十三日

商邱高軍長培五同志，並轉門師長錫光同志，何師長柯喜同志，趙師長啟秀同志均鑒：查商邱附近，土匪如麻，殺人越貨，綁票勒贖等事，日有數起，閭閻騷擾，鷄犬不寧。我輩軍人，竟不能盡其保衛之天

職，抑何可愧。同志等駐軍此間，目前唯一急務，惟在勦辦土匪。務請拚命切實辦理，必於最短期間，先將商邱周圍二百里以內之匪，痛勦淨盡。不特民衆深受其賜，黨國前途，實利賴之。並須將勦辦情形，隨時見告，是爲至盼。

通令注意勦匪治軍等五事電 十六年六月二十三日

豫局初定，大敵未除，凡我同志，務須努力撻伐，以竟全功。茲有目前應急辦者數事，條列如下：（一）認真勦匪：軍隊原以衛民，地方有匪，當地駐軍，務要認真勦除，立時肅清，斷不容兵自兵，而匪自匪。否則，遇匪不勦，要兵何用？不能衛民，定失民心！（二）認真訓練：兵練則精，非訓不明。每日必須有一二時之政治講演，使明白主義，必須有長時間之戰鬥操練，使嫻習戰術。總期練一兵，必收一兵之用。（三）必須點名：每日點名，事雖尋常，關係却大。見面既多，感情自深，種種流弊，亦可防止。余不日即派專員，前往點名，務要時時預備。（四）兵須有槍，兵乃有用；否則，兵多于槍，何能殺敵？故有一兵，必有一槍，常常訓練，乃成勁旅。（五）注重紀律：治軍以紀律爲重，軍隊能守紀律，乃成節制之師，而爲民衆歡迎。否則，行同土匪，萬難久存。以上數端，寔爲今日治軍要事。我輩此次革命，原爲救國救民，務望督率所部，勤加鞭策，以貫徹我革命軍之眞精神，是所切盼。

令前方各將領對紅槍會須慎重指導電 十六年六月廿九日

本軍歷次作戰，直接間接，所受人民幫助匪淺。河北紅槍會，日與奉軍衝突，尤渴望我軍早到。查該會均係人民因被迫於惡劣軍隊，起而相抗。故我軍須切告官兵，應時時刻刻以愛民爲第一要義。對該會等，務慎重指導，期爲我用，不可得罪，致背民意，且碍軍事也。切要切要。

令劉郁芬修凌閣剿匪失利記過不懲電 十六年七月十九日

銑電報告修師楊團剿匪失利，及請處分各節，悉已去巧電懲誠。近月以來，疊令該使小心謹慎，不可大意。而該使竟日日在「不要緊」三字中過活，致斷送許多人命，殊堪痛恨。着先將該使記大過二次，聽候查辦。並限在二十日內，肅清股匪，否則從重治罪，決不寬宥。該總指揮自講處分一節，暫從緩議。惟須嚴令剿匪各部隊，協同力剿，以除根株，勿驕勿傲，刻刻謹慎，不可大意爲要。

與方振武論禹州李振亞電 十六年七月二十六日

南陽方總指揮叔平兄鑒：敬午電謂駐禹某部，將有異動等情，備悉。自當予以注意。惟此次來豫，統治各軍，總冀以誠信相感孚，以主義相結合，非至萬不得已，不欲以嚴厲手段待之也。若見善而終不遷，怙過而終不改，則亦無如之何矣。猶望其庶幾改諸。

令過之綱慎重收編鎮嵩軍電十六年七月三十日

省電所擬收編嵩軍殘部一節，悉此項散兵，份子極雜，不准濫收，以免僨事。如有明白主義，深知悔改者，可挑選精銳收編一二百人，切實加以訓練，爲要。

嚴令石敬亭等迅速攻下同州電十六年七月三十一日

西安石總指揮敬亭弟，渭南張軍長維靈弟，劉軍長汝明弟鑒：當此前方用人孔亟之時，各路軍事，均須迅速解決，方足共赴事機。攻同一事，久延不下，不特勞師誤事，亦且有損聲威，致多糾紛。該員等務須督率各部，猛烈攻擊，尅日解決肅清，以免貽誤大局。迭經電令，仰即查照火速辦理，愈快愈妙，切勿再延，致干未便。特電切囑，並望電復，是爲至要。

致唐生智聲明解決田維勤部情由電十六年八月十二日

漢口唐總司令孟瀟同志勛鑒：田維勤係國民二軍叛將，攻南口最甚之賊，其殘部竊據汝南，遂平等縣，外則陽受收撫，實則負隅自固。此次不服龐軍長命令，據城抗拒，實屬目無法令。該軍與奉軍勾結極力，此間曾迭獲其交通證據，且從中構煽，譁張爲幻，必欲使我同志軍隊，自相水火，以收漁人之利。若不將其消滅，終爲革命梗阻，況在心腹，危險更大！蝮蛇螫手，壯士斷腕，消禍未萌，實不得不先有嚴密防

範。現其渠魁已伏顯戮，願乃留其餘黨，置於心齊，無論何人，皆難放心，此情當蒙吾兄體諒也。此次王道中旅開拔時，略有誤會，以弟未得吾兄電示，沿途各軍，未得知會之故。嗣後請吾兄於在豫境之部隊調動時，預賜電示，以便轉飭各軍，勿生誤會，實深企禱。誼屬同舟，痛癢一體，萬祈不以區區細故，而有所芥蒂也。

#### 令陝甘各將領勦匪嚴戒三事電

十六年八月十六日

軍隊原爲保民愛民安民之用，然欲舉其實，便非剿匪不可。倘軍隊駐紮之處，周圍百里，仍有匪患，是何異養匪自肥，藉匪自重。望各將領，必須認清職責，切實剿匪。惟剿匪最戒三事：（一）輕敵，（二）無計劃，（三）不根本剿滅。輕敵必致敗，無計畫多費事，不根本剿滅則貽害人民。以上諸端，皆應即日切實舉辦之事也。仰即遵照爲要。此令。

#### 告龐炳勳等解決靳雲鶚情由電

十六年九月八日

歸德龐副總司令更陳同志，新鄉梁軍長如南同志鑒：此次北伐，我軍已至大名濟寧，重復折回，其故皆由靳雲鶚一人。若使靳奉調出發，直向濟寧進攻，則大名之師何必退，而津浦方面王天培軍，何至爲敵所敗。又何至演成今日局勢。且靳非但不肯開拔，并與孫傳芳張宗昌勾結，日謀反革命之舉動。鄭

汴河北一帶軍隊，均爲所牽制，而不能調動，使孫得以毫無顧忌，直攻南京。此種情形，向所以隱忍不言者，爲顧全大局計，爲保全始終友誼計，冀其幡然悔悟，盡力革命。詎意毫不悔改，竟肆毒謀，與張宗昌約於陰歷八月十五日，對弟內外夾擊，並勾紅槍會兩萬餘人，到期四散來攻。彼既決心如此，毫不覺悟，則今日之舉，實屬形格勢禁，萬不得已。現前線軍隊，已將靳部長葛和尚橋之線擊破，生擒六百餘人，奪獲槍械甚多。本日正在進攻許昌之線，三日以內，即可解決。以後內決解，顧無憂我軍，即可大舉北伐矣。特抒顛末，敬希鑒察。

通告各將領討靳軍事情形電

十六年九月九日

新鄭孫總指揮良誠弟、石軍長友三弟、鄆師韓總指揮復築弟、洛陽張副總指揮仲三兄、確山孫總指揮連仲弟，並轉閩副總指揮凱臣兄鑒：茲將討靳軍事，至本日十一時止，所有全般情況列下：（一）北路孫良誠軍，已克密縣長葛許昌，於本日下午三時克臨潁。（二）南路孫連仲軍，因秦德純軍遵令東開，於昨日已進入西平遂，平向漯河前進。（三）西路韓復築軍，於昨日克登封，本日進攻禹縣。（四）鄭大章騎兵軍，昨日由尉氏出發，本日已繞至臨潁。（五）余於本日下午九時行次開封。綜合以上情形，討靳軍事結束即在旦夕，務須解決乾淨，永除後患。此次張宗昌至濮陽線上，奉軍有南侵之聲，浪皆恃靳爲內

應，故有此舉。心腹之患既除，敵必不敢動作，即痛動作，亦可一舉破之。徐州濟寧兩方面敵人，並無動靜。惟本自徐州方面，有敵鋼甲車來，擾我陣地，此蓋由於津浦孫軍潰散，敵人恐我進攻，故作此虛聲耳。我軍將靳部結束後，即須大舉進攻徐州濟寧，以完成革命軍事工作。望從速努力辦理，爲要。

令韓復榘解決李振亞部電 十六年九月九日

李振亞盤踞禹州，歷有年所，到處奸淫燒殺，實國家之賊，人民之蠹。此次受靳氏嗾使，首先發難，更屬罪不容誅。該總指揮須負全責，將李逆根本消滅，爲民除害，樹功黨國，是爲至要。此希。

與梁壽愷論對待紅槍等會辦法電 十六年九月十一日

新鄉梁軍長如痛同志大鑒：佳電佳酉電均悉。茲條復如下：(一)會黨日事滋擾，請一面找其首領，告以大義，剴切開導；一面偵其不良份子，予以痛懲。尤盼對於宣傳上多下工夫，萬不可以關刀大斧，草薙禽獮之辦法，對待無知之良民也。(二)當此內憂外患之際，各將領須多活動演講，親自見兵，愈多愈好，增進團結力，提起朝氣。(三)我軍今早三時佔領鄆城，聞靳氏已逃周口，知念並及。

令宋哲元等注意勦匪練兵電 十六年九月十五日

兵愈打仗，愈有精神，惟在各級官長，提倡之，訓練之耳。如清訓練，即在行軍勦匪之際，亦可辦理。蓋

三分鐘，五分鐘，均可利用，作爲訓練機會。必欲明窗淨几，高棹矮檣，方行訓練，革命期間，安能有此。凡我高級將領，不可不苦思苦下工夫也。查近來渭南至華陰一段，土匪搶劫行人，日有所聞。郃縣至咸陽一段，土匪亦不時出沒，殺人越貨。大路將斷，餉源必絕，危險殊甚。該總指揮軍長等，當此勦匪之時，更須振起精神，提起朝氣，望特別努力辦理之。特電知照。

令孫良誠相機解決郃殿魁部電

十六年九月十六日

鄭軍長刪電請示對郃殿魁部應付機宜，悉。查郃殿魁部，我方於舉兵之日，曾派何其慎前往慰諭，據何回報，郃絕對服從，故委何爲軍長，郃爲副軍長兼師長。但郃此次在戰線上態度究竟如何，此間未明真相。惟若郃既受我方之委任，又擅收斬之殘部，殊不合法；況佔據要地，無形中掩護潰敗之逆，更爲非是。應即厚集兵力前往，一面令郃率兵解決斬之殘部，並不准伊收編；一面即以武力追滅斬部。如郃不服，即以敵對待之，爲要。

令石敬亭宋哲元全力肅清渭北電

十六年十月二日

世電陳論陝西隱患，及張維靈軍未可東出各節，所見甚是。但渭北不守紀律之軍隊，及不聽命令之軍官，必須調在陝所有軍隊，合力解決，不可日延一日，空喊出關而已也。須知軍隊乃爲國家犧牲打

仗之軍隊，見害民之靈賊，及軍中之敗類，即應毫不瞻徇，與以解決，以除民患，并可減少一切顧慮。若徒虛與委蛇，長久對峙，既不敢動手掃除，又不敢引兵他調，則是虛糜帑餉，同爲民靈而已。現陝西我軍力量甚厚，對於內患，亟應分別速辦，時機要緊，萬不可坐延歲月，致貽隱患。如何辦理，佇盼電復。

令秦德純不可徒恃機槍大砲對待紅槍會衆電 十六年十月三日

冬電轉王旅長會樞圍辦滑縣軍旅莊紅槍會衆情形，悉請一面將紅會不安分首領查明嚴辦；一面則宣傳我軍北進，是爲增進人民福利，並處處築路修渠，千方百計，幫助民衆，使民衆對我軍有一番認識。萬不可徒恃機槍大砲，任意殘殺，致失却我軍保民愛民之本懷也。

通令禁止招收土匪免爲暗算電 十六年十月三日

據報，第一師第三旅孫玉田團迫擊砲連，目兵結夥携械潛逃者，有十二名之多，原由我軍前擊黃匪，該匪殘部，暗投我軍，充當兵士，希圖拐械，馴致發生此等情事。查招募新兵，必須身家清白，然後練一兵可得一兵之用。若不分良莠，兼納並收，致令匪徒混跡其中，隱患所至，何堪設想。爲此電令各軍，迅將以前所收之人，從新考查，分別去留。嗣後補充兵額，務須特別審慎，必有妥保，方准收容。萬不可收納土匪，爲所暗算，爲要。

通令認定勦匪不收匪五字電 十六年十月五日

本軍努力革命，其最大之敵人有二：一爲帝國主義，一爲祖國軍閥。此外尚有危害革命最迫切者，即內地之土匪。欲打倒帝國主義，須先除軍閥；欲除軍閥，須先勦土匪。如各處土匪，接受敵方委任，殺害人民，擾亂後方，勢必步步受牽制，安有餘力革命？仰各將領須認定「勦匪不收匪」五字爲最要之事，努力遵行，是爲至要。

令趙振江慎重收匪電 十六年十月五日

世電報告各節，悉該師長嚴守命令，作戰勇敢，本總司令極爲嘉佩。惟郊縣之高雲部，入城以後，搶劫姦淫，控案山積，罪無可道。此種敗類，若不嚴加懲辦，我軍一向榮譽，勢將爲之掃地。已令韓總指揮，繩以軍法，以昭炯戒。該師長前程遠大，嗣後對於收匪一事，萬分慎重，此復。

與孫岳論討伐田玉潔電 十六年十月二十七日

有日囑轉西峯寶珊電敬悉。吾哥所示二軍同人駐陝者，與一軍發生誤會一節，未識是否指田玉潔事。言及此事，殊堪痛心！先是甘肅叛將黃得貴、韓有祿，受吳佩孚委任，盤踞平涼慶陽一帶，屢經勦辦，未能得手。此次命宋總指揮哲元，率兵四萬，分路包圍，經時兩月，始將遂至耀縣以東平地，行將殲滅。願

田玉潔竟擅收該匪，不聽命令，疊經勸諭，置若罔聞。乃命宋軍向韓黃所駐地進剿，路過涇陽，田竟派隊邀截，如此不法，萬難姑容，遂將免職，並命宋軍進討。該逆疊經喪挫，已不成軍，日內即可解決。此外各部陝軍，對田此種舉動，皆極不滿。西峯、寶珊，均有電來，不直所爲。餘如馮毓東、李子高、侯天相等，亦皆表示不與合作。是此次陝中軍事，祇田一人爲祟，其餘袍澤，均甚融洽。勞哥遠系，特將詳情摘陳，以釋垂注。

令宋哲元張維璽相機肅清渭北電 十六年十月二十九日

渭北軍事，田部解決後，能和平者和平，不能和平者再用武力。現前方與悍敵在蘭封附近血戰，已十餘日，極爲猛烈。戰勝以後，亦須速追，需兵甚急。張軍長維璽，着速集合所部於潼關附近，候令東來，不准稍延，特令遵照。

覆岳維峻論王樊陰謀電 十六年十月二十九日

艷辰電報稱王樊陰謀，擾亂後防各節，均悉。現在強敵未滅，兄意對於樊部，總以和平共居，不事自殺爲妥。倘一意孤行，不稍斂戢，則勢逼處此，咎有攸歸，惟有以全力勦之耳。此復。

通令論匪之長處短處及進剿應注意各事電

河南土匪軍隊，處處爲患，我軍大舉北伐，亟須先將匪患清除，以絕內顧之憂。今當積極勦匪之際，

特將匪之技倆，及我軍進剿應注意各件，一一說明，仰各將領體會斯旨，多加思索，研究良法，庶可奏功。茲條列匪之長處於下：(一)匪人都穿便衣，與百姓相混。(二)匪性飄忽，聚散無常，擊之則走，不擊又來，難與大創。(三)匪熟於地勢，慣設埋伏。(四)匪常以數十人數百人爲一股，分散各路，使我不明其多寡，因多配置失當，牽制兵力。(五)匪人常用少數在正面，一交鋒，即行佯退，待我深入，即由兩翼及後方將我包圍。(六)匪每在村內，假扮百姓，佯作歡迎，而設埋伏於家屋及附近樹林內，乘我不意，齊出突擊。(七)匪到處劫掠，故其給養方便，行動迅速。以上七條，爲匪之長技，各官長須讀熟記妥。至於匪之短處，在槍少彈缺，并爲民心所痛惡。我軍進剿，所應注意之件如下：(一)我軍剿匪，並不如打大仗，萬不可僅以擊走擊敗爲事。必須以將匪悉數殲滅，永絕後患，爲唯一之目的。以後報告，如有云匪勢不支，紛紛退走，我軍佔領某嶺某村之線等語者，乃根本不知剿匪爲何事。必云匪在何處？我如何偵察？如何設計？如何進攻？如何埋伏？如何截擊？殺匪幾何？得槍若干？如此做法，庶幾合乎剿匪宗旨。(二)我軍須竭力注重偵探，宜選用當地籍之官兵，充便衣偵探，並雇用土民偵探，(須有妥保)將匪數若干？槍械若干？子彈若干？匪股情形如何？匪首爲誰？有何企圖？一一偵察清楚。捉來零星匪，不可即殺，須分別盤問，再證以偵探所得，則匪情自可明瞭。(三)我軍進剿，須多用便衣隊，俾土匪不易知覺。(四)將匪情偵察明瞭後，仍不可

貿然進攻；高級指揮官，必須集合將領，繪一小圖，將匪之來踪去迹，指示清楚，俟皆明白，然後定一計畫；某部進攻某處，分若干路，某部包抄，某部在某處埋伏，截其歸路，算定時刻，或同時動作，或先後動作，如此，則匪可盡殲。萬不可一得匪情，便行猛攻；匪人一走，後患更長，不能算完事也，切切注意。(五)地形務須偵察明白，不僅將領一人明白，個個官兵，都須知道。如遇樹林村莊，必須在其周圍察看，一面警戒，一面突入搜索。如遇凹道深溝，尤須在旁道分進搜索，不可貿然前進，致蹈匪算。(六)匪人若退，我軍進追，對於兩翼及後方，均須極端注意，設置相當戒備。若於戰前探明匪情，豫有相當計劃，自無中敵埋伏之事。(七)匪所在地周圍百里以內之村堡，當我進剿之前，須與告誡，令其將糧食均收堡內堅守。則我進攻之後，匪人不易劫掠得食，自無借寇兵齎盜糧之事。(八)所到村莊，如有人民歡迎，須要查明真假，有無土匪在內。可疑之時，須將其村長及紳董留住，請其幫忙；則該村居民，自有畏忌，不敢妄動。(九)無論到何地，警戒必宜周密，槍枝不准離手，不准架槍休息，不准在街內休息。如欲休息，須在村外；更要佔領陣地，防備民寨內有匪猛出擊我。(十)與民團聯合作戰時，只可令民團在旁助威，不可置於要緊之處；並須於事前對民團申明軍法。(十一)嚴禁貪財，違令者斬。以上十一條，各將領務須切實注意辦理，並告各官兵一體知照，爲要。

通令前方將領不准濫收土匪電 十七年一月二十九日

我軍準備進討奉魯，大戰在即，各軍在集結待命期間，務須以切實頓整訓練爲第一要義。更不准收撫土匪，匪性難馴，決難引入正軌，業經三令五申，嚴禁在案。茲再重申禁令，剴切誥誡，仰即轉飭所屬凜遵辦理，毋得玩忽，致干軍律，切切此令。此電何時收到，希即飛復。

令張維璽勦除陝州潼關土匪電 十七年一月二十四日

潼關張軍長維璽弟鑒：查陝州潼關之間，土匪猖獗，擾害閭閻，至堪痛恨。現在前方正與賣國軍閻拚命血戰，而後方爲匪所擾，殊多顧忌。況陝潼之間，爲行旅往來孔道，亦本軍運輸必經之路，匪患不除，貽禍實大。務望吾弟迅速辦理，尅日剿平，以安人民，而杜隱患，是爲至要。

呈國府報告後方反動軍隊情況電 十七年六月六日

職奉令統率全軍北伐之時，後方反動軍隊，暗中勾結，分擾豫陝甘三省，勢極危殆。乃竭力抽調防軍應援，始行擊潰，未被逆謀所算，固不容髮。現在殘匪負嵎，與我相持未下，謹將經過情形彙報如下：（一）樊鍾秀、李虎臣、張兆錕、孔繁錦等殘部，早有勾結。樊部四路擾豫未成。李部分三路犯陝，以一團佔領閩底鎮，以一部攻潼關，以赤亞武、何經緯、黨玉琨各部圍西安，均於前月十一日前後發動。此時西安

軍隊均已出關剿樊，無法救援，迫不獲已，乃由前綫抽調孫連仲所部第二方面軍，星夜馳援，以王和祥師先攻閩底鎮，另調平涼陳毓耀師，東開乾州，以便夾擊西安之匪。幸賴將士用命，沿途匪軍，均被擊潰。孫連仲部於十四日，完全到達潼關，乘勝西進，連破渭南華陰臨潼之匪，於十八日始解西安之圍。同時乾州醴泉之匪黨玉珉，亦被陳毓耀師，甄士仁師擊散。李虎臣、段茂功、耿莊等殘部，向河北朝邑潰竄。何經緯、赤亞武、黨玉珉等殘部，向盩厔縣潰竄。遂以韓占元軍向朝邑追擊，第四十軍向盩厔縣追擊。本月東日，韓占元軍完全克復朝邑。第十四軍仍圍攻盩厔鄠縣。此時復有樊部竄入雒南，勾結李之殘部，希圖擾亂之說。渭南一帶之匪，勢復猖獗，仍令宋總指揮哲元，率部回陝協勦。(一)甘肅方面：張兆錕、孔繁錦，勾結河州土匪約四萬人，槍約五六千枝，於前月九日夜，圍攻河州，勢甚岌岌。劉總指揮郁芬，遂令戴師長靖宇，爲剿匪總司令，進駐狄道，編六個支隊，分向河州東西鄉進剿。匪恃人衆地熟，頗行頑抗。我軍有進無退，匪傷亡甚多，遂於二十四日解圍。我軍傷亡五百餘人，戴長師劉旅長均受傷。漢中軍隊，適於此時在成縣徽縣一帶，勒派車輛，輸送軍隊，已有一部軍隊，開駐徽縣，有向天水進擾之勢。並令已東開之張耀樞開回漢中，此事極堪注意。並聞係受吳佩孚指使，與川軍勾結。(二)樊部在洛陽潰敗以後，殘餘尚有數千餘人，僞張旅長，蔡旅長，盤踞葉縣。康旅長盤踞襄城。方師長，趙師長，高旅長，仍盤踞郟縣，寶

豐、魯、山、樊之總部，仍在賒旗鎮。日惟勒派敲詐，奸淫焚殺，擾亂地方，爲狀極慘。對於該部究應如何處置，我政府自有權衡，敬當唯命是聽。特電奉聞，敬祈鑒察！

令鹿鍾麟等限期肅清豫南土匪電 十六年八月四日

該總指揮等，此次進剿豫南匪徒，須知剿匪就是愛民，殺賊就是救國。況我軍大多數均是河南人，余在京時，河南旅京諸人，均來面陳河南人民痛苦，無不痛哭流涕。我軍官兵，須知此次剿匪，不但救國救民，即是救自己之家鄉，救自己之父母妻子也。着限於兩星期內，將豫南土匪肅清。該總指揮等，所部兵力已足，努力進剿，不得逗延。

令宋哲元等限期肅清李黨各部電 十七年八月四日

該總指揮等，應速將李虎臣殘部，及鳳翔黨逆，剿除淨盡；着限於兩星期內，將該事情辦清。該總指揮等，所部兵力，不爲不足，何以尙無廓清消息，究竟關中一道，何時可平？有無打算，應速報告。餘如愛民便民各種政事，及澄清吏治，宋主席負有專責，應努力幹去。遇有貪婪不職，應即從嚴懲辦，不可姑息。特電遵照。

令岳維峻嚴勦樊部電 十七年八月廿九日

儉電悉。我弟已返駐馬店，至慰樊軍習於蠶擾飄忽，不絕根株，終禍黨國。此次必須抱定有兵無匪決心，將其根本消滅。否則，吾儕號稱革命軍，而不能緩靖閭閻，爲民除患，將何以自解耶？望飭屬勇猛追勦，以期一勞永逸。得暇來汴，面商種切，尤所盼禱。

令孫連仲注意勝不高興敗不喪氣等五事電

十七年九月七日

平番圍解，形勢已佔勝着。茲有數事，爲吾弟言之：（一）統率大軍，勦除悍寇，須指揮若定，氣度從容，打一勝仗，不必高興；打一敗仗，不必喪氣。高興則驕怠心生，禍在眉睫；喪氣則精神頹廢，不可復振。曾文正公云：「用兵無他巧妙，常存有餘不盡之氣而已。」宜常常體念此語。（二）甘肅匪患蠶起，此輩宿性慳悍，並習地形，由來已漸，撲滅較難。專勦則慮戰禍連結，重苦吾民；專撫又恐野性不馴，致貽後患。宜勦撫兼施，恩威並用；或主八分撫二分勦，或主五分撫五分勦，或主二分撫八分勦，必須審度敵情，分別應付。（三）必先鞏固陣地，然後方可言和言撫；萬不可漫無準備，致爲敵乘。（四）每到一地，應細心考查官吏及駐軍是否貪污橫暴；如有膽敢不愛護老百姓者，即係敗壞團體之盜賊，應按律治以應得之罪，以收民心。（五）余已令田金凱安樹德兩師星夜開赴蘭州，張維靈部開天水，韓復榘部開平涼乾州，距離遠者如何呼應，藉收聲援之效；近者如何聯絡，使爲指臂之助；要在吾弟斟酌緩急，相機辦理。吾弟久

經戰陣，經驗已深；以上所言，僅指其最要者，其他一切動作，當無須余之遙制也。

令鹿鍾麟對於勦匪應行注重顧慮辦理各點電十七年十一月十七日

迭據報告，僱師登封各縣境內，又有股匪竄擾沈邱項城，並有樊軍殘部，由皖西竄。此時我軍不可因注意點驗訓練讀書，而就擱勦匪之事；土匪不能肅清，各項政事，皆不能行，雖訓練讀書如何好法，亦無用處。故目下第一件大事，即是勦匪，應夙夜努力注重辦理。茲將應行注重顧慮辦理之點，分別條列如下：（一）對於各處散竄之股匪，應分區勦辦，努力搜緝，以絕根株，並須分別與以限期。（二）注重辦理人民自衛團，嚴格整頓，攷查，以備軍隊調開後可以自衛。（三）固始潢川商城一帶，原為任應岐防地，土匪正熾，我軍新往接收，應努力注重進勦，不可大意。（四）淮陽鹿邑沈邱項城一帶，與皖為鄰，樊軍殘部，即在渦陽太和，相距極近，安徽亦派隊進勦，對該方面，我軍應即派重兵前往堵截。（五）登封臨汝禹陝一帶，及洛陽以西，隴海路以南，匪風尚熾，應竭力注重進勦。（六）分區勦匪，固是良好辦法，但各區分坦以後，有易勦者，自必早告肅清；有難勦者，其蕝事亦必遲，期限亦必長。土匪少而地形又平易者，則剷除較易；土匪多而地形又複雜者，則剷除必難。情況不一，處置應取靈敏之手段，不可呆板。其主旨有五：匪多難平之處，應特別注重，一也。匪患少之處，不可牽制多兵，應即活動勦匪，不可使有用之兵，呆駐而無

工作，二也。地形複雜之地，應細加攷慮，詳擬妥密方法，不可專以一電文，令某人努力進勦，即算了事，三也。勦辦邊境之匪，應與友軍切實聯絡，四也。竭力注重偵探及眼線，而眼線尤宜多加賞號，五也。總之，匪情頃刻萬變，應付方法，實在極端靈活。應刻刻提起精神，不斷注意，本此六條五項要旨，迅速辦理，並將辦理情形報告備核。

通令注意勦匪建設村治交通各事電 十七年十二月二日

今日當務之急，在實行勦匪，辦理清鄉，建設村治，使民得安居，各復所業，鞏固社會之根本組織，然後其他政事，方足以言著手。再交通事業，關係一切建設，更屬刻不容緩，兵工築路計劃，務須積極進行，俾得早日完成河南全省大路幹線，以利民行。現擬即買二百輛汽車，以備道路成功之後，專為河南人民使用。望督飭所屬，切實辦理，是為至要。

通令勦匪切忌粗心大意電 十七年十二月七日

查此次程希賢第七師第十九旅第五十六團第二營營長李書昌，在項城行軍休養，未設外哨，被匪假裝難民，闖入擾亂，劉汝明第十師第三十旅旅長李會志，在固始追匪被圍，揆厥原因，一由於不設警戒，一由於不察敵情，致遭匪算，殊堪痛恨，查用兵之事，為生死存亡關鍵，不可稍有大意。諸葛武侯用

兵無他長，惟以謹慎二字而成功。歷來身敗名裂之帶兵者，亦無他短，惟以粗心大意四字而失敗。況土匪皆多年慣匪，其行爲有真有假；有似進而實退，有似退而實進；有似向左，而實抄我之右；有似向右，而實抄我之左。種種欺詐之法，不可枚舉。茲值厲行勦匪之際，各部隊師行所至，無論進退攻守，各級官長必須注意團結兵力，遠派偵探，以出其不意而擊之，方能獲得勝算。若有粗心大意，不事謀畫，專以勇進盲進敗事者，定當治以相當之罪。特此通令各師旅團營，嚴飭所屬，切實研究，悉心領會，萬勿再蹈前轍，致罹愆尤，至囑至要。

令鹿鍾麟等研究肅清豫匪辦法電 十八年一月十八日

查除暴安良，爲軍人應盡天職。現在河南駐軍，不下十萬，而土匪仍未能完全肅清。弟等在豫，務研究切實辦法，將全區土匪，限期肅清，使三千二百萬同胞，得以各安生業。否則，雖有良好建設，人民亦無從享受，將仍不滿意也。特此電達，仰即遵照辦理，並將辦理情形，隨時具報，爲要。

通令對反動派舊部勿過事誅求電 十八年四月二十五日

查歷年以來，曾隸反動軍隊，現已退居民間者，如豫之樊張，陝之麻黨，甘之孔張等部下，甘心附逆者固多，而愚昧脅從之輩，究亦不少，原情略迹，良足矜憐。在地方長官或駐防軍隊，因本除惡務盡之意，

間有過事誅求，逼之已甚，致令挺而走險，貽患實多，甚不足取。嗣後如有上項反動舊部，退居閭閻者，自非野性難馴，陰謀不軌，即須示以寬大，予以自新。庶良善者以安，而頑梗者亦化，綏靖地方，於焉攸賴。不可因其已往之事，便任意抄人家，罰人之款，除生種種之惡感外，毫無益處。況不按法律辦事，大為革命政府之所忌耶。特電遵照，並轉飭所屬一體遵照，爲要。

令石敬亭注意勦辦土匪電

十六年十月四日

迭據報告，由長安至潼關大路附近，土匪出沒，或十人，或八人，或二三十人，到處搶劫，行人裹足。亟應設法勦清，以使用便衣隊，多購眼線爲最妥辦法。現用各旅分防，不特牽制兵力，且匪仍難肅清，兵駐處匪暫斂踪，無兵處匪即橫行，此應切實注意者也。



# 馮玉祥軍事要電彙編

## 卷十五 徵募

令劉宋注意縣長招募新兵電 十六年四月四日

蘭州劉總司令郁芬弟，寧夏宋總司令哲元弟鑒：查各縣知事，對於徵募新兵，盡力幫助與否，關係甚大，若不分別獎懲，必致遷延時日。望對招兵區域之各縣知事，詳加查考，限定時期，凡盡力幫助，熱心宣傳，至期招有成數者，獎勵之。其畏難苟安，飾詞推諉，至期爲數無幾者，懲罰之。一面並飭令善爲勸導，俾民衆咸知本軍乃民衆之武力，爲掙斷奴隸鐵練束縛，取消不平等條約而革命，非爲一二人權利而犧牲，當兵係國民應盡之義務，亦自救救人之辦法，是爲至要。

令薛篤弼飭縣協助招兵事宜電 十六年八月二十日

開封民政廳長薛子良弟鑒：徵兵一事，迭生弊端，固云辦理不當，亦緣風氣未開，遂召人民誤會，竟致紛紛賄雇，較之招募所得，反有遜色；于公于私，兩無裨益。業經通令改徵爲招，仍以前派各徵募區長，各在原定地區，繼續辦理。望即令知各縣，立即停止徵兵。但對招募事項，仍應竭力幫助辦理。所需給養

糧秣，仍行繼續籌撥，是爲至要。

通令停止徵募電 十六年九月一日

查本軍徵兵，已於前日下令停止，凡前派出之各項徵募人員，一律於同日撤回，應由省政府通令各縣，廣發布告，俾衆周知。其在遠方駐紮各部隊，未經接到前令者，應即立時停止徵募。嗣後如有在各縣徵募者，即由地方官予以制止，毋稍姑息。望即轉飭所屬，一體遵照。

令河南省政府停止徵兵電 十六年九月二十日

開封鹿總司令鍾麟弟，薛廳長篤弼弟鑒：查前者分頭徵兵，原期民衆咸知當兵爲國民應盡之義務，各懷救國救種之志，加入戰綫，以促革命之速成。乃誤會叢生，弊端屢見，買兵僱兵，形同商肆；地痞流氓，混跡而入；濫等充數，有兵等於無兵；費時傷財，救民竟至苦民。固由民智未開，亦因辦理未當，是以毅然下令，一律停徵。惟值此帝國主義之侵略，謀我方亟，殘餘軍閥之死灰，勢將復燃；果欲殲滅醜類，自應厚集實力。茲委劉克義、呂萬祥爲本總司令部招兵委員，劉克義前往陝州、渾池、新安、洛陽等四縣招募二千名；呂萬祥前往偃師、汜水、鞏縣、新鄭各縣招募二千名；惟完全用招兵辦法，不准徵兵。除令該員等前往外，仰飭各該縣長遵照，並妥爲助理，爲要。

通令對新兵務須感之以誠動之以真電十七年一月廿一日

查徵兵之制，法至良美，吾國昔時及現今歐美各國，無不採用此制。自募兵之制興，而服充兵役，遂任個人私意爲轉移，相沿日久，積重難返。我軍努力國民革命，與賣國軍閥拚命血戰，謀革命之利益，應時勢之要求，迫不得已，乃有徵兵之舉。或以非出已願，或以來營之後，生活未慣，管束嚴厲，遂致心懷恐懼，發生不良結果。此皆意中之事，所當預爲設法改善者。各將領須知徵來之兵，與募來之兵，性質既然不同，待遇宜有分別。務要苦下身段，感之以誠，動之以真。起居飲食之間，無往而非實施教訓之良好機會，務須加意體貼，甘苦與共，使其心悅誠服，安若家庭。尤應注意者，訓練新兵，不准任意打罵。彼此均爲武裝革命同志，宜尊重其人格，切禁隨便侮辱。須於無法之中，予以精神上之安慰。至一切無謂之動作，如慢步等類，不應用以教練新兵。須急教以戰鬥動作，以切實用。總之，新兵來自鄉間，渾然天真，亟應一方認真訓練，一方待以赤誠，使官兵相處，如家人父子，然後方可共生共死，共患難。實則悅服，則懍戒，臨難爭先，赴義恐後，萬衆一心，自然戰無不克矣。若此時漫不注意，日復一日，將見新兵入伍，只覺有苦無樂，懷怨莫釋，有兵而不得兵心，有形式而無精神，久而久之，挽救莫由，危險最大。關於此點，各將領須刻刻留心，不可稍有大意。須慎選直接訓練新兵之官長，躬親切實考查，凡事宜慎始，練兵之道，

實莫要於此也。特申訓誥，望各遵行。

令各徵兵區認真按格徵募電 十七年四月七日

查近來各徵兵區，所送新兵，大都年紀太輕，甚至有十歲及十二歲之幼孩，殊屬不合，着即一律退回。查軍人首貴體質壯健充實，故所徵兵士，年歲至少必在十八歲以外，方能合格。應認真按格徵募，不得稍事敷衍，致干咎戾，仰即凜遵辦理。此令。

通令軍事結束不准招兵電 十七年七月七日

現在大局底定，軍事已告結束，全國軍隊，均在整頓收拾之時，政府並經頒布明令，縮減全國軍備，一律禁止招兵在案。查本軍前在作戰時，爲補充傷亡，不得不徵募新兵，故有徵募區之設。自京津克復，早經通令撤消。至各部隊不准私行招兵，或編收土匪降卒各節，迭經嚴令誥誡。此時本軍正在擬訂裁減軍額，各部隊着從現有部隊中，力求整頓，竭力刷新老弱，凡體力年齡不及兵格者，一律淘汰，不准收留。兵在精而不在多，古訓昭然，各級官長，務須深明此旨，千萬不可瞻徇，而編練無用之軍隊。仰即通飭所屬，一體凜遵辦理。自通令後，倘仍有奉行不力，欲圖自利者，一經查出，定惟該管將領是問。切切，此令。

通令不准招兵電 十七年七月八日

現在軍事結束，各部隊應即一律嚴禁招兵，業於虞日通令在案。頃查國民政府已公布禁止招兵命令，略謂欲統一財政，應先釐定軍制，編減兵額；且下裁兵事宜，正在籌備，其第一步尤以停止招募爲最要辦法；并由軍委會通令禁止招募，缺額不補，招募在途者，應即解散等辦法。如有陽奉陰違，即當執法以繩。復奉蔣總司令真電開：北伐告成，軍事亟待結束，所有各省各軍缺額，應即停募；倘有招兵情事，着一體嚴禁懲辦，仰即遵照辦理勿違，此令，各等因。特電知照，仰即通飭所屬各部，切實遵令辦理，所有缺額，一律停止招募。如查出再有招兵情事，定必從嚴懲辦，決不姑寬，切切，此令。

#### 令孫良誠查辦文安縣招兵事電

十七年八月二十九日

頃閱大公報登載勝芳旅津同鄉會請予查禁招兵函，文曰：前日旌旆蒞平，協商國是，救民疾苦，首倡裁兵，電令煌煌，嚴禁招募，風聲遠播，黎庶謳歌。惟近接文安縣來函，縣政府飭令各區招兵，刻下尙未停止。此次文安縣奉令募兵千名，月餘以來，竭力徵募，勝芳已招集一百七十餘名。大難初平，元氣斲喪，供應繁重，達十餘萬等情。查各處招兵，早已有令禁止，仰該總指揮詳查何人招兵，即速電覆，以憑法辦爲要。

#### 令應徵募良家子弟充兵電

查軍隊之優劣，端視乎目兵之素質。教育優良份子，費力小而成功大；訓練惡劣份子，費力多而收效寡。先賢有言：朽木不可雕也，糞土之牆不可污也。普通教育猶如此，軍事教育尤然。本軍前次徵募新兵，曾迭經電令，須選拔誠實百姓，良家子弟；凡曾經服過兵役，性情油滑驕惰者，一概不准募補在案。茲特重申前令，嚴密詰誠，務望切實遵行。如有陽奉陰違者，一經察覺，定行重懲不貸。切切此令。

待遇新兵應注意事項電 十七年三月四日

查此次補充之新兵，係由徵兵而來，均是良家子弟，份子純粹，如加以良好訓練，即可成爲完全真正革命軍人。惟初來自田間，知識單簡，各種學術，固須切實教導，而待遇之法，尤不可不特別注意。迭經電令在案。茲印就待遇新兵注意事項，隨令頒發，仰即遵照，督飭所屬，一體注意。如查有違玩者，即行嚴懲，切切此令。（一）待兵之道，貴得兵心。有械不足以殺敵，有人不足以勝敵，惟能得兵心，方足以制敵。語曰：戰在心，即此義也。惟得心之法，既不恃糧重餉優，爲牢籠兵心之具；更不可凡事姑息，爲取悅兵之計；全在爲官長者，待以真誠，同甘共苦，善體下情，使之敬慕，使之感懷。曾文正公曰：我輩待兵，如父兄之待子弟；此語最爲仁慈貼切。父兄之待子弟，慮其無知也，則教之誨之；慮其痛苦也，則愛之護之；慮其放蕩也，則懲之責之；慮其不能發達也，則培之養之。無論爲寬爲嚴，爲賞爲罰，均出以至誠無僞，行以至公無

私能如此，則目兵之愛戴官長，亦將如子弟之愛父兄矣。如士兵有困難之處，更宜體貼周至，對疾病者，尤須親侍湯藥。望各官長善體斯旨，努力實行。(一)對三禮：二要上痛下工夫。三禮者：謂冬不御裘，夏不揮扇，雨不張蓋，是也。二要者：士未坐勿坐，士未食勿食，是也。大抵勞苦之事，當在兵先；安逸之事，當在兵後，自能正己化人，使兵心悅從矣。(二)明賞罰。賞不待多金，罰不待嚴刑，誠能宅心正大，一秉至公，則片言之褒，足以鼓勵士氣；數語之貶，足以立懦起頑。(四)嚴禁打罵。打罵乃野蠻之動作，非文明國家所宜有，本軍雖有禁令，兵苟有不能，當平心靜氣，與以指導；如偶有犯過，當指其錯誤，責其更改，倘需與薄罰，亦自有相當規定，勿庸打罵也。(五)去官氣。官氣者：講派頭，擺架子，論資格，作樣子，凡事要派他人，不能親身考察之謂。我輩革命軍人，担当救國救民的重大責任，應同德同心，努力奮鬥，并與目兵同甘共苦，事無鉅細，不憚煩勞，兵之疾苦飢寒，體貼必周，慰撫必至，相親相愛，宛如家人兄弟，則團結鞏固，自所向無敵矣。(六)以身作則。正己乃能正人，己身正，不令而行；己身不正，雖令不從。此義盡人皆知，惟必實在實行。兵所能者，己必先能之；兵所禁者，己必先禁之；事事爲之表率，臨難身爲之先；如此，兵自悅服，而樂於從命矣。以上各項，皆爲待遇新兵切要之圖，萬不可視爲具文，而不加注意。各主管務要切實解說，對不識字之官長，尤須詳細解釋，使之共喻斯意，是爲至要。

卷十五  
徵墓

# 馮玉祥軍事要電彙編

## 卷十六 用人

通令不准私用撤差人員電十六年四月七日

凡在本軍因過撤差各員，業經明令規定，非有確實悔過證據，並經高級軍官確切具保，呈由本總司令考查明確允准後，不得擅自任用；所以杜刁風，而絕徼倖，並以寓勸善懲惡之意。乃查近來往往有在此路撤差，即往他路投効者，該管長官不加考察，即便錄用；此種舉動，亟宜嚴禁。嗣後各路師旅，凡遇有曾在本軍服務，而向該部投効之人員，須嚴密考查該員底蘊，如該員從前在何部隊服務，即發電向原部隊長官，詢明該員離職原委；如確非因過撤差，方能呈請委用，不可隨便收錄。自通令後，如再有不問底細，未經本總司令允准，漫行錄用撤差人員之事，一經查出，定惟該管長官是問。又查本軍軍需人員，因故撤差以後，往往投親覓舊，夤緣充局長等各項職務；亦有十四年入伍人員，未經訓練，竟任爲中上級官佐者；馴致弊竇叢出，至於論死。此種用人方法，何異不教而誅，實屬可憫可戒。若不嚴加禁制，勢必刁風日長，流弊滋大。嗣後關於任用軍官佐及局長所長，均須詳加查考，不可瞻徇情面，率予委

任。關於此事防閑之法，亟應各抒所見，速行電陳，以備採擇。除派員隨時明密查訪外，仰即遵籌具復，並轉飭所屬，一體分別切實遵照。

通令不准自行委任官佐電 十六年八月十七日

查用人一事，爲軍政最要之端，各級官佐，係屬幹部人員，尤須慎重。現在本軍範圍擴大，駐區延長，各部資格，漸見不齊，自應認真考核，庶免貽誤。凡各部隊除正在作戰時間外，無論何項官佐，一律不准自行委任。其連長以上者，必須呈候本部派員考試。營長以上主官，奉委之後，無論路途遠近，必須親來面見本總司令，聽候訓誨。除有特別不得已情形，准先電請示，或事後詳陳原因候核外，均應切實遵照辦理。望飭屬一體遵行，爲要。

通令慎用官佐電 十六年九月廿一日

爲訓令事：照得旅司令部以上各部軍官佐，追隨主官，贊襄軍務，無形中，有形中，影響主官之意志與行爲，至爲重大。果輔佐盡屬努力有爲，即主官意志十分薄弱，亦能朝漸夕摩，發奮爲雄。倘輔佐率皆萎靡不振，縱主官具有超人才力，亦將孤掌難鳴，日趨消沉。古人云：「近朱者赤，近墨者黑。」又云：「繩鋸木斷，水滴石穿。」亦可見前後左右之人，浸漬濡染，潛移默化之力大矣。古今來成大業，建大功之人，

絕非一人聰明能力所能辦到，實由于好僚佐輔助之，匡正之。而失敗蹉跎者流，亦未必盡由一人昏庸之過，多由所用非人，貽誤之。瀏覽古籍，旁徵今事，如唐玄宗初年，用姚崇宋璟諸賢，蔚成開元之治；迨晚年引用安祿山李林甫，遂釀天寶之亂。宋高宗初渡江時，信用李綱岳飛等，軍事順利，河朔震動；迨秦檜秉政，遂致一蹶不振。夫同一唐玄宗，宋高宗，何以治亂盛衰，先後異揆？實因前後用人，得當與不得當耳。又如洪秀全起兵粵東，直下金陵，本可一舉踏清；奈左右任用非人，互相排斥，互相爭奪，互相挑撥，互相殘殺，遂致功敗垂成。又如畢樹澄本一血性男兒，當本軍派人至津滬兩地時，彼一言及張作霖張宗昌，輒怒目切齒，義形於色；祇緣左右反革命份子，包圍太緊，百計破壞，竟致意氣沮喪，死于反革命軍閥之手。是知吾人欲建樹功業，對於用人一節，萬不可不再三慎重也！本總司令憂患餘生，艱苦備嘗，深知欲圖軍隊精神之團結，首宜謀內部份子之純一，以故向來用人，十分審慎；本軍團結之堅固，稍勝於他軍者，端賴於此。此次轉戰秦隴，底定河洛，範圍逐漸擴張，份子遂趨複雜；各總指揮部，以及各軍師旅部，所用官佐，逐漸呈良莠不齊現象。各袍澤須知對輔佐之軍官佐，如果任用不當，或尸位素餐，貽誤戎機；或隙蔽欺罔，從中漁利；或挑撥離間，致親愛袍澤，互相水火；或外忠內詐，將重要軍機，潛報敵人；或陽奉陰違，當面稱是，背後言非；弊害種種，難以枚舉。大之貽誤黨國，與本軍前途；小之亦阻害各袍澤努

力上進之志氣。本總司令歷觀古今因用人失常，致業敗功隳，家滅身亡者，項背相望，未嘗不惕然驚懼，且爲我各袍澤驚懼也。用特剴切告誡各總指揮及各軍師旅長，嗣後呈請委任各項輔佐官時，務須特別慎重！首應注意其人之心術是否純厚？品行是否端方？次當審視其能否吃苦耐勞？能否忠實革命？然後再考察其學問才幹，是否勝任？是否用當其才？三者有一不備，寧缺無濫。務期保持本軍團結一致之精神，而杜雜亂份子濫進之途，此舉關係至大，本總司令實深企望！并希通飭所屬一體遵照，是爲至要。此令。馮玉祥馬。

令馬鴻逵注意選將電 十六年十月八日

微電請將該軍砲兵營長汪佐通撤差監禁，悉着准照辦理。惟帶兵之道，選將爲第一要事，將不得人，勢必瓦解，關係軍事前途至鉅。故於平時，務須注意其人，有無俠骨？能否虛心？有俠骨則見義勇爲，能虛心則服善耐勞，乃可團結士心，歷久常勝。曾文正公所謂「上將難選，但求樸勇之士，相與講明大義，不爲虛驕之氣，誇大之詞所中傷，而緩急即云可恃」，即是選之法也。希加以留意，庶收指臂相依之效，是爲至要。

通令軍人以勇爲本電 十六年十一月七日

兵者國之大事，凡屬軍人，均應以勇爲根本，方足以捍國禦侮。其智勇兼備者，自爲最上選；二者如不能兼備，則與其有智而無勇，寧取其有勇者；蓋軍人而無勇，則失其爲軍人矣。然知識一端，亦關重要，必須明事察理，而又勇往直前，乃克有濟。若夫徒說而不能行，其知識無論如何賅博，亦屬無用。故予以爲各將領一面須力求增進知識，一面尤須以勇敢爲根基。凡作戰不勇者，必須淘汰，以免僨事。不特此也；即在平時作事，凡不勇於任事者，亦在所必斥。此事爲全軍性命根本所關，將來能否戰勝敵人，能否達到革命成功之目的，胥在於此。務望各同志格外注意，切實奉行，並須與所部官兵切實講解，切勿忽視，是爲至要。

通令慎重用人電

十七年一月六日

現值作戰期間，軍中用人，至關重要，無論官佐伙馬伕，均須嚴格選擇，以確知來歷，及妥實可靠者充之。即令能力經驗，不無少差，苟能多訓多練，隨時考查，亦自可用一人，即得一人之利。若不知選擇，浮收濫用，非屬朋友推舉，即係親戚請托，至究竟可靠與否，勝任與否，及其人之心地若何，則茫然莫解，淡然弗問，其僨事溺職，姑不必論，設有敵探混跡其間，其危險何堪設想。爲此嚴申誥誡，嗣後對於用人，務要特別慎重，勿稍大意，致遺隱憂，是爲切要。

通令選任賢能電 十七年一月廿七日

選用賢能，爲治事之本；曠近私人，乃僨事之源。查我國數千年來，封建傳統之舊思想，深入於人心，而一般官吏，往往爲此種思想所左右。其用人也，不爲事以擇人，多因人以謀事，而其夾袋中所儲存之記名人物，亦無一非親戚鄉黨朋好故舊；故當委一差，補一缺也，不問其賢不賢，先問其鄉不鄉；不問其能不能，祇問其親不親。彼以爲現既操用人之權，而對於所識窮乏之親戚故舊，大可趁勢調劑；一若除鄉黨親戚朋好故舊之外，即無可靠之人，勝任之選也者。其終也非仗勢作奸，即濫竽充數，流弊所至，不可勝言。本軍努力國民革命，力圖政治刷新，此種封建時代所遺留用人惟親之舊觀念，亟應滌除淨盡，以消滅刷新政治之障礙。爲此令仰各軍師旅，嗣後對於本家親戚，均須特別小心，總期事得其平，才當其官，不可因用人而失人心，是爲至要。各將領從軍有年，其各注意，並仰飭屬一體遵照。

通令受傷已愈官長仍還原部儘先提用電 十七年一月二十八日

查各級官長，因戰受傷，所遺之缺，當時雖經委補，此因戰鬥期間，指揮關係重要，故須委人負責，可受受傷治療之官長，安心調養，並非開去其本人職務，及一切資格。須知戰鬪受傷，係爲救國救民而犧牲，本總司令時刻惦念，一俟傷愈，即當儘先錄用，決不令其閑散。乃近聞已愈之受傷官長，往往自以爲

本職已經開去，即不歸原屬部隊；而原屬長官，亦竟置之不理，致有向各處自行謀事者，殊屬錯誤太甚。以後凡有戰陣受傷之官長，一經痊愈，即須歸還原屬軍師本部，仍爲原職之官；即由軍部或師部特別優待，遇缺儘先提用。在師部者由該管師長，在軍部者由該管軍長，分別負責，留心辦理，不可遺漏。其有官長受傷已愈，而原屬部隊在前方作戰，未易歸還者，着來本總司令部，由余親爲安置，不准自行向各處謀事。望即轉飭所屬，一體遵照。

告劉郁芬等進賢去不肖電 十七年三月十六日

查事之興廢，全在用人得失。古云：「人存政舉，人亡政息。」洵爲不刊之論。陝甘大局，現已底定，軍民兩政，必須加意整頓，力求刷新；而整理庶政中所最當講求者，即在用人一端。人才雖難得，但不可動謂無人可用，亦不可視人皆可用。務要培養訓練，慎選慎用。其果賢也，立予超擢，果不肖也，立予擯退。若知其賢而不能用，不肖而不能去，此乃大弊，不可不查也。其既經受過訓練之人，如仍有作奸犯科之事，查出重懲，明知而故犯者，尤當重懲，決不可稍有姑息。如是，則登明選公，信賞必罰，庶人人皆知惕勵，百政自日起有功也。陝甘爲革命發源重地，必須達到建設新甘肅，新陝西，表顯革命之真精神，以爲天下倡，是則本總司令所切盼者也。仰即遵照，辦理情形，具報備查，爲要。

通令慎選下級幹部電十七年三月二十八日

軍隊之良窳，在乎用人之得失；下級幹部，爲親兵之官，尤爲重要，迭經三令五申，誥誡在案。乃查各部仍有漫不經意者，殊屬非是。要知吾輩志在救國救民，即久經訓練之士，尤應時時考查管教，毫不放鬆。若濫收散兵游勇，不問其學術如何？素行如何？只圖增加人數，甚或漫不加察，竟令帶兵；在平時必致影響團體名譽，一遇戰事，必致危及全局，何等重要。各主管應萬分注意，視爲性命根本。每次集合官長，務必將此事剴切申說，嚴密查察。尤要對於下級委補人員，雖一兵一夫，亦均須親自考察，驗而又驗，詳細跟問，不准稍忽，致干咎戾，切切此令。

通令須慎擇訓練考查電十七年四月八日

查用人爲辦事最要之端，舉凡一切成敗興衰，罔不根基於此。當選用之先，固要十二分慎重擇拔，詳察其品格能力，能否服衆，能否勝任。既用之後，尤須刻刻不忘訓練及查考，陶冶其性情，養成其能力。一有錯誤，立予改正誥誡，使成爲良好官吏，良好軍人，以免僨事。須知吾人爲民衆而努力革命，受人民之付托，責任何等重大。若不問賢愚優劣，只以親厚同姓同鄉爲用人標準，危險之來，不堪言狀。望各省政府各將領特別注意，切實遵照，爲要。此令。

通令用人應行注意各事電十七年四月十四日

查我軍近因範圍擴展，各部用人甚急，遂不加選擇，濫收濫用，以致辱職債事者，層見疊出。茲爲防止此項弊端起見，合將用人應行注意事項列下：（一）凡經本軍因事革職人員，以後起用時，必須經原革職機關出據證明，證其可用，並須經一月或兩月之考查期間，始准錄用。（二）凡經本軍准給長假人員，復用時，必須經原准機關，證明當日并非因犯過去職，方准錄用。（三）甲部欲調用乙部人員時，必須經商得乙部主官同意後，始准調用。（四）曾在本軍因過於油滑或暮氣太深，經革職或驅逐者，非經呈請本總司令核准後，不得收用。（五）曾在外軍充當官兵者，非經呈請本總司令核准後，不得收用。（六）各部主官，於所屬官佐，如有性情乖戾，或品行不端，不堪任事，不得以圓滑手段，送往他部。（七）各部隊如收用曾經犯罪未經懲處人犯時，查明後，除將原犯罪人按法治罪外，並將原保薦人一并治罪，其無保薦人者，將原收用主官從重治罪。（八）各部隊對於撤差永不叙用之人，務須通知各部隊。以上各條均關重要，各官長務須切實奉行，特別審慎，未用之先，詳考詳查，既用之後，勤訓勤練，庶幾用一人，得一人之用，國無曠官，官無曠職，黨國前途，實利賴之。其各遵照辦理，勿忽爲要。

通令慎保官佐電十七年六月十九日

本軍節圍擴大，駐地散漫，關於用人行政，雖曾盡力考核，究難顧慮周密，遂致倖進者多。近查官佐之撤差潛逃，以及犯過受懲處者，十倍於前，固不由於幹部之資格學術太差，瞻念前途，殊深悚懼。各將領統帥師旅，須知部下官佐之優劣，關係國運之興衰，對於所屬部隊，保委官佐，負有考核之責，務須破除情面，認真試驗，必其成績卓著，學術優長，確能勝任，方可轉詳，並須於呈文中叙明曾經考驗字樣，以爲負責之表示。尤要利用機會，對於各級幹部，加以特別教育，必須使次一級者，有高一級之知識，而後軍隊方可整飭。望遵照此旨，努力辦理，爲要。

通令用人要論功論賢論能論勞電 十七年七月十五日

查用人一端，關係至鉅。近來各部，對於用人，大多數漫不考察，濫行委用。僅此一端，即足以害國家，害團體，害己害人。故必詳細攷察，萬分小心，要論功論賢，論能論勞，萬不可祇論舊論親，論鄉論友。本總司令前於十一師及十六混成旅時，每用一人，必須親自攷察，部伍整飭，職此之由。現在範圍一廣，用人遂濫，瞻念前途，危險實甚。此後各將領對於用人一事，切要萬分審慎，且必須有切實保人方可，如出事端，保人須負完全責任。仰即飭屬切實遵照，爲要。

通令用人須異常慎重電 十七年十一月五日

查本軍近來，用人太濫，漫無標準，往往在甲處因犯私罪開缺人員，如虧款潛逃等事，往投乙處，乙處略不加以考察，復收用之；此爲本軍目前最危險，最可痛恨之現象，亟應嚴加取締。嗣後各該將領，對於用人一事，必須異常慎重。舊員選調，固須以賢能勞績爲標準；新人引用，尤必多方嚴密攷察，必詳晰確實後，方可登錄；庶幾人盡其才，才盡其用，團結鞏固，共赴事功。仰即嚴飭所屬一體遵照，切切，此令。

通令慎重選檢人員電

十七年十一月廿二日

查檢查郵電行旅，原以防奸宄，而稽匪類，自應特別注意，嚴密檢查。惟必須詞氣和平，審慎將事，不得藉端要挾，無故留難。最近常因檢查失慎之故，致令民間嘖有煩言。其弊在於高級官長，不肯親身考察，而平日對檢查人員，又太欠訓練所致。嗣後必須痛矯前弊。對於偵報消息，尤常加意研究。希即飭屬遵行，爲要。

令鹿鍾麟等挑選教導團學員分別造就電

十七年十二月二十三日

軍事結束，訓政開始，百廢待舉，需才孔殷。所有洛陽教導團學員，急須分別造就，以免學非所用。望即就該團挑選：（一）年歲較大，經驗較富，而又能吃苦耐勞者數百名，授以警察公安學識，並普通法律，以便將來分發各縣，充任公安局長之用。（二）年歲較輕，體格較強，而又品性純良者若干名，加授普通

學科，以便將來分發各學校充任軍事教練員之用。(三)年歲較輕，粗通文理，有志農業者五十名，送來南京，以便轉送金陵大學，學習改良農業，以爲日後改良西北各省農業之用。至其餘各生，則各就其性之所近，使習火車電氣電報，以及各種軍事教育，是爲至要。

# 馮玉祥軍事要電彙編

## 卷十七 愛民

令鄧寶珊等極力愛護民衆結合民衆電 十五年十一月二十五日

乾州鄧總指揮寶珊仁兄，西安李督辦虎臣兄，楊師長虎臣兄，五原弓軍長海亭兄，王副軍長，胡旅長德輔兄，續旅長範廷兄大鑒：自吳佩孚在豫潰敗後，革命勢力日益發展。九江之役，謝鴻勳被擊折腿，在滬就醫，不效而死。鄧如琢逃往滬上。浙江夏超，已被任爲國民革命軍第十八軍軍長，將孫傳芳在浙部隊，均已包圍繳械。刻正圍攻上海。安徽之陳調元，王普等，亦紛起響應倒孫。閩南民軍，已佔漳州，聲勢大震。奉方當吳失敗之際，即派兵接收保大，且極與北伐軍聯絡，其軟化情形，可想而知。嵩匪鑒於環境之惡劣，四出求援，異常恐怖；我援陝各軍，已抵前方，殲滅該匪，指日可期。此次北伐軍努力奮鬥，完全本良心之主張，爲主義所驅使，其無畏之精神，與謹嚴之紀律，道路爭相傳頌；以故師行所至，軍隊民衆，立即發生密切關係，互援相助，是皆由於平日愛護民衆，結合民衆所致；凡此致勝之因，悉足爲吾輩法。我軍同志，既負有國民革命重任，亟應百般教育，使無時無地，不愛護民衆，結合民衆。果能博得民衆同情，

革命定有希望，否則，以暴易暴，以秦易秦，恐人又起而革我之命矣。特此電達，惟同志圖之！

譚劉體仁等行軍不准擾民電 十五年十一月二十五日

長武乾州邠州一帶，探投劉旅長體仁，何旅長基澧，榮旅長光興，童旅長玉振均鑒：行軍長途，官兵勞苦，惦念萬分。惟國家養兵，原以衛民，我軍又向以真愛民，不擾民，爲保守全軍名譽之第一要義。該旅長等此次行軍，務須嚴飭所轄官兵，對於經過地方，總要秋毫無犯，以肅軍紀。不准隨便拉車拉馬，擾害人民，更不准以疲瘦之騾馬，調換民間肥壯之騾馬，貪圖個人小便宜，而使團體受名譽上之大損失。如須用車用馬時，亦須經過兵站，詳商辦理。現值國家多事之秋，一切給養接濟，無一不仰賴人民供給，與百姓切實聯絡感情，方可獲得勝利。語云：「百姓帮忙功自成。」我軍前在直隸、河南、湖南、湖北、陝西、江蘇、四川各省，無論駐防作戰，所過之處，人民無不歡迎，無不愛戴。該旅長等，身履其境，親眼目覩，想能記憶。此次行軍，務要十分注意，萬分小心，不可稍涉疏忽，有玷軍聲。本總司令沿途派有密查多名，如查各旅官兵有擾害百姓，或被人告發者，定按軍法從嚴治罪，絕不姑容。該旅長等務將此電剴切告知該全旅官兵，切實遵守，不可視爲具文，切囑切囑！

請于右任鄧寶珊注意四事電 十五年十一月二十一日

乾州于右任先生，鄧寶珊兄大鑒。現時軍情吃緊，除催孫總司令迅速前進外，茲有數事，關係我軍成敗者甚大，請萬分注意爲要。（一）無論古今中外，未有無紀律之兵，而能戰勝敵人者，故必須萬分注重紀律。（二）愛民爲行軍第一要事，我輩是國民的兵，所衣所食，無非民膏民脂，故必須處處愛護人民，是爲最要。（三）陝軍駐在陝省，對於陝人，尤應處處愛護，期與民衆結合一氣，共同努力。（四）非勤苦不能成事，故必須百般耐苦耐勞，不可稍圖安逸，各將官尤須親自表率。總之我軍既遭一次之失敗，即應爲共同的覺悟，力圖澈底刷新，以期救國救民。得民心者昌，失民心者亡，古今中外，理無或爽。務望轉告各將士，一致努力，不勝盼切！

通令切實與民衆聯合電 十五年十二月十一日

查國民革命，必須軍隊與農工學商有切實之聯合，作共同之奮鬥，方足以利革命之進行，增革命之實力。國民革命軍此次北伐之迅速發展，實賴民衆之助力。而我二軍在河南之失敗，亦無非失民衆之同情。殷鑑不遠，可知取捨。本軍現正從事革命，爲解除民衆痛苦而奮鬥，惟與民衆依然不甚接近，無有聯合，長此以往，危險萬分。茲特電達，希即轉飭各級官長，均喻此意。凡本軍所到之地，無論行軍駐紮，對於聯合民衆之事，必須痛下功夫。蘇聯紅軍，每到一處，即助農民播種割穫，使民衆絕不知其爲軍人；

如此愛民保民，至屬可師可法；諸如此類之事，均須努力爲之。務使民衆與軍隊十分融洽，痛癢相關，絕無兵壓民，民畏兵之事；則無論何地何時，均可協力互助，國民革命之成功，定可在最短時間，促其實現矣。千請注意，積極圖之，是爲至盼！馮玉祥真。

通令將軍隊須是爲民衆的武力標語，縫於右襟電 十六年二月二日

查軍紀爲軍中命脈，軍隊之存亡，全在民心之向背；民心之向背，全係軍紀之良否。若不加以整頓，豈但不能保民，並且貽害民衆；亟宜痛下功夫，切實整頓。務使各官佐兵夫，各個澈底瞭解其自身對於國家應盡之責任，對於民衆應盡之義務，嚴守命令，不越範圍，爲國家作屏障，爲民衆謀幸福，而成爲真正爲民衆軍隊。各官佐兵夫，應將「軍隊須是爲人民的武力」十字，用楷書墨字，書於白布小方塊，與「一彈當作全軍團體性命看」布條式樣相同，縫於右襟裏三扣之下，四扣之上；電到之日，即須一律遵照辦理。各司各官應負責考查，使我軍人人念念不忘爲民衆努力之要義，藉符書紳之意，是爲至要。並盼辦理後電覆備核。

通令注意紀律期與民衆合而爲一電 十六年二月四日

現當國民革命之際，我國民軍佔有陝甘；而國民革命軍佔有兩廣兩湖閩浙川黔贛九省；且蘇皖

豫三省，亦均有一半歸我範圍。其發展主因，全在我軍所部到達地方，紀律嚴明，秋毫無犯，且盡力幫助民衆，直與民衆合而爲一之故。撫我則后，后來其蘇，人心所向，孰能禦之！至於西北革命主力，惟在所謂第一軍方面。蓋以我軍十六年以來，所經之處，均能切實愛民，在川湘，在豫鄂，在京直，在陝甘，爲時較久，亦已深入人心，極爲民衆之所愛戴。此次重來西北，財政萬難，糧食缺乏，前者四出徵發，取之於民，現已百般設法，改爲購買。困苦情形，固達極點；然紀律乃本軍命脈，無論何地何時，均不可稍有廢弛。凡我全軍，必須注重保護民衆，愛惜民物，尤須刻刻不忘軍隊無紀律必滅亡之道，務希一體力行。各將領治軍有年，萬萬不可忘此真義。總期練成爲人民武力的軍隊，亦即練成與民衆結合爲一的武力，是爲至要。

誥陝籍將領飭屬愛護陝民電 十六年二月十日

西安于總司令右任同志，鄧副司令寶珊同志，李總司令虎臣同志，楊總司令虎城同志，衛總司令總成同志，史師長可軒同志，三原田總司令淵初同志，洛川轉榆林井副司令崧生同志，請各轉所部師旅長同志均鑒：嵩匪肆虐，毒痛渭華，三秦民衆，久嘗痛苦。乃自西安解圍以來，自號爲民衆武力之軍隊，偶因少數不良份子，靡雜其間，或收野性難馴之輩，曾未訓育，紀律廢弛，達於極點。據地自肥者有之，恣意縱慾者有之，一切騷擾淫擄行爲，與敵與匪，曾不稍異。爲將領者，或稍自因循，或視爲常態，或又因其

他關係，隱忍包容，不加整頓；以致人民陷陷水深火熱之中，對於一般軍人，遂竟日益輕視，忿恨異常；此種實在情形，祇與諸同志共見共聞，可爲深痛！今日之事，必須吾人澈底覺悟，認真整飭。所有各部軍隊，務即加意訓練，其敗壞不檢份子，務即認真剔除，不再因循，不稍掩飾；庶使軍紀風紀，日見整齊，惡習惡名，相隨刷盡；如此則人民自可去其仇視之念，增其信仰之心，聞風興起，擁護吾軍矣。諸同志皆係陝人，祖宗墳墓在此，子孫族戚又在此，不特爲黨國前途計，爲桑梓福利計，對於陝民應加愛護；卽爲祖先子孫計，亦似不應厲民自養。苟不然者，民衆揭竿蜂起，肘腋全屬敵國，救死不遑，尙何勢力可言？詳嘗謂「軍隊不貴多而貴精」，又嘗謂「軍隊要少要好」，竊自信爲經驗有得之言。諸同志飽更變亂，正在採藥求艾之時，萬勿養癰貽患，終致噬臍無及，無任企盼！特披陳肺腑，請速圖之。

通令賠償倒斃民間駝騾電

十六年三月四日

我軍努力革命，原爲人民謀幸福；在此革命進程中，人民不惜犧牲一切，竭力援助，如有任何損失，自當設法償還。我軍自寧夏轉赴平涼西安等處，所有軍需物品，端賴民間車駝，以資轉運。惟跋涉數千里，爲時數閱月，各官兵對於駝騾，雖云時加愛惜，妥善喂養；然因疲勞過度，終不免有倒斃情事。茲爲體恤民艱起見，規定各部隊嗣後所用民間駝騾，如遇倒斃，卽行分別償價。計駝騾好者每頭五十元，次者

四十元，再次者三十元。騾子好者每頭五十元，次者三十元，再次者二十元。由各部高級主官，或本總司令部發給價價執照，令其持赴原縣領取，以示體恤。除令各該縣知事遵照外，望即轉飭遵照，爲要。

通令不准踐蹋禾苗電 十六年三月三十一日

現在麥苗滋長，秋田亦漸多耕種，農民朝夕勞苦，仰事俯畜，全在於茲，如或被人踐蹋，何異害其全家生命。況我軍所需糧秣，皆自人民供給，其惟一來源，全賴田苗之收成。倘不注意愛惜，無異自絕其糧。各部隊無論行軍駐紮，均不准踐蹋禾苗，及已下種之隴畝。即遇萬不得已時，亦須設法躲避。倘有故意違犯者，一經查覺，定予嚴懲，並罪及其該管主官。仰即飭屬知照。

令劉鎮華不可得罪農工羣衆電 十六年五月三日

陝州劉總司令雪亞仁仲同志大鑒：頃聞洛陽方面，有軍民交戰情事，甚爲惦念。查我軍乃民衆之武力，須爲大多數人民謀最大幸福，萬萬不可得罪農工羣衆，致貽無窮之患。我弟明達，希轉飭各部，特別注意及之，是爲至禱。

通令與民衆切實聯絡電 十六年五月五日

河南民衆，受軍閥及兵匪之壓迫蹂躪久矣。民氣沸騰，一發難遏。是以近來劉鎮華魏益三等部以

及奉軍，因擾民故，被地方紅槍會圍攻繳械者，數見不鮮。此次獨迭派代表，前來歡迎我軍出關，爲能解倒懸，出水火也。所有本軍前綫軍隊，務必與民衆切實聯絡，將武力建築在民衆身上，以期得其幫助，而收一致殺敵之效。至購買貨物，與民衆交涉事件，尤須和平有禮，聯絡好感。即目兵飲水之微，亦必隨時給錢，俾免騷擾。一切用款，准其隨時開報具領。總期一舉一動，均能愛護人民，使民衆咸知革命軍隊之精神紀律，迥異尋常，而能滿足其真正之要求及希望。庶幾勝利可操左券，革命成功，全在此舉。務須時時留意，處處小心，慎而又慎，以免滋擾。此事與軍隊之存亡有關，實爲根本性命之事，千萬仰即轉飭所屬，一體遵照，切實辦理，爲要。

誥石友三生活向簡單處學存心向百姓上想電 十六年五月五日

世電悉。軍隊之主人，乃是百姓；現在民窮財困，已達極點，吾人要爲主人設想，一切費用，力求節儉，少用一分錢財，即民衆少出一分血汗。「生活向簡單處學，存心向百姓上想」，如此則成爲與民衆結合之軍隊，所向無敵矣！望常向官兵講演，至囑。

令各部隊要有真愛民不擾民之精神電 十六年五月十一日

本軍努力國民革命，原爲解除民衆之壓迫與痛苦，軍行所至，必須具有真愛民不擾民之精神，方

足以表現是爲民衆之武力，而與廣大之民衆，相與聯合，得其幫助；若任意騷擾辱侮人民，勢必招尤惹怨，自取滅亡。故有紀律之軍隊，每戰必勝，以其愛民而人民助之也。無紀律之軍隊，每戰必敗，以其害民而人民恨之也。各將領帶兵有年，深知軍紀爲軍中之命脈，務必嚴確遵守，澈底作去；所發命令，務求見諸實行。尤應嚴密考察，鉅細不遺；確守紀律者，拔尤行賞，使整頓者益加奮勉；不守紀律者，雖微必罰，使墮落者有所戒懼；果能賞罰分明，自然軍紀嚴肅。而在前方部隊，所過之處，尤須秋毫無犯，以副人民來蘇之望。原在反革命勢力下之民衆，處水深火熱之中，盼救甚切，對於不良軍隊，痛恨刺骨。我革命軍人，亟應拔除惡根，爲軍隊換一新生命，然後人民愛戴，始有聯絡合作之可能，以完國民革命之全功。此爲根本性命之事，軍隊存亡所關，希即轉飭所屬，一體嚴加注意，是爲至要。

令修凌閣與好紳好官多多見面談話電

十六年六月六日

儉世兩電均悉。所擬集中訓練，令各縣編練自衛團辦法，甚好。惟該師長現在負有兼辦地方事務之責，務應與地方好紳好官，多多見面談話，以便詳悉地方情形，及人民一切痛苦，自易與利除弊，爲人民謀幸福也。對於民團，尤應派人指導，以免被壞人勾引。楊田趙李各部，勦匪出力，調查有功人員，迅速呈報，另有獎賞，此復。

### 令孫良誠協助農民收穫電 十六年六月十日

本軍此次出關，原爲民衆利益而奮鬥，軍行所至，應隨時隨地，援助民衆；在此戰爭期間，尤應特別注意。查在戰爭區域內，運輸頻繁，車馬徵發，多來自當地農村。現值收穫之時，農民多缺乏車馬，以致農作遲緩，不能迅速登場，早裕食用，使軍民均受其害。故本總司令前在西安，曾借出軍馬二千匹，分借當地農民協會，爲農民耕地；最近在華州、潼關、洛陽，次第舉行，均卓著成績，與民衆發生極好之善感。此時大河以南，已無敵踪，駐鄭軍，除留駐鄭，開外，應移駐負郭數十里內之農村，就近抽派軍隊車馬若干，援助農民收穫。但須注意組織嚴密，及乘機宣傳，自備糧秣，自行管理車馬，住宿公共場所，不犯農民忌諱，及如何招集村農大會，或就地宣傳攝影紀念等等，必須在事前籌備周妥，以免本欲助民而反擾民爲要。進行情形如何，應電告，并須有全部記錄備查。

### 通令前敵各軍實行三事電 十七年六月十三日

直魯克復，百端待理，撫綏民衆，尤爲急要。茲舉三事如左：（一）直魯兩省，迭受軍匪蹂躪，民不堪命；此後我軍所到之處，派往各地接洽人員，務須特別注意審慎，隨時宣布主義，與民更始。（二）嚴整軍紀，風紀，藉堅人民信仰。（三）我軍所到之地，亟須遴派得力人員，以粗淺通俗之語，切近人情之言，普遍宣

傳喚醒民衆，共同奮鬪。以上三端，事關切要，務望轉飭所屬，努力奉行，是爲至要。

通令愛護民衆電 十六年六月二十七日

據韓總司令復稟電稱：查有第三路十九師丁兵營副兵楊標，以得病落伍，在七里頭村民雷炳家中，該民夫婦，供給飲食，勤加調護，現已痊愈。又查奉軍潰退時，其第七軍落伍上士一名，百姓極端仇視，奪其槍械，並傷其頭部，刻已經第四路醫院收留診治。雷夫婦善待我軍病兵，已贈以「惠我軍士」四字匾額，以示褒獎。除通傳所屬外，電請鑒核等情。查同爲落伍兵士，而一則愛護周至，一則極端仇視，其待遇不同，即其軍隊愛民與不愛民之證據。各部隊務將此案情形，向官兵詳細講解，使知愛惜人民，實爲根本性命之事，務必切實遵行，勿稍疎忽，是爲至要。

令劉郁芬等飭查徵發商民駱駝車馬數目以備賠償電 十六年七月八日

查我軍年來在甘省各地徵發商民駱駝車馬甚夥，其中倒斃者爲數不少，亟宜詳爲統計一善後賠償辦法，以恤民艱。仰該總指揮鎮守使等，速飭蘭州寧夏平涼各處縣知事，詳細調查我軍年來在各該地徵發駱駝車馬數目，及車馬駱駝主姓名籍貫，分別彙報，以資稽核，而憑賠償，爲要。

通令行軍不可擾民電 十六年七月十六日

查行軍之道，首重安民，安民之要，惟在不擾。岳家軍凍死不入民宅，餓死不奪民食，不擾之謂也。故當其出師中原，兩河義士，樂爲前驅，所向克捷。此次奉軍以數十萬衆，奄有天下之半，然不數月而全體瓦解，遇戰輒潰者，考其失敗最大原因，亦不外素日所過之地，強佔民宅，強取民食，惹起羣衆反感，以致前後左右，皆爲敵人，遂不得不退耳。我軍此次實行革命，求全民之解放，謀羣衆之幸福，以民衆之武力，作黨國之干城，自應遠法近鑑，本不擾民真愛民之精神，引住民宅取民食二者爲大戒，以期不驚不擾，與民合作，用完革命全功。爲此電仰各部一體遵照，嗣後各部隊如有開動，均須攜帶糧秣，不准借住民宅，或向民間借取食物，以免滋擾。如有違犯，一經查出，定行嚴懲不貸，此達。

通令獎勵張麟祥督修河堤電

十六年七月二十一日

查陝西咸陽縣境內之灃河，屢屆伏汛，河水漫溢，田廬禾稼，全被淹沒，居民常以爲苦。久思派兵修理，爲民除害，祇以軍務倥傯，未能兼顧。每一念及，良用惻然。茲據報告：八師二十三旅旅長張麟祥，駐防該縣，見河堤崩壞，與居民安寧大有關係，乃親自派兵督工，將該灃河大堤，重新修整，長約十二丈，寬約三丈，故今夏伏汛，河水未致漫溢，人咸稱利等情。查修河築路，與民便利，本爲我軍應盡之責任，應有之工作。該旅長張麟祥，駐防咸陽，預防河患，將該處已壞堤防，重復修整，居民利賴，深堪嘉慰。着賞洋一千

元，交由該旅長張麟祥，分給在事出力官兵，以勵勳勞，並將該旅長記大功一次，以爲代民衆工作者勸。合行電令，仰轉飭所屬一體知照，此達。

通令應努力節儉愛護百姓電 十七年一月二十二日

按軍隊及官吏二者，皆不自耕織，一切取給於民，其所衣所食，所居所用，無一而非人民之脂膏血汗。今縱觀國內人民，歷遭兵燹，蕩析離居，餓不得食，寒不得衣，有房屋不得安居，有田地不得耕種，而我輩食民之膏，衣民之脂，反得飽食暖衣，安居坐享，清夜自思，能無慚愧！若復自奉奢侈，不加節儉，經理公款，復多虛耗，使用公物，不加愛惜，則是厲民自養，病國之靈，而害民之蠹賊也。我輩今日提出「一文錢都是老百姓的血汗，不准妄費！」「浪費公款一文錢者，就是反革命！」兩個口號，並非故爲過語，實觀察國內一般人民之困苦狀況，我輩服務爲軍人爲官吏者，萬不可不痛自警惕，以求良心之所安。孔子言「節用而愛人」，墨子言「節用愛民」，孔墨當春秋戰國之世，目覩當時一般敗類之奢侈無節，民生之愁苦憔悴，故不惜苦口倡導。墨子甚至主張絕去世俗之一切禮文繁儀，而歸諸衣食實用，摩頂放踵，利天下爲之。夫先賢者豈徒好自苦哉？實以救國救民，非實心實事，刻苦提倡，無以挽回頹俗，矯正一時之弊。今中國受帝國主義及賣國軍閥之重層壓迫，民衆疾苦，尤倍於春秋戰國之世，而國內奢侈之

風，方張未已。軍人官吏，職在保民安民，不爲提倡，孰爲提倡？是當力行孔墨之訓，苦下身段，以匡時弊。當事存愛民之心，處處行愛民之實，抱定犧牲利他之主義，不浪費，不虛耗，使用公物，處處合於實際，經理公款，絲毫必利民生。如此存心，如此作事，庶幾合於節用愛民之旨，而救國救民之事業，亦肇基於此矣。凡我軍人官吏，應切實努力節儉，切實愛護百姓，是所厚望。

令韓復榘愛民敬民救民電

十七年二月三日

東電悉。我軍愛民得民助，敵軍殘民受民害；民心鑿勝敗之數，於茲益信。以後整飭軍紀，望益在愛民，敬民，救民上，多用功夫。

通令仁民愛物爲軍人天職電

十七年三月十一日

我軍爲民衆謀利益，須各人從實行上做去，隨時隨地，要顯出革命軍人真正精神。現當禾苗發旺之際，最忌踐踏，業經嚴禁，並編成歌詞演唱，以期官佐兵夫共曉在案。除實行遵守外，并應特別加以保護。須知仁民愛物，爲軍人天職，萬勿視等具文，不加注意。合行電仰飭屬一體遵照，毋稍疏忽，致干嚴譴，爲要。馮玉祥歌。

通令幫助農民耕作辦法電

十七年三月五日

革命軍人，以民衆爲後盾，其重要關鍵，在於實行軍民互助，期博地方之同情。豫省連年兵匪，民間牲畜，多遭損失，現屆春耕將作，誠恐民力未易補充。凡我駐軍，自應就近加以助力，辦法如下：（一）駐軍牲畜，能耕種者，均須幫助農民工作。（二）先儘無力耕種及無人無畜之農民，加以補助，以昭公允。（三）無論人畜，均須自備給養與草料，不准絲毫擾累農民。（四）每日所派人畜及赴某村工作，均須列表呈報備查。合行電仰飭屬一體遵照。

### 通令革命軍人須以人民爲主電

十七年四月二十一日

查革命軍人，一舉一動，均須禮讓和平。而對待民衆，尤須有愛護恭敬之精神，斷不容稍有粗野，致失民衆歡心。乃有暫編騎兵第一師二旅二團一連傳事兵魯仲和，隨從掌旗官張延祿來汴，在南關雇用小車，事前未曾講價，事後以爭價目，致將車夫許國旺打有微傷。似此舉動粗暴，擅毆人民，殊屬可恨。着將該魯仲和釘鎖監禁二年；該掌旗官張延祿，縱兵滋事，着即撤差，監禁一年。該管連長高德福，教育無方；團長閻俊海派差不當，着即一併降爲代理。並將旅長張華堂，記大過一次；師長席液池，記過一次。以爲約束不嚴者戒。「革命軍人，須以人民爲主。」要於此十字注意。仰即飭屬一體知照。

### 通令力辦十事期爲民衆的武力電

十七年九月二十四日

查我軍與民衆結合成一個，是第一步工夫；而實作到是民衆的武力，是民衆的軍隊，是第二步工夫。現在第一步工夫，已經作到，必須努力，必須不斷的繼續努力，作到第二步工夫，是爲至要。其作法：即以官兵爲人民修路一也。爲人民掃淨街道各處污穢，二也。爲人民掘井開渠，爲人民修隄防水患，三也。爲人民種樹，四也。官佐辦平民學校數處，助人民識字，五也。爲人民辦一切救急事件，不論大小，與人民有利益即辦，六也。軍隊騾馬，多爲人民使用，或耕田，或拉物均可，人馬不准受人民給養七也。車輛須借給人民，載運種地肥料，及一切物件，八也。軍樂每日到民衆集地奏樂，以悅民心，九也。軍醫人員，須特別幫助民衆中無款治病之人，以期不生病，少生病，早愈病，十也。以上十事，各級官佐須視同性命根本之事，竭盡所有力量，因地因時，努力爲之，努力行之，爲要。（按此電係馮先生親筆稿）

通令幫助百姓掘井開渠電 十七年十月二十三日

現在西北大旱，人民困苦，已達極點。各官兵應實現爲民衆謀利益之精神，努力幫百姓掘井開渠。借騾馬給百姓用，各官長尤須認爲最重要之事，勿煩躁，勿輕視，至囑至囑。

通令助民耕種電 十七年十一月十六日

查本軍餉糈，取自民間，民人無食，軍何得飽？豫魯陝甘四省，入秋以來，數月未雨，旱魃爲災，麥子未

種。每一念及，不勝焦灼。幸近日各地均降透雨，貽我來牟，四野歡欣。特此通令各部，除負有勦匪任務者外，須乘此大雨之後，將所有人員馬匹，盡數分往鄉下，助民耕種。仰即遵照，並將辦理情形具覆，爲要。

令韓復榘切實整頓該部電 十七年十二月十七日

頃據確報，駐潼第一師砲工兵，尙知認真研究學術，但對民間未聞有任何工作。九月三十日，該師部伙夫等，乘船移駐陝縣，因船隻太多，船夫太少，即雇渡船拉夫。有船夫岳寶者，不願幫助，意欲跳水奔逃，該師部傳令兵劉萬里，竟開手槍，將岳寶右腿上部打傷。該師手槍營長李心平，親見船夫受傷，全不過問，急令開船，希圖了事。船開後，始由王縣長將該船夫送醫院調治。一般民衆，噴有煩言。似此行爲，殊背本軍素抱親民本旨。仰將該營長及傳令兵依法嚴辦，並即妥籌補救辦法，切實整頓，以保軍譽。至受傷船夫，即由潼關王縣長設法賠償醫治。望迅電告該縣長，爲要。

令孫良誠澈查馬鴻逵部擾民情形電 十八年三月十三日

據報告，現駐臨清之馬鴻逵部，藉口過陰曆年，向該處商會索借兩萬元，商會無法推阻，乃令各商店按生意大小攤認，現正籌辦中。該部欠各糧行糧價，達兩萬元，刻仍逐日賒運，糧行因而倒閉者數家。又所開操場數十畝，均係民田，麥苗全被踏平，商民怨望，各等語。如果屬實，尙復成何事體！仰即就近嚴

密澈查，據實呈報，以憑核辦，爲要。

令吉鴻昌多與民衆見面講話電 十八年五月二十二日

銜電報告四條，悉時局多故，地方治安，端賴軍民提挈，合力維持，務望我弟多與公正紳董見面，多與民衆見面，多講話，多問話，講話使其明白真理，問話可知其疾苦所在，此爲融洽感情，保障地方第一要着，望多多注意爲要。此復。

通令察省各縣長遇有收編匪類擾害地方情事發生應迅速具報令 二十二年

爲嚴令飭遵事：現值倭奴侵略，國難在急，整肅軍紀，尤爲首要。我同盟軍揭旗抗日，志切救國，爲民族爭生存，爲國家求獨立，凡屬袍澤，義憤同深。且我軍紀律嚴明，久爲社會公認。各部隊所到之處，愛護商民，維持地方，無不與紳民感情融洽。近查各部隊爲冀迅速成軍起見，竟有收編土匪，騷擾閭閻者。若不嚴行禁止，不惟與我軍譽攸關，抑與我抗日救國宗旨不合。并查土匪嘯聚，多係流氓無賴之徒，姦淫劫掠，無所不爲。其良心喪失，野性難馴。如果收編成軍，勢必藉以擾民。糾合匪類，即便成爲正式軍隊，則人人必欲爭當匪，爲升官捷徑。是不啻獎勵人民爲匪，則匪患更無法肅清矣。除嚴令各部隊，禁止收編匪類外，合亟令仰該縣長，即便遵照。嗣後如有收編土匪，擾害地方情事發生，仰迅速據實電報，以憑核辦，切切此令。

# 馮玉祥軍事要電彙編

## 卷十八 雜俎

令李興中以十七條轉告前方各將領電 十五年十月四日

支電報告已到平涼各節，均悉。茲有重要各事，應由吾弟分別告知前方各將領，茲條列於下：（一）請于右任同志，爲國民軍駐陝總司令，鄧寶珊同志，爲國民軍駐陝副司令，一切軍事民事，均由于鄧兩司令主持。（二）告于鄧兩司令，陝中二三兩軍，如何改良改編，請會議後，將一切辦法示知。（三）方馬孫劉各部，均歸孫良誠總司令指揮，以便事權統一，方軍長振武，馬師長鴻逵，劉師長汝明，孫師長連仲，均爲副司令。（四）我軍須在潼關挖築堅固陣地，防敵反攻。（五）藍田東南武關，爲通敵要道，須築工事。（六）須由二三軍派三五旅人，開往同州朝邑以北一帶，據黃河右岸設防，此事須與于鄧兩司令切商。（七）方軍長振武，如能到潼關防守，即以潼關鎮守使一職相煩。（八）渭南咸陽兩處，均須駐以重兵。（九）新兵如能招募，即可開始招募，惟須要良家子弟，識字可，不識字亦可。（十）軍隊固宜輸入主義，而喚醒民衆，尤爲重要。（十一）現款二萬元，已匯三原，交于右任同志，賑濟長安災民，由吾弟幫司辦理。

(十二)賞款十萬元。吾弟到前方後，可告孫良臣弟，不但方振武、馬鴻逵、劉汝明、孫連仲、孫良臣，五部分，即同攻敵人之二三軍，亦須酌量分給，爲善。(十三)此後接濟給養，及補充槍砲子彈等，此間已努力辦理。(十四)右任寶珊兩兄，有何難處，請即告知此間，自當力爲幫助。(十五)楊虎臣失踪一節，有無其事及情形如何，均請查明告知。(十六)子良省長，明日起程赴長安，同于鄧諸同志商量要事。(十七)咸陽以東之電報電話，無論如何爲難，須設法修復；在未修復以前，須速設立馬遞哨。以上十七條，皆係緊要之件，望分別告知，催促辦理，經過情形，隨時詳告，爲要。

告鹿鍾麟六事電 十五年十月十六日

五原鹿總參謀長鍾麟弟鑒：文成電悉。(一)借蘇聯汽車事，已由烏顧問切電倪大使，請切實幫助。(二)此間與庫倫無線電，晝夜暢通，甚爲方便。(三)由庫運物在哈拉更廟交卸，萬分不安。此間汽車，以缺乏汽油，形成廢物，已請能使設法多運汽油，以資應用；其在大批汽油未運到以前，尤須交涉送到五原，方能卸下。(四)機槍砲擊砲火發射器三項，務須極力運來；各槍械之附帶零件，必須同時檢齊起運。(五)醫藥品亦須令來車分運若干。(六)周營長世清，可令速到庫倫辦事。以上各事務，請抄交周營長帶交庫倫張陳遼照辦理。除逕電庫倫外，特此電達。

令劉驥辦理十一事電 十五年十二月七日

兩函報告各節均悉。茲復如左：(一)河南宣撫使之命，請即担任，努力進行。(二)在鄂籌設軍事學校，應速辦理。(三)國民政府各部委員，此間可徇中央雅意，酌派若干，請即明示，以便規定。我弟現可以全權代表出席。(四)經濟問題，最爲無法辦理之事。現我軍已於支日佔領潼關，敵分向河北南山潼關迤東三路潰退。惟西安圍久，城內甚多因糧絕而餓死者，慘不忍聞，尙須轉糧救濟。業已節省二萬元，匯請于右任趕辦急賑，又發起難民救濟會於本部及蘭州各處，以便募款，加以二三軍死守飢餓之餘，一切均須救濟。用途至鉅，萬非甘肅一省所可負擔。務請將此意詳陳國民政府，暨介石諸同志，火速將允撥之款匯來，並源源接濟，以救眉急，是所切盼。(五)弟在長江一帶活動，極有裨益，而豫皖魯鄂之聯絡，尤爲重要，盼弟萬分努力辦理。至補助同志之用款，亦須努力籌給，不可因此妨害大計。(六)現在潼關西安之部隊，爲孫良臣、孫連仲、劉汝明、方振武、馬鴻逵各部。馮治安師已由寧夏開拔，韓德元師、韓復榘師、趙守鈺師，已由五磴開拔。韓占元師駐寧夏。余即赴前方。(七)我軍策略，仍本和晉定陝撫甘計劃，並速謀鄂豫之打通，以便與黨軍連絡。(八)黨軍現時計劃及情況，均與此間戰略，關係甚鉅，請弟妥洽，明白告知。(九)前請購辦及補充槍械事，請注意力辦。(十)武漢滬上之宣傳，亦須注意辦理。(十一)包頭

無線電台，爲使用便利計，已拆移寧夏，盼轉告南中各處，以免發生疑問。以上十一事，務請查照辦理。未盡之事，隨時電商，爲要。

請方振武暫勿移動電 十五年十二月三十日

渭南方總司令叔平兄鑒：覽巧電，母任欽感。迴溯吾兄纓冠來助之時，正北方戰鬪劇烈之日，肝胆相照，欽服無量！其後弟雖遠游異國，每聞吾兄一路苦戰情形，無時不銘感在懷。吾兄鑿戰經年，勞苦極矣！但國步方艱，籌寇憑陵，氣勢正張。吾輩効力國事，正如負重上坡，不上不下之際，若一鬆懈，顛蹶可慮。斷難容吾輩休息，以影響於大局，想吾兄當有同感也。久別思晤，彼此正同，但弟赴西安，尙未定日。此時同州方面，麻老九部，猶在負隅，軍事緊急，大旆暫勿移動。俟弟到西安時，再與兄約會，藉謀良覯也。特覆。

令孫連仲辦理四事電 十六年四月二十日

龍駒寨孫總司令連仲弟鑒：茲有最關緊要者四事，希即分別辦理：（一）該總司令以全力担任運輸事宜，應細心籌畫，以期迅速確實；希將運輸計劃，規定具報。如人員或隊伍不敷分配時，須速來電請派。（二）對張聯陞部，須切實聯絡感情，俾於運輸上，不致發生障礙爲要。（三）對於袁寶德劉世傑等，以能勦滅一二部爲宜，但須十分秘密，用迅雷不及掩耳之手段，以出其不意，攻其不備，八字爲要訣，望

善體此意行之。(四)張耀樞師長已率兩旅東出，到達洵陽附近，請與聯絡切屬。

#### 令劉郁芬慎購馬匹電

十六年五月六日

查馬匹爲軍中要素，購買之時，稍一不慎，貽害匪淺。望告知購馬人員，萬分注意挑選。對於體格是否強健，五官器是否有暗疾，口齒是否有僞假之弊，必須精密檢查，詳細選擇，不憚煩勞，切實認真辦理，爲要。

#### 令方振武轉告劉鎮華勿事懷疑電

十六年五月七日

靈寶方總司令叔平同志鑒：魚電悉。刻唐總指揮率兵十二萬猛攻鄭城，奉方決無力助劉；我方對劉須使其挑起青天白日旗幟，表明態度爲要，免多樹敵。宜多方使之明白本軍入豫，第一步即在援助本軍駐豫總司令劉雪亞，共同努力革命，並無他意，不必稍行懷疑。本軍將不利於彼。請告劉雪亞總司令，革命黨對人，只問其是否革命，以定敵友，絕不肯以槍口向着同志的軍隊亂打也。革命與不革命，只一間耳！雪亞是創造民國之一人，請其自裁，幸勿遲疑。

#### 通令選派偵探以土人爲宜電

十六年五月二十三日

查行軍戰鬥，偵探最爲緊要。須選擇當地靠得住的土人，派爲偵探，方能明悉地形，熟習情事，探得

信息，達到任務，收事半功倍之效。望切實注意利用，爲要切囑。

致馬吉第特派鹿薛代表協商軍事電 十六年六月四日

鄭州馬軍長同志勛鑒。支電敬悉，歡忻莫名。朔方民衆，爲軍閥所苦久矣，九死一生，急待解放。同志奮起中州，拚命殺敵，義師所向，當者披靡，勞苦功高，無任傾倒。弟此次追隨諸同志之後，共除害民之賊，所賴友軍努力，民衆歸心，故得與諸同志會師中原，黃龍痛飲，惟奉魯殘部，現仍盤踞大河以北，我革命軍將士，亟宜乘勝直追，務求一鼓盪淨。茲特派鹿總參謀長鍾麟、薛委員長篤弼代表致候，奉商種切，並慰問貴軍官兵全體同志，諸祈就近賜教，共策進行，使北伐大業，早告成功，是所至盼。前者敵部邱斌同志，被陷汴垣，深蒙懋蔭，得慶更生，高誼厚情，無任感謝。

令劉郁芬八事電 十六年八月十九日

報告甘省一切軍政庶政設施，及擬辦各節，均悉。茲分條電覆如下：（一）槍械已撥兩千枝，尙有一千枝，俟運來時，再爲撥發。（二）甘省徵兵，可暫停止。宋門兩總司令，囑購軍馬，着毋庸撥。（三）所徵土著之兵，須調查其住址籍貫，家中人口營業，並用五人連環保法，以嚴防逃走。（四）潛逃返甘之兵，須認真查緝嚴辦。（五）該總指揮親身訓練部曲，且與士卒共同甘苦，繼之以不倦不厭之精神，實良將應有態。

度。(六)辦黨人材，當予選派。(七)造布廠，係缺何種原料，着開單列報，以便代購。(八)田春芳已升師長，是項部隊，宋總指揮如果東行，便須相隨，不必合編。關於訓練一層，吾弟以主席資格，可就近督飭管教，不可稍分町畦，存客氣之心。此覆。

與劉鎮華論安危與共電 十六年九月十三日

蘭封劉總司令雪亞弟鑒：讀兩文電，備悉一切。敵軍既有進犯之樣，請我弟一面準備進攻，一面研究守城辦法。我軍準備妥當，即先進攻，否則，應守城爲要。所云款彈棉衣給養四項，除子彈一項，來源缺乏，實不易籌，但並非吝而不與外，至款項棉衣糧秣三項，已責成財政司及薛廳長，極力趕籌。今日之事，吾弟與兄，共舟而濟，安則俱安，危則俱危，存亡一體，彼此皆無有不竭力者也。此種情形，尙須吾弟與部曲諸將士，多多見面講解，爲要。

請彭振國來豫參加北伐電 十六年十一月十五日

漢口彭軍長曉秋同志勛鑒：夙共患難，時切懷思，回首前塵，彌增感奮。往者黨國紛糾，遷延未決，殘餘軍閥，遂得肆其猖獗，子遺同胞，因仍陷於水火，此弟所每引爲痛心太息者也。頃聞孟瀟下野，何劉李諸軍退向長岳，武漢三鎮，賴兄維持，吾黨內部問題，已可告一段落，正須長驅北伐，直搗燕遼。此時留鄂，

似不相宜，既無用武之地，且負討奉之心。不如趁此時機，率隊來豫，參加北伐，同掃胡塵。建設賊除暴之奇勳，符救國救民之素志，黨國前途，實深利賴。屬在同志，敬布腹心，江天在望，延佇爲勞。茲派張處長壽桐趨謁台階，代爲慰問，即祈賜治惠教，是所企禱。

勸楊彪勿萌退志電 十六年十二月二十九日

太和楊軍長虎臣同志大鑒：徑電藉悉。同志肝膽照人，堅忍誠勇，努力革命，樹績尤多。去歲長安被圍八月，幸賴同志堅忍苦守，始克保全革命之根據地，功在黨國，欽敬殊深。今夏大軍東進，鄭汴會師，同志朝奉軍令，夕出潼關，敵愾同仇，毫不反顧，自抵豫東，屢挫敵鋒，敵不得逞。雖因衆寡不侔，致受損失，然進退爲兵家常事，其毅勇之氣，固自上薄雲霄，凡在同袍，未有不聞風欽服者也。至祥對於同志，知之素深，而敬佩之忱亦特摯。嘗謂革命軍中之將領，若能盡人皆如同志，北伐大業，早已成功，中國之獨立自由，亦必早已實現，是說也，質之儕輩，定無異議。方今北伐進展，極爲順利，徐州克復後，何總指揮敬之同志所部，積極北進，已過韓莊，我軍大部渡河，日內即將會同百川敬之同志，分道進攻，北伐成功，在此一舉。國民革命之初步，爲剷除賣國軍閥，軍閥一日未滅，即吾輩之責任一日未盡。今當剷除軍閥之時，而又值一贊功虧之際，如果遽行引退，匪特非吾輩共事革命之初衷，抑亦非同志出關殺賊之本志。務請

勉爲其難，繼續奮鬥，戰勝環境，共殲頑敵，萬萬勿萌退志，致墮全功。吾輩患難至交，赤心相接，有何困難之處，此間無不竭力設法。切盼用苦守長安之精神，排出一切故障，藉完本黨使命也。覆佈腹心，相期共勉，旌麾東望，不盡神馳！

歡迎白崇禧率隊北上電 十七年一月一日

鑒電敬悉。同志黨國柱石，建樹崇隆，年來轉戰萬里，奠定邦基，勛猷丕懋，敬佩萬分！茲聞節旌蒞漢，即將揮戈北指，直搗幽燕，佳訊傳來，士氣益厲。吾輩革命軍人之唯一職責，厥爲實現三民主義，奉魯未滅，障礙不除，主義雖好，何由實現？同志襟懷磊落，智勇兼備，夙所欽慕，獲與共事北伐，深幸指導有人，玉祥不禁爲黨國前途慶。謹代表全軍武裝同志，竭誠歡迎，請速命駕！尊電已轉百川同志，知注并及。

賀楊樹莊奉令會師北伐電 十七年一月六日

奉讀國民政府一月三日令，決定繼續北伐，着同志與介石百川兩同志及弟督率所部，刻日會師等因。聞令之下，忻快奚似！黨國多故，迭起糾紛，北伐大功，僅虧一篑，幸賴同志轉戰撥亂，得保金甌，功在黨國，萬分敬佩！茲當大舉北進之際，同志承政府之重寄，領導北伐，額慶良深。玉祥銀鉅同膺，深慚齋鈍，務請時加指示，共濟同舟，母任感禱。

告方聲濤軍事情形電十七年一月十九日

福州方主席韻松同志勳鑒：送別以後，條逾兩月，篠電遙頌，如親丰範。吾兄主持閩政，式換新猷，桑梓敬恭，南天懋績，風聲遐聽，忭賀良深。此間兩月以來，無日不與賣國軍閥奮鬪血戰，幸賴黨國德威，民衆協助，去歲十一月之交，東路一役，俘敵三萬，敵人傷亡稱是，魯張經此慘敗，幾已不能成軍。月來大軍渡河，長垣濮陽濮縣，相繼佔領。弟元日來河北督戰，彭德已于篠辰克復，軍事進行，極爲順利，預計與百川同志會師石莊，爲期當不在遠矣。知注併聞，請時賜教！馮玉祥皓。

賀阮玄武整軍北伐電十七年二月十二日

礪山阮軍長又玄同志大鑒：魚電誦悉，同志整軍北伐，師次礪山，英勇猛進，曷勝欽佩！此間自曹汲兩城攻克後，後顧無憂，專力北進，先頭部隊，即抵礪州。閩總司令百川同志，積極籌畫，準備反攻，會師石莊，指顧可待。當此一篲功虧之際，正是努力猛進之時，一切艱難困苦，皆當設法排除，而節用愛民，即爲排除困難之唯一方法。身體力行，願與共勉。特復佈臆，時盼好音！

覆白崇禧派黃中漢接洽軍事電十七年二月二十六日

寶慶白總指揮健生同志勳鑒：號辰電敬悉。自吾兄整軍西征，大張撻伐，以遠征之師，攻強悍之敵。

兼旬之間，迭克重鎮，三湘奠定，指顧可期，引領雄輝，額慶無已！黃參謀長中漢，趨候鈴轅，至所盡量指示，毋任企禱。此間戰況，已將河北之敵肅清，南樂觀城一帶，亦無敵人踪影。日前蔣總司令來汴，對於北伐大計，業經商定。此後指揮統一，動作敏捷，最短期間，當可合力進攻，共完使命也！江天在望，無任馳懷，專肅奉復，時企德音！

致李宗仁派黃中漢接洽北伐電 十七年三月十一日

北伐準備業已就緒，即日大舉進討，此役實爲革命軍事成功關鍵，甚盼吾兄統率雄師，早日北來，增厚力量，共定大局，救同胞于水火，謀安國之新猷，翹首漢皋，曷勝企盼！茲遣黃參謀長中漢，趨詣戟門，面達鄙忱，敬祈賜教爲禱。

請白崇禧早日北上電 十七年三月十四日

真元兩電敬悉，西征大定，南顧無憂，細想賢勞，曷勝企念。方今北伐未竟全功，渠魁尙稽顯戮，深盼我兄早提江漢之雄師，共剪燕藩之殘敵。我兄志切同仇，情殷殺賊，提劍揮鼓，百尙戰有餘威，掃穴平庭，一勞庶可永逸。所望排除萬難，即日北來，遙瞻棨戟，甚於望歲！

通令普通事項均用代電呈報電 十七年四月六日

現在大戰開始，軍報往來，最貴敏捷。茲爲免除電報擁擠，俾軍報得以隨時暢達起見，特規定辦法如下：（一）各將領每日之工作報告，概用快郵呈報。（二）本總司令不屬於軍事之電令，非明令電復者，准用快郵呈復。以上兩項，除有特別事故，及急須請示之事項外，均應一律遵辦。一俟戰事結束，再行通令恢復原來辦法。仰各轉飭遵照，爲要。

通令詳釋對蔣中正用鈞鑒字樣電

十七年四月十二日

查作戰期間，最貴軍權集中，指揮統一，否則，集數十百萬大軍於疆場之上，此進彼退，各自爲政，未有不敗之理。我革命軍軍制，以軍事委員會及國民革命軍總司令部爲最高統御機關；前者司軍政，後者司軍令。凡編入北伐戰鬪序列各部隊，悉歸國民革命軍總司令指揮；其未編入戰鬪序列者，國民革命軍總司令亦得隨時請求軍事委員會調動加入作戰。國民革命軍總司令之下，乃爲編入戰鬪序列之各集團軍總司令，各方面軍，各軍團總指揮，各軍長，各師旅團營連排長，系統詳明，不容稍紊。我第二集團軍現經編入戰鬪序列，歸蔣總司令指揮；故凡有軍令之函電，本總司令對蔣總司令應用呈報，體制攸關，分所應爾。乃日前蔣總司令賜書，謂吾兄於弟爲長上，彼此應用通報，不可稱爲鈞鑒，致心有不安；吾輩革命，在精神與道義，不可拘於形式云云。此固蔣總司令搢謙爲懷，吾儕則益當警惕自慎。余

與蔣總司令，在私我爲長兄，在公彼爲長官，公私關係，必須判明，道義體制，並行不悖；矧在軍隊，必須有上級下級之分。歐戰期間，協約國合攻德國，各自爲戰，連年不克；迨共推福煦大將任總司令，集中軍權，統一指揮，遂覆德軍。我革命軍自廣州出發時，才數萬人，一年之間，即奠定黃河以南。其後軍額遞加，近二百萬，乃反徘徊江河之間，曠日持久，坐令渠魁肆虐；其所以地益擴，勢益張，而轉不能進展者，則亦因前此軍權能集中，而後則指揮不統一也。夫羣龍無首則不行，蝮蛇尾大則不掉。試觀彼禍國殃民，土匪烏合之奉魯逆軍，猶知置一僞大元帥以指揮諸部，抵抗義師；我救國救民之革命大軍，何可無一最高之司令官，統一指揮耶？此次大戰，爲我革命勢力與反革命勢力之最後生死關頭，凡編入戰鬪序列各軍，對蔣總司令，義應絕對尊重，絕對服從，不可稍存不欲下人之心，自壞萬里長城，致大局不可收拾，而陷於自殺之境。須知滅六國者非秦，實滅於六國之互相爭長。吾人凜懷古訓，應有覺悟。余已以此意懇切函復蔣總司令，約定私件往來，可稱弟兄；軍令授受，必分上下。服從乃係軍人天職，公義未可狃於私交。正因吾輩革命，在精神與道義，乃能不以個人關係，奪軍令之尊嚴也。茲特詳釋此義，仰飭所屬一體遵照，爲要。

與李宗仁論防樊鍾秀原委電 十七年四月十四日

元電敬悉。承示樊部之舉，想係誤會；當此大舉北伐激戰之時，內部萬不宜自相破裂，切盼隱忍小故，顧全大局等語。金石之言，無任拜服。惟弟自念絕無開罪醒民之處，渠獨樹一幟，不受任何方面統轄，盤據豫南，儼成敵國，迭對弟部挑釁。弟隱忍退避，至再至三，原冀醒民幡然覺悟，毋自毀其歷史，區區苦衷，諒邀洞鑒。不意當弟部大舉北伐開始之際，樊軍竟乘機蠢動，擾亂後方，勾結豫南豫西之匪，分襲葉縣登封襄城各縣，自上月儉日起，呼嘯北犯，得寸進尺，經過情形，業經迭電奉達。弟爲團結內部，顧全大局，迄未追擊，惟飭所部嚴行戒備；一面呈報政府，請示辦法；其不願以小不忍而亂大謀之意，與我兄所以教弟者正同。目前如有妥善辦法，能制止醒民謀亂，即命弟對醒民負荆謝罪，弟亦自甘委屈，不敢自惜。無如渠已確受奉軍收買，鉅款既經到手，遂不得不背叛黨國，爲奉軍內應耳。時機迫切，大局攸關，諸公高瞻遠矚，無微不至，敬懇主持公道，是所切禱。

查禁軍官學校官長分立派別電 十七年四月二十三日

開封吳處長錫祺弟，張師長自忠弟，張校長駿弟均鑒：查學校爲育才之地，教官乃表率之人，爲教官者，應如何對於教授課程，互相研究，開誠布公，樹立模範，用收教學相長之益。乃近聞開封軍官學校各官長，有因學系之不同，分立派別者；此風一開，則黨同伐異，顛倒是非，其流弊當有不可勝言者。亟應

嚴禁，以除惡習。着即就近嚴查，果有此項情事，應即重懲不貸。此間亦當不時派員前往密查。仰即認真查辦，勿稍瞻徇，是爲至要。

請何應欽向軍委會建議兩端電 十七年八月二十七日

茲擬請在京向國府軍委會提出兩建議：（一）高級官員經過各地，所有軍隊及地方官吏，除去有特別情形者外，一概免去迎送，以除去官僚惡習。（二）陸軍大學，添設特別班一案，已蒙軍會通過，現詳章不知已否訂定額數若干，應否考試，但鄙意以有勛功而不考爲較宜。以上兩事，敬請就近助成，並祈賜覆爲禱。

令鹿鍾麟韓復榘速辦七事電 十七年十一月二十六日

茲將應注意速辦之事，條列如下：（一）光、潢、固、息、商，爲豫南最富庶之區，該地駐軍，固應紀律嚴明，接近民衆，而地方各項官吏，如收稅人員等，尤須選廉明勤慎者，始能收整頓之效。（二）信陽以東各縣，伏莽潛伏，紅槍會未靖，必須注意防範。（三）任應岐軍隊所駐之地，游勇土匪，所在皆是，必須設法肅清，以安地方。（四）信陽各縣，魏益三遭失敗於前，龐炳勳中奸謀於後，而賈德潤且爲該處所害，其地方人民，目無軍隊，目無官長，證以往事，實可概見，必須注意除暴安良之事。（五）信陽以東各縣，

財政人員太多，收款有限，徒招民怨，應詳細查察，設法歸併。(六)聞三河尖存鹽多不能運出，鹽務處不知所司何事，應會同該處長蔡鴻珂設法運銷，俾益收入。(七)商城縣知事，應速撤換。以上各條，均關重要。現在信陽汽車，八小時可抵固始，望即多帶衛隊，酌備汽車，偕同前往，對於以上各事，分別進行，迅速辦理，並可藉此機會，爲軍隊講話，及查看地方一切興革事宜。何日前往，並先電覆，爲盼。

令秦德純查辦三事電 十八年二月三日

茲將在開封應辦之事，分列如下：(一)聞開封軍官學校，教官多有意見，究竟有何意見，請密秘查明電復。(二)軍紀爲軍中命脈，聞開封市上官兵上街者甚多，亦不帶牌，不知是何部軍隊，應即詳查，與該管主官，商定辦法，注重紀律。(三)開封各病院，尙有官兵若干人，刻值冬令，其衣服被褥，及屋內爐火，是否完善，望即同吳處長錫祺，偕赴各院，代余查視，並爲訓話。以上各事，望即查照辦理，隨時電復，爲盼。

誥各將領勿輕信謠言電 十八年六月二十日

據報，河南方面，來人甚多，專事布散謠言，到處煽惑。當此時局不靖，奸人乘機造謠，希圖擾亂軍心，自是敵人慣技，稍一不慎，即行墮其術中，關係至鉅，爲害匪淺。應由各級主官，加意嚴防，密秘查察，萬勿

輕聽謠言，破壞整個團體，致誤大局，爲要。

與梁壽愷論交友電 十九年九月八日

齊亥電誦悉。蒼青圖謀軌外，吾兄已燭先機，昔鹿總司令曾述兄言，所以隱忍而不發者，原欲冀其一朝覺悟，全始全終耳！不意執迷若是，曷勝痛惜。吾輩交友，名分一定，便應肝膽相照，終身不渝。但有一最大要點，即須同向救國家救百姓一個目標上做去。以此立身，並以此義擇友，願終身守之而無失，並以此勉吾知友共守也。區區之忱，敬希諒察！

通令力崇節省養成儉樸風尙電

查本軍努力國民革命，原係爲人民謀利益，除痛苦。際此地方初定，民困未紓，邑有死亡，野無青草；凡我同志，務要力求節省，體念物艱，以減輕人民之負擔。人生所必需者，以衣食住爲三大要素；以言乎衣，其功用，在保溫蔽體；故宜求質樸堅韌，不可華侈美觀，效紈袴子弟之所爲。以言乎食，其功用，在果腹充飢；故宜淡泊自甘，雖啖粗糲，嚼菜根，亦能甘之如飴，不可日食萬錢，徒適口腹之欲。以言乎住，其功用，在蔽風雨，藉棲息；故房屋但求構造堅固，開朗清潔，不必大廈高樓，過於舒適。各省政府主席，各高級將領，尤應本此力行，以身作則，爲僚屬之表率，與士卒同甘苦，則上行下效，不難化俗成風，以表現革命之

眞精神。近查軍政各界，習尚日趨奢華，尤以軍人爲甚。以服裝一項而論：各部隊官佐，每多標奇立異，有敢違令戴皮帽者；有內着軍服，而外披便衣大氅者；有穿洋裝者；有着絨球鞋者；種種不良現象，完全消失本軍歷年來質樸之良好精神。似此奢風，萬不可長，亟應嚴加整飭，以期節省物力，養成儉樸風尚。仰各轉飭所屬一體遵照，是爲至要。

### 通令破除迷信電

革命同志，應以眞理救國救民。凡昔日所有一切迷信：如相面、算卦、看風水、求籤、算八字等等，均應悉數破除，以免稍留遺迹，前已通令嚴禁。此時應由各軍官佐及縣長，實地宣傳，破除迷信，使人民增進科學知識，納入正式軌道，不但免除紛擾，且可考查民隱。此事關係重大，各官佐及行政人員，應萬分注意，爲要。

